

6

41 b

41

6

15

F

38

0-41-6-41





15

5

20

PAVLLI  
MANVTII  
EPISTOLARVM  
LIBRI XII

*Vno nuper addito.*

EIVSDEM  
QVAE. PRAEFATIONES  
APPELLANTVR.



*1.º Codex  
Vatic.*

*2.º Codex  
Vatic.*



*Mondosissimus Codex hic & illic emendatus a P. Comoglia.*

VENETIIS,  
Apud Io. Griffum. MDLXXXIIII.


PAVLI  
MANVITI  
EPISTOLARVM  
LIBRI III

NO IMPER. ADHUC.

BLDG  
F  
M  
N

ELVSDM

QV AE. PRAEFATIO  
ALPHELVANVA.



VENETIS.  
Apud Io. Gualtero. MDLXXIII.

PRINCIPI  
ILLVSTRISS.  
ET. EXCELLENTISS.  
IACOBO

BONCOMPAGNO

LITTERATORVM. MAECENATI

AMPLISSIMO

ALDVS. MANVTIVS  
PAVLLI. F. ALDI. N.

STVDII. GRATITVDINIS. OBSERVANTIAE

ERGO

HOC. PAVLLI. PATRIS  
EPISTOLARVM. PRAEFATIONVMQ.

VOLVMEN

NVNCVAT. DICATO



PRINCIPALI  
 ILLUSTRISSIMO  
 E. EXCELLENTE  
 IACOBO  
 BONCOMPAGNI  
 LITTE RATORVM. MACEDONIAE  
 A. M. P. I. S. S. I. N. O.  
 A. I. D. V. S. M. A. N. V. A. T. I. S.  
 PAVLE. F. ALBI. N.  
 STEPH. GRATI. ADINI. OSSER. A. N. I. L.  
 E. R. G. O.  
 HOC. PAVLE. PAVLE.  
 EPISTOLARVM. PRAEFATIONVM  
 V. O. L. V. M. E. N.  
 MANCVAT. D. I. C. T. O.

A D. ILLVSTRISS.

ALBERICVM. CIBO

MALASPINAM

MASSAE. ET. CARRARIAE

PRINCIPEM

EX



X. ris artibus, quae  
merito Liberales ap-  
pellantur, excellere  
duas in primis, Lit-  
terarum scientiam,  
& Rei militaris praec-  
stantiam, in omni ac-  
tate, omnium consensu iudicatum est:  
vtra vero ex his ipsis illustrior, vtra ma-  
gis expetenda sit, & quaesitum aliquan-  
do est a magnis viris, & minime tamen  
adhuc plane videtur explicata delibera-  
tio. nam, vt orium, & pax, sine quibus  
literae non consistunt, armis compa-  
rentur: tamen nec ipsa feliciter satis ar-  
ma tractantur, nisi adsint illa, quae ma-  
gna ex parte a litteris petuntur, consi-  
lium



lium, ordo, prudentia, animi praete-  
 rea ita ratione temperata magnitudo,  
 vt, sicubi periculum occurrat, metus  
 pariter ac temeritas absint: itaque con-  
 stat, quae nationes bellica gloria cla-  
 ruerunt, in iisdem viguisse studia do-  
 ctrinae, vt in Graecia, quae Persarum  
 innumerabiles exercitus non modo su-  
 stinuit, verum etiam fregit, atque pro-  
 fligauit; ipsa vero numquam vinci, ni-  
 si a se ipsa, potuit. domesticis enim &  
 diuisa discordijs, & infirmata bellis,  
 non tam Philippi, Macedonum Regis,  
 virtute, quam proprijs percussa viribus,  
 afflictaque corruit; Romana vero gen-  
 te quae fuit vlla vniquam gens aut bel-  
 li gerendi scientia, ac fortitudine prae-  
 stantior, aut ijs praecipue litteris, quae  
 rudes animos humanitate informant,  
 exulta diligentius? hinc illa magnus  
 ducum Excellentium, quae Romani  
 terminos imperij quam longissime pro-  
 tulit, Catones, Aemiliani, Sullae, Lu-  
 culli, Caesares, quos historiae mirabi-  
 liter laudant, nec tamen ita, vt eorum  
 merita laudes vllae satis adaequare vi-  
 deantur. Age, Macedonum tot victo-  
 riae, tot militaria decora vnde fluxerint  
 si quis interroget; quid respondebimus?

hoc



hoc primum, vt opinor, ab Alexandro  
duce: is enim Asiam perdomuit uni-  
uersam, & ad intimos etiam Oceani re-  
cessus penetrasse fertur: deinde illud,  
a phalange, quae fuit acies in exercitu  
firmissima, quod vtrumque si spectetur,  
ac perpendatur accurate; non exiguam  
fortasse bellicae laudis partem litterae  
sibi vindicant. nam Alexandrum a pri-  
mis annis disciplina erudit Aristotelis,  
& ad eam tum animi, tum ingenij prae-  
stantiam, quae postea res illas, omnium  
opinione maiores, & aggressus est, &  
confecit, praeceptis philosophiae pul-  
cherrimis extulit. Phalangem vero,  
eiusque artem struendae ab vno primū  
Homeri poetae versu manasse, Doctis-  
simi homines memoriae prodiderunt.  
Ergo vicissim & a litteris adiuuantur.  
arma, & ab armis litterae sustinentur.  
quod si, vbi quaesitum armis imperium  
est, ibi artes illae vigerent, quae litte-  
rarum vlu cognoscuntur: conseruaren-  
tur facile studia ciuium, ac populo-  
rum: & in communi omnium concor-  
dia, nullus vnquam externis viribus ad  
labefactandam publicam rem locus  
esse posset. quod contra & in Graecia,  
& apud Romanos, & vbiuis gentium

accidisse, atque accidere quotidie, videmus. Neque solum in vna ciuitate, aut in vna etiam gente multos, sed vix in linguis familiis singulos, qui vtramque laudem adamauerint, & in vtraque pariter excelluerint, reperire difficillimum est. vnum quidem non modo nostra tempestate, sed multorum saeculorum memoria, historiae celebrant, quem vere phoenicem inter omnes Europae vniuersae Principes licet appellare, Laurentium Medicum, proauum tuum: cuius, nescio, plus ne virtus in bellis, an in pace sapientia, ac moderatio enituerit. nam rem Florentinam, saepe aduersa fortuna nutantem, confirmauit, interdum malis prope extincta vnus ipse non modo restituit, verum etiam vehementer auxit. tranquillis vero rebus, ornatu patriam, munuit legibus optimis, atque institutis: iustitiam praeter ceteros, ac temperantiam publice, priuatimq. coluit. liberalitate, si quis vnquam, delectatus est: cuius fama longinquas regiones peruagata, barbaras etiam gentes, & religione diuersas, illi conciliauit, multosque, aliqua modo virtute nobili ve arte insignes, in urbem Florentiam perduxit. Et, vt alia vel in patriam,

vel

vel in singulos non vulgaria merita o-  
mittantur, quis miseram Graeciam, suis  
sedibus Othomanorum iniuria pullam,  
supplicem, atque egentem hospitio ex-  
cepit, benignitate subleuauit, perpetuo  
studio fouit, ac tutatus est? vnus eam lau-  
dem sibi vindicat, vnus in Italia Grae-  
cas litteras, & praeclara doctrinarum  
studia Laurentius Medices excitauit :  
cum & ipse pro ea, qua excelluit, crudi-  
tione acerrimus esset ingeniorū aestima-  
tor, & naturae quodam impulsu ad be-  
neficentiam magnopere propenderet :  
vt mirandum minime videatur, si, tan-  
to patre genitus, domestico tam illustri  
exemplo commotus, Leo X, Pontifex  
maximus, omnes liberales disciplinas  
praemiis extulit, atque ornauit amplis-  
simis, effecitque, vt aliquando Romam  
in vrbe Roma liceret agnoscere. In tua  
verò paterna gente Cibo, & in materna  
Malaspina, mirabilis omnium virtu-  
tum in omni aetate fuit exercitatio. &  
ne illa nimis vetera ex annalibus fide di-  
gnis repetamus, iam inde ab eotem-  
pore. cum, Graecorum Imperatorum  
aetate, opidum Pera, quod proxime  
Byzantium situm est, Genuenses obti-  
nebant; quo tempore summis hono-  
ribus,

ribus, & copijs maiores tuos floruisse  
constat: aut, cum Mucius ille Cibo,  
plane alter Mucius in tuenda patriae sa-  
lute, triremibus priuato sumptu com-  
paratis, atque instructis, Pisanos, Ge-  
nuensium rebus acriter infensos, in Sar-  
dinia profligauit: sexcenta praeterea in  
Genuensium Remp. merita, in qua e-  
tiam Gulielmus Cibo Cruce rubea, pu-  
blico insigni, virtutis ergo decoratus  
est: haec vt omittam & illa, quae auo-  
rum nostrorum memoria gesta sunt,  
attingam; Aranus, Aaron in historiis  
nominatus, equestri dignitate ornatus,  
Romani Senatoris titulo insignis, an-  
tiqua ille quidem suae gentis nobilita-  
re clarus, multo tamen suis laudibus il-  
lustrior, qui nihil vniquam in vita non  
egregium, non amplum, non ingenuo  
nobilique viro dignum aut cogitauit,  
aut fecit, is, qua tempestate Renatus An-  
degauenlis Alfonso Neapolitanorum  
Regi bellum intulit, in eo bello, quaecu-  
q. a summo duce munera postulatur, ea  
fortissime praestitit, vsq. eo, vt Renatus,  
Neapoli potitus, cū pro Rege, iure sum-  
mo, ac potestate amplissima, constitue-  
rit quo in imperio ita se gessit abstinēter,  
ita iustitiam est complexus, vt, cum, ad  
Alfon-

Alfonsum, rursus victoria inclinasset, af-  
flictis renatisque partibus, exceptus ab illo sic  
honorifice in prius, ac splendide: quem-  
que apud Renatum antea, eundem a-  
pud eum quem saepe armis laeserat,  
saepe in discrimen vitae adduxerat, &  
dignitatis; & gratiae locum obtinue-  
rit. Ex hac tantarum virtutum praestan-  
tia filius eius, ad optimam naturam op-  
tima voluntate adiuncta, documenta  
sumpsit ad vitam laudabiliter instituen-  
dam, & iis artibus excolendam, quibus  
postea maximam adeptus & virtutis, &  
probitatis opinionem, Pontifex, appro-  
bante Deo, fauentibus, atque incumben-  
tibus hominibus, creatus est. Nec se po-  
stea, ut multi, sui dissimilem praebuit;  
sed quantum antea contenderat, ut in  
studio virtutis omnes anteciret, tantum,  
ut se ipse in omni laude vinceret, &  
studuit, & consecutus est. itaque, que  
admodum ei non modo ad obtinen-  
dam Cardinalis dignitatem, verum  
etiam ad Pontificatum, antiqua maio-  
rum existimatio, & clarissima patris  
memoria quasi viam ex aliqua parte  
muniit, aditumque patefecit: sic patris  
deinde tui fratrem, multis illum qui-  
dem animi bonis ornatum, multo tamen  
facilius

facilius ad Cardinalatum egregia Pon-  
tificatus Innocētiī fama perduxit. Haec  
est in tua gente, magne Princeps, non  
opum, ac diuitiarum, quibus etiam mi-  
nime digni saepe affluunt, sed virtutis, &  
gloriae, perpetua multorum saeculorū  
serie quasi per manus tradita, & ad te ip-  
sum vsque conseruata hereditas. Nec ve-  
ro paternum tibi quidem genus praedi-  
candum, maternum autem dissimulan-  
dum vī. vtroque licet, si vetera aspectas,  
aeque glorieris. nam Malaspinarum no-  
bilitas simul & antiquitas Etrusci poe-  
tae doctissimi, ac sapientissimi Dantis  
testimonio cognoscitur. nobilitas in eo,  
quod illam Italiae partem, quae hodie  
Luneciana communi vocabulo nun-  
cupatur, Malaspinis olim vniuersam  
paruisse tradit: antiquitas autem, quod,  
cum ipse annis ante nos ducentis quin-  
quaginta floruerit, Corradum tamen  
Malaspinam non vt actati suae proxi-  
mum, sed vt multis ante saeculis na-  
tum, honorifice appellat. Vides, a  
quibus viris originem ducas, Alberi-  
ce clarissime. neque vero vides tu qui-  
dem, sed non imitaris, aut imitaris  
quidem, sed non assequeris. versantur  
enim in animo tuo cogitationes egre-  
giae:



giae : inde emergunt praecleara facta ,  
tuis maioribus , teque ipso digna . & ,  
quamquam tibi maxime propositum  
est militare decus , vnde primum tuae  
gentis nobilitas fluxit : magni tamen  
facis earum doctrinarum studia , quae  
si absint ab hominum vita , simul ab-  
sit omnis humanitas , neque satis diu ,  
quae merces virtutis est , recte facto-  
rum memoria conseruetur . faues in-  
geniis , vt audio : nihil deesse litteratis  
hominibus , nullum commodum , nul-  
lum ornamentum , pateris : cupis viro-  
rum illustrium res gestas aeternis man-  
dari monumentis litterarum . & vide  
iam de Laurentii Medices vita libros  
tres , a Nicolao Crotto luculenter con-  
scriptos : qui cum superioribus diebus  
Venetias venisset , mira quedam dea-  
nimi , ingenij , consilii tui praestantia ,  
de studio erga nobiles disciplinas , prae-  
terea de humanitate , ac morum ele-  
gantia praedicabat . quae cum in te ip-  
so bona sint , longe pluris intelligen-  
tium iudicio , quam ea , quae peruntur  
extrinsecus , aestimantur . nam , argen-  
ti , atque auri magnam vim possidere ,  
imperare populis , opida tenere muni-  
tissima , clarum esse a maioribus , omnes

pae-

pæne Italiae Principes, summos et Re-  
ges, necessitudine attingere; magna qui-  
dem hæc sunt; nec tibi communia cū  
multis, eiusmodi tamen, vt inter fortu-  
nae munera referantur; quæ scis etiam  
ad tui dissimillimos peruenire: vitam  
autem sic instituere, vt omnia consilia,  
omnes actiones ratio moderetur: vir-  
tutem in se ipso expetere, in aliis dili-  
gere, ac ornare; velle inter homines emi-  
nere beneficentia potius, quam pote-  
state: hæc quia partim sequeris, partim  
adeptus iam es; ideo te vere diui-  
tem, qui æterna bona tibi compares,  
vere nobilem, qui nobilitatem a te ipso  
haurias, existimamus. Atque etiam illa  
ipsa, quæ dixi a fortuna pendere, quia  
cum virtute coniungis, firmitiora fiunt:  
quandoquidem neque tuas vrbes, tuam  
que ditionem moenia potius & agge-  
res, & flumina, quam populorum bene-  
uolentia tuebitur; neque facilius vlla re,  
quam recte factis, beneuolentia compa-  
ratur. Quæ sit autem eorum, qui pro-  
pe adsunt, qui te quotidie intuentur, ad  
te diligendum propensio; nos, qui lon-  
ginqui sumus, ex nostro in te singulari  
studio facile iudicamus. nam me quidē,  
iam aliquot abhinc annis, ea, quæ de te

ado-



adolescentulo, rerum laudabilium infinita cupiditas, & magnarum indoles virtutum, ferebatur, in tui amorem atque obseruantiam coepit allicere: postea, tuis laudibus cum aetate auctis, incensus ita sum, vt statuerim, tibi quidem primum, deinde etiam aliis, aut meum in te celebrando ingenium, aut certe uoluntatem aliquando ostendere. Quare, cum haec iam increbuerit consuetudo, vt, de quibus optime sentimus, iis dicata esse, & eorum nomine insigniri nostra scripta cupiamus: mittendum putavi ad te, dum aliquid interim fortasse praestantius adornatur, uolumen Epistolarum, & praefationum mearum. quas ergo nequaquam edere animum induxissem, nisi me suadentis, atque etiam petentis Venerae nobilitatis mouisset auctoritas. quibus enim pro summis erga me meritis omnia debere mihi uideor; iis cur aliquid a me negari aequum putem? cur non obsequar amplissimis uiris, non credam sapientissimis, non gratificer amicitissimis? Tuo uero nomini liber inscriptus vt exiret, fecerunt illa superiora: quae ne te offendant (quando quidem sunt a me, non ut gratiam tuam ficta laudatione colligerem, sed

sed ut omnibus mei erga te studij causam verissimam exponerem, commemorata: ) cupio impetrare a modestia tua, & debeo scilicet, cum etiam in iis non tam ad laudandum, quam ad cohortandum non nulla pertineat: & currentibus ad metam, atque etiam appropinquatibus minime molestas esse cohortantium voces, minimè plausum displicere constat.

Venetis. CLD IS LIIIX

EPISTOLARVM  
PAVLLIMANVTII

LIBER PRIMVS

RAINVTIO. FARNESIO

CARDINALI. CREATO,

Romam



**V**IA virtus est ipsa per se amabilis; & quia nobilitati honor & obseruantia debetur; amavi in te iam inde a tua pueritia, studio virtutis incensum; & colui, clarissimo genere ortum, Pauli III. Pontificis nepotem, iam tunc equidem uidi, praedixi q. multis; qui futurus esses, & nunc, opinionem, auguriumq. de te meum exitu cōprobante, utrique nostrum gratulor: tibi, cui tribuuntur ea, quae semper illustra fuerunt, nunc eo magis, quod a Paulo III. Pontifice tribuuntur; mihi, qui de tua futura dignitate, fretus indole, moribus, ingenio tuo, adolescens vere coniecerim. Cardinalis es, optabile, & honorificum: sed est in isto honore pondus, & labor. cadūt in eam, quam nunc sustines, personam virtutes omnes, atque ita cadunt, ut, si absint, is, qui honor est, honor esse desinat, vel sit etiam summa deformitas. Curae autē & cogitationes illae sunt praeclarae, illae, Rainuti, te dignae, aeternaq. cū gloria cōiunctae, pietatē praecipue colere; excubare aīo pro salute, ac dignitate Ecclesiae: beneficentiā sine spe praemiorū exercere; nihil omnino

latere, nihil cogitare, in quo statim decus non eluceat :  
 nam, ubi paullo videtur obscurius, ibi satis constat  
 turpitudinem inesse. quae profecto tibi in mentem ueni-  
 re, atque ob oculos assidue uersari, cum in aui tui sum-  
 mam gloriam intueris, necesse est. & omnino datum  
 hoc uestro generi diuinitus uidetur, uobis nascentibus  
 eorum numerus ut augeatur, & quasi maius lumen de  
 sublimi quadam specula errantibus honestis disciplinis  
 uiam, & hospitium ostendat, ergo alter alteri exemplo  
 estis ad bene agendum: uobiscum simul & oriuntur uir-  
 tutes, & con aetate crescunt; donec uitae munere per-  
 functos educant ex hac rerum humanarum taeterrima  
 caligine, & in illa sempiterna luce collocatos cum illo  
 bonis omnibus circumfluente caelestium animorū coe-  
 tu coniungant. Aut igitur mihi nullus tui cohortandi  
 relictus est locus, aut hic tantum, ut uelis esse tui quam  
 simillimus: quodque tuo generi, tuo nomini, tibimet  
 ipsi, tuisque debes institutus, id cumulate persoluum  
 existimes. Vnum exoptandum, ut, qui tibi istam  
 mentem cum ista auctoritate dedit, (dedit autem om-  
 nium auctor laudandarum rerum, & creator Deus)  
 idem uelit utriusque rei fructum esse, maxime diutur-  
 num, & aequare tuae uitae spatium cum ijs bonis,  
 quae in te summa contulit. profecto, tales gubernato-  
 res, tam peritos, tam uigilantes, Christiana religio si  
 numquam non haberet; numquam illae exorirentur  
 dissidentium opinionum horribiles procellae; quae ia-  
 ctare multis abhinc annis Petri nauem coeperunt, ne-  
 que dum consistere patiuntur. quo quidem mihi libet  
 ominari de te idem plane, quod cupio; futurum, ut  
 optimis

*optimis artibus, quamdiu uixeris, praesidio sis, & orna-  
mento; uiuas autem, quamdiu uel temperantia duce,  
uel naturae lege licet. Vale.*

*Venetijs.*

DXLIV.

## ALFONSO. CARAFAE

CARDINALI. CREATO

Romam.

*SOLENT esse, quae minus expectantur, laetio-  
ra. nihil tamen ista, qua te actum nuper accepi-  
mus, dignitate. neque magis expectatum apud eos, qui  
tua studia, tuos ad virtutem praeclarus impetus noue-  
rant, neque iucundius, aut laetitiae maioris umquam  
fuit. nemo enim dubitat, quin eum, qui te nunc ornat,  
honorem ornaturus aliquando sis, eximia tua gloria bo-  
no publico coniuncta. quo te hortari res ipsa non pa-  
titur. nam, si attendes diligenter, & considerare  
cum animo tuo, adhibita in consilium ratione, volue-  
ris, primum illud, quis te Cardinalem creauit; dein-  
de, quae Cardinalis partes, quam graues, & labo-  
riosae, quam egedem honorificae, ac splendidae sint;  
postremo, quibus temporibus haec tibi sit imposita per-  
sona, quam alienis a uirtute, quam turpi omnibus in  
locis omnium paene scelerum labe foedatis: profecto  
ipse te, nullo cuiusquam hortatu, a te ipso de tua lau-  
de admonitus, excitabis ad excellentem omnium artium  
honestarum cupiditatem: quaeque his artibus aduer-  
santur, abijcies, atque contemnes, neque solum eo*

uiro, quem in posterum praestare debes, qualemque te fore omnes auguramur, uerum indigna prorsus homine iudicabis: Vixisti semper antea laudabiliter: fuit in puero pudor: est in adolescente probitas, est perfecta paenitentia, & expetendarum vitandarumque rerum scientia: desiderari videbatur, in qua te ostenderes, occasio. delata diuinitus est omnium maxima, singulari consilio summi Pontificis Paulli IV. qui cum sit patruus parentis tui, cum te ab ineunte aetate non mediocriter dilexerit: cum omnes suos incredibili quadam completti caritate consueuerit: tamen in te honestando alia quaedam secutus est: dedit honorem non propinquitati, aut familiae, sed tibi ipsi, qui familiae nomen studes illustrare, & quo modo principia sedant, studium comprobabit euentus. En habes Alfonso campum, in quo tua virtus, parta vigiliis, bene agendi consuetudine iam confirmata, excurrat, haec est illa, ad quam te exercebas, quo tuae spectabāt curae, tuo ingenio, tuis optimis cogitationibus, ac studiis dignissima provincia. ostende, quae tuae sit non modo voluntatis, verum etiam industriae praestantia; et prome ea animo tuo illa praeclara, quae, ut antiquum gentis tuae decus, ac domesticam praesentem virtutem referres, a pueritia collegisti. Nō est, mihi crede, labor ei, qui bene sentiat, bene facere. quod enim positum est in nobis ipsis, non aliunde pendet, non extrinsecus assumitur, in eo, quid obstat, quo minus voluntatem res ipsa consequatur? Iam, ipsa virtus inuitat, ipsa allicit, atque afficit sui studiosos omni voluptate, omnibusque praemiis. nec dubito, quin accollens animi tui vis omnes difficultates, omnia superet



ret humana. Quare gratulor equidem tibi tua causa, de isto, quo te extulit Pauli Pontificis diuina sapientia, honoris altissimo gradu: sed me mouet aliquanto magis publica res: quam tu, traditam tibi simul cum ista dignitate, atque commendatam, saepe, ac nunc quidem maxime, talium virorum ope indigentem, tueberis in omni vita; praesidiumque erit in te situm aduersus iniustitiam, impietatem, firmissimum. Quae si tibi magna uidentur, atque gloriosa; debes animum sic instituire, ac moderari, nihil ut ad te ipsum referas, nihil ipse tibi arroges, aut a te ipso expectes. manasse a Deo cuncta puta; qui perennis aeternusque, bonorum omnium est fons. nos. n. ut nos, nihil sumus; aliquid autem, atque adeo plurimum ut a Deo, & per Deum, esse possimus. Vale. Venetijs. CO. DLVII.

## STEPHANO. SAULIO,

Decentianum.

MAGNUM est hoc, & Sauli clarissime, humanitatis, & amoris in me tui argumentum, quod, cum in istis locis nunc sis, ubi multam diei partem cum singulari viro, Cardinali Polo, grauissimis, sanctissimisque sermonibus traducas; non modo tamen de me cogitas, quo ego uno contentus esse poteram, uerum etiam id ipsum mihi declarandum litteris existimas, at quibus litteris? scriptis mehercule, quod ad uerba attinet, elegantissime; quod ad sententias, prudentissime: ut uis legendis non magis amorem tuum, qui te ad scribendum impulerat, quam eloquen-

tiam suspicerem; qua effeceras, ut illa ipsa, quae scriberes, cum oratoria essent, amabiliora quoque viderentur. Quare, cum tibi ago gratias, ut debeo, immortales, quod ita animatus in me sis: tum vero etiam terrogo, in quo me ambitio quaedam mouet, ut id, quod facis, perpetuo facias. quanti enim putas ad meam laudem interesse, cum hoc percrebrescit, me a Stephano Saulio diligi: cuius est familia perillustis: qui suae ipse familiae clarum lumen est: quem praeclari illi iuri, eius consuetudine, & conuictu magnopere delectati, coluerunt, Bonamicus, Iulius Camillus, Longolius. Haec ego, Sauli, cum aliquot abhinc annis cogitarem; semper quidem, ut a te diligerer, optavi: ut vero etiam laudarer, optare fortasse potui, sperare, cum ipse me nossem, certe non debui. at tu in hac parte mecum sane perliberaliter egisti. scripsisti, in hac Romanae linguae facultate, non mihi neminem praestare, sed id, quod ego cum legerem erubui, neminem esse, cui non ipse antecellam. equidem, ut, quod res est, aperiam, fateor a prima pueritia ita me in litteris esse versatum, ut unam maxime spectarem eloquentiam, unam colerem, unā admirarer. atque hoc me studio satis mea sponte flagrantem, acrius inflammabant ij, qui tum homines, vivebant, Bembus, Sadoletus, Bonamicus; quorum nomina per orbem terrarum celebrata sermonibus, & scriptis, exstingui nulla vetustate posse intelligebam. Polus hic noster, qui nunc in omni laude, omnique virtute tantus est, suis me scriptis capiebat atque afficiebat maxime. ego tum, ut erat aetas mea, praeter verborum, & nonnullarum sententiarum



ziarum ornamenta, nihil agnoscebam. pure, & eleganter scribere putabam esse id, quod vnum si assequer, excellerem. sed Rhambertus meus, qui ex Gasparis Contareni, praestantissimi viri, consuetudine prudentiam hauserat, praeclara quaedam notabat in Polo; meque paullo aetate inferiorem, ex vulgata venalium magistrorum disciplina rudem, atque impolitum, erudiebat, & conformabat exemplo. tum quidem, quantum proficerem, non me paenitebat: & ex ijs, quae ieceram, fundamentis aliquid eiusmodi, quale ego vellem, excitari aliquando posse videbatur. sed in rebus humanis, quis est, cui nihil umquam secus accidat? cum in eloquentiae studio multus essem, nec satis valetudini parcerem, incidi in morbum: qui cum esset per se grauis, tum eo factus est periculosior, quod, usu mihi librorum a medicis interdicto, magna sane est animi mei affectio, atque aegritudo consecuta. post biennium denique valetudine recuperata, cum praeteriti temporis iacturam sarcire diligentia vellem, ad pristina redeuntem exceperunt domesticae controuersiae: quas neque sedare minimo negotio, neque negligere sine graui mearum fortunarum exitio licebat. his quoque me difficultatibus aliquando is, cui omnia debeo, eripuit Deus. Lucem iam, quasi diu per tenebras errassem, videbar adspicere: & quamquam, multorum annorum amisso fructu, erat sane curin gemiscerem, vitamque mihi haud satis incudam putarem; at tamen, otij spe recreatus, facile impetrabam a me ipso, ut ex animo meo superiorum molestiarum, atque incommodorum memoriam obliuione deletem.

bat item, ut antea, pristina illa cura: nec erat quidquam  
 in meis consilijs antiquius, quam ut abditas atque im-  
 plicatas in mente cogitationes non modo aperire, atque  
 explicare verbis, verum etiam exornare, quasque pig-  
 mentis & coloribus illustrare possem. res erat nec exi-  
 gui temporis, & maximi laboris: tempus non, quan-  
 tum rei magnitudo ferret, suppetebat; cum ex vete-  
 re patris instituto in hoc imprimendorum librorum mu-  
 nere, & restituendae antiquitatis cura distinerer. la-  
 borem autem, vel si abundarem tempore, perspecta  
 valetudinis megratio recusabat. utrumque tamen cum  
 voluntas vinceret, quotidieque aliquot horas, occu-  
 pationibus ereptas, stylo darem: ecce me nescio quis,  
 homo certe satis fortuna felix, praemijs commotum,  
 & blanditijs captum, atque irretitum, Romam abdu-  
 xit. ubi cum aliquot menses non in ijs, quae semper  
 amaueram, litterarum studijs, sed inani officiorum  
 genere consumpsissem; & ille quem secutus eram,  
 montes aureos pollicitus vix minimum praestaret; col-  
 legi ipse me; neque solum studiorum meorum, quae  
 intermiseram potius, quam dimiseram, verum etiam  
 rei familiaris, cui nisi consulerem, ipsa quoque iace-  
 re studia necesse erat, habendam mihi rationem duxi.  
 quo consilio in patriam reuersus, retuli me omnino  
 ad veteres meas tum legendi, tum scribendi exercita-  
 tiones: sed tum in domestica re constituenda, tum in  
 emendandis antiquorum libris districtus, postea ve-  
 ro etiam erudienda duodecim nobilium adolescentium  
 Academia per triennium occupatus, quantulam  
 habuerim excolendae facultatem eloquentiae, quan-  
 tumque

zumque in tantis temporum angustijs per eam, quam ingressus eram, Latinæ scribendi viam procedere potuerim, facile, ut opinor, est existimare. Nosti tu, Sauli, cuius acies ingenij etiam ea, quæ occultissima sunt, assequitur, primum cuius prudentiæ sit, quale illud, est, quod in imitatione sit optimum, dijudicare; deinde, cuius industriæ, quod optimum iudicamus, id re ipsa consequi, quod utrumque cum sit difficillimum; id quod, ut uides, ætate nostra optimorum scriptorum paenuria declarat; cum tamen, qui hoc in genere elaborent, plurimi sint: satis, equidem, mirari non possum, cur tu me in epistola tua summum feceris in eloquentia, dederisq. id, quod ego si accipiam, mei sane dissimillimus, hoc est impudens plane sim, nam, ut cetera, quæ dixi esse ad studium huiusce laudis necessaria, mihi non defuerint, quæ utinam mediocria fuissent temporis quidem, ut paullo ante exposui, multo minus habui, quam res tanta postulabat. fatum in hoc singulare meum est, ut otio numquam abundem. abundem autem? utinam non semper indigerem maxime. nunc ad occupationem etiam accessit sollicitudo; quam mihi ex inmaturo Cardinalis Masæi, diuini hominis, interitu exortam utinam aliquâdo dies extinguat: ratio quidem hoc nondum potuit. ille mea studia fouebat vnus: ille mihi otij spem dederat; & fecisset: quis enim ad benignitatem propensior? ille me, ubi opus esset, auctoritate ornabat, consilio monebat, re sustentabat. quid plura? in illo mihi erant omnia, & cum illo mihi omnia perierunt. quare non tam mihi cogitandum est, ut opus uniuersum de Romanis antiquitatibus,

tatibus, quod tu dilaudas, illo auctore institutum, possim absoluerē, quam ut partem aliquam, iam confectam, liceat perpolire. quod ipsum si mihi nunc per meas occupationes liceret, hic tamen, qui me uexat, dolor certe non concederet. ac mehercule haec ipsa, quae tu nunc legis, irrigavi lacrymis, cum scriberem: nec putavi fore, cum tot curis distinerer, ut possem scribere: sed magna vis amoris est, magna obseruantiae erga te meae. ea fecit, ut hoc officium rebus omnibus anteferrem. Aduentus tui iam aliquam nobis expectationem amicorum sermo commouerat. eam tu quod litteris confirmes, ualde laetor. cupio enim tuam tum humanitatem, tum prudentiam, quorum altera tibi ab hominibus amorem, altera etiam honorem conciliat, in consuetudine & sermonibus regustare, me autem quod huius consilij praecipuam tibi ais esse causam; facile patior mihi hoc a te, viro grauissimo, persuaderi; amoq. mirabiliter animum, atque amorem istum tuum; cui respondere officijs etsi difficile est, perpetuo tamen studio, & singulari quodam obseruantiae genere, ut spero, tibi satisfaciam. Vale. Venetijs, ∞ D L I I I.

---

E I D E M

Decentiano Genuam redeunti.

ETS I multarum rerum curis atque oneribus ita premor, optime Sauli, ut respirare uix possim: tamen, ut litteris tuis, amantissime scriptis, aliquid responderem,

rem, abieci omnia, & officium, quod tibi a me debetur, habui antiquissimum. Video te miro quodam ueteris eloquentiae amore, ac studio teneri. significant hoc studia tua, declarant scripta, sermones ubique non obscure testantur: nae tu rem pulcherrimam diligis: cuius me quoque forma cepit adolescentem: & de voluntate illa, uel cupiditate potius, tantum abest, ut dies aliquid detraxerit, ut cum aetate simul amor creuerit. quare, cum tibi ego tam multis in rebus concedam; patere, obsecro te, in hac me una riualem essectuum, nec tibi uel tantillum omnino uelle concedere. sentimus enim idem, quod tu, nihil esse speciosius eloquentia, nihil praestantius: quam, ut ipse nosti, amarunt aetate nostra, atque appetiere quamplurimi: potiri autem, ut mihi quidem uidetur, adhuc nemo potuit. quis enim Latinae orationis laudem non magnopere diligendam dixit? quis porro rationem, & quasi viam, qua peruenire ad eam liceat, nobis indicauit? nam, qui se ita exercent, ut ex ueterum scriptis & membra, & integrum quandoque comprehensionis corpus sua in scripta transferant; non equidem eos reprehendo; siquidem perfecti similitudinem quandam sequuntur; sed, quae perfectum ipsum non attingunt, in magna laude non posuerim. Obsecro te, Sauli, qui iudicio excellis, quid tibi de Christophoro Longolio uidetur? equidem, si quando, quid de scriptis illius existimen, interrogor, ita soleo respondere, exilem esse in sententijs, non luculentum in uerbis; ut tamen de eo, si uitae contigisset usura diuturnior, bene censeam sperandum fuisse. sed, ut nunc est, mea quidem sententia, nullus est. quid enim affert ex  
quisitum,

quisitum, quid singulare, quid non vulgatum, non ex quotidiana consuetudine, vsuq. sumptum? At scribit interdum & de rebus familiaribus, & ad familiares. Quid tum? quasi non vel in obscuro argumento possit ingenij lumen elucere. Nam, quod in eo uerborum circuitus saepe a Cicerone totus est: si consulto fecit, quod inde laudem speraret, iudicium requiro. etenim, aliena quae sunt, ad nos translata stulte iactamus: ut neminem laudare solemus, quia pulcher, quod accipitur a natura; at quia temperatus, quia iustus, quae posita sunt in nobis ipsis: sin, quod potius existimo, inops a Latina lingua explicare animi sensa aliter non potuit: necessitatem excuso: nec tamen, quod faciebat, diutius enim puto facturum fuisse. qui enim in illo otio Patavino nihil ageret aliud, quam ut se tum eloquentiae copijs, quae philosophiam ornant, tum earum artium instrumento, sine quibus muta filet eloquentia, locupletaret; vtriusque studio facultatis consecutus esset, ut, suis quasi opibus abundans, de alieno quotidie parcius assumeret. cuius autem generis ea, quae moriens reliquit, scripta sunt; abesse eum iudico ab ea specie, quae est in scribendo optima, longissime. qua de re cum aliquot abhinc annis in conuentu amicorum sermo esset ortus, memini dissentire a me amicum hominem, & eruditum: qui Ciceronis in libris diu, multumq. volutatus, tamen Longolium suspicet. aurea videlicet cum assidue tractet, aerea non inter noscit. itaque, paucis post illum sermonem diebus interiectis, cum epistolam ad me misisset, in qua ita scripsit, nihil sibi tam accidisse mirandum, quam

quod



quod a me audisset, cum dicerem, mihi Longoliana scripta non admodum probari; nihil rescripsi, quod homini quinquagenario insitam opinionem non speraui me posse euellere. Et sunt omnino quaedam res, quas ubi sensu Et iudicio ipsi non percipimus, atque assequimur, nulla satis oratio probabit, ut cum Anaxagora, niuem atram iudicante, frustra de albedine disputares. Improbas igitur, inquires, si ab antiquitate scribes mutuemur? Ego uero, si apte fiat, etiam summe probo. sed hoc ipsum, Aptè, quam difficile sit, ex eo licet cogitare, quod Latinam linguam continet uniuersam: uniuersa enim sub imitationem cadit. imitandi autem ratio, quia Et multiplex est, Et admodum recondita: primum, de ea praecipere sigillatim, infinitae doctrinae est; deinde, quae praecipiantur, cognoscere, Et perfecte exsequi, non mediocris ingenij. Cumq. id, quod enitet in oratione, aut in re uideatur esse, aut in uerbis: ego olim rem significatam simul cum uerbis significantibus sumebam: eaq. meis scriptis cum inseruissem, tum optimum illud, quod quaeritur imitando, plane arbitrabar me esse consecutum. postea coepit mihi meum consilium displicere: cogitaui, quoniam id esset memoriae magis, quam ingenij; quod ego efficere, praestare multos posse; quod autem multi possent, egregium non esse. Tum iniui rationem haud paullo difficiliorem, quam cum paucissimis mihi esse communem intelligebam, exquisitas sententias, de Cicerone excerptas, aut de Terentio, tacitus in animo uersabam. eas ornabam uerbis quam poteram lectissimis, ut, quasi uestitu ora-

tionis mutato, cum eadem essent, aliae tamen viderentur. Erat non dissimilis in uerborum figuris commentatio. si quas notaueram illustriores, ad alias sententias ita traducebam, ut interdum eandem locutionē in res prope innumerabiles accommodans, quasi ex vna cera plures imagines, nec tamen eiusdem generis, effingerem. In hac exercitatione quantum esset, utinam aut nature cognouissem, aut sero cognitum, auideq. arreptum vis occupationum non extorsisset. equidem, si quis me neget in scribendo quidquam esse, non pugna- bo: sed, si quid sum, ab hac vna esse contendam. Tibi gratulor, Sauli, qui, & uis, quod sentis esse praeclarum: & quod uis, nihil impedit, quo minus praestare possis. otij enim tantum habes, quantum styli exercitatio postulat. abundas, ut animi, sic fortunae bonis: in quibus ipsis (Zenonis pace dixerim) non minima, his praesertim temporibus, ad virtutem uis est. ingenio vero ita flores, ut tuam maxime cōsuetudinem propterea expetierint ij, qui ipsi ingenij gloria praeter ceteros excellere putabātur. atque utinam ea, quae litteris mandasti de homine Christiano, aliquando emittas; ut opinionem ac sermones de te meos res ipsa confirmet. quod breui futurum facile spero. recipis enim te nunc in nullas tuas, hoc est in summum otium: ubi cum nullam tibi horam a studijs uacuum abire patiaris; (sic enim & a multis antea cognoueram, & postea Coccius noster confirmauit) expolitionem intra paucos menses expectamus operum tuorum. qua de re ut interdum me Decij nostri litteris certiolem fieri uelis, etiam atque etiā rogo. Pontificis Legatus, Ludouicus Beccatellius, ho-



*mo antiquae probitatis, humanitate, ac doctrina praestans, post obitum Cardinalis Masaei ita me complexus est, ut omnem in meis commodis atq; ornamenti curam & cogitationem fixisse uideatur. cui non tam a me gratiae sunt habendae, quod agit ipse quantum potest, ac plus etiam, quam potest; quam, quod alios etiam, magnos & principes uiros, ad me augendum, atque honestandum suo exemplo, atque auctoritate uehementer excitat. qui cum multi sint, tua tamen inter omnes elucet liberalitas; qui, re vix audita, amore in me tuo, studio erga litteras incitatus, tantum tua sponte ad hanc prouinciam conferre uelle pollicitus es, quantum ex animo mea nulla umquam delebit obliuio. Vale, tuamque ualeitudinem cum tua, tum nostra etiam, qui a te pendemus, causa diligenter cura.*  
*Venetijs, ∞ D L I I I.*

---

E I D E M, Genuam. 5

*MAGNUM* mihi solatium attulit epistola tua: incunditatem, dicere non possum, quam tempora eripiunt sic, ut me tristitiae totum paene tradiderim. Ad primū, obuisse audio fratrem meum Bononiae, cum ualeret optime, repētino morbo oppressum. fratrem cum dico, me alterum iure naturae dico. uerum addo illud. obierit, si uera narrantur, frater is, qui bonitate praestabat, ualebat ingenio, excellebat industria, factus ad omnia maxime omnium uidebatur. itaque obruor dolore: nec puto, emergam, nisi aut, illi melius esse, cognouero, aut, si naturae,

turae satisfecit, opem tulerit ipsa dies: quae ualet ad omnia plurimum, animi uero morbis plus etiam interdum, quam ratio, medetur. Ad hanc aegritudinem accedunt domestica, meaq. propria. vxor, cuius prae me multis molestijs, multarumq. rerum & curarum onere leuabat, quae meam ualetudinem praesenti semper officio tuebatur, ipsa nunc iacet, periculi non expers, affectis diuturno morbo uiribus. ego vxor acerbissime anniuersariis oculorum doloribus: quos sanare, cum iam paene tentata sint omnia, humanae artis esse non puto. remedia sunt ab vno illo, qui malis cunctis medetur, caelesti medico expetenda. is mihi optimam, ut spero, ualetudinem aliquando restituet; si hoc minus, muniet me saltem ea uirtute, qua res aduersae facile perferuntur. ita salus ex morbo nascetur, non haec, qua corpus uiget, quam ego adhuc omni remedium genere frustra quaesiui, quae cum ipso corpore paucorum annorum spatio penitus exstinguetur, sed illa multo praestantior, qua nostrae mentes, cum sese ab hac terrestri labe seiunxerint, & cum purissimo illo caelestium animorum coetu consociauerint, perpetuo fruuntur. interim, tot in me concurrentibus malis, aegre impetum sustineo, planeque, quoniam homo sum, debilitor aduersis. Hic tu me uocas ad scribendum; & hortaris, ut ea tradam litteris, quae assiduo Latinae linguae usu, & diuturna tibi uideor exercitatione consecutus. Vis me scilicet, optime Sauli, eam uiam, quae ad eloquentiam ducit, aperire. spissum opus, ac difficile, multi otij, tranquillae mentis,

\* Iug. puto = Cum de ipse multis & - leuabat. non

non nostrę fortunę, cuius tibi imaginem ostendi, neque nostrorum neruorum, quos tu putas esse satis firmos; ego, quam sint imbecilli, experior sæpe, ac sentio. At erunt praeclari conatus, etiam si non succedat. Si ita est, hac laude nemo excluditur. potest aggredi, qui vult. velle autem quis non debet? si quidem egregia cupientem aliqua vel ex hoc ipso gloria consequetur. te, si quemquam, Saulē doctissime, te, inquam, ipsum decet maxime omnium id suscipere, quod mihi imponis. quae enim sunt ad hoc minus necessaria, quorum alijs alia desunt, ea in te vno abundant omnia, ingenium, usus diuturnus, doctrina, iudicium. quid? opes, & fortuna nunquid huc pertinent? illae uero mea sententia, uel maxime; cursim enim ingeniorum retardat, vires debilitat, ac frangit inopia. an tu putas Aristotelem, & Platonem illa Graeciae lumina, an Ciceronem nostrum, an Plinium tam multa potuisse litteris mandare, nisi summum illis otium rerum omnium affluentia peperisset? domi aiebant seruos eruditos: contubernales habebant, eximjs præmjs accersitos ex ultimis terris, rhetores, historicos, præstantis ingenij, singularis doctrinae philosophos. cum his se quotidie exercebant, commentabantur, disputabant: horum omnium opera, quatenus liberet, utebantur. at ego sumptum vnius pueri, minima mercede conducti, quo in scribendo vtor, aegre sustineo. Et in his angustijs, in hac mea tam tenui ualetudine, tã aduersa fortuna, quia rudes homines veteris eloquentiae cupidos, meis scriptis non audio, nec in rectam Latine scribendi viam induco, appellus me

quasi modum debitorem , atque etiam accusas verbis  
tu quidem humanissimis, & alieno, vt videris nomine,  
re tamen ipsa grauitate, & vt ego interpretor, tuo iudi-  
tio; quod verreo in primis, facioque, sicuti debeo, plu-  
rimi. verumtamen uidere te puto, quam facultatem  
res desideret. quid autem praestari a me possit, nemo  
omnium, qui uiuunt, me ipso melius intelligit. quare no-  
li mihi languorem, aut desidiam obijcere; quae abesse  
procul a me, qui anteaetae meae uitae cursum inspiciet  
atque examinabit, facile cognoscet. satis habeas, si  
nemo istam in te culpam conferat. qui cum ingenio prae-  
stes, aetatem omnem in Latina lingua contriueris;  
ex quo factum est, vt eam perfecte calleas; id quod  
tuorum scriptorum subtilitas, & elegantia declarat:  
cum ualeitudinem non desideres; otio paene disfluas:  
addo etiam illud; cum optime tibi cum fortuna conue-  
niat: quae tibi de suis bonis tantum elargita est, vt ero-  
gare quantamuis pecuniam in homines doctos eorum-  
que studia nullo tuo incommodo possis: haec cum in  
te sint omnia, caque ut ego arbitror, summa, non mi-  
nima quidem certe: abstines tamen ab hoc munere, &  
hortaris alios nulla tibi re, praeterquam voluntate;  
& studio, conferendos. Quis non miretur sitire fon-  
tes? sitiunt enim certe, cum tu petis e me tamquam  
ex arido solo, quod in te ipso uberrimum esse constat;  
& cum ad nostram potius inopiam confugere, quam  
tuis copiis uti uis. Hoc loco mihi uenit in mentem, tua  
quoque causam non modo meam, meditati, quod tu  
fortasse respondeas. Distingues illa superiora: ne-  
gabis in te uno esse omnia, quae dixi esse de Latina lin-

qua scribentibus necessaria. de fortuna concedes: patet enim: etiam, opinor, de ualitudine, de otio ingenij laudem, & doctrinae, quae tua modestia est, abs te reijcies, fortasse etiam, quae tui est in me animi propensio, quae humanitas, ad me transferes. Nolim equidem tecum, Sauli, ne in tua quidem laude contendere: verum, quod tu mihi de te ipso non credes, credent alij, verumq; fatebuntur, adducti in hanc sententiam, ac plane confirmati, non tam auctoritate mea, quam tamen, in his praesertim elegantioribus litteris, in quibus iam tot annos versor, non esse nullam intelligo, quam tuo ipsius testimonio, quod habet ponderis apud bonos ac sapientes viros in omni re plurimum. te, inquam ipso teste locuplete, cui fides habenda videatur, probabo tuam virtutem. Oblitus ne es, aut oblitum me putas illius temporis, cum tu librum tuum de homine Christiano mihi ostendisti? bone Deus, quam in illo multa praeclara, cuius industriae, cuius prudentiae, quam a te grauitate, quam copiose, quam splendide tractata. neq. vero ego vnus illum librum, videre alij, vidit, qui vir, & quantus, Reginaldus Polus Cardinalis, qui potest esse instar omnium, quem tu profecto iudicem in re tua nunquam recusabis. hunc ego audiui, audire multi, de tuo interdum libro loquentem. ornabat laudibus. ( & est homo, ut scis, natura simplex, rectus, cuius ab intimo sensu numquam ne minimum quidem aut vultus aut oratio discrepet ) quid plura? conferendum cum antiquitate iudicabat. Quamobrem redeo illuc, & concludo paucis. Magni facis eloquentiam, cupis eam cognosci, cupis amari, & coli. egre-

gia cupiditas, & nobili sane viro digna: verum, vt tibi satisfacias, & inuenias exitum studij tui; elige de duobus vtrumuis. aut ipse qui potes, ostende nobis Latinae linguae pulchritudinem, ac praestantiā; doce nos, doce posteros quae sit eius adipiscendae, & perfruedae ratio ineunda: aut, si quos existimas hoc praestare posse, excita eos liberalitate, fove tuis copijs: noli pati, animum eorum hac & illa cura distrahi, sit intentus, & fixus hoc vno in studio; neque abducat eum ab opere pulcherrimo, ac nobilissimo humillimae interdum rei turpis, & sordida procuratio: ita consequeris facile, quod vis; optimisq. studijs & posteritati magna tua cum laude consules: illa, quae scribis de legationis quibusdam, in meum librum de Romanis legibus, detrahendi studio, incurrentibus, legi nullo cum stomacho: nec sum miratus, a barbaris hominibus, sordido quodam litterarum genere assuetis, elegantioris doctrinae scientiam, & quasi laetitiam quandam studiorum contemni. Non placet istis meus liber: magnis videlicet viris, quorum fama aedium illarum, in quibus ipsi habitant, limina nondum est egressa. at placet Vincentio Portulacae, cuius est in vrbe Brixia insignis auctoritas, illustrare per Italiam nomen, placet Antonio Augustino, Marco Antonio Natta, Laelio Tarello, Vido Pancirolo, iuris vtriusque scientia claris; quorum nomina, scriptis egregijs testata virtus, atque expressa, cum aeternitate coniunget. hos ego meorum laborum, & vigiliarum laudatores cum audio, viros graues, & certos, omniumque nobilissimos; voculas rancae plebeculae contemno, quidq.



quidq. leues, & obscuri homines de me sentiant, aut loquantur, non esse mihi valde laborandum existimo. te quoque sperabam in meis praesidijs esse, & si qui urgerent gravius, obistere, impetumque inuidiae, & malevolentiae tua auctoritate, ac testimonio frangi. quod si facis; fructum fero meae singularis in te observantiae, & habeo tibi, quā debeo, gratiam: sin minus; hoc tamen nomine tibi debeo, quod meos obrectatores flocci facis usque eo, ut indignos, quibus respondeatur, existimes. Vale. Venetijs ∞ D L I X

## VIDEO FABRO


Patauium.

6

NESCIO, vtrū fortunae succenseam, cuius culpa factum sit, ut ego tuas litteras duobus fere mensibus post eum diem, quo tu scripseras, acceperim; an eidem gratias habeam, quod mihi, cartulam quādam scriptorum meorum euoluenti, planeq. aliud agenti, de improviso illas obtulerit. gratias habebo potius, quod eodē tempore simul cum iniuria beneficiū accepi; & iniuriae beneficium praeferrī, aequum est. sed, quoniam uereor, ne tarditatē in scribendo meam durius acceperis, hunc tu mihi scrupulum, vide, si ex animo euelleres, faceres humane, nec tamen iniquē: cum hoc ipsum, quod commissum a me est, primum ex aliena culpa pendeat, deinde nunc quidem etiam corrigatur. Venio ad tuas litteras: quibus mihi gratius nihil potuit accidere; dicere incundus, nisi clausula illa de Bunello meo plane om-

B 3

nem





nem iucunditatem eriperet. nam sic fac existimes, ex illius viri interitu tantum me cepisse dolorem, quantum fortasse dies exhaurire nulla poterit. Vixerat mecum Venetijs per quadriennium: cum ego in illo probitatem morū, virtutemq. diligerem; ille in me propensionem, credo, quandā ad litteras non improbareret. Intercessere etiam inter nos officia quaedam, sed a me leuia, nec satis digna, quae memoria tenerentur: quae tamen ille, vt erat gratus, nō meminisse solum, sed praedicare etiā solebat. ego ab illo maximum habebam beneficium, quod me, cum Philelphis, & Campanis nescio quibus (vt alijs parcam) misere errantem, in hāc recte scribendi viam primus induxerat. Videbatur quibusdam natura seuerior; sed erat lenissimus erga sui similes, hoc est erga bonos viros; vbi vitium nosset, censor acceperimus. Distinguere homines non fortunā, sed moribus solebat. Loqui ad uoluntatē neque ipse poterat, neque ferre qui ad istam artem eruditus esset: totus erat apertus & simplex. Satis scio fuisse, qui illum deprauatae religionis nomine in crimen vocauerint. quorum vitam si cum Bunelli vita comparares, Socratem diceres iniquorum conspiratione circumuentum. Coluit omnes uirtutes & philosopho dignas, & homine Christiano, sed continentiam praeter ceteras. hac vero ille triumphauit maxime, & triumphauit adolescens, cum ceteros voluptas capit. quo mirandum est minus, si tantus postea uir ex tanto adolescente factus est. nam extremam uitae partem, quam, ut in fabula actum, decet esse perfectissimam, heroicam audio fuisse, & plane diuinam. Quare incumbamus, o Vide, & hanc

hanc operam Bunello nostro nauemus, ut illius nomen, immortalitate dignissimum, exstingui mortali cum corpore non sinamus. quod equidem enitar; & hominis mihi amicissimi summi viri, memoriam (si modo is ego sum, qui tantum praestare possim) profecto ab interitu vindicabo. video te in tuis litteris idem velle: nec dubito, quin possis. nam & Bunellum amas mortuum: & vales plurimum ingenio; quod etiam pietas excitabit. cuius officij societas eo gratior utrique nostrum esse debet: quod cum apud alios laudabilis maxime erit, illustri exemplo gratiae referendae; tū ad animos nostros amore coniungendos, aeternaq. necessitudine conglutinandos, plus valere nihil potest. Reliqua erant in epistola tua magnifica quaedam, & eleganter scripta de laudibus parentis mei; quae verissima fateor; quaedam etiam de me ipso, quae non agnosco. nam, etsi tibi, nobilissimo adolescenti, multis non solum fortunae, sed etiam naturae, doctrinaeq. bonis ornato, &, quod caput est, virtutis amanti, placere maxime velim: tamen, quia nemo adhuc a me hoc impetrauit, ut ea mihi adscriberem, quae mea non essent, patere, obsecro te, de me ipso mihi potius me credere, quam tibi. quod si, cupidum esse laudis, laudem esse vis: isto me licet nomine non contemnas: quod ea, quae habent ij, qui laudabiles ducuntur, ego, eadem ut haberem, semper laboravi. sed scis, velle, & perficere, non idem esse. alterum contingit multis, alterum dumtaxat ijs, quos dii diligere putantur. quorum ego te in numero, optime Vide, praestanti natura praeditum, Bunelli

praeceptis informatum, confido facile futurum. Vale.  
Venetijs.

MARCELLO. CERVINO,

CARDINALI,

Romam.

7

POSTEA quam Roma discessi, et si tum mea vetus in te obseruantia, tum tua in me perpetua beneuolentia postulare videbatur, vt ad te quam saepissime scriberem; tamen id non feci propterea quod omne otium, atque omnem etiam mentis tranquillitatem molestae in primis ademerunt occupationes: quarum me, cum primum huc reuerti, tantus aestus absorbuit, vt longo interuallo vix emerferim, nam primum domesticas res ita male affectas offendi, vt eas seruare, multo temporis, non exigui laboris, etiam alicuius artis esset. deinde, cum illa, quam scis in meis epistolis nutu tantum appellari, et inimica natio virtutis, ac diligentiae, quae etiam patri meo, viro optimo, (Et adde si quid vis) negotium exhibuit, ad me vexandum, atque opprimendum conspirasset: durius habui negotium, vt meas fortunas in tuto collocarem. sed me, qui antea praesto mihi semper affuit laboranti, idem in hoc potissimum discrimine egentem opis et consilij, nec mediocriter de toto rerum mearum flatu sollicitum, respexit, ac liberauit Deus. itaq. omni plane molestia persunctus esse mihi videor. quid quaeris? aliqua etiam officij specie, ab iisdem obseruamus: ac se satis apte simulationis, vt opi-

+ elegi: obseruamus: = credo nor,

nor, artificio tuentur. accipere tamen quod datur, quocumq. animo detur, inscitiae non est: nec hodierni mores, & ratio tēporū secus postulat. Cetera sunt in meis rebus nō plane cuiusmodi nos optabamus, sed cuiusmodi tamen multi non sperarunt: quibus haec, quae nunc agimus, amplissima videtur esse, cum nos prae iis, quae, nisi quis casus nostris consiliis occurrerit, agere aliquādo cogitamus, tenuissima iudicemus. quam quidem ad rem quod tu omnia, quae in te sunt, liberalissime polliceris; quodq. Alexandrum etiam Farnesium, praestantem omni uirtute Cardinalem, in eandem rationem propensum esse affirmas: equidem de te sic existimo; & multas esse res, in quibus iuuari a te pro tua summa tum dignitate, tum etiam fortuna possim; & in iis rebus numquam omnino mihi tuam esse humanitatem defuturam: Farnesium autem, diuinum adolescentem, natum ad liberalitatem, & ad gloriam, non miror eo esse erga uirtutem animo, quo quia semper fuit auus eius, iccirco ad eum gradum, qui est in terris summus, & augustissimus, dijs hominibusque volentibus adscendit. ac sane ille cum domestico exemplo, tum multo etiam magis, egregia ipsius natura ad immortalitatis laudem excitatus, saepe alias, quanti bonas artes faceret, ostendit, sed proxime vel in primis, cum Hieronymum Ferrarium iuuenem rarissimae uirtutis, sane quam pro eius meritis ornauit, atque auxit, in quo, cum apud unum posuisse beneficium videatur, a multis tamen gratiam inuit. nam, cum uos tales uiri, patrocinium litterarum suscipitis: qui cumque bonis artibus delectantur, animo recte at-

veniunt in spem aliquando fore, vt post diurnos labores, & molestiarum quasi tempestates, in quietis & otii portum, vobis adspirantibus, deferantur. quos si in cursu studiorum instituto vestrae benignitatis aura deficiat: haerebunt, neque iam potuerunt, quo intendebant, sine ope auxilioq. vestro peruenire. verum huiusmodi dubitationem uestra iam consuetudo sustulit. magna enim optimae voluntatis documēta saepissime dedistis, maiora etiā dare cogitatis, cum quidem, vt Antonius Bladus ad me detulit, pulcherrimam rem, & vobis dignissimam aggressi, omnes libros Graece scriptos, qui nunc in bibliotheca Palatina cōditi asseruantur, praelo subiicere cogitetis, vt, multiplicatis exemplaribus, per orbem terrarum, in vsum omnium gentium, omniumq. saeculorum, diuulgentur. cui se muneri Bladus a te esse praepositum aiebat: itaque venisse ad nos, vt et eos typos, quibus atramēto illitis charta imprimitur, constans curaret, & si qua praeterea sunt ad opus necessaria, maturaret. sane sum laetatus plurimum, hominemque sua sponte diligentissimum, tamen cohortari nō desino, vt in ea re, quae ad commodum studiosorum, maxime vero ad tuam, vt ego sentio, gloriam spectat, operae ne parcat: eique dixi, vt ad omnia me & fratribus vteretur. neque minus prolixè, quae verbis pollicitus sum, ubi ille petierit, re praestabo. nam & hominem diligo, & vero tua voluntas maximi est apud me ponderis. In Romulo quidem tuo, quem initio sum complexus vt fratrem tuum, deinde amare coepi ut te fratrem dignum, nihil praetermitto, quod aut in officio cohortandi, aut etiam in studio iuuandi positum sit. sed ille,

le, cui notissimae sunt occupationes meae, pudore, credo, facit, ut rarius ad me scribat: cum mihi, uel in maximis negotijs, ei uacare, non modo non molestum, sed etiam gratissimum sit. quod tu, si uidebitur, ad illum scribes: simulq. litteris admonebis, ut, quo consilio Patruum est profectus, id studio & diligentia consequatur. neque tamen hoc dico, quod eum, adhuc quidem, lapsum esse putem; de quo etiam ea, quae nolumus, & uidemus, & audimus; sed quod, infirmitatem eius aetatis cum recordor, interdum uereor, ut possit consistere  
*Vale. Venetijs.*      ∞      DXXXIX

## BERNARDINO. MAFEIO

EPISCOPO. CREATO,

Romam.

8

*V* B I te audiui Episcopum esse creatum, laetatus sum non tam ob ipsam rem, quae sane est per honorificam; propterea quod Episcopatus & sacerdotium est, & maximum sacerdotium; quam quia, de te ipso cogitans, intelligebam te eum esse, cui ad istam honestandam dignitatem summa facultas in optima uoluntate non deesset. Tibi erunt, quae multis solent esse laboriosa, uirtus, & uigilantia, ex tua uetere consuetudine facillima. non enim honorem quasi legem bonitatis, ad quam te fingeres, accepisti; sed honorem bonus accessisti, multis antea, magnisque rebus Paulo I I I. probatus; cui Pontifici? omnium sapientissimo, & optimo; qui & ipse Deo probatus est, & non probat  
*nisi*



nisi sui similes. Gratulor igitur tibi, non ut gratulan-  
 tur ij, qui fere, quibus fructibus actus sis, vnum cogi-  
 tant, cetera magnopere non spectant; sed ut ij, quibus  
 dignitas, & religio prima sunt: quae tu coles maxime,  
 & eris in Christi militia antesignanus. Grauem sane  
 personam Episcopi sustinet is. vestrum est, errantes ani-  
 mos in viam reducere. & reducit is vos quidem prae-  
 ceptis diuinæ doctrinae tradendis; sed magna vis est in  
 exemplo, cum ea, quae traditis, ipsi vita, & moribus  
 exprimitis, quod tu praestabis vtrumque omnium ma-  
 xime; qui & habes non doctrinam modo, verum etiam  
 eloquentiam, quarum altera imperitos erudias, alte-  
 ra languentes excites: & vivis, ut homo, satis extra  
 culpam, quod memini me multis abhinc annis in tua  
 prima adolescentia miratum; cum ea in te laudarem,  
 quae tamen imitari vix poteram. quod fecisti adole-  
 scens, cum tua te singularis, optimaque natura ad de-  
 cus inuitaret, & quasi manu prehensum duceret; nunc  
 aetate confirmata, cum ad voluntatem accesserit ratio,  
 dubitem, quia idem multo sis alacrius constantiusque  
 factururus? dubitet, qui te ignorat: mihi, cui tua stu-  
 dia, tui sensus ex nostra familiaritate notissimi sunt, du-  
 bitare non licet. Quare, ut ad prima redeam, non eo  
 solum nomine tibi gratulor, quod Episcopus es, in sum-  
 ma dignitate constitutus; quod tibi scis esse commune  
 cum multis: sed quod is es, qui cum ista dignitate  
 virtutem aequare possis. quod quia vides quam non  
 multi potuerint, eo magis tu, qui potes, hoc ipsum,  
 quum potes, acceptum Deo referre debes, tantumque  
 domus in te collatum, illud quidem plurimum facere,  
 sed,



sed, quoniam est proprij erga te amoris argumentum,  
muneris causam multo, quam ipsum munus, pluris  
aestimare. Vale.

Venetijs. Kal. Maij. ∞ DXLII.

GABRIELI CATIANO,

Brixiam.

9

EPISTOLAS a te habeo duas: utramque scri-  
ptam elegantissime, sed illam pleniorē, quam x i.  
Kalex. Septem. dederas: nam haec recentior, cui no-  
narum Octob. dies erat adscripta, argumentum habuit  
fere nullum. venio igitur ad priorem: in qua cetera iu-  
cundissima. illud permolestum, quod te minus commo-  
de significas valere: scribis enim, valde te ob aduer-  
sam valetudinem vereri, ne non illud, quod instituisti,  
absolvere, ac perpolire tibi liceat. Mi Catiane, ex-  
cita prudentiam tuam; & occurre morbi principijs;  
ne ille, grauior deinde factus, & te, & amicos tuos,  
qui, te aegrotante, valere non possint, diutius vexet.  
Hoc loco mihi ueniunt in mētem, quae tū me olim mi-  
nus recte cum haberem, prudentissime, et amantissime  
monuisti. illa, illa ipse tibi nunc in memoriam redige;  
et, quae tuae tunc partes erant, eas nunc fac esse meas.  
Tu mihi non ex Hippocrate, aut Galeno, sed ex uete-  
ram philosophorum libris ea remedia, quibus ad salu-  
tem meam praestantius esse nihil potuit, attulisti: ego  
nunc idem in te facio: tuamque tibi medicinam resli-  
tuo. vis, quae meum morbum, te medente, sanarunt,  
ea tuo

ea tuo ipse in morbo praetermittere? non vis, opinor.  
 non enim id te dignum est: qui ea saepe legisti, unde ho-  
 mines alijs cauere cum discant, sibi eos non cauere tur-  
 pe est. quare adhibe eam, quam ad omnes res soles, ad  
 te curandum diligentiam: & quod oneris suscepisse te  
 scribis, id si grauius videtur, quam ut perferre possis,  
 depone prius, quam opprimare. magnum est, quod  
 moliris, & magni non solum ingenij, quo tu non eges,  
 sed etiam otij: quo nisi abundas, quo modo te speras  
 ea, quae in iure ciuili dispersa sunt, quae scis esse mini-  
 me pauca, primum posse cogere, deinde coacta ita di-  
 sponere, ut ex certis generibus totum ius ciuile cogno-  
 scatur? atque ego tamen sic existimo: si quis est, qui  
 hoc praestare possit, aut eum te esse, aut omnino nemi-  
 nem: sed, quoniam res, & fortunae tuae, quemadmo-  
 dum tu quidem affirmas, ita ferunt, ut in forum tibi ne-  
 cessario sit eundum; quae ratio, si modo & tibi, & po-  
 pulo placere velis, multi temporis exercitationem de-  
 siderat; haec autem, quae a te est iuris ciuilis instituta  
 digestio, eiusmodi est, ut nihil operosius existimetur:  
 vereor, ne duarum rerum difficillimarum tractatione  
 distractus, utramque dum vis, neutram assequare.  
 quamobrem, quid suscipias, tui consilij est: ego monen-  
 di partes, quae sunt prudentiae, non assumo: neque  
 enim plus vlla in re me existimo videre, quam tu ui-  
 des: id, quod est beneuolentiae meae, faciam, ut ma-  
 gnopere te non solum horter, verum etiam rogem, ua-  
 letudini tuae minus, quam gloriae, ne seruias: quae  
 quidem nobis, qui te summe diligimus, tantae curae  
 est, ut plurimas nostrae salutis partes in tua salute posi-

tas existimemus. De Alciati libro, ualde te amo: sed, eum, hoc quidem tempore, cur mittas, non est. sunt quaedam, quae magis urgent. Quae scis à nobis anno proximo superiore instituta, iam paene absolui-  
mus. Domestica fere sunt, ut uolumus. fratres va-  
lent optime, ego sicut soleo, hoc est, etsi non optime,  
sic tamen, ut studijs nostris frui liceat. quod si perpe-  
tuo detur, equidem hac mea tenuitate contentus ero; il-  
lam firmitatem, illa athletarum latera non appeto: ne-  
que mihi umquam de natura queri ueniet in mentem,  
quae me corpusculo finxerit imbecillo: gratias agam po-  
tius, quod effecerit, ut omnibus paene horis, aduersae  
valetudinis metu, spectanda mihi ratio sit, & continen-  
tiam, quae virtus est, aut certe ad virtutem ducit, co-  
gar amplecti. Amamur à multis: si modo ex vultu,  
& uerbis amor intelligitur: colimur etiam à nonnullis,  
qui, falsa de nobis opinione adducti, nostram consuetu-  
dinem, quasi docti hominis, videntur expetere. qui-  
bus ego si me patefecero, facile hunc errorem eripiam,  
& , puto, faciam; ne totos dies saluatoribus tribuam.  
Vale. Venetijs. ∞ DXLIII.

---

FRANCISCO. LVISINO,  
Patauium.

10

SI NESCIS, Luisine, quantum ego amoris  
nostro tribuam; cognosce ex hoc, quod & superioribus  
mensibus licere mihi per eum putavi ad tuas litteras,  
humanissime scriptas, nihil respondere; & nunc, co-  
dem

dem fretus, etiam male respondeo. Non est hoc, in-  
 quis, officium colere. Quasi iam probaueris, quia  
 non coluerim, ideo me turpem esse. non placet ita du-  
 ris legibus amicitiam adstringi, ut numquam relaxen-  
 tur. summam diligentiam maximis in rebus si ab ami-  
 co requiris, iure facis: sed, si etiam in minimis, non  
 aequus es. est enim profecto quaedam suauitas in ne-  
 gligentia: quam qui ex amicitia tollit, horridior est, quā  
 ut urbani mores ferre possint. quare, si amabilis esse uis  
 (quamquam quis te uno amabilior est?) uerumtamen,  
 si id tibi propositum est, ut omnibus in rebus aequae a-  
 mabilis, aequae iucundus sis: permitte mihi, ut liceat ali-  
 quando tecum esse negligenti. Nam, quod ad tuas litte-  
 ras attinet, ita iudico, scriptas esse non solum elegan-  
 ter, in quo tamen non minima laus est, sed etiam sapien-  
 ter; quod quia solet ab aetate tua longius abesse, non so-  
 lum laude, sed etiam admiratione dignum est. uitium  
 hoc in plerisque adolescentibus, atque etiam in robustio-  
 ribus quibusdam fama celebratis animaduerto, ut ina-  
 nia colligant, & eloquentiam non ut ueteres illi, in sen-  
 tentiis, & uerbis a communi consuetudine alienis, sed  
 in quibusdam vulgaribus, ac paene puerilibus ineptiis  
 constituent. Quocirca nou ego te, Luifine, hortabor,  
 ut ex ista imperite scribentium turba te eximas: sed gra-  
 tulabor potius, quod ita effecisti, ut hortationi locum  
 non reliqueris. hoc cum adolescens adhuc, & paene  
 imberbis, nondum ea prudentia, quae extrinsecus assu-  
 mitur, propter aetatem copiose instructus, naturali qua-  
 dam ingenij facultate, & assidua Ciceronis lectione sis  
 consecutus: cum illa accesserint Aristotelica, in qui-  
 bus

bus nunc totus es; usumq. rerum, qui in adolescentem non cadit, percallueris, qualem te uirum futurum putemus? non sum natura blandus; neq. soleo cuiusquam auribus inservire: potius offendit quosdam libertas mea. itaque, quod dicturus sum, gratiae causa dictum ne putato. si quando accidit, ut interroger de ijs, qui antiquam illam perfecte scribendi laudem posse nobis uideantur iam paene amissam restituere, soleo te duobus praestantissimis adolescentibus, meis familiarissimis, Calino, & Amaltheo, tertium inferere. Calinum, puto, non nosti: qui clarissimum inuenem Aloysium Cornelium singularis uiri, Ioannis Cornelij, filium, in Cyprum insulam secutus, tertium iam annum abest. sed mihi hoc uelim credas affirmanti: ea bona, quae magister tuus Aristoteles laudabilia esse dicit, omnia fere in illo adolescente aut esse iam, aut breui, ut ego auguror, futura. De Amaltheo autem quid sentiam, non expectas opinor, ut significem, neq. ut ego tibi eum quasi latentem indicem, quem in illustri quadam specula uirtus constituit. quare coniunge te cum his, & eloquentiam tres optimi adolescentes, aetate fere pares, concordi studio, sicuti pulcherrimam uirginem, diligite. quod si me etiam socium recipitis, & riualem in hoc amore sentis: erit praecleara consensio; & Latinae linguae formam, quam superioribus temporibus turpi barbarie uitiatam, nunc agnoscere uix possumus, posthac, ut opinio mea fert, intactam, illibatamq. tuebimur. Vale. Venetijs. ∞ DXLVII.

## PAVLO. CONTARENO,

Venetias.

II

C V M. Venetijs proxime discessi, ut in hanc solitudinem ex ista frequētia me conferrem; magna sane laetitiae perfruebar, et quod ad ea, quae homini carissima sunt in uita, uxore, ac liberos meos redibam; & quod mihi, otium ad studia, amoenitatem ad ualitudinem quaerēti, hunc esse praeter ceteros locum expetendū, atq. adamandum intelligebam. sed, ut in rebus humanis nihil est simplex. in summa uoluptate molestiae tamen hoc erat, quod ita fortuna tulisset, ut, quo tēpore tibi p̄ anniuersarias Patauini gymnasii ferias Venetijs esse, et commorari liceret, tum ego à te disīgerer, magnamq. manendi cupiditatē maxima discedendi necessitas uinceret. nec uero mihi dubium est, quin cū meo sensu tuus quoque sensus congruat, & quae me cura torquet, eadem te pungat. uinci enim in officio, atque amore, quam sit turpe, si te non mea uox aliquando docuisset, ipsi te libri, unde hauris illa praeclara, quibus ad laudem informamur, penitus erudirent. quod si, ut una simus, & tu, ut opinor, sperabas, & ego. certe cupiebam, per intervalla locorum nō licet: at, quod proximum est, ut una esse uideamur, non uideo, cur praestare litteris, et consequi non liceat. nam si propterea, simul esse, incundum est, quia mutuo sermone fruimur, in litteris non ego quidem tuam uocem audio, neq. tu meam; sed, quae uoci subest res, eam nihilominus, quā

una



una cum sumus, percipimus, hoc etiam maiore cū fru-  
 ctu, quod aliquanto scribimus accuratius, quam loqui-  
 mur. quare uelim ad scribendum te des, & cū me tuae  
 consuetudinis usura, ob ingenij tui suauitatem, & ser-  
 monis elegantiā, mirifice capiat; haec, quae in te amo,  
 quae nunc abesse doleo, fac, si me diligis, ne omnino de-  
 siderem. debes hoc mea caussa non nolle, tua uero ma-  
 xime cupere. nam, cum te aliquot abhinc annis in re-  
 ctam illam antiquae eloquentiae uiam dederis, patris  
 tui, uiri optimi, ac sapientissimi, uocibus, consiliisque  
 commotus, patruī uero, clarissimi, ac praestantissimi ci-  
 uis, exēplo incitatus: turpe tibi est, in mediocri laude  
 cōsistere; & ad summā peruenire, sine stylo, assiduaq.  
 exercitatione, non licet. quid enim ille noster, cuius  
 tu libros numquam de manibus deponis, quid aiebat?  
 timere se, nisi frequēter declamaret, ne, quod adeptus  
 erat in arte oratoria facultatis, exaresceret. Atten-  
 de, mi Paulle, & tuam caussam, a qua mea disiuncta  
 non est, si placet, mecum considera. Ille sibi, homo  
 Romanus, Latinae orationis inopiam metuebat; cum  
 tamen omnibus in hoc genere diuitiis abundaret: nos,  
 quibus Latina lingua peregrina est, qui in optima  
 scribendi aut dicendi ratione rudes, & infantes paene  
 sumus, de summa eloquentia sine summo studio cogi-  
 tabimus? & unam omnium difficillimam rem, eandēq.  
 omnium gloriosissimam, ludibundi consequemur? Vi-  
 des me ipsum, qui quid sum, ego quidem non statuo;  
 sed sunt, quibus non esse nihil uidear: nullum paene  
 diem intermittere, quin aliquid Latine scribam? cū ta-  
 men, ex quo lapidem hunc uoluo, annus iam uigesimus



abierit : Est adolescens in uestra nobilitate , tibi non ignotus , mihi admodum familiaris : quem , excellenti praeditum ingenio , gloriae cupiditate flagrantem , nisi à Romanæ eloquentiae laude ad huius maternae linguae studium falsa quaedam opinio traduxisset , erat cur de illo sperarem ea , quae summa sunt . tãtam enim operam in scribendo ponit , quantam tu uidelicet in legendo . sed neque illi in summa industria iudicij satis est , qui de Latinae linguae dignitate non optime sentire uideatur : neque tibi , rectissime iudicanti , ad id ipsum quod probas obtinendum suppetit industria . quare uellem , ut & tu illum in diligentia , & ille te imitaretur in sententia . quod utrumque si contingeret ; nae ego uestrae utriusque laudi praeclare consultum putarem . Sed ille de suo consilio uiderit . iccirco enim se non existimat errare , quia , quos sequatur , auctores habet eos uiros , qui , quod optimum esse dicunt , in eo facile omnibus hominibus antecellunt . Te uero , qui mecum in ijsdem aedibus per triennium seue iuxisti ; qui , quidquid es , de meorum consiliorum praeceptorumque fonte fluxisti ; cuius à laude mea laus quodam modo pendet ; te , inquam , mi Paulle , quantum in me erit , errare non patiar ; teque , coactus amore , & officijs tuis , hortari numquam desinam , ut in ueram ac sinceram eloquentiae formam , cuius ego tibi excellentem pulchritudinem , duorum ueterum oratorum exemplo , saepe demonstraui , tuae mentis oculos acriter intendas ; eamque tibi à me ueris , ut arbitror , lineis designatam , tu aliquando tuis scriptis , quasi coloribus , coneris exprimere . Graue , in-

quies ,

quies, onus imponis, & difficilem mihi laborem man-  
 das. Fateor ita esse: addo etiam illud, non esse nobis  
 optandum, ut aliter sit. nam, cum omnium homi-  
 num in appetenda laude par prope voluntas, simi-  
 lisq. sensus sit: quod omnes appetunt, id si esset eius-  
 modi, ut consequi multi possent; quanti, obsecro,  
 aestimares? opinor, minimi. copiam enim utilitas,  
 & utilitatem sequitur contemptus. quare non tibi est  
 dolendum, quod de sudoribus manat gloria. laetare po-  
 tius, quod cum eam omnes amabilem esse, ualdeq. ex-  
 petendam sentiant, plerosq. tamen laboris magnitudo  
 terret, & aemulandi studium rei difficultas imminuit.  
 Est autem tibi ad hanc laudem, quo te noco, adius  
 eo faciliior, atque apertior, quod, quae duo sunt ad  
 comparandam eloquentiam instrumenta maxime neces-  
 saria, ingenium, & memoria, utrumq. sic tenes, ut  
 in altero excellas, in altera ijs, qui excellere putantur,  
 non admodum concedas. haec tu bona si languere sinis,  
 gratiam naturae non optimam refers; quae non in te  
 benigna fuit, ut suum beneficium negligeres, sed ut  
 ad decus, ad dignitatem, ad immortalem, aeternamq.  
 laudem conferres. Neque uero is ego sum, qui te ue-  
 lim eloquentiam a philosophia seiungere, totosq. dies  
 in hoc uno expoliendae orationis studio consumere. ex-  
 ras, si me ita sentire putas. ego philosophiam diui-  
 num quiddam esse dico, indicem ueritatis, magistram  
 uitae, omnium uirtutum, omniumq. laudandarum ar-  
 tium parentem. sed idem ita statuo; si, qui optime  
 sciat, non optime loquatur, plerumq. fieri, ut id ipsum  
 quod sciat, nescire uideatur: & ut in conuinijs non pa-

rum interest, quæ epulae ratione condiantur, sic in sermonibus, aut scriptis, magni refert, quibus animi cogitata verbis enuncientur, quod si cui ita stupidus aut ita deprauatus est sensus, ut ornatae, & bene structae orationis suauitatem, & tanquam harmoniam auribus non percipiat: hunc tu, si sapias, neque consules in re tua, quia recte qui non intelligit, is ut recte iudicet, sperare non licet: neque ipsum monebis; quia, quibus desunt principia naturae, is inutilem artem esse constat. tu, si me audies, musarum uocem ab rusticano sono distinguas; & ut inanem multorum loquacitatem oderis, sic elinguem quorundam sapientiam non amabis. quæ in sententia uideo fuisse, quos uiros? Platonem, & Xenophontem: quibus ego plus crederem solis nutu significantibus, quam omnibus, qui nunc ubique sunt, philosophis cum iureiurendo confirmantibus. non ne uides magnū utrumque & excellentem in philosophia fuisse, utrumque tamen in hac, quam homines inepti reprehendunt, exornandae orationis facultate ita praestitisse, ut, eorum scripta cum legimus, nihil omnino purius, nihil elegantius, nihil illustrius fieri posse iudicemus? a qua laude plurimum abfuisse, nisi temporis industriaeq; multū in eloquentiae studio collocassent. neque uero eloquentiae studuissent, nisi ex ea decoris ornamētique plurimum ad philosophiam accedere, tanquam ad formosam uirginem a corporis cultu, iudicassent. Hos igitur ego te imitari malo, quorum nomina adhuc uigent, cum ipsi duobus abhinc annorum millibus obierint, quæ istos, si qui sunt, qui te infirmis rationibus à pulcherrimo consilio conantur abducere.

Perge,

Perge, ut facis, in disciplina philosophiae, in qua Patavij artificem habes eximium M. Antonium Genuam: eloquentiam uero, cuius, ut opinor, in uia me ducem non contemnis, ne dimitte. utrumque enim & debes, si tibi magna proposita sunt; & potes, si, quod me saepe dixisse memini, diei horas apte, et cum ratione distribues. Vale, & patrem tuum, & patruum, quos ego plurimi sane facio, & cōmunes amicos meo nomine saluta.

Ex Plebe Sacca ∞ DLVI. 1556,

CHRISTOPHORO. MADRVTIO

CARDINALI

Mediolanum.

AUDIO te de nobis & loqui, & sentire perhonorifice. praeclarum hoc est, laudari a Principe uiro; & ab eo Principe, qui cū fortuna uirtutem ita coniunxerit, ut in utraque pariter emineat. atque ego te semper antea, cum numquam essem allocutus, nunquam uidissem, tamen uehementer colui. mouebar tuis praestantissimis actionibus, hominumq; constanti sermone omnia de te summa praedicantium. neque nero, si quis in te laudaret opes, aut nobilitatem, aut dignitatē, admirabar. communia multorum haec sunt, optabilia potius, quam laudabilia. sed illa, quae tua proprie sunt, cum audirem; unum esse Christophorum Madrutium, qui uirtutē ipse coleret studio singulari, in alijs orna-  
ret praemijs amplissimis, omnesq; liberales discipli-

nas (fatis quodam, temporum dicam, an hominum iniurijs? exsulantes.) exciperet, amplecteretur, foueret; qui denique solidam gloriam spectaret, inania; quae multi sequuntur, contemneret: haec ego cum audirem, incitabar studio meae tibi singularis erga te obseruationis declarandae: sed obstrepere litteris inanibus tali viro, praeclaras Italiae urbes, multorumque populorum fortunas non potestate magis, quam iustitia, tuenti, hominis esse uel inepti nimis, uel impudenter ambitiosi existimabam. nunc autem, cum ad me sermones tui, mea cum laude habiti, referantur; occasionem cupide complector, quam mihi tua liberalitas offert: tibi que gratias, quas possum quidem, ago, habeo autem certe maximas, atque immortales; tum quod ornes me testimonio iudicii tui, quod apud omnes ualere plurimum intelligo: tum uero, quod isto officio, ista tam praestanti humanitate quasi fores mihi aperueris ad amicitiam tuam. qua quidem ego me si minus alia re licebit, perpetuo certe, ac singulari erga te studio, assiduamque tuarum uirtutum praedicatione, dignum praestabo, quod cum antea fecerim, iudicio meo commotus; faciam tamen in posterum alacrius, ac diligentius tua humanitate incitatus, quam semper eandem in me futuram, non magis constantiae ratio, quam naturae tuae benignitas, mihi persuadet. Vale.

Venetijs. ∞ DLVII. 1557.

## ROMULO. CERVINO,

Patauium

13.

QVOD tu persaepe queri solitus es, id mihi nunc accidit, ut epistolae prorsus caream argumento : sed ego tamen non committam, quod tu soles, ut argumēti me inopia deterreat a scribendo. quin uide, quā diuersa ratio sit. tu, cum sententiam non habes, ualde tibi ais laboriosum esse epistolam texere: ego numquā facilius soleo scribere, quam cum nihil habeo, quod scribam. At, inanes huiusmodi litterae sint, necesse est. Primum, hoc non semper. quandoque enim accidit, ut, nihil dicentes, aliquid tamen dicamus, & ut in fidibus est quaedam manus aberratio sine arte, in qua tamē ipsa ars sit: sic in epistolis argumentum quandoq. est sine argumento. itaque, nō semper inanes huiusmodi litterae: siquidem in iis solet aliquid nonnumquā exsistere, quod pōdus habeat. sed fac inanes esse: quid refert? non hoc spectamus, id sequimur, ut, exercitatione duce, eo perueniamus aliquando, ubi sita laus uideatur eloquentiae? quod si nobis tantum in hoc proficere nō licet, ut veteribus illis, quorum est purissima oratio, similes esse possimus: at tentemus tamē, si possumus nostris, qui iniquitate loquuntur, dissimiles esse. quod, ut opinor, & multum, & saepe scribendo consequemur. Ac noli putare, semper in eo nobis esse elaborandum, ut philosophemur in epistolis. graues sententiae probantur: fateor: sed nunquid hoc vno Latina lingua  
 & legarem - inquinata. conti-



continetur? me quidem Cicero noster paullo minus interdum delectat, de iocis cum agit, quam de turpi, & honesto cum disputat. utrobique enim sunt ornāmēta: & utrumq. saepe necessarium est. itaq. ad utrūq. me do: teque, ut idem facias, etiam atque etiam hortor. cumq. res non erit, de qua scribas; tum tu, si me audis, uel leuissima quaeque ex omni parte, ex omni genere arripies, et iis pro argumento utere. hoc autem quatenus agas, aut cum quibus agas, tibi non praescribo: cuius tanta prudentia est, quantam aetas ista, qua nunc es, capere uix potest. Summa sit, ut & cū argumento, & sine argumento saepissime scribas. Vale. Romae.

## FRANCISCO. GONZAGAE

Patauium.

14

ODI paene meos oculos: et si oculi sunt, idest omnium rerum carissimi: sed odi certe peius, quam antea, hunc morbum, quo mihi nunc tuus adspēctus tuus cōplexus eripitur. aduolare enim ad te, si ualerem: nihil me moraretur: nihil esset tanti. an cum tu, magni Principis filius, familia natus Italicarum omnium nobilissima, nec iam a maioribus tantum, sed a te ipso clarus, Mantua me, humilis hominem loci, nondum de facie notum, litteris humanissimis tua sponte salutandum putaueris; ego, cum Patauij, huic est prope in conspectu meo, sis, non accurrā ad te? facerem: sed soluta uoluntas non est: impeditur enim uoletudine. solatio tamen hoc, in magno dolore, sustentor, quod futurum



turum breui non despero, ut conualeſcam. concurrūt ſi-  
mul, anni tempus, aſſidua medicorum cura, mea ſum-  
ma continentia. hæc ſi proficient; adibo ad te, nulla in-  
terpoſita mora. opto enim, quæ inter nos mutuo litte-  
rarū officio cōglutinata amicitia eſt, eā paullo arctius  
mutuis ſermonibus, mutua conſuetudine adſtringi. ſin  
haerebit morbus: obſecro te, largire hoc uel meæ in te  
obſervantiae, uel humanitati tuæ, ut omnino tuis lit-  
teris ne caream: quas ego meis quam potero creberri-  
mis dabo operam ut eliciam. Mitto ad te librum meū  
de Romanis legibus, proximè rogatu multorum edi-  
tum. cupio, legas, cum hoc tamen, ſi uacat. nam, auoca-  
ri te a ſtudijs gaurioribus mea cauſſa, nolo. cupio etiā,  
cum legeris, probari tuo iudicio noſtram induſtriam.  
ſed hoc me cupere, rogare ne puta. uolo tibi eſſe libe-  
ram in utramq; partem iudicandi facultatem. nihil mi-  
hi tribue: rē ipſam pende ſuo merito, ac ſtatue de tuo  
ſenſu. nec enim is ego ſum, q̄ plus amicitiae dari poſtu-  
lem, quam ueritati; nec tu is es, qui, ſi poſtulem, faci-  
le concedas. Pergam ad reliqua, hæc ſi tibi, tuiq. ſimi-  
lib⁹ nō improbari cognouero. Vale Poſſeuino ſalutē,  
rariſſimo iuueni, cui⁹ heri epistolae reſpōdi. Venetiis.

---

ANTONIO. POSSEVINO,

Patauium.

15

GRATVS, & iucundus admodum amor is, qui te  
in eam mentem impulit, ut officiij gratia ad me ſcri-  
beres. quid enim aliud exiſtimem? cum argumen-

tum

tum res quidem ipsa tibi nullum daret. ingenium vero mirifice tuum amaui, amplexatusque, quantum licuit, animo sum, quod raptim, & ut ad hominem familiarem, familiariter cum scriberes, epistolā tamen confeceris elegantissimam, distinctam luminibus eloquentiae, in qua non fucatus, sed verus, ac tamquam naturalis Romanae linguae color eniteat. Maeste, Posseuine, fratre iam maior, iuvene eximio: vрге totus in studio litterarum. vides, quae te manent praemia. gloriam babes proximam, eamque paene manibus attingis. paullulum si te incitaueris, apprehendes. non mehercule, quia nolis, dico: sed, ut intelligas quantum cupiam, propterea dicendum putavi. faueo enim omnibus, qui recte sentiunt, recteque faciunt: in te vero mea praecipua & est voluntas, & esse debet. scis, quintum abhinc annum, Romae, cum te frater tuus adolescentulum adduxit ad me, quibus verbis commendauerit, amicitia iunxerit, & veluti in clientelam tradiderit. ex eo tempore, quoties adisti ad me, quos tecum habuerim sermones, quam studiose, quam amanter ad illa praeclara, quae frater tuus amabat, sim cohortatus, potes recordari. dixi saepe, non esse tibi de fortunae bonis cogitandum, quae vel improbi malis artibus quererent, vel bonis viris recte quesita facile casus eriperet. ostendi, vere & esse, & appellari diuitem posse, qui liberalium doctrinarum scientiam possideret. non neglexisti: contulisti cogitationes omnes tuas ad studium verae laudis, & in eo nunc apud Franciscum Gonzagam, nobilissimum, ac virtutis amore incensum adolescentem,

lescentem, ita uersaris, ut propemodum uidearis excellere. Quare gratulor equidem fratris tui manibus; quos laetari arbitror summopere, quia talis es, et quia fore tantus uideris, quanta potest esse uirtus maximo ingenio, acerrima uoluntate, summo studio comparata. Nec uero, quod epistola tua significat, mea tibi sunt aut ad ullam fortunae accessionem, aut ad dignitatem studia expectanda. a te ipso, mihi crede, omnia proficiscuntur. uirtutem si habes, nihil desidera. ea pro te praesabit. ea tibi omnes honores, omnes, quas petieris, opes impetrabit. o praeclaram uitae ducem, te felicem, Possuine, qui cum hac uiuis, & uiuendum statuis: me miserum, qui, cum idem sentiam, cogor tamen eam à me disiungere, uictus grauitate morbi et ijs curis, quae inuitum alio traducunt. quod si me Deus aliquando respexerit; acquiescam in ijs studijs, quae sola sunt ad naturam meam, sola tranquillitatem animis afferunt, hominemq. paullatim ab homine separant, & quantum licet, cum Deo coniungunt. Vale. Venetijs.

---

HIERONYMO. LIPPOMANO,  
Venetijs. 16

BREVIS epistola tua, sed habet multa sua-  
uia. primum significas amorem in me tuum, quo  
quid gratius? nam, amari à nobili adolescente, pro-  
pinitatibus, amicitijs, opibus florentissimo, op-  
tabile est: ab eo uero adolescente, cuius ad animi bo-

na comparāda mens omnis, & cogitatio dirigatur; qui scientiam litterarum ita expetat, vt inani tamen ambitione prorsus uacet, nihil ad se ipsum, ad summum Deum omnia referat; hoc uero eiusmodi est, quod qui assequitur, triumphat. itaq; ego uehementer mihi gratulor de amicitia tua: quam cupio esse perpetuam: & vt sit, omni equidem studio, omniq. erga te obseruantia laborabo. Quod uero ais nescio quid de beneficio in te meo: mi Hieronyme, noli tantum largiri modestiae tuae, ut uocabulis parum proprijs, nec satis cū re congruentibus utare. quod enim tu beneficium appellas, ego uerius officium, & officium eiusmodi, quod praetermitti à me sine graui culpa uix posset. rogabas, vt consulerem studijs tuis. impetrasti facile, & curauilibentissime. quod enim tribuere uni tibi uidebar, id nō tam tibi tribuebam, quam litteris, quam uirtuti, quam consuetudini, & naturae meae. amplector tamē istam humanitatem: quae tibi non modo beneuolentiam conciliat, uerum etiam laudem parit. nam, ut extenuare, ac dissimulare, quae acceperis, beneficia, ieiuni animi est, & perangusti, ac sordidi: sic, ea uerbis augere, palamque profiteri, excelsi, atque ampla spectantis hominis est; & ad liberalitatem, id est ad deum, & ad gloriam, nati. coniunge, quaeso, istam mentem, atque istam sententiam cum doctrina, & cum ijs studijs, ad quae te uocat illustre domesticum exemplum Veronensis Episcopi, patrui tui: quem uides auersum penitus à studijs rerum humanarum, eaque contemnentem, quae ceteri admirantur, totum esse in una uirtute defixum, & diuinam consuetudinem, quatenus

tenuis homini liceat, imitari, itaque nunc eius sapientissimis consilijs, ac sanctissimis institutis, eximiaq. doctrina, magna ex parte Romana nititur Ecclesia. hūc tu ducem si sequeris, & in eius uestigio pedem pones, non errabis in hoc dubio uitae cursu, non laberis in lubrica iuuentutis uia. quod te facere, iam, laetor; facturum etiam multo in posterum diligentius, confido. atque ego, quando mihi licere apud te tantum uis, languere te praeclaris in studijs nō patiar. hortabor litteris, dum abero: praesens sermonibus excitabo. nunc me cupidum urbis, tuique maxime, ac paucorum tui similitum, tenet tamē in his locis uxoris meae morbus, de qua iactō uarie, tamquam fluctibus, modo spe, modo metu. in vna tantum cogitatione videtur animus consistere, & quietem aliquam capere, cum quasi secum loquitur, & commemorat ipse sibi necessitatem illam rebus omnibus impendentem, ut animata intereant, creata dissoluantur. At est dolendum, si quem viribus aetateq. florentem immatura mors oppreßerit. Ita, si mortem in malis, vitam felicitatis loco statuas. quod qui existimat, refellitur exemplis. quam multis enim, diu viuere, miserrimum fuit? Haec quam diu cogito, videor acquiescere; satisq. leuiter incommodi mei grauitatem sustineo. sed certe nimis acerbe fortuna mecum egit, quae me, de me ipso, ut scis, ac de mea valetudine sollicitum, alienis etiam malis implicauerit. Benacum petere statueram. non licuit, neque forsitan licebit. Asulae quidem, opido satis eleganti, ubi magnam pueritiae meae partem traduxeram, omnes mihi iucunditates,

omnia

omnia gaudia tum in fratris conuietu, tum in ueterum amicorum consuetudine fixeram. cecidit contra. frater enim aegrotauit diu, neque dum firmus est: amicis autem qui possum frui, cum uxorem, multorum dierum morbo conflctatam, nunc incerta vitae spe animam trahentem, in oculis habeam? De me ipso, ac de meo reditu, noti expectare dum scribam. vides me alienis miserijs esse miserum: meam non esse liberam, aut solutam voluntatem, intelligis: nisi si meos deferere, idest ab omni prorsus humanitate velim desciscere: quod profecto numquam committam. quod si nostrorum animorum sensus, & nostra consilia Deo patent, vt certe patent: amat, opinor, pietatem meam; eaque, non dubito, quin mihi uel opem ab eo celeriter impetret, uel hoc saltem, ut, quidquid euenierit, moderate feram. profecto enim ex uno illo fonte omnis nostra fortitudo manat, omnisq. sapientia. alioqui facile frangimur, & facile aberramus à vero, insidiosis voluptatum; ille cebris adducti, & rerum mutabilium fallacissima specie decepti. quae tu, ac multo plura, cum audieris saepe de patruo tuo, quid cum ab ineunte pueritia in ijsdem aedibus, atq. in eodem paene cubiculo vixisti: si quid huius generis mihi nunc, multis difficultatibus ac molestijs circumuento, litteris imperties, habebo à te munus aptissimum meo tempori, dignum amicitia nostra, dignum uero maxime ea persona, quam tu sustines; qui te sacris addixisti, semper ut bene ageres, & ut bene cogitares. Vale; & ad Episcopum Varonae designatum, quem uidi numquam, de fama tamen cognitum studiose



diſe colo, obſecro te, cum ſcribes, meo nomine ſalutem plurimam. *Aſulae*. ∞ D LVI

E I D E M, Venetias.

17

*NUNQUAM* putauī fore, vt iniuriam acciperem in beneficio, praefertim a te cuius in fronte, oculis, vultu habitare uidetur humanitas. benigne mecum, & liberaliter agere, quod eſt proprium familiae tuae, magnopere te decuit: idq. adeo poſtulabat amicitia noſtra: callide uero agere, & ficta ueritatis imagine fucū facere, neq; te dignum fuit, ad praeclara laudandarum rerum ſtudia ex nobiliſſima familia nato; neq; uero me, tui ſtudioſiſſimo, de tua bonitate, tuiſq. moribus egregie non modo ſentiente, verum etiā praedicante. aſtutiae praellantibus uiris nunquā placuere. apertā, ſimplicē, rectā in omni uita conſuetudinem ſequuntur. quo ego te in numero, quia credidi eſſe, & quia, ut eſſes, curare nō mediocriter debuisti; ideo ſum in fraudē facillime inductus, & illo tuo ſigmento, quo nihil unquam gultaui ſuauius, abſtinui perinuitus. meae tamē inſcitiae eo me pūdet minus, quia ſequitur amorē credulitas, & ita uitiū laude corrigitur. noli igitur me, quaſi rudē quendā, & prorsus earū epularum, quae nouo quodā artificio condiuntur, imperitū, contēnere; poenarū ſatis in ipſas retuli: quā reieci quaſi noxiam; cum eſſet eius generis, ut me docuit heri veſperi Sebaſtianus noſter, vnde ſimul poſſem & alimentū capere, ualetudini meae uehementer aptū, & palatum oblectare, quantū antea fortaſſe

D nam-

numquam restitue nobis tuam fidem. liceat mihi meum errorem tuo beneficio corrigere. magna res non est: magnopere tamen sum commotus, uel in scitia mea, uel malitia tua: quae uicit omnipotens, uel sefellit potius opinionem meam. id si moleste fers; non longe abest mei leniendi facultas: si modo animum tuum induxeris, ut id, quod potes, etiam uelis. quod si secus acciderit: praedico tibi culpam exiguam grauius lues: neque te mellitis placentulis, quibus me munerari solitus es, absolua, sed ea poena condemnabo, cuius etiam nomen cum audieris, extimesces. interim sustineo me, neque dum multo iudicium de te meum; quia te spero rationem utriusque nostrum habere uelle. Cupio tecum coram iocari, & simul ad speculum illo tuo iucundissimo frui. Vale. E cubiculo meo, ante lucem.

---

E IUS D E ROM,

Romani.

i 8

CV M in magnis molestijs haec una me res delectare non mediocriter soleat, quod amicitias a me diligenter coli, nec numquam officium contemni, ipse mihi sum conscius; legi perinuitus eam partem litterarum tuarum, in qua me, ut immemorem promissi appellas, atque etiam ut oblitum humanitatis, leuiter accusas. Ego tuae familiae nobilitate, egregiaque tuorum maiorum decora, pro eo ac debui, semper suspexi: te uero ipsum, praeditum his bonis, quae nobilitatem omnem uincunt, amari prorsus, a quo die mihi cognitus es, amore singulari: hac immutari

immutari in me uoluntatem, ita etiam si te mihi casus  
 aliquis immutet, neque consuetudo mea, neque natura  
 pateretur. quod equidem antea tibi certum esse. atq; ex-  
 ploratū arbitrabar, nunc, quando subdubitare te uideo,  
 significandum putauī; ne posthac umquam suspensiones  
 istiusmodi, plane meo erga te studio, & mehercule etiā  
 tua bonitate indignas, mearum epistolarum afferat in-  
 frequentia. quamquam, solum otium cum meis occu-  
 pationibus conferatur, non intelligo, cur ego tuam in  
 scribendo valde laudare diligentiam, tu meam repre-  
 hendere negligentiam debeas. satis, nisi fallor, statum  
 rerum tuarū habeo cognitū: tu me scilicet uideris igno-  
 rare: nam, si noffes, & exigeres tamen id, quod prae-  
 stare uix possum; essēs iniquior. At erat amoris nostri,  
 lenire litteris dolorem tuū in obitu patruī, summi viri.  
 sit ita: uerum tamen abs te postulabat idē amor, ne, offi-  
 cium a me illud sine caussa praetermitti, animum indu-  
 ceres. Primum ego te, per aliquot annos domestica san-  
 ctissimi hominis disciplina institutū, putabam humana  
 omnia contemnere, mortem uero, quae sempiternae ui-  
 tae initium est, etiam in bonis ducere. Quod si frangi-  
 mur humanis, aut commouemur saltem; certe enim a  
 stipite, a saxo, a ferrea materia longe distat hominis na-  
 tura: quis tamen ab afflicto solatiū expectat? aut quis  
 me minus trāquilla experitur omnia? quae si tibi nota  
 sint: profecto me liberares ab omni culpa, & cupias reuo-  
 care querelam tuam. Neq; uero, si rigeat animus, &  
 perferat aduersa, ita ualemus ingenio, ut consolādi par-  
 tes, quae doctrinae plurimum, & sapientiae postulant,  
 audeamus assumere. nō haec in nobis facultas est: quae

ras eam aliunde licet: si modo, ut significas, quod mihi  
tamen haud omnino persuades. in te ipso non est; qui  
& acuerere mentem liberalibus studijs, & augere pru-  
dentiam usu rerum: ac praestantium virorum sermo-  
ne potuisti. quae si absint, ut abesse a me magna ex  
parte fateor: tamen ille ipse, qui tibi luctus causam at-  
tulit, idem a luctu te remouet exemplo uitae suae, cu-  
ius abesse nullam partem a constantia, & a virtute re-  
peries. Hunc igitur tibi vnum ante oculos constitue:  
finge ad eius imaginem quidquid cogitas, quidquid  
agis: noli oculos ad vulgi deprauatam consuetudi-  
nem flectere. ita consules egregie rationibus tuis: &  
illud recte instituendae vitae consilium, quod a me re-  
quiris, nusquam esse praestantius, quam in te ipso,  
cognosces. Vale. ∞ D L X.

EPISTOLARVM  
PAVLLI. MANVTII  
LIBER. SECVNDVS

FRANCISCO. VARGAE  
CAROLI. V. IMPERATORIS. ET  
PHILIPPI. EIVS. FILII  
HISPANIARVM. REGIS  
ORATORI  
Venetias.



**Q**FFICII mei saepe me admonet officio-  
rum tuorum recordatio. officium autem,  
quod absens absenti praestare possum, litte-  
rae sunt: quas misissem ad te iam antea, ni-  
si huc aduenientē graues admodum, & peracerbae cu-  
rae statim excepissent. quas enim res scis esse nobis in-  
uita omnium carissimas, omniumq. primas, in ijs me gra-  
uiter exercere fortuna coepit, vxore, liberis, fratre, uno  
paene tēpore in morbum coniectis. ne mihi quidē belle  
satis est. animo enim affectus, valere corpore qui pos-  
sum? veruntamen, quia mihi haerent in mente consilia  
tua, fero haec vt humana, diuina spe, in qua tu soles oīa  
ponere, confirmatus. quod nisi hunc in portū, te ducem  
secutus, confugissem, facile me tot malorum subita tēpe-  
stas obruisset. En, quam sit incertus nostrorum consilio-  
rum euentus, et quam ea, quae nobis ipsi ad uoluntatē  
fingimus, cōtra cadāt. Petiui has regiones nō sine sum-

ptu, nō sine labore. spe ductus ualeitudinis recuperāda:  
 reliqui vrbē pulcherrimam, mea negotia, tuam consue-  
 tudinem, in qua mihi ornamenti statuo plurimum, haec  
 bona, tantū abest, ut alijs bonis compensata sint, ut etiā  
 multa successerint, quae si ad sensum referantur, mala  
 vere possum appellare. sed, cum me sensus quandoque  
 moueat, ratione tamen vtor saepius. haec oslēdit, nihil  
 esse malum, nisi quod nostra culpa contingat: ancipitē  
 esse in rebus humanis rationē iudicandi: nihil enim sem-  
 per idem esse: quin, quae nobis aduersa, exitiosa, pror-  
 sus misera uideantur, ea saepe ita cōverti, vt ex ijs ipsis  
 multae commoditates emanēt, contra, quae speciē ha-  
 beant felicitatis, inde fluere quae acerbissima sunt, ex-  
 sulium, paupertatem, ignominiam. quae ego cū cogito,  
 reficior paullulum, & excito me, quatenus licet, ad eā  
 virtutem, quae in aduersis rebus elucet: de qua cū mul-  
 ta sint a philosophis tradita, vnus tamen eam suo exē-  
 plo praeclare docuit nostrae salutis auctor Iesus Chri-  
 stus: quo magistro, quae sit vera fortitudo, discimus, om-  
 niumq. laudandarum artium absolutam, ac vere salu-  
 tarem doctrinā consequimur. Atque ego te, Francisce  
 Varga, quod hoc studiij genus omnibus & studijs, &  
 sciētijs anteponas, lōge quidē hoc nomine pluris facio;  
 quam quod negotia Caesaris Imperatoris ex omniū sē-  
 culorum memoria praestantissimi, & Philippi Regis,  
 omnium Regum maximi, apud Venetam Remp. rator  
 administras. ista enim dignitate aliij quoq; nobiles viri  
 claruerunt: pietate vero in Deum, & sanctitate vitę,  
 parem fortasse aliquem, superiorem certe habes nemi-  
 nem. itaque, postquā a te discessi, vix credas, quā sae-  
 pe mens



pe meus ad te animus, tuorum sermonum desiderio recurrat. equidem, vel si mihi cetera hic omnia secundissima fluere, quae ex prioribus, ut dixi; satis aduersa; iniucunde tamen viderem, quia procul a te absum; cuius ex humanitate, sermonibus, consilijs mirificos capiebam fructus, & documenta ad vitam recte traducendam vtilissima. Quare iam me minus quam antea, delectat, ac paene displicere totum coepit consilium illud meum de lacu Benaco incolendo. tua me singularis doctrina, tua probitas, tua benignitas ad urbem reuocat. Benacum, per anni tempus cum licebit, aestate scilicet ineunte, (nam hieme regionem illam procellis, & ventorum vi totam audio agitari) si valetudo ita postulabit, inuisam interea meam imbecillitatem ratione uictus, & abstinentia tuebor. ac fortasse fiet, quoniam a Deo cuncta pendent, ut Venetijs, intra meos parietes, in oculis, & adspectu meorum, commodissimo vitae genere, ita conualescam, ne qua postea me celi mutandi necessitas extrudat. quod si assequar; habebis me, si me tantum ab humanitate tua sperare vis, quod profecto vis, familiarem, ac paene contubernalem: & hac equidem spe iam nunc mirifice sustentor. Vale.

## HIERONYMO. FALETO

HERCVLIS. FERRARIENSIVM

DVCIS. ORATORI

Venetias.

2

QVOD heri inieciſti in ſermone, haeret in animo,  
 & quo diligentius rem perpendo, eo magis omnia mea  
 conſilia, omnes cogitationes ad nouam ſocietate, quae-  
 cumq; ea ſit, conuerto. vexor enim, & deludor indigne  
 ab homine taeterrimo, omniumq. impuriſſimo: cui non  
 ſatis eſt auertere communem rem; ſed me prorsus ita  
 deſpicit, vt nec dignū ducat; ad quē adeat accerſitus.  
 equidē nihil mihi adſciſco, nihil arrogo inſolenter: nihil  
 enim habeo neque a fortuna, neque a me ipſo, quo ni-  
 mium extollar: verū tamen limina mearum aedium te-  
 rūtur quotidie pedibus virorum clariſſimorum, ad me  
 confluentium. tu ipſe, tu, inquam, Falete, & maximī  
 Ducis orator, & maximus ipſe vir, quem grauiſſima di-  
 ſtinent negotia, qui ſcribis hiſtoriam, qui legum ſcien-  
 tiam, veterum, & recentium, ſcriptis luculentisſimis  
 explicas, uenire tamen ad me, quae tua eſt humanitas,  
 ſaepe ſolitus es, horasq. multas ſuauiſſimo ſermone cō-  
 ſumere. Malum eſt, inquires, ab homine nequiſſimo con-  
 temni. Malum: ſed peius etiam, expilari. quod niſi tua  
 prudentia medicinam huic malo affert; perijt fructus  
 omnis tuae liberalitatis. clauam enim citius de manu  
 Herculis poſſim extorquere, quā ab iſto nummum. aut  
 igitur ea mihi conſeruetur vtilitas, quam tuo benefi-

cio

cio speraueram : aut, qui nos vult perditos , perdatur  
 ipse nobiscum, & societas communi perniciē dissolu-  
 tur. verum , cum in tuum ingenium , tuam auctorita-  
 tem, & singularem in me beneuolentiam intueor; tra-  
 ducor facile ad optimam spem; tranquilla omnia, com-  
 moda, copiosa mihi ipse polliceor. tu restitues vnus af-  
 flictam rem: & istum postremi ordinis hominem, omni-  
 bus inquinatum vitijs, indignum prorsus nō modo ami-  
 citia nostra, sed congressu etiam, ac sermone, extrude-  
 mus, vt versetur posthac, & viuat cum sui similibus,  
 in sordida nequitie, seiunctus a nobis , qui humanitatē  
 colimus, & virtutē omni lucro anteponimus. Interim  
 lege, quam saepe iam efflagitasti , partē libri nostri de  
 quattuor Rebus pub. quā cupio a te probari. otium si ha-  
 buero, quale vt aliquando consequar, operam dabo; in  
 Bellombra tuo, si alibi non licebit, totū volumen absol-  
 nam. Vale. Ex aedibus nostris. ∞ DLVII.

Ex libro de quattuor Rebus pub.

EX IIS , quae supra sunt commemorata, duae vi-  
 dentur propositi nobis argumenti partes absolutae. pa-  
 tere enim satis arbitramur, nō modo quibus vitijs duae  
 maximae , ac firmissimae ciuitates, primum Sparta ,  
 deinde Carthago, labefactae corruerint; verum etiam,  
 quibus illa vitia remedijs vel sanari penitus , vel ita  
 saltem corrigi potuerint, ne reipub. salutem in disci-  
 men adducerent . nunc vrbs Romae quae scilicet succe-  
 dit: qui erat tertius in diuisione locus. postremae nar-  
 rationi, conclusio futura nostri muneris, omniumque  
 nobilissima,

nobilissima, & eadem difficillima tractatio, Venetiae nostrae reſeruantur.

AC D. E. Roma, quae nullo magis vitio, nullo grauius vniquam morbo, quam imperii magnitudine, laborauit, primum illud occurrit, nulla omnino in ciuitate post homines natos aut virtutes, & honestas actiones aliquando floruisse magis, aut aeque malas artes, & exitiosa publicis rebus consilia valuisse. Primis reip. temporibus, cum nullidum de plebe magistratus creabantur, summa senatus potestas, summa fuit auctoritas, utraque cum per aliquot annos vigisset, inclinare tum primum coeperit, cum tribuni pl. creati sunt. creatos autem culpa senatus, historiae declarant. nam, si prima repetere, & quae cuique rei causa sit, placet animo perquirere: tribuniciam potestatem, quae deinde senatus opes fregit ac debilitauit maxime, ipsius vitio senatus Romae constitutam, facile constabit. Quid igitur? an tu, dicet aliquis, senatum reprehendis, quia tribunos pl. creati passus sit, cum plebs eum magistratum non iam vocibus posceret, sed armis extorqueret? an amplissimum ordinem, quia permiserit, quod recusari sine reip. praesentiam periculo non poterat, imprudentiae condemnas? Ego quidem minime: habeo enim rationem necessitatis; cui parere, sapientis semper est habitum. Seceſſerat armata multitudo in Sacrum montem: flagrabat ira, & odio in ordinem nobilium: auaritiam, superbiam, crudelitatem senatus accusabat: se bella gerere, vrbes capere, pro patria sanguinem effundere, mortem obire clamabat: pro his meritis inopiam, & iniurias pa-

ti:

ti: senatum commodis frui, senatum honoribus abundare: plebem seruire, quae, ut ceteri liberi essent, quotidie sua corpora hostiis telis obijceret, quem non mouerent huiusmodi quaerelae? quem non terrerent, cum ij, qui haec querebantur, alij pilas, alij gladios manibus tenerent? recte fecit senatus: tribuniciam potestatem, a plebe flagitatam, concessit, non libenter, sed, ut impetum sedaret, maiorem temporis, quam suae uoluntatis, rationem duxit. haec, ut dixi, recte, nec sine summo consilio: sapiens enim cum necessitate non pugnat: at illud neque recte, neque prudenter; quod, ut in eam necessitatem res deduceretur, siue negligentia, siue superbia commisit. occurri principijs oportuit, & nascentem pestem exstingui. nam, cum omnes ciuitates, quae suo milite bella gerunt, quotidianis prope seditionibus fluctuare necesse sit: quo malo et ueterum memoria. & nostra aetate florentissimas ciuitate occidisse constat: summae difficultatis, ac diuiniae cuiusdam sapientiae uidetur esse, ita rem moderari, ut consistat, neque permittere, ut multitudini, quae satis ipsa per se lenis est, nulla paullo iustior ad motum accedat occasio. Erant in plebe Romana quam plurimi; quibus aere alieno obstrictis, unde soluerent, non erat. hi cum ad tribunal consulum, qui tum, nondum creatis praetoribus, de creditis pecunijs ius dicebant, a feneratoribus uncarentur, egestatem excusantes, & domesticas misérias ad eliciendam misericordiam commemorantes, tamen non audiebantur, magistratus ne extendum feneratori debitorem, tradebat, ut, quamcumque creditor uellet, seruitutem seruiret. iniqua, & ho-

mine

mine prorsus indigna siue consuetudo fuit, siue lex. Tu mihi libertatem lege eripias, cum libertatis causa leges constituentur? an ego ullam legem potiore ea lege ducam, qua Deus, ut homo liberum animal esset, ac ceteris animantibus imperaret, aeterno iure sanxit? pecuniam aufers: non relinquis, unde viam, unde liberos alam: fero: relinque libertatem; ut mercenario saltem opere ipse mihi, & esurienti familiae victum quaeram. Cum his acerbè magistratus agebat: acerbius etiam feneratores; qui ciues Romanos, nexu vinctos, gravissimo servili opere fatigabant, & nexorum in terga flagellis, ac verberibus saepe saenebant. Hic senatus miseris ciuibus consulere, causam libertatis suscipere & potuit, & debuit; nexos e vinculis eximere, humanitatis fuit; diem soluendi laxiorè egentibus statuere, aequitatis; usuris modum facere, iustitiae. haec & facienda fuerunt, & ut fierent, cum a patribus plebs, atque consulibus frustra petisset; ad extremum, ut homines desperare praecipites agit, armata multitudo in Sacrum montem, tria millia ab urbe passuum, secescit. tum, ut plebeiorum animi, stimulis iracundiae perciti, continerentur; senatus, periculo territus, de creando plebeio magistratu, quia res aliter conuenire non poterat, assensit. itaque tribuni pl. primum quinque, deinde decem, creati sunt. ab hac radice ortum quidquid inter ciues discordiae, quidquid seditionis, quidquid bellorum fuit. per annos quingentos, id est, usque ad exitium reip. tribuni pl. contra nobilium potentiam seditiosis concionibus uociferari, plebem ad noui commodi spem, ad noua incitare consilia-



numquam deslitterunt. specie libertatem tuebantur; reuera senatum oppugnabant. primo magistratus, deinde & sacerdotia plebi communicata. ad extremū is, qui solet, exitus consecutus est. nam plebs, ubi, quod paucorum erat, ad se transtulit, rursus ad ipsū, quod multitudinis est, in unum confert. facit hoc inscitia, facit inopia, facit ea, quae in magno numero semper existit, voluntatum & opinionum dissimilitudo. ita popularis administratio quae maxime libertatis imaginem praesefert, occulte tamen, si spectemus exitum, tyrannis est: quoniam ex ea fere semper exoritur tyrannis; sicuti deinde ex tyranno status optimatum generatur. Huius mutationis exemplum satis illustre Roma est. primo, regum summa potestas fuit: deinde senatus, hoc est optimatum, maior, quam populi: tum populi maior, quam senatus: postremo rursus unius maxima, & singularis. populus enim C. Caesarem extraordinarijs imperijs auxit, eoque extulit, unde, cum se monarchiae proximum esse homo acutus intelligeret, priuatam condicionem despexit; altiusque maluit, ut humanimos ingenij fert, ascendere, quam ad inferiora, quae reliquerat, descendere. Neque vero me fugit id, quod a doctissimis uiris memoriae proditum est; firmissimas illius reipub. vires esse, & quae non facile ab externis uiribus debilitentur, cuius non simplex, neque unius generis administratio est, sed ita mixta, ita temperata, ut in tripliei forma unum consilium, unam quasi mentem significet. neque ego tum in ciuitate praeclare agi negauerim, cum et vnus, & pauci, & multi maximas res gerunt, nec tamen aut vnus,

aut

aut pauci, aut multi praecipue dominantur. verum  
 vt harum trium partium in suo quaeque munere mo-  
 dum seruet, & ea, quam habet, potestatem num-  
 quā abutatur, ego quidem hoc fieri posse non arbitror.  
 sunt enim hi tres ordines admodum dissimiles: & in-  
 ter dissimilia perpetuus aequabilitati locus esse nō po-  
 test. nam quemadmodum in musicis, quo plures chor-  
 dae percutiuntur, eo suauior concentus efficitur, quia  
 uariis ille multarum fidium numerus, in quo summa  
 discordia est, arte conciliatus, & ad concordiam per-  
 ductus, incredibili quadam iucunditate aures, animum-  
 que permulcet; sed haec tamen iucunditas ideo breuis  
 est, quia de multis fidibus aliqua statim remittitur, &  
 discrepat: sic multorum ordinum administratio uidetur  
 illa quidem esse omnium optima; quia, quo longius ab  
 unius imperio disceditur, eo propius ad libertatem ac-  
 ceditur; sed quia multis idem sentire difficile est, facile  
 dissoluitur. quid autem ex dissolutione existat, multa-  
 rum ciuitatum miserrimus exitus declarat. quare, cum  
 sit necesse, vt de tribus potestatibus quae pares sint,  
 aliqua aliquando se efferat, & reliquis duabus insul-  
 tet: ante providendum est, ut ea, unde magis hoc im-  
 minet periculi, quaeque ad temeritatem procliuior est,  
 inferiorem locum obtineat, & reliquas duas neque di-  
 gnitate, neque viribus adaequet. quae vero de tribus  
 ea sit, quae facilius insaniat, & cum insanierit, co-  
 hiberi non possit, hic sine dubio populus est, qui vt in-  
 feriolem in ciuitate condicionem aequo animo ferat, ita  
 fiet, si cum eo semper iuste, numquam superbe, inter-  
 dum etiam liberaliter senatus agat. tum populus nihil  
 appetet,

appetet, nihil molietur: nouos magistratus novas leges, noua imperia non desiderabit: libera seruitute libenter seruiet: putabit enim se non hominibus seruire, sed legibus. hæc si Romæ senatus initio canisset, quique furentis multitudinis impetus, quæque vis esset, mature cogitasset: non, ut cum seruis agi solet, ita cum ciuibus agi passus esset: nec si liberos homines uetuisset: usuras, hoc est inopiæ causam, minuisset: ipsam autem inopiã publicã benignitate subleuasset. quæ quia non fecit, iecirco illa, quæ dixi, consecuta sunt, ex desperatione secessio, ex secessione tribunatus, ex tribunatu ordinum contentio, ex contentione libertatis interitus: Primis temporibus omnia potuit senatus; medijs multa senatus, multa populus; extremis omnia populus. itaque & primis temporibus, & medijs florentissima res fuit, extremis concidit. nullam enim ius, nullam potestatem a senatu tribunorum temeritas non abstulit. Aerarij dominus per multa sæcula senatus fuerat. antiqua tamen iura tribunus pl. P. Clodius neglexit, legem lãtã, quæ Pisoni, & Gabinio eos. simul cū prouincijs pecuniã; quantam voluit, de publico dedit. Senatus lege Sæmpronii consulares prouincias proconsulibus decernebat. decretas tamen idem Clodius abstulit, Vatinijs scilicet tribuni pl. improbitatem imitatus: qui anno proximo C. Cæsari Galliam Cisalpinam cum Illyrico, inuito senatu, sua lege dederat. Legati etiam ex auctoritate senatus diligebantur: Vatinius immutauit, & ipse sibi sua lege legationem detulit. Ipsa comitia quodam modo senatus in potestate fuerant; quia magistratum non gerebat is, qui ceperat,

+ diligebantur.

rat, nisi patres auctores essent. hoc quoque amissum,  
 nec fieri iam solere, Cicero significat in oratione pro  
 Plancio. Triumphum a senatu petere Imperatores e  
 provincia redeuntes diu consueuerant. inuentus est,  
 qui, cum senatus triumphum negasset, ad populum cō  
 fugerit, & populo iubente, triumpharit. Qui pote  
 rat ea resp. consistere, & ad interitum non rueri, in  
 qua, quod senatus improbat, populus iubebat; quod  
 decernebat senatus, infirmabat populus? ius enim in  
 tercedendi tribuni pl. habebant: quo iure, ne senatus  
 consulta fierent, impediebat. at, impedire iussa popu  
 li, si senatus uellet; non erat, ut tuto posset. ilico enim,  
 incitantibus tribunis, erumpebat seditio; illico vis, illi  
 co caedes. cuius periculi metu saepe senatus iniquissi  
 ma tulit. nā, ut omittam alia, quae sunt huius generis  
 sexcenta, regna ipsa sine senatus consulto barbaris ho  
 minibus ex tribunorum pl. libidine esse donata, scriptū  
 est. quae licentia cum retineri non posset, eo progressa  
 decemum est, ut omnia perdiderit. nec dissimilis erit euen  
 tus, quacumque in ciuitate pares cum senatu vires po  
 pulus habebit: non quod, ubi aequalitas est, ibi recte  
 non sit: sed quod, ubi ad aequalitatem populus perue  
 nit, diuturnam esse non patitur. Quare, cum ex duq  
 rum ordinum aequalitate statim oriatur inaequalitas;  
 aequalitati perniciosae totam inaequalitatem ante po  
 no; & eum ordinem praeesse rebus malo, qui potestate  
 minus abutitur, quam eum, cuius potestatem summa  
 statim licentia, summa temeritas consequitur.

## MARIO. NIZOLIO

Parmam.

3

EPISTOLA tua, mi Nizoli, ut amici hominis, ac vehementer amandi, summa me uoluptate affecit, ac meam uehementer incendit cupiditatem Parmam adeundi: non quod urbs, aut urbis ornamenta, me moueāt: (aliā haec mirantur, apud me uulgaria sunt) sed aueo incredibiliter patronū ueterē meum, meum dico? immo uero litterarum ac studiosorum omnium, ipsumque litteris excellentem, Alexandrum Farnesium, Cardinalem salutare: quem cognoui Romae, & colui puerum adolescens, eximia iam tum indole praeditum, & earum laudum principijs, quas deinde, auctus aetate simul & iudicio perfecit, magna omnium expectatione florentē. quo quidem tempore uehementer urbs ipsa excitauit me, atque acuit in studio liberalium disciplinarū, ad spectu ipso antiquitatis, & multiplici ac uaria hominū cruditorum scientia: sed, ut ingenue uereq. fatear, proprie me expoliuit aula Farnesij moribus, ac litteris; cum uiuerem coniunctissime ac familiarissime cum duobus praestantissimis uiris, Marcello Ceruino, & Bernardino Mafaeio: quorum alterum Pontificem maximum, alterum Cardinalem, utrumque immortalitate dignissimū, aduersa bonis artibus iniqua mors eripuit. Quare, quod me Parmam uocas, & multis uerbis inuitas amantissime, non me litterae tuae sopitum excitarunt, sed currentem potius, ut aiunt, in-

E            citarunt.

citarūt. quod vtinā cum uoluntate cetera congruerēt,  
 iā iamq. uobiscum eſſem. ſed uides anni tempus: uides  
 itinerum difficultatē: ſcis, quam imbecillo ſim corpore,  
 quam tenui, & ad incommoda, iniuriasq. caeli perfe-  
 rendas parum apto. timeo etiam a militibus; a quibus  
 otium non eſt: excurrere enim dicuntur, & praedaſ fa-  
 cere. non igitur ueniam, cum a uobis vnus diei uix  
 abſim intervallo? ueniam, opinor; quaeq; aduerſantur,  
 & impediunt, contemnā omnia: uolui omnino meis  
 oculis, Farnesio uidendo, ſatisfacere; uolo hanc a me  
 ipſo gratiā inire, & ſalutationis officio, expetito ſane,  
 ac debito, perſungi. Te uero, optime, ac doctiſſime Ma-  
 ri, cuius conſuetudine & ſermone careo multis abhinc  
 annis, quem mihi tamen ex animo numquam eripuit  
 neque tempus, neque longinquitas, quo ſtudio comple-  
 ctar? quantam hauriam, cum praeſens praeſentem al-  
 loquar, uoluptatem? dilexi equidem, a quo primum  
 die te cognoui, tuos mores, tuam naturae comitatē, ac  
 ſuauiſſimam: doctrinam uero, ingenium, induſtriam, ſu-  
 ſpexi ſemper, extuliq. laudibus ad caelū: nec iniuria.  
 nam ſi, Romanae linguae ſtudioſum colere, & illuſtrare,  
 laus eſt; quis hoc te vno aut curauit ſtudioſius aetate  
 noſtra, aut cumulatiuſ praeſtitit? ego ipſe, quem tu eſſe  
 aliquid uiſ in hac Latine ſcribendi facultate; in quo ue-  
 reor ne te fallat amor: nā iudicium in dubium uocare  
 non debeo; ſed, ſi quid ſum, magna ex parte de tuo fon-  
 te fluxi. theſauros enim Ciceronis omnes, in illo prae-  
 claro tuarum Obſeruationum libro congeſtos, reperi;  
 & uſus ſum facile: quos colligere diſperſos, immenſi  
 laboris fuiſſet, ac temporis. Laudas igitur beneficiū  
 tuum,



tuum, cum me laudas, & quodā modo praemia capis  
 meritorum tuorum. De loco in oratione pro Sextio, di-  
 sputas erudite: nec a iudicio tuo mea discrepat opinio.  
 quiddam tamen superest, quod me leniter pungat. qua  
 de re cum erimus inter nos collocuti, vel ego tuam sen-  
 tentiam, ut veram, vel tu meam sequeris gratiae sal-  
 tem caussa. Vale, & Farnesio Cardinali, simulque  
 Antonio Mirandulae, Episcopo, vni omnium do-  
 ctissimo, atque humanissimo, meis verbis salutem plu-  
 rimam dicito. Asulae.

## SILVIO. ANTONIANO

Ferrariam.

4

ACUTE admodum, mi Silui, nec minus aman-  
 ter scribis. ego autem in amore facile possum tibi respō-  
 dere, planeque respondeo: ingenij signa, praedico tibi,  
 ne prorsus ulla meis in litteris expectatio. non soleo fe-  
 re studiosius epistolas elaborare: primum, quia, si quid  
 scribitur ad familiares, plane familiariter agendū pu-  
 to; odi illa nimis ambitiosa, constructa verbis, & sen-  
 tentijs exquisitis; deinde, quia ne si velim quidem in  
 epistolis agere accuratius, relinquitur ut possim. urgeor  
 quotidianis amicorum salutationibus; negotijs, & rei  
 domesticae cura paene opprimor; oculorum uero uale-  
 tudine sic interdum vexor, ut nullam partem capiam,  
 quietis. quare male merearis de amico tuo, si velis ei,  
 tam valde occupato, tam grauiter affecto, diligen-  
 tia onus imponere. imitetur epistola sermonem, ex-

currat libere, nullis adstricta legibus, & suauem quādam, perfecta non indignā amicitia, negligentiam praeferat. alioqui officium scribendi, saepe inter absentes necessariū, gratū quidem semper, iniucundum & graue, nimis accurata reddet industria. Quod me orn. is laudibus; non efficit, ut ipse mihi placeā, aut assumā plus quā soleā: id assequeris, ut me tibi deuincias magis, cuius ex amore fluere ista uideo, nimis in me honorifica, praeclara, singularia: quae optauī equidē semper. adeptum me numquā putauī, sed uidelicet, affingere veritati, vobis poetis religio non est: idque facilius libēter, nē, consuetudine intermissa, quodam modo vestra iura minuātur. me tamen, si poetice scribis, artificium tuū, sin, ut scribis, ita sentis, error etiam delectat. haec enim me tibi commendat opinio, & amorem augeat necesse est: foris etiam, ut spero, fructum pariet, nā meis laudibus, tuo commoti testimonio, cum te excellere ingenio, florere magnorum Principum gratia constet, non pauci fortasse assentientur. quod utinam, id quod in meis consilijs erat summum, Ferrariae mihi viuere per uoluntatem licuisset. nae ego te, singulari virtute adolescentem, ita meis studijs, et officijs essem complexus, ut nemini prorsus tuorum familiarium, ne Riccio quidem ipsi, apud quem filij locum obtines, in te amando concederem. Quid, inquires, si te, depulso morbo, confirmares? Utinam id aliquando eueniat: sed id quidem sperare iam vix audeo. iaceo enim nunc, & languco miserrime: nec mihi caeli mutatio profuit: nec nouis remedijs locus est; quae iam omnia frustra cōsumpsi: uno tamen bono mea mala cōpensantur, quod etsi vires corporis

poris magna ex parte, ingenium tamen, qualecumque est, vis morbi minime debilitauit, aut fregit. itaque singulis noctibus aliquid scribo, aut legenti puero aures praebeo. sic assequar fortasse, ut, qui me non videt, carentem publica, & communi luce, viuere tamen intelligant, atque ita viuere, ne quando cum alijs plane totus exstinguar. Tu frui, optime Silui, ista valetudine, & isto otio: cum illa tibi naturae munere satis firma contigerit, hoc habeas tui Principis liberalitate vberimum. Vale.

Venetijs. ∞ DLIIX.

## BARTHOLOMAEO. RICCIO

Ferrariam.

VERA narras, optime Ricci, atque ita narras, ut in magna tuarum litterarum prudentia facile tamē amor interluceat. Mibi, ut scribis, condiciones hoc biennio delatae sunt multae, omnes cum emolumento, nulla sine dignitate. fecit tamen siue valetudo mea, siue voluntas, seu fati potius, quae in rebus humanis dominatur, occulta quaedam vis, ut omnes reiecerim: hanc postremam, delatam à summo Cardinali, Hippolyro Estensi, vnam auide sum complexus, vnam omnibus anteposui: nec est in meis consilijs quidquam antiquius, quam ut in illius aula, eximij Principis, ac viri praestantissimi, consenscam. itaque, quod hortaris, ut ad vos quamprimum me conferam; non efficis, ut cupiam, qui cupiditate

*iam ardeam; dolorem potius auge; cum intelligam, quod maxime volo, id me consequi, hoc quidem tempore, minime posse. nam, ut omittam, quod haec me frigoris acerrima uis, & intēperies caeli semel aut iterum cubiculo egressum pessime accepit, & in eadem claustra, in easdem, ubi multis iam mensibus iacui, tenebras retrusit: praeterea pietas me retinet. Fratres habet uxor mea duos: quos ego ambos vnice diligo: contraque ipsi mihi singularem nō modo beneuolentiam, verum etiam obseruantiam praestant. probi sunt adulescentes, ingenio, modestia, virtute etiam ornati, vna re minus laudandi, quod inter ipsos parum conuenit. orta est inter eos post obitum patris de haereditate dissensio: inde lis, inde odium. quod nisi ego me interponerem; nisi utrumque pensarem, rogaremque per parentis manes, per solitudinem matris, per existimationem familiae: conflictarentur assidue turpibus indicijs, graui iactura famae, magno rei familiaris detrimento. hoc ego dum versor in negotio: dum in eo studium, operamque pono, ut uxoris meae fratribus consulam: putem mihi esse uerendum, ne quis me, sana praeditus mente, reprehendat? non puto. non igitur hoc, te iudice, pertimescam. hem, Ricci, qui sacris in litteris non ambitione, ut multi, sed ita uersatus es, ut scientiam, e libris petitam, vita exprimeres; quae sunt illa praeclara, quae nos ille bonarum actionum magister optimus edocuit? non haec sunt, egentibus subuenire, errantes in uiam, dissidentes ad concordiam reuocare? ama igitur me de hoc officio. non postulo, ut laudes. iam enim didici, vel aetate doctus,*

vel morbo admonitus, recte factorum fructum a Deo potius, quam ab hominum iudicijs, expectare; omnemque laudem non in honore verborum, sed in ipsa re, atque in vna virtute constituere. Vides iam duas esse commorationis meae causas, vtramque satis grauem. accedit tertia, ne ipsa quidem leuis, vt imprimam librum meum de legibus Romanis; quem postcentibus multis debere iam diutius vix possum. eoque magis in hanc voluntatem incubui, quod inscriptus emittetur Hippolyto Cardinali. Tu, mi Ricci, fac tibi ita persuadeas, amabiliorem mihi Ferrariam fore tua causa. tuis enim sermonibus, tua humanitate, tuo lepore frui, interruptamq. multorum annorum consuetudinem licebit aliquando resarcire. quod vt sit maxime diuturnum, opto vehementer, & vt tu amantissime auguraris, etiam spero. Vale. Venetijs. ∞ D L V I.

## ANTONIO. AVGVSTINO

Romam.

6

ACCETI tuum Varronem, missum ab Octauio nostro, delatum a Laenino. quid quaeris? te dignus est. quod si operam eandem posueris in Festo; plurimum tibi Romanae litterae debebunt, aggredere. quid enim tibi non succedet? qui, (vt omittam illa, quae pleno iam theatro spectata sunt, ingenium, iudicium, doctrinam) quātus quātus es, totus labor, totus industria es. ac me hercule non solum communi nomine, sed proprias etiam tibi ego agam, atque habebo gratias. nā, quem in eo li-

bro emendādo laborem suscipere cogitauerā, quem fortasse, & alijs pressus oneribus, & natura; ac ualetudine imbecillus, non ferrē, eo me leuabis. Vale. Venetijs. Egregio iuriscōsulto, Pyrrho Tarro, veteri mihi necessitudine coniuncto, salutem plurimam. ∞ D L I V.

E I D E M, Romam.

7

EGO vero & scripsi iam, nisi me fallit memoria, satis aperte; & nunc, quādo tibi ita placet, iterabo eadem libentissime. Lapides, aut nummos, si quos habes, in quibus mentio fiat legum Romanarū; eos si nobis impertieris, habebo gratias, tuumq. etiam beneficiū ipsa fortasse, me narrāte, posteritas audiet. tabulas videor mihi legisse Romae nescio quas: sed neq; tū descripsi; qui magni non facerem ea, quae nunc quidē tanti puto, nihil vt potius mihi sit: neque vero, quo in loco, aut apud quem eas legerim, satis nunc in memoriam reuocare possum. quare ad te confugio, vniuersae arcam antiquitatis, arcam tamen eiusmodi, quae pateat amicis tuis, hoc est bonis viris. quo me in numero quia esse vis, triumpho. Alexander autem tuus facile nostrum artificio vincet. tu enim excellis: at nos quid sumus? aliquid fortasse, si cum alijs; nihil certe, si tecum Augustine comparemur. Plura nec possum, quod erā occupatus: quamquam hoc quidem quotidianū est: nec debeo hac in re, quam tibi non solum amicitia nostra, verū etiam litterae ipsae, quibus tibi scio nihil esse carius etiam me tacente, magnopere commendant. Vale,

&



& Siluestrum Aldobrandinum virum excellentem,  
meum perueterem amicum, nisi graue est, saluta meis  
verbis plurimum. Venetijs.

E I D E M, Romam. 8

NISI quis casus meis consilijs occurrat, editionē  
cogitabā eius libri, quem de legibus Romanis quinquen-  
nio ante a me conscriptū, debere diutius multis flagitā-  
tibus nō possum. ad hunc librum quantū, ex antiquis la-  
pidibus accedere possit ornamenti, praeclare, intelligo.  
porro, tu is es, qui hoc in usu, atq. hoc in genere scientie  
tum quia Romae viuīs, tū quod in studijs totus haeres,  
paene solus excellas. quamquā hoc in tuis laudibus mi-  
nimum est: alia sunt in te, quae ego nō desino praedica-  
re, haud sane paullo praestantiora: quae nō est hic com-  
memorandi locus, ac ne significandi quidem, ne tu me  
nimis esse blandū, & quasi tuae diffidentem humani-  
tati, ad hoc artificium confugisse existimes. peto igitur  
a te, atq; etiā rogo, (quamquam hoc verbū amicitia  
nostra, tuaq. maxime bonitas respuere videtur) si quid  
habet, quod ad leges Romanas pertineat, e libris excer-  
ptum, & veterum lapidum, aut etiā nummorū obser-  
uatione collectū, id mihi vt impertias. bene mereberis  
de litteris, vel potius bene de te meritis gratiā referes:  
quādo quidem earū ope, ac merito tātus es: bene etiā  
de me ipso, cuius laudi, pro nostra necessitudine, meoq.  
erga te studio singulari, debes velle consulere. quāquā  
hoc certe non admodum specto: ambitionē enim paene  
habeo

habeo in extremis: prima mihi est, omniumque rerum antiquissima publica studiosorum hominū utilitas: quo mei labores intenduntur, mea, quaecunq; est, dirigitur industria. excute, si me amas, atque euolue funditus illa tua scrinia, in quibus cōditi rerū antiquarū thesauri asservantur. nemo enim, si possessio literarū diuitiae sunt; quod homines eleganti iudicio, sanāq; praediti mē te opinātur; nemo, inquam, optime Augustine, te ditior est. nec vero de tuis copijs multum imminues, si, quod futurum speramus, inopiae nostrae subueneris. qui si etiam nobiscum plurima communicares; multo id tamē quod dares, minus esset, quam quantum tibi, libris assidue tractandis, quotidie quaeritur. verum modeste tecum agimus: petimus a te minima de maximis: itaque facile impetrabimus. Vale. Venetijs.

## E I D E M

LEGATO. PONTIFICIO

Viennam.

9

QVOD mihi honore tuo nihil est antiquius, propterea non mediocrē cepi laetitiam: tibiq; sum absenti gratulatus, quo primū tēpore de legatione tibi delata ad Romanorum Regem, tum ex amicorum litteris, tū ex multorum sermonibus cognoui illud, vt uere dicam, molestiae nō nihil adpersit, quod veritus sum, ne nostrae litterae, quibus, in vrbe dum viuis, tua studia splendorē & utilitatem addunt, te discēte, & in Austriā vsq; ad longe diuersum vitae genus translato, iactare plurimum

num facerent. quod si, secus esse, significaueris: (iam enim uersaris in ipsa re, quaeq. tua futura sit in uniuerso fere munerē occupatio, usus te monere, et erudire facile potest) cumulabis mea gaudia, & habebo gratiam ijs: quibus honestare tuā uirtutem his honoris insignibus, nullo nostro, hoc est artium, doctrinarumq. libera liū, detrimento, curae fuit. Ac primum illud, pro meo incredibili erga antiquitatem studio, etiam atque etiā a te petā, vel potius, quando pollicitus iam es, a te exigā, ut Festum Pōpeium tua emendatione perpolias, atque illustres; aut, si habes ita emendatum, ut tibi, acerrimi, ac seuerissimi iudicij uiro, satisfaciat, edendū omnino cures, neque deberi nobis eam utilitatem diutius patiare, quā cum in illo uere aureo libro dispersam uideamus, colligere tamen uix possumus, uel plane nullo modo possumus, locorū, ut scis, paene innumerabiliū difficili sciētia impediti. bene collocabitur industria tua, & hunc sibi comitem adiungi, ne solus eat per ora uirum, Varro tuus aequo animo patietur. rogādus nō es in tua laude, cōmuni praesertim studiosorum cōmodo cōiuncta: tu, si de illa non laboras, hoc saltem commouere te debeat. quod utinam aut mihi cum hac mente pars aliqua doctrinae tuae, aut tibi mea mēs, & plane incredibilis ad cōmunicandum uirtutem animi propē-sio, cum ista tā exquisita, tamq. multiplici omnīū pac-ne litterarum scientia contigisset. nae ego, quod ad me attinet; multa nō sinerem ignorari, quae scire praeclearum est, quaeq. in tenebris, nisi tu eras, perpetuo iacebant. nec tamen persuadere mihi possum, te uelle nobis tam iniquum esse, ut tantam doctrinam, si quid tibi ac-

cidat

cidat humanitus, (homines enim sumus: nec ego mihi, nec tu tibi de vitae diuturnitate praestare quidquam possumus) exstingui tecum velis. Quid ea, quae chartis iā, & voluminibus explicasti? cur diutius premis, optime Augustine? cur ex ingenij tui fontibus expleri nostrā sitim nō uis? sed opinor, aliquando facies: & faueo libenter meae spei, paullo minus, quā tuae gloriae; cui scio me optime consulere, cum haec ad te scribo. De me si quacris: vexamur oculorum anniuersario morbo: nec tamen labori parcimus: scribimus aliquid quotidie, aut legenti puero operam damus: aliquo fortasse uoletudinis damno: sed nihil est tanti, ut a litterarū suauissima consuetudine sejungar. Onuphrius Panuinius, ille antiquitatis heluo, spectatae iuuenis industriae, & ingenio, ut probitate, praestans, hic est, eritque, ut uideo, in aliquot menses imprimit suos Fastos cum commentarijs; & interim adornat alia. saepe litigat obscuris de rebus cum Sigonio nostro. sed utriusque bonitas, mutuus amor, excellens ad cognoscendam veritatem iudicium, facit, ut inter eos facile conueniat. Sigonium de facie non nosti: eius tamen scripta, nō dubito, quin legeris. ea doctrinam, & ingenium declarāt: humanitatis, & studij erga te, tuique similes testis ego sum. quē debes ipsum suo merito, praeterea tuae praecōnem eruditionis, diligere. Vale. Venetijs.

---

E I D E M, Romam.

10

VBI te ad urbem rediisse cognoui, uehementer sane,

ne, pro meo erga bonas litteras perpetuo ac singulari studio, sum laetatus. te enim absente, silere mihi prorsus Romanae musae uidebantur. Scripseram ad te superioribus diebus; easque litteras ad aulam noui Imperatoris miseram; quas acceperis, nec ne, cupio scire. appellabam te, quod iam promiseras, de Festo cū tuis correctionibus diuulgando. de quo nunc eo magis urgeo, quia nisi fallor, spatij plus habebis. aggressus ne sis, & quousque opus perduxeris, ac de perpolitio-  
ne quid speres, si ad me scripseris, gratisimum facies. Vale. Venetijs.

---

BENEDICTO. RHAMBERTO,  
rusticanti.

SV ADEBAM, ut exires; quod aegrotans, quantum esset in caeli mutatione, cognouissem: nunc idem angor, te profecto: neque me congressus, neque sermo cuiusdam iuuat: solus, ut in litore, oberro. qui etiam etsi scio quam sis prudens, & in omni re moderatus; tamen, ut est amor sollicitus, offensiones in te omnes timeo. commune omnium est, ut rure, veluti quamdam uiuendi licentiam nacti, liberius agamus. amabo te, mi Rhamberte, noli istam consuetudinem imitari, serua tuam veterem continentiam. & quoniam mihi, ut saepe tecum locutus sum, aduersus non dissimilem destillationem praesens auxilium fuit exercitatio: te quoque ipsum, nisi fallor, hoc vno maxime senties allevari; si modo hoc tenebis, ut meridianum

in

in solem ne te committas; multo vero minus in uētum, qui sit inclementior. nam sunt aurae quaedā leues, quarum spiritus nō modo non hominum generi noxius, sed etiam vitalis: & ego, has saepe ultro secutus, sensi laequentes in me vires earum quasi flabris excitari? Sed o Rhamberte, audi me, hoc verissime monentem. nihil agis, nisi iutunde viuas. si vis te tibi restituere; des te ad hilaritatem oportet, & ex animo tuo dispellas, si qua tristium cogitationum residet nubecula. Hanc esse praestantissimā medicinam, uel potius unā esse medicinam, me quidem, superioribus temporibus eodē morbo laborātem, docuit euentus. quare te rogo, ut pro eo, quanti ipse tibi es, quanti. etiā nos apud te sumus, quorum salus in tua salute posita est; des operam, vt veterem morbum noua ratione cures, & aliquando istam turbam medicorum malam in crucem iubeas abire; qui te pharmacis non solum diuersis, sed etiam contrarijs integrum iam annum lacerant, dum latentem in obscuro veritatem tuo periculo quaerunt. Vale. Venetijs. ∞ D XLIV. mense Sept.

---

MARIO. CORRADO

Brundisium. 12

DEBEO tibi, mi Corrade, tot iam nominibus, prorsus vt non videam, qui soluendo esse possim. scripsisti ad me saepe: tantum ne? sunt alia: humanissime, elegantissime: laudes in me contulisti eas, quas si agnoscam, ipse me nimium videar amare. tibi tamen habeo



*habeo gratias de ista tā liberali, tamq. erga me proluxa voluntate; eamque, si gratus, idest si vir bonus esse uolo, ut certe uolo, puto mihi esse inter summa beneficia collocandam. itaque, cum te numquam uiderim, fero tamen in oculis, & quamquam habeas, qui te talem diligant; quos necesse est esse quā plurimos; ego tamen primas in amore partes appeto, secundis non libēter acquiesco. nō soleo blādus esse, nec auribus dare, quod negari possit ueritati. quare uelim mihi credas affirmāti; nēmīnem me tibi Latina in oratione antepone, conferre admodum paucos. hoc ego ita iudico: nec tu meū iudiciū in dubium reuocare debes: cum mihi iam in epistolis tuis tantum in hoc genere tribueris. unum doleo, tuā istā latere uirtutem in extremo Italiae angulo, neque in hac luce versari, ubi fructum caperes eam laudem, quae tibi debetur iudicio, ac testimonio praestantium uirorū. quod si te cohortando possem adducere, ut demigratione cogitares: aggrederer, & in hanc rationē totus incumberem: uerum neque mihi de statu rerum tuarū constat; & si cohortatione moueri potes, ipsa te res, nequaquam tibi, ut opinor, obscura, uel me tacente debet incitare. Quod scire vis de meis antiquitatibus, haec sunt. Liber nunc imprimitur de legibus: quem, cum erit absolutus, curabo ad te perferēdum. Edidi iā commentarium in orationem pro Sextio, & proximis diebus in epistolas ad Brutum, & ad Quinctum fratrem: quem tibi nunc utrumque mitto. maiora, uellem, & fortasse possem; uerum infirmitas corporis facit, ut laborē debiliter; lippitudo autem, ne legere diutius liceat, aut scribere. magnam etiam mihi temporis partem*

tem eripiunt salutationes amicorum; magnam domestica negotia: sexcenta praeterea, quae me a studijs auellunt. sed feramus: humana sunt, nec praecipue nostra, sed communia cum multis. Tu me, velim, ames, & si par pari referre vis, amore non vulgari: Vale. Venetijs.

## FABIO. STELLAE

Brixiam.

13

CVM tu ad me, Fabi, quem de facie nondum nosti, adductus humanitate epistolam miseris tam elegantem, distinctam notis non amoris minus, quam ingenij: ferreus sim, nisi te, patremq. tuum sic amem, ut amare solemus ea, quae nobis in uita prima sunt. sed quid, si me ipsum etiam uestra caussa plus amem? quid enim? cum ego me a pariete tuo magni nominis viro, summis virtutibus ornato, diligi uideam, a te uero etiam laudari, excellentis ingenij adulescente. optime ad uirtutem animato; non ipse mihi plurius sim? non gaudeam haberi a uobis, qualis esse semper uolui, & ut essem, laboraui; sed uoluntati exitum respondisse numquam dixi? Equidem, cum natura sum, tum valetudine & morbo subtristis; nec ad hilaritatem facile traducor: tuae tamen litterae, patrisq. tui, uix credas, quod animo meo iucunditatis instillarint, qua uoluptate, qua laetitia perfuderint. itaq. officij uestri memoria suscitator: eaq. sic fruor, ut beneficijis oibus anteponam. quod utinam adire ad uos, ac studio uestro satisfacere liceret. nihil esset optatius: et esset

iter

2. 1600. 2. quantus. iucunditatis animo meo in

iter Pastorio comite iucundius. verum nescio quo fato  
 cōtigat, ut, quo primum huc die perueni, cum tota pae-  
 ne familia coeperim aegrotare, uxor quidē grauissime,  
 nec dum ualet; ego satis leniter, sic tamen, ut iaceam.  
 corpori enim imbecillo quaeuis incommoditas uix feren-  
 da. quamobrem, affectus morbo, ac uiribus infirmus,  
 equo me non auderē committere, uel placidissime ince-  
 denti. lecticam, inquis, mittemus. hac equidem rebe-  
 rer cōmodius: sed, mi Fabi, hoc genere deliciarum mei  
 ordinis homines uti non solent: ad fortunatos pertinet.  
 itaque differam per aliquot dies, quoad vires colligā,  
 idest, quoad equo, aut etiā rheda liceat uti. equos qui-  
 dem hic, quales infirmitas nostri corporis requirit, idest  
 qui alterno gressu crura molliter explicent, quos grada-  
 rios antiquitas appellabat, facile possum inuenire: sed  
 insolentiā huius caeli non nihil metuo: rheda autem, ue-  
 reor, ne successu laedat. omnia tamen, ut uideo, mode-  
 rabitur humanitas uestra. Vale, & patri tuo, praestan-  
 ti uiro, multam salutem meis uerbis. *Asulae.*

---

E I D E M, Brixiam.

14

A G N O S C O, tuis in litteris & patris tui sum-  
 mi uiri, singularem humanitatem, & Pastorij nostri,  
 hominis integerrimi, nec eloquentia minus, quam do-  
 ctrina, praestantis, egregiam disciplinam. & cum ego  
 te propter illos diligam: (est enim, ut scis, uterque  
 mei, & ego item utriusque amantiſſimus) tum vero  
 ad meam in illos beneuolentiam quae summa est, non  
 nihil tamen tua causa uidetur accedere. Patet, atque

F

eluces

elucet in epistola tua pudor ille, ingenuo dignus adole-  
 scente, qui maxime commendat aetatem: patet etiam,  
 qua fit pudor amabilior, plusq. sibi gratiae conciliat,  
 ingenium. quare perspexeram equidem in te, ac lauda-  
 ueram, quo tempore diuersatus Brixiae sum in aedi-  
 bus uestris, exceptusque, & cultus a parētibus tuis om-  
 ni genere officij: sed nihil praestantius, nihil admira-  
 bilius, quam laudis in adolescente perpetuitas. pri-  
 mum enim lubrica ipsa actas est; nec reperitur facile,  
 qui consistat: deinde, tenduntur saepe bonis, quibus  
 capiantur, insidiae: & multa sunt ad deprauandum  
 parata, improborum consilia, aequalium exempla, uo-  
 luptatum illecebrae. hae sunt illae Syrtes, quibus in-  
 certo cursu nauigantes absorbentur: haec illa saxa,  
 quo salutis cum aperto discrimine impingitur. nec ve-  
 ro, poetas, cum & haec, & huius generis alia cecine-  
 runt, simpliciter locutos, velim existimes. vtuntur si-  
 militudine rerum, quae subiectae sensibus sunt, ut  
 animos erudiant, moribusq. nostris, ac famae consu-  
 lant. itaque sapientem appellarunt eum, qui maris pe-  
 ricula, voragines, & scrupulos, & dubijs agitata uen-  
 tis loca uitauisset, atque illa perdendorum hominum  
 auda monstra, virginum facie simulata, praedulciq.  
 cantu blandientia, contempsisset. quae sunt omnes, mi-  
 hi crede, imagines humanae uitae: qua nullum est ma-  
 re difficilius, & in qua, nisi rationis quasi gubernacu-  
 le regamur, quam facile fluctuamus, quamq. multa,  
 & quam grauiare rei familiaris, existimationis, ac vi-  
 tae naufragia contingant, si te propter aetatem non  
 dum usus docuit, disce a libris, uel disce a parente tuo,

spectatae

ſpectatae ſapientiae viro; qui ſe ex hac tempeſtate  
tamquam in portum recepit ſacrarum litterarum;  
quodq. habet a ſoro, quod a publicis muneribus otij,  
totum id in theologia libentiſſime conſumit. quem tu  
inuitaris, ut audio, ſi minus in ſtudio doctrinae, at in  
voluntate, in moribus, vitaeq. inſtituto. contemnere  
te aiunt, quae ceteris ab adoleſcentibus cum volupta-  
te ſunt: abhorrere a luſu, venatione, curſu, alea: le-  
uia ducere haec, inania, indecora, turpia: deditum ef-  
ſe litteris, vel quibus ad humanitatem informamur,  
vel quibus ad excellentem liberaliſſiſſimam diſciplinam  
cognitionem aditus aperitur: maxime vero ſolitum ea  
meditari, & curare diligenter, quibus aeternae vitae  
ſalus comparatur. diuina ſunt haec munera, mi Fabi,  
non a nobis proſecta, aut elaborata, nec omnibus im-  
pertita. tibi contingit, ut ita ſentires, & ita uelles: ha-  
be gratiam Deo, qui te tantis in tenebris, atque erro-  
ribus praecipuo quodam lumine illuſtrauerit. alijs non  
idem contigit: mirari noli, neque cauſam quaere. ab-  
dita ſunt, nec humanis comprehenſibilia mentibus  
arcana caeli. ſtet illud modo, nihil uſquam fieri, ni-  
hil euenire aut inſciente, aut nolente Deo: quaeq. il-  
le vult, & quae permittit, ea nequaquam renocare  
ad noſtrum iudicium debemus, neque, recte ne ſiant,  
an ſecus, interpretari. Et omnino velim, te cum de  
diuinis rebus cogitas, minuire opinionem ſcientiae, de-  
mittere animum, ac mentem, unamq. putare certifi-  
ſſimam doctrinam, pietatem in Deum, aut beneuolen-  
tiam: & ſtadium erga illos, qui nobis a Deo commen-  
dantur. Quare non dubito quin ſaepe ita cogites, ut cre-

das ; nec te ita puto credere , vt re ipsa non praestes ; cum te omnes ita viuere confirment , vt a tuis moribus procul absit arrogantia . verumtamen , si tibi laudo id , quod amas , & quod amandum existimas , non a te gratiam in eos non haec tibi licet parum necessaria , iucunda tamen commemoratio est ? Sequitur illud . Ipse mihi satisfacio . nam , quae laudatio videtur , eadem , si attendis , cohortandi etiam vim habet . quo genere , pro mea in te beneuolentia , magnopere delector . Atque etiam in huiusmodi sermones ego soleo libenter ingredi ; quia , si nihil aliud , ipse mihi fructum fero , dum ea tracto , quibus amore summi boni , studioq. incendor . Te autem , cum haec legis , laetari oportet vel tua causa , qui tuum intelligas iudicium nostra sententia comprobari ; vel mea , quem sentire tecum videas , & iisdem gradibus parare adscensum ad ea , quae quanta sint , ex eo conijcitur , quod ipsa tantum spes tranquillitatem parit animis nostris , eosq. non malis modo , sed a malorum quoque metu vindicat . Macte igitur ista voluntate , & isto sensu . mature uidisti , quis esset rectus ad gloriam cursus . sequere iudicium tuum ; nec tamen contemnes nos , si quando hortamur : & ipse nos vicissim , vbi langueamus , hortare . sic erit mutua gratia : sic amabimus etiam magis inter nos , mutuo beneficio prouocati .

Vale . Venetijs . . . D . L I I X . . .



IOANNI. BAPTISTA. AE

PASTORIO,

Brixiam.

EGO vero te, mi Pastori, tua causa dilexi semper habes enim, quae tibi amorem concilient, doctrinam, & humanitatem munera, quae mittis, me tibi obstringunt magis. beneuolentiam in te meam augere non possunt. quae enim a virtute profecta sit, non his tantum adminiculis nititur, sed consistit ipsa per se, eoquiam processit, ut ad summum peruenisse videatur. praesta te mihi obsecro, qualem adhuc cognoui, amantem mei, & in amicitia constantem. munus hoc erit omnium munerum praestantissimum, quod ego, qui sum mei erga te animi ipse mihi conscius, quasi debitum exspecto. Vale. Asulae.

VINCENTIO. STELLAE.

Brixiam.

SUPERIORIBUS diebus, quo magis incitabar cupiditate veniendi ad te, visendaeque urbis, ut audio, pulcherrimae, qui essem litteris et tuis, & filij tui, id est utrisque tuis amantissime inuitatus, eo me reuocabat magis pudor meus; neque iam quod tua permetteret humanitas, quam, quatenus per modestiam meam progredi liceret, cogitabam ac saepe mecum sic. An tu ad hominem, quem numquam allocutus es, quem ne vidisti qui-

dem? adde: quē uirum, quam nobilem, quam grauem,  
 quam districtū magnū rebus? ego autem quis? infirmus  
 natura semper, nunc etiā ualitudine impeditus, ex qui  
 sita quadam ratione, & cura tuendus. Contendebant  
 equidem cum animo meo: nec uici facile, sed uici tamē  
 aliquando, & decreni omnino ad uos primo quoque tē  
 pore me conferre. uereor enim, dum ualitudinis cōmo-  
 dum exspecto, & id ago, ut, quas morbus ademit, uires  
 colligam, in hiemem ne incidam, idest in imbres, & fri-  
 gora: quorū altero uiae corrumpuntur; alterū scis esse  
 λεπτόν χροτί πολεμώτατον. nā illud, ī quo tibi fortasse,  
 uel domesticis tuis, incōmodare mea molities, & paul-  
 lo fastidiosior in victu consuetudo potest, id nō specto.  
 aut enim exiguū quiddam erit, & feretur facile: aut,  
 si magnum, illustrabit benignitatem tuā. Statutū igitur  
 de re, nec est, cur sententiam mutem: videndum  
 de ratione itineris: quam tu ad meam voluntatem,  
 meumq. consilium, quae tua est humanitas, totā rej-  
 cis. ego autem nihil puto commodius, nihil aptius ad ui-  
 riū infirmitatem sustentandam, quam lecticula gesta-  
 ri. sed habet species illa, quod ad Fabium tuum scri-  
 pseram, quiddam nimis honorificum: nec ego is sum,  
 qui quod superat fortunam meam, eo libenter utar.  
 verum ignoscetur ualitudini: quam satis infirmam, at  
 que imbecillam, concussus et uexatio facile frāgerent.  
 rheda quidem, qua mearum bene perita curationū an-  
 cilla cum filiola & puero uehatur, opus est, haec si ha-  
 bebo, vel potius cum habebo; (vis enim me a tua libe-  
 ralitate omnia exspectare) dabo me statim in uiam, &  
 ea quidem spe, ut aliquem e caeli mutatione fructum  
 capiam,

capiam, maximum quidem ex tua humanitate, quam  
cantari ab omnibus audio. Vale. Asulae.

E I D E M, Brixiam. 17

Q U O D veritus sum, fieri video, ut imbribus ma-  
descat humus, & pulvis in lutū coacta vias impediat,  
ac turpi soedet adspectu. frigoris etiā acres morsus hoc  
triduo sentire coepimus. quae cum sint iter habētibus  
incōmoda; tum vero, maiora ut timeantur, hiemis pro-  
pinquitas facit: ut mihi vel mature, nulla interposita  
mora, veniendum ad vos, vel totum consilium necessa-  
rio abijciendum intelligam. febricula omnino tentamur  
quotidiana: sed, opinor, decedet, cum primum ex hoc  
me domestico maerore ereptū statuā in tuis aedibus,  
id est in aliqua, ut spero, iucunditate, atq. laetitia. iniu-  
rias autē caeli, lectica circummuniti, possumus cōtem-  
nere. quamōbrem, quod tuo commodο fiat, dabis nego-  
tium tuis, ut Saturni die, aut, qui sequetur, proximo, ne  
hicula perducant. Lecticario mandetur, atq. etiam au-  
rigae rhedam moderanti, ne quid appropere, nisi me  
iubente; & omnino rōnem itineris ad meam voluntatē  
accommodent. hoc tu, scio, Stella, uel me non scribente,  
mandasses. nihil enim te praeterit, ob eximiam pruden-  
tiam: nihil porro non vis amicorum tuorum causa, ob  
humanitatem prudentiae parem. Vale. Asulae.

E G O vero, comprimī a te mea causa librū tuū,  
minime volo. quin, si ad me refers, ut edas quam pri-

mum, suadeo: rogo etiam pro eo, quantus est amor in  
 me tuus: quem non esse mediocre, tuae literae signifi-  
 cāt. an ego ita sim bonis artibus insensus, ut industriae  
 tuae impedimenta opponam, & excellentis ingenij fru-  
 ctus cum bene maturi sint, condi potius, ac domesticos  
 intra parietes asseruari quam in publicum asferri, &  
 cōicari cum omnibus uelim? Illa de tuis hortis, & no-  
 stris fontibus, eleganter a te, nec sine sale, prolata sunt.  
 uerum agam tecum perliberaliter, atq. hanc partem li-  
 benter dissimulabo, tibi q. totam largiar. in reliquis ē  
 habeo rationem amicitiae nostrae, nuper institutae, ma-  
 iorem tamen fortasse ueritatis. Tua scripta, proxime  
 edita, doctrinam habent, & accuratam antiquitatis  
 obseruationē. itaq. vigeunt omnibus, & laudabuntur.  
 quod si quid est, quod desiderari possit: primum id leue  
 est, deinde, ut scis, non imminuit, sed auget naeuis in  
 formoso corpore pulchritudinem. Vale. Venetijs.

## E I D E M,

\*

19

N O L I officium litterarum a me requirere: num-  
 quam scripsisti, quin rescripserim. quod si contra,  
 quam res est, videtur; alieno vitio fit; a me quidem  
 prorsus abest culpa. De horologio quod iterum iam  
 scribis, vincit pudorem meum humanitas tua. iam  
 enim statueram oneris tibi nihil imponere, publica ex-  
 planandi iuris cura occupato, quotidie aliquid scriben-  
 ti, unde ad nos utilitas, ad te ipsum gloria permanet;  
 negotium amico dederam: & ille curaturum promi-  
 serat:

ferat: nec tamen biennio fidem soluit. quare accipio libenter, quod das. tū mihi, quod tuo cōmodo fiat. horologium Augustae elaboratū; ego tibi quantā scripseris, pecuniam statim curabo. quale velim, iā antea significavi, factum eleganter, artificio non vulgari. Audieram, quae ducuntur egregia, minoris triginta scutatis emi non solere. Hoc quidem esset nimium: nec rei familiaris ratio ferret; cui consulere, quia copiosa non est, videor debere. porrò genus hoc ornamentorum soleo cupere, ut non insaniam: cupio autem valetudinis, non libidinis causa. cum enim me satis tristem natura finxerit, accersenda extrinsecus iucunditas est, quā a me ipso petere non possum; eoq. magis, quod plurimus in cubiculo sum, affectus iam quadriennio per totam hiemem oculorum morbo, molesto tamen potius, quam acervo. nolim igitur impensam esse supra decem scutatos, aut omnino quindecim, eamq. ita fieri, si horologium probetur oculis eruditis. itaque vide, cui negotium mandes. nam neq. omnes intelligunt: & alijs alia probantur. ego formam, & artificio, non materiam, cupio emerui. De tuis Instit. egi diligenter: hortatus sum, lucri maximi spe proposita. ubi ad pretium ventum est, audire se negarunt, itaque tibi auctor sum, cum ijs transigas, quos faciles iam habuisti, & in tuo merito satis, ut audio, liberales. Vale. Venetijs.

120

VOLFANGVM VVerter, cum aliquot ab hinc annis Patavij adolescens daret operā Bonamico, dile-

xi multis nominibus plurimum . nam , vt omittam ,  
 quod & in adſpectu ſpecies quaedam index nobilita-  
 tis, & in ſermone, atque in moribus probitas elucebat;  
 incenſus litterarum ſtudio colebat me, atque obſerua-  
 bat diligentiffime, ſic, vt in magna frequentia amico-  
 rum nemo tamē mihi eſſet illo carior, nemo iucundior.  
 tueor illum amorem, & , quoad viam, tuebor, eique  
 abſenti memoriam, beneuolentiamque, quam debeo,  
 fratribus praefentibus officia, quae potero, accurate  
 praefabo. hoc cum mea ſponte faſturus eſſem, quan-  
 tum, optime \*, mihi acceſſiſſe voluntatis exiſtimas,  
 quod eos tu, vir inter maximos ſumamus, & in exercen-  
 da virtute ſemper occupatus commendādos mihi tuis  
 litteris putaviſti; nam, ſi quis eſt, qui de tuo ingenio, de  
 doctrina, in primisque de eloquentia bene & ſentiat,  
 & loquatur; is ego ſum; planeq. meos eo ſenſus liben-  
 ter conferam, vt, qui tibi cari ſunt, eoſdem ego quoque  
 diligam. Qua re ſi vis, da mihi ornandos, atque aman-  
 dos, qui ad nos veniunt, amicos tuos. officijs eos, ſi po-  
 tero; ſi minus, ſtudio certe & humanitate cōplectar.  
 ac ne dubita futurum, ut, quo tu ſis apud me pondere,  
 cum intellexerint, gratias tibi, quod eos tua commen-  
 datione ſis proſecutus, diligenter agāt. Audio te quid-  
 dam pangere in Rhetoricos Ariſtotelis libros: quod,  
 quale expeſto, auguror futurum, praeclarum ſcilicet,  
 ac te dignum. vrge igitur; vt & communi vtilitati,  
 & tuae gloriae conſulas. \* Vale.

EIDEM,



EIDEM,

\*

21

NOS hic, optime\* (ordiar a re tristi, quando laetae nō suppetunt) annum habemus pestilentem; & pulcherrimam ciuitatem quotidianus deformat ad spectus mortuorum. furere iam coepit morbus, & insultat in omnes palam, sine discrimine, qui antea repebat sensim, & latenter, nec fere quemquam, nisi obscuri loci, infimaeque sortis, attingebat, quare diuina sunt imploranda remedia: humana quam iaceant, saepe dedit euentus. Vobis recte istic esse audio, perpetuoque sit opto, tum ab huiusmodi morbo, qui non modo priuatas domos exhaurit, uerum etiam vrbes deuastat, tū a cunctis discordiis, ac bellis, & intestinis, & externis. Te uero florere omni laude, ualere auctoritate, ualere gratia, esse unum, ad quē omnes confluant consilij auxilijq. causa; nisi plurimum laeter, male sentia de uirtute, vnde tibi ista fluxerunt; male etiam de me ipso, quia tuā uitae rationem probaui quidem semper, secutus autem sum, quatenus licuit: licuit enim certe multo minus quam uolebam. vnum si addis, ut ingenium tuum, quo nullum vidi praestantius, languere non sinas, & otij tui rationem constare uelis, hoc est, ut aggreddiaris ad scribendum illa praeclara, quae te audio tuis familiaribus esse pollicitum, aut, si iam habes instituta, per polias, nobiscumq. & cum posteritate cōmunices: nat tūc\*, omnium fortunam vincis, & solidam plane possides felicitatem. E quidem, quod ad me attinet,

net, idem conor pro mea virili parte: & haereo quoad  
 possum in scribendo: sed mea ratio quam non sit eadē,  
 quae tua, cognosce. Valetudine sum ea, quae facile in  
 morbos incurrat, imbecilla prorsus, et incommoda: ita-  
 que saepe in cursu institutorum meorum, cum progredi  
 in maxime uellem, consistere sum coactus. Accedunt,  
 quae temporis haud exiguam partem auferunt, saluta-  
 tiones multae multorum: in quibus videtur esse honor,  
 & est omnino quaedā species: sed valeat ambitio: cedi  
 omnia, quae detrimentum studiis afferunt. Quid dome-  
 sticū? non n. tantum a me pendent ij, qui meos intra pa-  
 rietes viuunt, vxor, liberi, familia: sed fratres quoque  
 suas in me rationes habent sitas: vterq. meis con-  
 silijs, alter etiam meis opibus, quantulaecunq. sunt, ni-  
 titur, ac sustentatur. Vides rerum mearum imaginem,  
 vt in tabula de pictam. nec tamen obrii me sino flucti-  
 bus molestiarum; sed enitor saepe, & consequor inter-  
 dum, vt ex omnibus curis, atque occupationibus emer-  
 gam, meque saltem per aliquot horas in portum recti-  
 piam litterarum. quo si frui diutius liceret, in caelo es-  
 sem: quia non licet, hortor te, cui otij satis est, ingenij  
 vero, scientiae, iudicij multo plus quam mihi, vt haec  
 omnia studiosorum ad vtilitatem conferas. quod si fa-  
 cies; gloriosum tibi erit ex ipsa re quem video prae-  
 stare posse maxima; ceteris non modo re, uerum etiā exem-  
 plo fructuosum: fortasse enim te praecedente, alij, quo-  
 quo modo poterunt inuitati laude subsequemur. Ego  
 meas Antiquitates et si, ut ille ait, spissum opus est, ali-  
 quando tamen, vt spero, pertexam. Vale. Venerijs:

GRATÆ mibi tuæ literæ, gratissimus uero qui ad scribendum animus impulit: atque ego te antea diligebam; quod ingressum esse minime vulgarem in uiam litterarum, longeque per eam processisse intellexerem: sed auxit amorem in te. meum hæc, a me nunc minus expectata, eoq. incundior, uoluntatis erga me tuæ minime dubia significatio. soleo enim amare in hominibus humanitatē haud paullo plus mehercule, quā doctrinam. ac doleo factum esse antea, casu dicam, an uoluntate tua, ut oriatur inter nos quibusdā ex opinionibus dissensio, ijs tamen de rebus, quæ si dilucide pateant, quod accidere potest utroque nostrū disputante, studiosis fortasse non nihil in eo cōsuletur. id quod est in meis consilijs, & fuit semper antiquissimum. Nam, quod mea quædā improbas: si recte sentis, habeo gratiam: errare possum; & corrigi uolo. sin, ubi de meo sensu iudicas, tua te fallit opinio: ego tamen, quæ a studio ueritatis culpa manat, libenter ad laudē conuerto. itaque, quod ad hanc partem spectat, nemo audiet me querētē: excusabo te potius, atque etiam, quoad licebit, ornabo. Quod autem, quæ meis in scriptis nō improbas, ea dissimulas, & in tuos commentarios, meo nomine prætermisso, quasi noua transfers: miratus sum, & requisui paullisper in eo modestiam tuā: agam enim tecum libere, sicuti natura mea postulat, & inter bonos viros æquum est. Illa de iudicijs extraordinarijs, quæ te scribis edidisse, si dederis operam,

ut ad

ut ad me perferatur, et si ea discrepare significas a sententia mea, gratissima tamen erunt. & gaudeo te tam esse diligentem in meis scriptis peruoluantibus, et occasione mei admonendi, & corrigendi tam libenter quaerere. sic enim intelligam; ubi corrigendi finem feceris, nimirum, quae supererunt, a te omnia probari. vnum peto; sit condicio par: des mihi, ut idem liceat per te, quod licere tibi per me volo. si quid ego de tuis itidem non probauero, noli grauius commoueri. iudicemus pariter, ego de te, tu de me vtrā in partem libet: amemus tamen inter nos, ut boni viri solent; & si quid fortasse de iudicio, nihil tamen de beneuolentia, detrahatur. Libros quos petis, habeo nullos, Cicerone excepto. nec eius generis, nunc quidem, tibi quidquam polliceor. quae vero ipse composuerim, paucis mensibus habebis, si valebo, commentarium in epistolas ad Quinctum fratrem, & librum de legibus Romanis: qui est antiquitatum mearum sextus. De Sextiana oratione, si scriptam contuleris cum impressa, quaeque loca uaria sunt, miseris; amabo te: idque ut facias, rogo. Vale. Venerijs.

---

## HIERONIMO. FVRNARINO.

Rauennam.

23

VIDES me tibi satisfacere, & quod olim petieras, id nunc, tuae memorem voluntatis, re praestare? non enim, ut solebam, plebeo sermone tecum ago; sed eo, quem in quadam epistola patricium appellasti, qui quam tibi sit in delicijs, quantumque in eo studij posueris, & in dustriae,

*duſtriae, facile ex ea ipſa epiſtola potui cōijcere. uerū,  
 quod ad me attinet, nō ego meas litteras eius eſſe gene-  
 ris intelligo, ut ab homine patricio ſcriptae uideantur  
 eſſe. quid. n. habent, ut ita dicā, nobilitatis; quid ſplen-  
 doris aut in ſententijs, aut in uerbis? conor equidem; &  
 huius me cupiditas laudis multos iā annos incitat: ſed  
 moratur rei difficultas, occupatio domeſtica, ualitudi-  
 nis infirmitas: ſcribo tamē aſſidue, quantum licet, &  
 quoquo modo licet. animos uidelicet mihi facit, quod in-  
 ter nos dictū ſit, multorum inſcitia: cum quibus inter-  
 dū me conſero non ſine uoluptate; ſicuti contra, cum in  
 antiquitatē ipſam intueor, cōtemnō me, planeque ipſe  
 mihi diſpliceo, uera enim illa fuit, ſuisq. abſoluta, nume-  
 ris eloquētia: noſtra infantia eſt, mi Furnarie, nos bal-  
 bi, nos elingues paene ſumus in Latina lingua. Sed quid  
 ago? dū tecum ſuauiſſime loquar, nulla certa re propo-  
 ſita; paginā, uerbis undique ſua ſponte confluentibus,  
 impleui. erit igitur, quod initio ſcribere ſtatuerā, idem  
 clauſula mearum litterarum. Mitto ad te munuſcu-  
 lum tenue, amoris tamen ſignificationē in te mei, com-  
 mentarios, a me nuper editos, in epiſtolas ad Brūtum,  
 & Quintum fratrem: quos cupio, diligenter legas. id ſi  
 aſſequor a te, & a tui ſimilibus; honeſtabor, & gratia  
 meis laboribus optima referetur. Vale. Venetijs.*

LAEVINO. TORRENTIO.

Leodium.

24

*MIRABAR, cum in tuis uerbis tanta ſit humani-  
 tas, quae tuo mehercule etiam elucet in vultu, cur de-  
 beri*

beri mihi tã diu paterere tuas litteras, quã ubi Leodii peruenisses, missurũ statim pollicitus eras. hanc admirationẽ, in qua molestiae quiddam inerat, sustulit prorsus epistola tua scripta sane elegantissime; in qua causam tui silentij confers in peregrinationẽ, & negotia. quod si iã in otio consedisti, exerce ingenium tuum praeclaris in studijs, nõ ut amicus tuus, qui nihil umquã parit, cum tamẽ parturiat semper, sed ut edas aliquid, quo tuũ nomen, aeterna cũ laude coniunctum, ab hominum obliuione, omniq. prorsus interitu vindices. Leodiensem Episcopum, de quo multi multa narrãt, omnia praeclara, summoq. digna principe, si quid habeo artis, aut facultatis, ornabo laudibus. sin, quod suscipiam, praestare nõ licebit; amabit ille tamẽ, ut opinor, uoluntatẽ. tu me interim de meliore, ut ille inquit, nota cõmendabis; eiusq. in me beneuolentiam, si qua est, ea, qua apud illum uales, gratia fouebis. Vale, nosque saepe litteris, si otium est, saluta. Venetijs.

---

SEBASTIANO. LEONI

CORDVBENSIS,

Romam.

25

SOLES in nostris sermonibus, humanissime Leo, quod mihi maximũ est argumentum amoris tui, monere me, atq. etiã rogare, ut pro tenuitate uoletudinis meae litteris utar moderatius, & in studio virtutis, qđ difficillimum est, temperantiã adhibeã: amabiliter tu quidẽ, & officiose admodum: sed, hoc mihi persuadere si vis,



si vis, prius illud persuadeas oportet, non magnopere  
esse de gloria laborandum: inanes esse nostras cogita-  
tiones, stulta consilia, quae ad eam dirigantur. ad quā  
causam non tu quidem vnquam tantam afferes elo-  
quentiam, vt in re tam praestanti mihi quidem probes  
modum esse seruandum. quamquam, quod ad rem atti-  
net, tu quoque mecum sentis, vel potius ego tecum. in  
litteris affirmas esse viuendum, & optandum in pri-  
mis scientiae cognitionem. sed cum eo tamen, vt salutis  
ratio habeatur. obsecro te, mi Leo, quid tu existimas  
de ijs, qui diuitias immoderate appetunt? num errare  
videntur? certe. at ipsi aliter putant; itaque per-  
sequuntur institutum. quid de ijs, qui honores sitiunt?  
non dubito, quin hos quoque sentias peccare. &  
peccant sane: timida est enim ambitio, ideoque misera:  
neque tamen pauci sunt, quos inficit haec labes. ego &  
cum his intelligo me errare, & praeterea cum multis:  
sed diuersa ratio est. illi eas res plus aequo appetunt,  
quas consecuti, meliores nunquam, deteriores etiam  
plerumque efficiuntur: ego in earum artium indagatio-  
ne sum nimius, (sic enim ipse existimas) quarum  
cognitio euellit ex animis uitia, inserit virtutes. itaque  
vides errorem aliorum cum turpitudine esse coniun-  
ctum, meum non modo non turpem, uerum etiam  
laudabilem. At morbis saepe tentamur. Primum,  
hoc quidem non est praeter naturam: ars enim praesta-  
re non potest, ut recte semper ualeamus: nam, si pos-  
set, ij, qui scientiam medicinae tenent, ipsi nunquam  
aegrotarent. deinde, est praeclarū in maximis laborare:  
& quacumq. re uirtutem emas, paruo emas. non pos-

se autem nos ad ea, quae summa sunt, sine sudore peruenire, indicat illud, quod poetae ne Herculi quidem, Ioue nato, nisi maximis exantlatis laboribus, caelum dederunt. Te ipsum rogo, qui me mones; quem ego studia doctrinae video numquam intermittere: vllam ne uoluptatem ea cum uoluptate putas esse comparandam, qua legentes, aut scribes afficimur? potest esse tanta suauitas, qua non maior ea sit, quae perfundit animos nostros, earum rerum intelligentia fruente, quae sunt ad bene beateque viuendum necessariae? Quod si quis doctrinam contemnit: haud scio, quid iste curet. negligit animum; quo nihil potest esse praestantius: se ipse ignorat; quo nihil turpius: corpori seruit, ignauiae deditus; quod est illi commune cum belluis; quibus id praecipuum, ut alantur, uentrique indulgeant, a natura tributum. itaque sequar meum institutum; neque te, mi Leo, neque alios audiam, studiosissime monentes: quorum equidem amo voluntatem, iudicium tamen cogor paullulum requirere, & ut ipse quoque erga vos amici partes, vestro exemplo, suscipiam; sinite meam vocem in aures vestras influere, quae uobis artium studia optimarum assidue cantat; quae vestra uobis bona commemorat, eaq; ut agnoscatis, & quantum licet, exerceatis, hortatur. cui si parebitis; fructum capietis eum, quem ipsi mihi, cum meam reprehenditis in colenda virtute constantiam, studetis eripere. Vale. ex aedibus nostris.

## MARCO. ANTONIO

LOMBARDINO,

Patauium.

26

SCIS, optime Lombardine, benignitatē a philosophis, magis etiam a Christianis hominib. laudari: recte id quidem: nihil. n. est, quod hominem aequē cū Deo coniungat: sed illa cautio requiritur, vt adsit cum voluntate prudentia. thesauros plerumque videas in aliquem conferri ab ijs, qui dominantur. quare caussam: laudabilem nullam reperies. quis igitur beneficium illud praedicabit, in quo neque meritum accipientis, neque iudicium dantis agnoscitur? Equidem pro magnis opibus existimo hesternam illam animi tui significationem. quod enim ad me munus misisti, tum est ipsum per se gratum, quia pertinet ad ea cōmoda. sine quibus imbecilli valetudine qui sunt, aegre sustentantur; tū vero multo gratius, quia iudicij tui laude commendatur. nisi enim tibi meae vitae ratio, nisi ea, in quibus assidue versor, studia probarentur; me tu certe, qui probitatem colis, qui doctrina ingenioque excellis, beneficio non afficeres. quando igitur ex ista tua in me liberali voluntate, quid de meis moribus, quid de litteris sentias. facile possum conijcere, contemno Principum diuitias; beatus esse possum in tua beneuolentia; unde honor. & decus, vnde praeclara virtutis argumenta, unde etiam commoda manabunt. quare censerua mihi, si uis me felicē esse, tuum amorem: quem certe intelligas mihi deberi, si tibi, mea quae sint erga te studia, liceat

intueri. Illa vero, quae a tua benignitate proficiuntur, persuade tibi, hoc potissimum nomine, quia sunt amoris argumenta, mihi esse carissima; neq. ex te umquā ex beneficio, sed beneficium semper ex te ipso pendam. Librum de Magistratibus, quem petieras, habeo equidem absolutum, nondum tamen edendum: itaque comprimetur, vsq. dum accurate perpoliam. prooemii degustabis: quod ad te cum hac nocturna epistola statui mittere. Vale. Ex aedibus nostris, ante lucem.

## PROOEMIUM. LIBRI

### De Magistratibus Romanis.

QVOD in priuata domo paterfamilias, idem in ciuitate praestat lex. ille praecipit filiis, quid agant, & qua ratione agant: haec iura ciuibus mādāt, & ad pietatem, ad rectum spe praemiorum inuitat; a delicto, proposita poena, deterret. quemadmodū autem rei priuatae non hoc uno consulitur, si sit qui imperet; verum illud praeterea requiritur, ut imperāti domestici omnes pareant; sic in ciuitate, nisi legem aliquis tueatur, & ut ei ciues, quasi parēti optimo filij, audientes sint, potestate imperioq. perficiat; non est ipsa lege praesidij satis; optimeque laudabiliter uiuendi praescripta norma negligitur. quo fit, ut tam legi necessarius videatur esse magistratus, quam lex ipsa ciuitati. Ac mihi, hoc de genere consideranti, longe videtur optabilius esse, ut iniquae legi praesit optimus magistratus, quā ut improbus aequissimae. nam, si summam potestatem cum  
opti-

optima mēte coniungas: uir bonus in iure dicēdo, prae-  
 ter aequalitatem, & iustitiam, nihil spectabit: si quid  
 erit in lege uitiosum, pro sua sapientia corriget: si quid  
 ambiguum, in ea partem interpretabitur, quae ad  
 pietatem, ad communem ciuium utilitatem, ad reip.  
 salutem propensior esse uideatur: sin autem, qui non  
 optime sunt a mente constituti, ijs potestatem addas,  
 & uoluntatem uiribus confirmes: legis uocem magi-  
 stratus non exaudiet, quid maiores uoluerint, sanxe-  
 rint, seruarint, non attendet; ad suum arbitrium,  
 suamque libidinem omnia reuocabit. quod cum faciet;  
 reip. quae tota a iure, & aequitate pendet, non solum  
 factō, sed multo etiam magis exemplo nocebit. nam,  
 quia praecuntem sequi non difficile est: propterea, qui  
 imitentur, quam qui inueniant, plures non modo in  
 rep. administranda, uerum etiam in omni arte repe-  
 rias. male C. Caesar; qui, libertate ui & armis op-  
 pressa, ea, quae omnium erant possedit unus: sed lon-  
 ge improbius, ac nequior L. Sulla; qui, ut auderet spe-  
 rare Caesar ea, quae consecutus est, exemplo suo per-  
 fecit. quod si, qui legibus praesuerunt, tales fuissent,  
 quales eos, qui leges ipsas condiderant, fuissent, legimus:  
 steterisset in suo gradu res. quaeque artes in ciuitate li-  
 bertatem auxerant, eadem facile conseruassent. ue-  
 rum, in hominibus, non in legibus, uitium fuit. primi  
 omnium duo fratres e Sempronio familia, Tiberius &  
 Caius Gracchi, malo publico eloquentes, & ingenio-  
 si, serere inter ciues discordias coeperunt, infimae q. ple-  
 bis animos nouorum commodorum in spem turbulen-  
 tis concionibus excitare, qui etsi decreto senatus iusta

in oppressi, debitas eorum audaciae poenās exsoluerunt: tamen exitiosae consuetudinis initium attulit ille dies, qui civili sanguine gladios primus infecit. quod enim non modo iustum, sed nec vsitatum ante fuerat, in postea ne nouum videretur effectum est. itaque, cum aliquot post annis P. Sulpicius primum, vt visus est, non pessime animatus; deinde, siue ambitione inductus, siue iracundia concitatus, ab optima causa descisisset; eademque fere, quae duo Gracchi, in tribu-  
natu pl. aut certe non dissimilia moliretur: facile ad uim & ad caedes prolapsa res est: neque prius arma quie-  
uerunt, quam ciuium magna parte trucidata, aut ere-  
cta, vnus libido antiquis legibus par, atque etiam su-  
perior esse coepit. quod neque tunc, neque postea con-  
tigisset, si quam sapientes in scribendis legibus maio-  
res fuerant, tam in creandis magistratibus cauti poste-  
ri fuissent. nam, etsi non recte geritur publica res, nisi  
praestantibus viris, acrique ac magno animo praeditis  
committatur: tamen periculosa in primis haec est, &  
lubrica sane deliberatio: propterea quod non languen-  
tibus in animis, sed in erectis mentibus, ac maximis  
ingenijs dominandi cupiditas exoritur, honorum spe, fa-  
teor, ad labores, ad industriam, ad subeunda etiam  
pericula homines excitantur: sed in libera ciuitate est,  
quatenus cuique credatur; & in danda potestate, si  
modus retinebitur, modus item in gerenda seruabitur.  
legitimis enim potestatibus, & moderatis imperijs ali-  
tur libertas: neque facile quisquam vult, quod se pos-  
se desperat: &, qui tantum potest, quantum si conse-  
quatur, ceteri nihil possent, hic si malus est, et potestate  
fit



fit deterior; sin ita moribus exploratis, ut antea nihil neque fecerit indignum bono viro, neque voluerit, interdum tamen, ut humana mutatur, a rectis cogitationibus ad iniquas libidines traducitur; et peccat eo ipso, quia peccare permittitur, ut possit. Quocirca patriam meam singulari sapientia institutam, ac diuino quodam consilio temperatam licet existimare: in qua neque magistratus iidem continuantur, quod est seruandae ac diutissime retinendae reip. vinculum firmissimum; neque cuiquam tantum vni committitur, ut extraordinario iure elatus liberali, communique otio moliri periculum possit. qua moderatione factum est, ut post annos  $\infty$  CXXIV. (tot enim ab vrbe condita numerantur) non modo resp. sit, verum etiam ita sit, ut omnibus rebus publicis, quae nunc sunt, magnitudine opum; ijs autem, quae fuerunt, imperij diuturnitate antecellat. quae quibus institutis ac magistratibus usa, ab humili, tenuique principio ad tantam dignitatem, atque amplitudinem peruenerit; neque est hic narrandi locus, & hoc argumentum viri sapientissimi ita non modo copiose, verum etiam perite ornatèque tractarunt, ut, si quid velis adiungere, idem sit, ac si in Apellis aliqua perfectissima imagine, puta in Venere illa Coa, labores. Nobis Romana ciuitas proposita est, quaequam multas habuerit partes ad imitandum praeclaras ex eo patet, quod ita bello ac pace uiguit, ut illius uim & potentiã omnes reges populiue extimescerent, aequitatem & abstinentiam subiectae vrbes nationesque diligrent. Formam senatus, quod in ea publicum consilium fuit, ordinem comitiorum, iura le-

gum tribuslibris exposuimus . Nunc de magistratib.  
eorumq. potestate disputabimus; tum, quia locus ipse  
admonet, (hoc. n. legibus adiunctum, & tamquam ad-  
nexum uidetur) tum etiam, quia Ciceronem, cui video  
in ijs libris, quos de Legibus conscripsit, hunc ipsum  
ordinem placuisse, libenter imitamur.

## CAESARI . FERRANTIO

Patauium .

27

EGO vero istum erga me animum, istā, quae signi-  
ficatur in epistola tua, beneuolentiam amplector libē-  
tissime, & amo prorsus amore singulari. nam, ut omit-  
tam, quod ita postulat humanitas: tui te praeterea  
mores, tua modestia, & maior iam aetate virtus egre-  
gie commēdat. quae cum ipsa me mouent: tum uero in  
affinem tuum, Episcopum Sueßanum, studium eius mo-  
di meum est, multis abhinc annis ex incredibili eius hu-  
manitate, doctrinaq. susceptum, ut eos etiam, qui mō-  
aliqua illum necessitudine attingūt, quosq. ille caros ha-  
bet, complectatur. quo tu in numero ut esses, affinitate  
primum, idest naturae quodam quasi munere, tibi conti-  
gerat: postea uero cum natura uoluntatem, & cum uo-  
luntate studia cōiunxisti, excolendis artib. ijs, vnde flu-  
xit honor, ac dignitas affinis tui, unde eadē ad te ma-  
nabunt. si te illi, immo uero si te ipse tibi quam similli-  
mum praeberis. quis enim tantos processus tam adole-  
scēs in philosophia fecit, quātos illa tua in aula perillu-  
stri Cardinalis Estensis celeberrima disputatio, multis  
prae-

praesentibus, ostendit? Qua tamen de laude ita te sen-  
 tire uolo, ut maximam esse putes, si cum aetate tua cō-  
 feratur; sin res ipsa spectetur, longe statuas maiorem es-  
 se posse; quodq. uiae confeceris, id quidem esse mul-  
 tum, nec tamē tantum, quantum adhuc spatii supersit,  
 sed mihi crede, omnis in eo tuorum studiorum sita per-  
 fectio est, si, quemadmodum nunc id cogitas, & id,  
 opinor, agis unum, ut intelligas, humanae res quan-  
 tum aliis aliae praestent, ita quantum infra diuinās hu-  
 manae prorsus cunctae sint, aliquādo simul cogitabis.  
 nae tu, Caesar, si te ad hanc, quam ignorari a plerisque  
 uideo, praeclaram disciplinam contuleris, magistros ha-  
 bebis haud paullo meliores, quam quibus nunc uteris,  
 aut etiam per omnem uitā uti potes. exstāt sanctissimo-  
 rum uirorum multis libris expressa doctrina, qua in-  
 struimur, & erudimur ad aeternae uitae salutem. ha-  
 bes praeterea domesticum exemplum affinis tui sum-  
 mi uiri: cuius in uitam si inspexeris; excitaberis ad om-  
 nem laudem; coles autem praecipue ueritatem; quam  
 ille tuetur acerrime, habuitq. semper antiquissimam.  
 neque uero impedio, quo minus, ut coepisti, Marco  
 Antonio Genuae, & si cui praeterea uelis, operam  
 des: eloquentiam quoque si adiunxeris, ut res graues  
 & obscuras ornate ac splēdide tractare possis, minime  
 improbabo: sed illa praestantiora sunt, quo te hortor,  
 ut aliquam omnino transferas industriae tuae par-  
 tem. De libris ad te missis, habeo gratiam humanissi-  
 mo, & in primis erudito inueni, Sebastiano Leoni,  
 utriusque nostrum aequae familiari; qui mihi hanc in-  
 stituendae tecum amicitiae occasionem obtulit; quam  
 auide

auide arripui. iam enim incenderat me studio tui, cum de ingenio, de studijs, deniq. de tua ad optimas res propensa uoluntate multa praedicasset. quod si quid acciderit, in quo tibi opera mea vsui possit esse: id si ipse intelligere potuero, mea sponte suscipiam: sin secus, a te admonitus, efficiam, ut esse tuam apud me plurimi uoluntatem intelligas. Vale. Venetijs.

## VIDEO. LOLGIO,

Placentiam.

28

PAVLO ante dederam ad te litteras; quas, coniectura dierum, putabam tibi iam esse redditas: hae nunc alterae cōsequētur. Scripsi, te absente, me cessare in litteris, & omnino tuam operam, tuamq. illam in meis rebus officiosissimam sedulitatem uehemēter requirere; sed meū consilium esse, te istinc ne prius commoueres, quā ego alicubi consedissem. id ego uolebam scilicet inuitus; qui te socium & administrum meorum studiōrum summē desidero: sed uolebam tamen tui cōmodi causa primū, quod hanc equitandi iactationem, quae me quidē delectat, tibi, otij cupido, suspicabar non placere: deinde, quod, si accidisset, ut istas regiones peteremus, quod post balnea facturi uidebamur; intelligebam fore, ut adire commodius ad me posses interuallo minore. nunc audi, cur sententiam mutauerim. Cardinali nostro, cui nimium saepe calculus molestus est, multis iam remedijs frustra tentatis, accedere nunc ad aquas Lucenses ualetudinis causa deliberatū est; nosque, ut scis,

idem

idem cogitamus. ijs a quibus qui uti volunt, id maxime spectant, ut sicco tempore utantur. haec est quasi methodus quaedam, quam servantibus salubres dicuntur esse: permittae cum in bribus putrescunt, graui periculo bibentium. nos porro, o Lolgi, qui didicimus a philosophis, bonam valetudinem expetere, sapientis esse; valde in hac quidem parte sapimus, & ut optime valeamus, accurate, quaecumque vires tuentur, aut augent, persequimur; quae posse videntur infirmare, ac minuire, declinamus. itaque ad balneorum medicinam prius non accedemus, quam id & tuto, & salutariter fieri posse intelligamus. nunc quidem alienum tempus est. vides, quae pluuiae, quam paene hiemales dies. haec dum ita se habent, nos opportunitatem expectantes, in his opidis, & villulis incunde satias oberrabimus. quod quoniam quam diuturnum sit futurum, diuinare difficile est; & ego, dum te careo, multis commoditatibus vna careo; tuque ut ternis iam literis significare videris, non abes a me sine molestia: mea causa rogo, tua hortor, ut quamquam nondum consedimus, mature tamen, nisi quid grauius impedit, reuertas. & ut scias, quo me loco conuenire possis, Pisidis ad idus Iunias, & ultra, ut opinor, aliquanto, sed ad idus Iunias certe commorabimur. Vale. Pisidis.

---

HANNIBALI. CARO,

Rauennam.

29

FOROLIVIENSIBVS male sit, qui te longius a me abstrahunt. sed istorum motus praefecti prudentia

dētia sedabit, tuque, vt scribis Rauennam breui recur-  
 res. ibi velim nū quid caussae sit, quo minus ad me quā  
 primum. ego volebam ad te ; sed impediunt multa, ma-  
 xime Ciceronis editio; cuius tēpus aduentat, vel potius  
 iam adest. itaq. occupationum onere valde premor. sed  
 mihi nulla res esse potest tanti, vt ab hoc scribendi offi-  
 cio diuellar. Nunc est, quod a te velim. Qui tibi has lit-  
 teras attulit, est & mihi, & fratribus meis valde fa-  
 miliaris. eius opera multis in rebus vsi sumus egregie  
 fideli, cū Rauennam venturus esset, quiddam ut exige-  
 ret, quod ibi habet in nominibus: petijt a me, ut se tibi  
 commēdarem. dixi cum causam optimam haberet,  
 commendatione eum non egere; tamen me esse factu-  
 rum. Si quid me amas, Care, vel potius; quantum me  
 amas, tantum hunc hominem adiuua. his temporibus,  
 cum fides ubique sit angustior; uereor, qui debent, ne  
 non facile dissoluant. si res in iudicium uenerit, noli  
 pati, uirum bonum, amicum meum, exhauriri longi tē-  
 poris impensa: beneficium nō conferes in ingratum. me-  
 morem enim cognoui. sed tu eum ne spectes: me uide,  
 qui a te peto. mihi enim gratius facere nihil potes. nam,  
 etsi, quod ad nos attinet, ipsi quidem inter nos magis,  
 quam amamus, amare non possumus: tamen ualde la-  
 boro, in quo me ambitio quaedam mouet, ut homines no-  
 stram coniunctionem, tuamq. in me beneuolentiā per-  
 spiciāt: quorum alteram uitae aequalem fore, alteram  
 eiusmodi iam esse confido, ut nihil addi posse uideatur.  
 Vale. Venetijs.



EIDEM, Rauennam.

30

*VIRVM* te duco, qui compedes illos frangere,  
& aliquādo te in libertatē vindicare potueris. id quod  
ego, qui neros ingenij tui bene cognitos haberem, pror-  
sus ita fore sperabā. ut autem etiam cum Guidiccione,  
id est cum homine doctissimo, & ad tuam naturam ap-  
tissimo, tibi viuere liceret; hoc uero ne optare quidem  
vniquam sum ausus. quod quando accidit; beneuolen-  
tiae in te meae est, gratulari, quod euenerit; prudentiae  
autem tuae, non committere, vt frustra euenisse, uide-  
tur. Herum habes, Care: herum autem, dico? cuius ea  
suauitas est, is in te amor, ut potius aequalis, potius  
germani fratris loco tibi sit: sed quoquo nomine appel-  
letur, eū certe habes, qualē vis. Quare, quod mihi, alio-  
rum arbitrato cum uinebas, premittere solitus eras:  
id ego nunc, quando tui iuris es, non à te petam, sed exi-  
gam, vt operas Musis, iamdiu a te, non sane tua cul-  
pa, tamen praetermissas, eo quicum es, permittente,  
atque etiam cohortante reddas. sed ita procul dubio  
te esse facturum, vel potius iam facere existimo. ita q.  
hoc ne mouendus quidem es; illud autem etiam rogan-  
dus, vt ad nos quam primum uenias; ut possim urbani-  
tatis tuae sales ex intervallo regustare. pedibus, puto  
fore commodius: nam mari prae frigore obtorpueris.  
o dulcem congressum; in quem ego, uix credas, quam  
multa reseruem, quae, litteris commissa, eandem suau-  
tatem non habent. Vale.

EIDEM,

**FESTIVVM** Molsae nostri poema libenter  
legi, explanationē vero tuā libentissime: & sum admi-  
ratus acumen ingenij tui summo iudicio coniunctum:  
quorum alterutrum non ita multis contingit, vtrumq.  
vero paucissimis. Quod scire vis, quid alij sentiant: idē  
quod ego, nihil esse in illo genere perfectius. quo magis  
te hortor, vt hanc facultatē ad grauiora studia trāsfe-  
ras, & aliquando te, ab istis occupationibus vindica-  
tum, in litteras totū abdas. quod si mature feceris; cer-  
no iam aīo, quantaē tibi hoc consiliū laudi, quantaē no-  
bis, qui te amamus, laetitiae sit futurū. memini, quid  
tu mihi te facturū esse dixeris: neque te arbitror obli-  
tum, quid ego tibi in eam sententiam responderim. Mi  
Care, induc animū, nullos praestantiores esse fructus,  
quam qui e virtute colliguntur. & cum hoc feceris,  
quod & facis, & fecisti semper, tum illud tecum exi-  
stimato, ac pro certo habeto, incredibilem esse expecta-  
tionem, quam de te apud homines concitasti: quā si su-  
stinere, ac tueri vis, contende, dum integrum est, omni  
studio, vt ex hoc vitae genere, in quod olim te non tuū  
iudicium, sed uis quaedam temporum, tamquam in ali-  
quod pistrinum, detrusit, quamprimum te eripias. quod  
quia tibi deliberatum esse, mihi saepe ostendisti; nō ero  
longior in te cohortando: tantum haec attingi amore im-  
pulsus; vt intelligeres, in summis meis occupationibus  
me tamē de tua laude cogitare. De Ardinghella nescio  
quid atrocius est allatum: quod ego sane quā pro eo ac  
dehui

debui moleste tuli. hominem enim eruditum, & cum tibi amicissimum, tum a nobis, ut visus est, non alienum cognoui. velim, tu id ad me planius, quid fuerit, & unde fuerit, perscribas. Vale.

E I D E M, Rauennam.

32

LITTERIS tuis, quas tu idibus Quintis dederas, ego nonis accepi. rescripseram, quomodo mihi tunc occupatissimo licuit: postea, cum eas per otium in manus sumpsissem, accuratiusq. perlegerem; sensi me quasdam partes, quibus nunc ex interuallo respondeo, imprudentem omisisse. quod est si ita non fuisset; ego tamen aliquam scribendi sententiam alicunde arripuissem: non solum, ut quasi tecum loquerer; quo nihil facio libentius; sed etiam, ut tuas elicerem, quarum sermo & purus in primis est, atq. ornatus, & humanitatis, ac beneuolentiae notis maxime insignis. vel quas mense proximo dedisti, quam amabiles, quanti consilij, quam multi officij? quod munus, quae partes in ijs a te sunt hominis amantissimi, prudentissimi, diligentissimi praetermissae? quam accurate, quam distincte, quam perite tuam de meis typis sententiam explicasti? quibus quidem typis, spero fore, ut emendatissimis utar, quando ad te & ad Thomam nostrum missi sunt: quorum alterum in labore patientissimum, alterum in iudicio elegantissimum cognoui. Quod autem ita scribis, homines hoc animo esse, ut nihil a me nisi perfectum, absolutumq. expectent: facis tu quidem officiose, & peramanter, qui ad me excitandum aliorum quoque opiniones, & iudicia

cia colligas; sed hoc ipsum genus, quod perpoliri a me  
uis, ut perficiatur, in te est. Quare, quoniam ita casus  
tulit, ut unus fere hoc tēpore tantū mea causa posses,  
quantum ego tua semper uolui: et si mei commodi, at-  
que etiam honoris ratio postulare uidetur, ut in te rogā  
do pluribus uerbis utar: tamen id non faciam, ne maio-  
rem desiderij mei, quam humanitatis tuae, rationem  
videar habuisse. De artifice autem confirmando, quo-  
niam in hoc uides esse omnia, & me longinquum nihil  
posse intelligis, omnem curam tu suscipias oportet: qui  
ut idem nobis sit, qui antea fuit, facile cum prudentia,  
tum commoditas illa tua praeſtabit. quamquam non  
dubito, quin ipse per se, uel sine ullo artificio tuo, ad id,  
quod reliquum est, persequendum ita, ut uolumus,  
animatus sit. profecto enim constantiae rationem si-  
bi habendum ducet. sed tamen, quoniam gloriae ma-  
gis studio, quā emolumenti cupiditate, incensus, est  
ad opus est aggressus; subiicies tu quoque identidē in  
sermone quasi igniculos, ut uehementius inflammetur.  
Ficus tuas quod ais te in apertum referre uelle, ut ali-  
quando uenales circumferantur, quae quotidie ab om-  
nibus, te insciente, degustantur; ego, uero, ut id facias,  
magnopere suadeo. Quod autem meorum typorum  
expectationem nimis longam esse dicis; mihi quo-  
que ita uidetur; idq. cum mea causa, tum tua non me  
diocriter doleō. Figurarum opus, quod te hortante  
sum exorsus, texitur illud quidem diligēter: sed uereor  
ne plus oneris susceperimus, quam quantum nostra  
imbecillitas sustinere possit. quod si ita erit; accurre,  
ut parte aliqua nobis detracta, & in te translatā,  
releuemur,

releuamur. Sed ~~amabo~~, quid sibi vult, quod in tuarum  
 litterarum clausula posuisti? te, si quae essent inter nos  
 ad significandum notae, quiddam occultius fuisse scri-  
 pturum. equidem, et si, quale sit, videor mihi iam intelli-  
 gere; tu tamen vt apertius declares, valde velim. De  
 mandatis meis, ea, quod tuo commodo fieri possit si ex-  
 hauries; per mihi gratum, perque iucundum fuerit; sed  
 illud primo quoque tempore, de quo se Martellus tuis  
 curaturum recepit: qui si stetit promissis, reliqua ego  
 a te exigo: sin autem, quod pollicitus fuerat, nondum  
 exsoluit; eum tu litteris appella. nam de ceteris non ita  
 valde vrgeo: ages cum licebit, uel dicam etiam, cum li-  
 bebit. in hoc autem nisi mihi quamprimum satisfacis;  
 praedico tibi flagitatorem habebis acrem, & molestū:  
 Vale, & amicis communibus salutem a me pluri-  
 mam. Venetijs.

*\* amabo,*

## OCTAVIANO. MAGIO,

Romam. 33

TROFECTO nihil tam accidit contra volunta-  
 tem, quod aliqua demum iucunditas non temperet.  
 sic sunt humana. angebar animi, (quid enim dissimu-  
 lem?) tuis fractum occupationibus, ne te complecterer  
 discedentem: nunc idem gaudeo, euenisse quod nole-  
 bam: quando tu, arrepta inde tui purgandi occasione,  
 litteras ad me misisti, officio primum refertas, & hu-  
 manitate singul'ari, deinde Latine loquens egregie,  
 sic, vt eius vrbis, in quam te cum Aloysio Mocenico,

H praes-

praestanti viro, Venetae Reip. legato contulisti, ueterē  
 eloquētiā redolere uideantur. Quare cum animo sum  
 laetatus erga me tuo; fuit q. uoluntatis ad me amādū  
 propensae gratissima significatio: tum uero ex ista, quā  
 adolescens admodum consecutus es, Latinae linguae  
 facultate, istoque, quo te uideo florere, ingenio, tan-  
 tum accessit ad laetitiam, quantum ne conabor quidem  
 uerbis explicare, sensu ipsa uix, atque mente compre-  
 hendo. Atque equidem tibi eo etiam gratulabor ma-  
 gis, si tua bona noueris, idest, si &, quae habes iam,  
 studio tueberis, & quae ostenduntur, ac deferuntur a for-  
 tuna, magnificies; quantumq. in te erit, numquam di-  
 mittes; non enim, mihi credas, tanti esse tibi Roma de-  
 bet, quia Roma est, quae praestantes olim uiros tulit,  
 imperiū terminos cum Oceano coniunxit; quanti ob  
 unius hominis consuetudinem, cuius est humanitas do-  
 ctrinae par, doctrina uero, quae potest esse maxima. is  
 est Octavius meus; qui urbem, a qua ceteri honestan-  
 tur, sua ipse uirtute nobilitat. Hunc tu uirum nactus,  
 cole, si sapis; &, pete tuam gloriam ex illius consilijs;  
 utere, quantum licet; &, ut liceat plurimum, exopta.  
 ipse te, si uacabit, numquam a suo congressu, num-  
 quam a sermone excludet. commendaticijs ad eum lit-  
 teris minime opus est; nec fert hominis humanitas:  
 & tu illi, quod epistola tua significat, satis iam no-  
 tus, fortasse etiam familiaris. Quod reliquum est,  
 non te fugit illud, Magistratus uirum indicat. iti-  
 dem haec legatio, qui sis, qui futurus aliquando,  
 patefaciet, quamobrem incumbere ad laudem: ample-  
 dere uirtutem: illa reūce, quae bonis artibus, ac  
 mori-



*moribus aduersantur: quae te saepe in ista aetate,  
 tuorum commodorum, tuaeq. tamquam hostes glo-  
 riae, circumuenient, nec facile, nisi prudentiam sum-  
 mam adhibueris, depellentur. Vale, & salutem dic  
 meo nomine exquisitae eloquentiae uiro, Iulio Pogia-  
 no, cuius tibi amicitiam, & consuetudinem ualde gra-  
 tulator. Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

*Wenetys.*

## EPISTOLARVM

PAVLI. MANVTII

LIBER. TERTIVS,

HIPPOLYTO. ESTENSI

CARDINALI

Ferrariam.

I



ALDE me leuauit, in hac mea satis gra-  
 uiter affecta valetudine, oratoris vestri,  
 Hieronymi Faleti, viri praestantis, ora-  
 tio: qui cum sermonem mihi, Ferrariae  
 tecum habitum, exposuisset, multaque, vt solet, de in-  
 genio tuo singulari, de summa gravitate, ac sapien-  
 tia, nonnulla etiam de tua nequaquam a me, vt audie-  
 ram, aliena voluntate narraffet; cepi laetitiam, quan-  
 tam aliquis ex insperata, exoptataq. re capere maxi-  
 mam possit; measq. statim esse partes duxi, vt ad te  
 scriberem, ageremq. gratias, quod in eo loco, unde me  
 depellere fortuna conaretur, tua me retineret humani-  
 tas. quo sane mihi nihil optatius, nihil hoc tēpore, cum  
 infirmus languero, ad animum meum sustentandum op-  
 portunius potuit accidere. atque equidem ita statuo,  
 actum esse mecum misere prorsus, atque infeliciter,  
 quod meam ad te ueniendi cupiditatem incredibilē pe-  
 stilentia primum, deinde morbus impedierit; & in eo  
 magnum studia mea, measq. res adijisse damnum: qui-  
 bus a te, pro tuo instituto, veteriq. consuetudine, con-  
 sultum

*sultum iri optime, pro certo existimabam. quod quādo  
 ita accidit; & quando me a tuo conuictu non mea uo-  
 luntas, non iudicium, aut ulla mentis inconstantia, sed  
 corporis imbecillitas, atque haec anniuersary, ac pae-  
 ne iam perpetui morbi vis importuna seiungit; peto a  
 te, Princeps humanissime, id saltem, quod in tua, non  
 in fortunae manu situm est, tribuas, & largiare, ut be-  
 neuolentia mihi tua, & quae fuit antea, & quae, si ad  
 te iuisssem, futura erat, eadem conseruetur. hoc si asse-  
 quor; beatus hac una re sum; cetera parui perdo. ea por-  
 ro mihi ut conseruetur, ita postulo, si me, qualis in aula  
 tua fuisssem, talem esse absentem intellexeris, id est ob-  
 seruantem tui, tuaque in laude omni studio & cogitatio-  
 ne defixum. Quod si quibusdam litteris animus a me  
 tuus est offensus, quod in ijs dicar minus fortasse, quam  
 decuit de te, aut de tuis modeste locutus; quod certe se-  
 cus est: sed si me tunc a mea consuetudine impetus qui-  
 dam abduxisset iracundiae: noli pro tua sapientia in-  
 genium humanum: magna vis doloris est: impellimur  
 saepe longius, quā ratio concedat; & facta quae sunt,  
 paullo post infecta frustra cupimus. te tamen ita decet  
 ignorere dolori meo. si ex iusta, ut ego arbitror causa  
 susceptus est: sin aliter tibi uidetur, ignorare tamē de-  
 bes. ut cluceat magis in culpa humanitas; quae si omni  
 digna Principe virtus est, te uideatur Principe dignis-  
 sima; quem ad omnem laudem natura genuit, discipli-  
 na erudiuit, multorum annorum consuetudo assuesecit.  
 Vale. Venetijs.*

FRANCISCO . MOLEINO,

Patauium. 2

QVOD meas epistolas descripseris, ualde te amo:  
 & custodiri a te malo, quam ad me mitti. Quod autē,  
 non esse tibi scriptionem illam infructuosam, significas,  
 prorsus non abnuo: uerum tamen, quod tibi hoc in gene-  
 re multo & plura, & meliora domi quotidie nascan-  
 tur, hoc equidem nomine haud paullo magis tibi gra-  
 tulator. quam tu, si sapis, agnosce, & opta diuturnam oc-  
 casionem. uiuis cum eccellente uiro, adolescens, prae-  
 stanti ingenio, optima ualitudine: uiuis Patauij, idest  
 in urbe scientiarum laude celeberrima: quo tamquam  
 ad mercatum, virtutis cupiditate ita omnes confluunt,  
 ut inanes redire turpissimum ducant. Plura non debeo.  
 noui enim, ad quem: & haec ipsa minime necessaria ui-  
 debam: sed obsequendum amoris fuit in te meo; qui me  
 tacitus, ut tecum de tua laude loquerer, hortabatur.  
 Patri uero tuo, & optime de me merito, & ijs uirtuti-  
 bus, quae nobilem uirum decent, in primis ornato, quid  
 est, quod a me deberi non intelligam? Exstabit igitur in  
 te, si qua re potero, studium meum: illum autem colam  
 sensibus intimis in omni uita studiosissime. Vale; &  
 ut Mureti contubernio, ac disciplina dignum te prae-  
 fles, quanti tuam laudem facis, quae mihi maximae  
 curae est, tantum exitere. Venetijs.

## MARCO. ANTONIO

M V R E T O,

Patauium.

3

BEASTI me tuo iudicio: si modo plus est a te veritati, quam amicitiae, tributum. quod ego, qui faueo meae laudi, facile mihi patiar persuaderi. sed, amabo te, vis ne mihi legem illā diutius deberi? nescis, quam sim studiosus huius generis monumentorū? describe aliquando: aut, si, stantē in media via describere, minus honestum uidetur, nec pudor tuus fortasse fert; da negotium homini diligenti; quando Achilles nosler uel negat, uel certe prorsus agit eo modo, ut negare uideatur. salutabis tamen eū meis uerbis: cui certe fortunam opto, qualem si magister eius haberet, omnia bona, merenti pessime, contingerent. Si quid peperit ingenium tuum, dignū paene duxi utroque nostrum, sed si quid te ipso dignum; mitte: ut constes humanitati tuae, atque etiam constantiae. es enim pollicitus. Quid Molinus meus, flos omnium leporum, omniumq. virtutum? ut ualeat? iube eum saluere quam potes humanissime. Charta me deserit, ut uides, tecum suauissime loquentem. Vale.

E I D E M, Patauium.

4

VNAM tragoediam duobus ipsis diebus, cū assidue scripserim, absoluerē non potui. meorum oculorū, ut uideo, res non est, ac ne digitorum quidem. quid? ego habeo duos articulos? hui, quantum interest. reliqua

H 4

igitur

igitur ad te reijcio. vinctes me facile celeritate; aequa-  
 bis in diligentia, si volueris. finge, operam te dare,  
 cum describes, homini litterarum et prorsus ignaro, &  
 prorsus cupido. finge, amico singulari: quem explere  
 officiis, si liceat, optabile sit. quumquam hoc non fin-  
 ges. nam, cum a domesticis discessi, nihil habeo te ca-  
 rius. verumtamen, haec si tibi proposueris; de quo ro-  
 gandis non es; monere tantum volui; nihil quidquam  
 omittes in describendo. habes, quam ego in me desi-  
 dero; mentis constantiam, pectoris firmitatem. haec  
 mihi morbi diuturnitas eripuit: quae video esse in te,  
 utinamq. diu uideam, & ināxun habes oculos in le-  
 gendo, manum in scribendo exercitatum: uacui uero  
 temporis quantum vis: & uis in rebus meis plurimū;  
 qui te saepe dixeris, professusq. sis ad meum arbitriū  
 tua studia conferre: num. quod ad gymnasiij curam at-  
 tinet; nec dies instat publici numeris, & si instaret, ope-  
 ra haec bidui tota est, bidui, inquam, tibi, nihilo lon-  
 gior: mea uero & diuturni temporis, & laboris esset  
 non ferendi. ad haec si accesserit voluntas, quae mi-  
 hi non venit in dubium, & inductio illa animi, quae  
 magnas res facile conficit; negotium habeo absolutum.  
 serua mi Murete. quod in te est, amicum tuum integel-  
 lum: parce ualeitudini: nostram imbecillitatem, tuorū  
 officiorum ope, sustenta. scis, ἐκ τοῦ βλέπεις, quo amo-  
 re, quo consilio, quo etiam praesidio fortunae tuae nitā-  
 tur. εὖ τις εὐβοῦλος, nosti reliqua. Haec aliena manu  
 scripsi, cum paullulum languerē. tota enim fere nocte,  
 nescio quo casu, somnum oculis non uidi meis, aut vi-  
 di tristium imaginum turba permissum. Tuum Euripidem



pidem remitto, unaque meum: quem cupio similem esse tui. Ex aedibus nostris.

E I D E M, Patauium.

5

MONSTRI simile, Muretus non respondet: immemor ne nostri? nefas credere; & hanc suspicionē longe animus respuit. at occupatus? hoc fortasse: uerū vllane cursum amoris interrumpit occupatio? omitto iocū. Mi Murete, garrit saepe amor: at tu siles: cū tamen, ut opinor, ita me ames, ut fortasse nemo magis: qđ certe facis mutuo. quod si, quia legem illā describere per tua negotia non licet, ideo nō scribis: rogo te, abijce istā curā. abrogentur potius omnes leges, quam tuarum litterarum fructū diutius careā. nec tamen, detrahi multū de otio tuo mea caussa, volo. scio, tempus quā vtiliter ponas. illa satis erūt: Mi Manuti, videmus: & valere te, ualde cupimus. tā iñdixā sunt in manibus. cum Molino tuo, cum Sefiano saepe sum: plane vino. Hac sentētia, sed alijs verbis, idest elegantissimis, qbus ipse abundas, si scripseris; satis plane cupiditati meae, (quid enim dicā voluntati?) satis etiam officio tuo feceris. Vnde te expectare aliquid de meo discessu, dies appropinquat. vel potius iā adest. iam, ut ille ait, sarcinulae collectae sunt oēs; nec fere, quod agā, superest. itaque nonis. Sep. cogitamus. Cū illo, qui mihi numquā placuit, impuro homine, si quid aduersus me, suscipe, ego in tuis iniurijs soleo, et sustine. proelia. neruos. n. habes. ille, nostrā uicem, ulciscetur. sua malefacta. nā inuidia rūpitur:

tur: & habet, quod intimis eum sensibus dies noctesq.  
excruciet. nos laudabilia cogitemus, & ad praeclara  
illa studia incumbamus: de isto ne meminerimus qui-  
dem; qui bonos omnes, hoc est sui dissimiles, odit ini-  
quissime. Vale, & amicis nostris (sunt enim fere com-  
munes) plurimam salutem. Venetijs.

SCRIPTIS litteris, & iam obsignatis, hester-  
nae tuae sunt allatae, Graece loquentes non minus ar-  
gute, quam eleganter. qui possum paria paribus? si per-  
gis, clamabo me circumueniri. mehercule non tã aquis  
vlli fontes, quã ingenium tuum scatet Graecis & sen-  
tentijs, & dictis. matte: extra iocum, amo te quotidie  
magis; quia tu scilicet ad perfectã virtutem quotidie  
accedis propius. Sed pauca de re. Vides ne, quam faci-  
le tum ferantur, tum abrogentur leges? Vbi sunt, qui  
tribunicia potestatem accusant? illa quidem, cũ bona  
mente coniuncta, salutaris. Sed haec ne nimium cure-  
mus. utere fortuna tua. ego alias regiones spectro, inui-  
tus nostri dissidij causa; sed cõiungemur animis, cor po-  
ribus disiuncti. id est maximum, in maximo dolore. sola-  
tium. De Philopono, quia comes futurus est itineris  
mei, velim in eas rationem, si eum hic reliquisti, ut ad  
me quamprimum. colligo omnia; ne quid me moretur  
in discessu. nõ enim id agitur vnum, ut voluntati meae,  
sed illud simul, ne fidei satisfiat.

---

E I D E M, Patauium.

6

T V vide, cui committas. ego enim binas tantum  
accepi. prioribus respondi nudius tertius, meãq. tibi de  
Bono-

Bononiensi re non modo sententiā, verum etiam voluntatem ostendi. his alteris, quae mihi redditae sunt heri hesperi, si rem specto, rescribere nihil est necesse; sunt enim eiusdem argumenti: sin tuam voluntatem; quae quanta sit, ex tuis litteris apparet; sunt eadem iteranda. sic igitur faciam. Affirmo tibi, Sigonium nostrum, si Bononiam ierit, praesensq. contenderit, certum futurum. habet auctoritatem, ex huius loci dignitate partam, mire suis amplificatam scriptis, praesertim his postremis, insigni doctrina, iudicio, ingenio, diligētia refertis. studia Bononiensium civium facile colliget. ciuitas enim est ad humanitatem nulla propensior. Accedit, quod aut petet solus, aut cum ijs, quos neque nominis fama, neque vero, ut a non nullis accepi, litterarum scientia magnopere commendat. Bargaeus enim, οὗτος τυχὼν ἀνὴρ. condicionē illam certe non spectat. qui enim Pisis dominetur, & sua uirtute, quam nouimus excellentem, & Principis gratia, cuius in ditione natus est; quo consilio ad res nouas animum adiiciat? Ergo, si Bononiae Sigonius, uides, quid sequatur. dijs hominibusque approbantibus in eius locum adscendes. quo mihi nihil esset optatius. nam speciem habet Bononiensis condicio maiore, ut in gymnasio Italiae celeberrimo: emolumentum certe haud paullo plus hic uideo futurum, atq. etiam de dignitate uidero. tractantur oīno litterae splendidius in publicis gymnasijs; & docetur de loco superiore uirtus maiore cum gloria: sed clarissimum Venetiarum nomen quasi luminibus obstruit Italicarum omnium ciuitatum: & hic ortum decus facile manat, ac diffunditur per omnes gentes, propter  
huius

huius vrbis commanionem & quasi societate cum orbe terrarum uniuerso. Hic uenit in mentem: Cur tu igitur migras? alia ratio est. ego urbem linquo, non cum urbe emolumentum, quin hoc augeo uehementer; illam prorsus amittere non uideor, quia Romam specto. Habes meam sententiam; quod quidem ad te attinet. De Sigionio autem, quia nihil est tam amplum, quod eius uirtus non aequet meam, ut opinor, diuinationem exitus non fallit. nisi si quid attulerit casus; qualia fert hominum uita. De Molini nostri ualitudine, cum rescribes, adde uerbum, si me amas. Vale. Venetijs, nonis Sep. quo me die discedere cogitantem noua res detinuit.

E I D E M, Patauium.

7

QV ID homini non timendum? cum te, tam validum istis lateribus; ista aetate, nihil tale metuentem animus reliquerit. ualde me percussisti tam graui nuntio, eoque magis, quod ignorare te causam scribis nam tuendi tui quam rationem inuis, si te morbus inuasit imprudentem? tuam continentiam narras. equidem ita credo. unde igitur fluxit uitium? parce tibi in studijs mihi Murete, pro eo quanti ipse tibi es; aut si te ipse non diligis, quem omnes paene diligunt, pro eo quanti ipse apud te sum; quem tu nisi magni facis. egregium simulacrum tenes artificium. nescis modum esse retinendum in cunctis rebus; nescis uirtutem nimis appetere, uirtutem non esse, age igitur iam te respice, si minus antea tibi consule, & cum quaere gloriam, quae te uiuentem oblectet,

non

non quae discedentē e vita prosequatur. ita diu iucunde viuā, ut acerbe nunc uiuo, quia sollicitus de te sum. medicos habes doctrina singulari, quorum consilio uti possis: caelo uteris clemētissimo: in rebus tuis nihil, opinor, est incommodi. genus enim uitae non honestum minus, quā utile delegisti. et si te scio de re & lucro minimū laborasse, illa uero habuisse prima, quae nec mihi postrema unquam fuerunt, decus, & amicitias nobilium uirorum. Haec cum ita sint; modo paullo minus mentem, & paullo magis corpus exerceas, rectissime tibi erit: nosque, tui peramantes, afficies maxima laetitia. quod auguror futurum: & ut meam spem, quantū in te est, exitu confirmes, te ipsum tua, nec minus mea, causa rogo. Kalendis Apr. omnino te, sin id minus, Catullum tuum exspecto. diem unum prorogari, ē re mea non est. Vale.

---

E I D E M, Patauium.

8

PLANE nō asequeris, ut video, quorsum illa de Momo scripta sint a me. non enim id spectāui, tuam ut remorarer industriam, sed ut acuerem potius, atque incitarem. tu autem ita commotus es, ita mecum vehementer, ac paene iracunde agis in epistola tua, ut vix tibi temperes, ac ne satis quidem, cum velles, temperare potueris, quā aculeos etiam in me nonnullos emitteres. deinde quasi blandiris in extremo, verbis utens amantissimis, atque honorificentissimis: cum ea mihi tribuis, quae si respuerem, ipse me non amarem. tanti enim mihi sum, quanti ab ijs, quibus

quibus ego plurimum tribuo fieri me sentio. Ac putabam, mi Murete, meos tibi sensus bene cognitos omnes esse: quod si paullulum a mente quandoque aberraret oratio, non esse facturū, ut eo mea verba detorqueres, quo neque meum iudicium, neque nostra iam paene fraterna necessitudo ferret. quod quando secus video contingere; aberit posthac a meis litteris omnis ironia, aberit iocatio, quid quid deinde eius esse generis intelligam, ut in utranque partem flecti possit: de illo ne meminero quidem, si potero. hominem enim contemno: silentium quidem, quod potero, ipse mihi imponam. De Plauto videor tibi scilicet, quod aiunt, in alienam messem. sic enim illud interpretor, A me, ut scis, efflagitabatur. Tu vero, me perlubente, rem suscipies: si modo, quod contra mihi videbare, animum induxisti, ut efflagitantibus breui satisfacias. verum, si praeclaros de Finibus commentarios, ad exitum iam perductos, paucorum dierum studio perpolire non uis, & magno litterarum damno pateris iacere: qui sperem te aut uelle hoc tempore noui aliquid ordiri, aut, si ordiaris, posse pertexere? magni negotij est. quantum otij res exigat tuis occupationibus eripere; nō minoris, a te ipso, ut uelis, impetrare. facio tamē aequissimo animo, ut in te recijciam, ac transferā hoc, quidquid oneris, aut laudis est. consulatur modo publicae utilitati. id, non modo a te, quem fero in oculis, sed si uel ab ijs, quos & de facie, & de nomine prorsus ignoro, praestabatur, aequae laetabor. Quare non solum per me licet, uerum etiam, si pateris, precibus tecum ago, ut ad emendandas, illustrandasq. Plautinas comedias tuā excellentem indu-

striam



*Striam conferas. vereor tamen, ne, quod summe cupio, id frustra rogem, atq. expectem. Vale. Venetijs.*

E I D E M, Patauium. 9

REM tenes: optime tres poetae coniungentur, ille, M. ANTONII. M. VRETI. COMMENTARIO. ILLUSTRATVS; reliqui duo, si rem suscipis; quod ita liberaliter, ac benigne polliceris, ut a me nō minorem verbis, quam re gratiam in eas; AB EODEM. EMENDATI. quod si, ut significas, ad emendationes aliqua praeterea fiet accessio: nae ego tūc, vere mutuā inter nos esse beneuolentiam, intelligam, ac velle te mecū officijs certare: in quo antea (dicendū est enim) potuit esse illustrior amor tuus. Confugies videlicet ad occupationes: ego ad illud: Nulla potest esse occupatio tāta, quae amoris, & officiij cursū debeat interrumpere. me ipso quē quam ne magis impeditum a negotijs, districtum a curis unquam nosti? quis tamen amicorū (amicorum autem? immo vero etiam alienorū) negotia curat libentius? tua sane caussa noctis etiā partē cogitando saepe cōsumpsi, cum tamen corpusculi tenuitas maxime quietē postulareret. Sarcies igitur, si quid omisū: uel, si nihil, auge superiora; quod certe potes, et, si meum in te animū spectas, etiā debes. Vale.

E I D E M, Patauium. 10

REMITTO scholia, ut habeas corrigendi facultatem. quamquam est, cur addas potius, quam mutes.

quid

quid enim? totus ne quartus liber ita mendosus aut obscurus est, nihil ut assequare, nihil scriptione dignum excogites? mihi non probabis, nec omnino cuiquam, tuū in Catullum praestantem commentarium qui legerit. confice igitur, quātum quidem per te licet, licet autem tibi, quod, ut ego sentio, quam paucissimis. nos opus nostrum intermisimus tua causa, tuum ipse opus nostra causa ut vrgeas, atq. absoluas. nec dubito, quin, si adniti volueris, et quasi cum ipsa re contendere, quod ego interdum soleo magna ex parte praestes id, quod praeter opinionem meam, ut aliquid ἐν τοῖς ἀδελφάτοις, abiecasti. De rebus tuis, quae mihi mehercule magnae curae sunt, consilium dies afferet: animus certe meus fluctuat: ita multa in utramq. partem occurrunt. placet constantia, ita, sed si cum utilitate coniungatur. utilitatem porro non lucro magis, quam dignitate, metiamur. quod tu quoque videris significare in illo loco, Vellem hic paullo ἐν τῇ αὐτῇ πόλει vivere liceret. Veruntamen, mi Murete, si quid agimus minus interdum splendide, contra quam nos praeclara liberalium disciplinarum studia docent, excusamur temporum iniquitate, & multorum exemplo; qui, cū affluant ijs rebus, quae saepe a nobis, fortunae potius culpa, quam nostra, desiderantur, quotidie tamen aliquid ultra appetunt: quam meus magister Egnatius, si audires uerba, summam stultitiam; si vitae rationem spectares, plane singularem sapientiam iudicabis. Vale. Venetijs.

EIDEM,

E I D E M, Patauium.

I I

*Q*VINCTILIS Kalendae, quem tibi ego diē  
 definieram, praeteriere iam, ut vides. itaque, si quā ex  
 meis litteris de perpoliando Catullo tuo curā suscepe-  
 ras, ea te libero. tēporis enim coactus angustijs, man-  
 dauimeis, ut alia quaedam praelo subiicerent, mēsem,  
 quod ad me attinet, vel integrū, eoq. amplius licet, in-  
 terponas. interim ad Terentium omnē tuam industriā,  
 suadeo, conferas. noui omnino te laudis in studio num-  
 quā languentem: sed in hoc libro, qui maxime omnium  
 versatur inter manus, ipse te debes incitare, & eo ma-  
 gis, quod erit, qui editum statim arripiat, syllabatimq.  
 omnia dimetiatur. admodum enim seuerē, ac studiose  
 iudicat aliena; sua vero premit, exire non patitur, diu  
 licet euigilata, acerbis etiā in se ipsum, minimeque in-  
 dulgens. Ego accingor ad Plautum. nec desperarem  
 aliquid a me, si minus ingenio, saltem diligentia, posse  
 praestari: sed interpellant salutatores a mane ad ve-  
 speram, honesti illi quidem, cupidi virtutis, officio, &  
 amore erga me, ut videntur, incensi; tamen interpel-  
 lant. scis illa Ciceronis nostri, ad Sebosī, Arrii que ad-  
 uentum ingemiscētis. Hui, vnum ne ego Sebosum,  
 vnum habeo Arrium? videlicet: sexcentos: quibus,  
 velim nolim, horae dandae sunt omnes. ex quo quan-  
 tum molestiae, quantum hauriam acerbitalis, ipse, qui  
 meam consuetudinem, ac meos plane sensus tenes, fa-  
 cile potes coniicere. nam rem familiarem, etsi minime  
 abundo, iacere tamen aequo animo patior: studia vero

mea negligere nullo modo possum. De tuo aduentu spē nonnullā inieceras : eam rursus extenuant postremae tuae litterae. ego illud scilicet primum, ut habeas rationem valetudinis; secundo loco, quod tuo commodο fieri possit, ut te nobis restituas, exopto. Quid Molinus noster? quid agit? quid autē ego hoc quaero? nimirū ille totos dies tecū, idēst in virtute totus est; nec tuam complexus doctrinā dimittit, iudicio adductus suo, meo cōsilio confirmatus. Vale. Haec ante lucem, cubans in lectulo, amanuensi meo, & iam meorum studiorum socio, dictavi, nobili adolescenti Cyprio, Herculi Podocatharo, qui cras Patauium cogitat, teq. meo nomine salutabit. illa superiora familiari meo, Sebastiano Leonī qui se forte obtulerat, dictauerā inambulans, quod erā paullo crudior: nec fere mea manu libēter uti soleo.

---

E I D E M, Patauium.

12

QVI mihi tuas attulit litteras, ei ego meā omnem operā, si qua in re vellet uti, atq; omnino quidquid valeo, tua causa detuli. visus est meā amicitiam plurimū facere, & a me, praeter eā, nihil expetere. quod illi facillimū fuit impetrare, nam cum omnibus natura pateo: tū uero, qui a te diliguntur, amore meo nunquam excludētur. Catulli quod apud te reliquum est, biduo si miseris, satis opportune facies. deinde mihi orna duos comites eius, utrūq. dignū, ubi neruulos ingenij tui contendas. etiā illud mihi tribuis petēti: quod ante omnia & vnū fortasse; spectare te puto. cras, ad summum peruenie

rendie tria Catulli folia mittam. Filiolum meum Hieronymum, nondū quinquennem, Aldo parem ingenio, valetudine firmiorē, mandare Epidaurum ad hominē eruditū, meiq. peramantem, Paullum Bosium, cogitabā. ibi moribus, & primis litteris imbuetur. nā ego me ad haec humilia demittere nullo modo possum. Quid praeterea? nihil scilicet: imo aliquid. Scribe, amabo te, mi Murete, vt instituisti, quā saepissime. mehercule, e summis atque assiduis nō modo negotijs, uerū etiā animi curis, tantū in tuarum epistolarum elegantia, et suauitate conquiesco. atq. etiam, dū ipse ad te scribo, quia te mihi praesentem statuo, mutuumq. inter nos sermonem fingo, incredibili voluptate perfundor. Vale. Venerijs. Hercules meus, quia festus hodiernus dies est, abest. ideo haec mea manu, decies interpellatus, exaravi.

---

E I D E M, Patauium. 13

Alis ne? Iannotus ita suasisit? vix adducor, vt credam. tibi tamen cur non credam? ego mehercule, quod Iannotus probare videtur, id nō solum probo, verum etiā mirifice cupio. quid enim mihi suauius tua cōsuetudine? qua nihil incundius. tuo vero sermone quid utilius? qui solet esse tum eruditus, ingenijq. notis adspersus, tum etiā beneuolētia refertus in me singulari. At, Ferrariensem condicionem vt acciperes, auctor fui. Id quidē (tu scis: facile enim potuisti conijcere) valde cōtra meā volūtatem: cui nihil potest esse molestius, quā a te dinelli. Sed quid? an ego paterer tuā fidem in du-

biū uocari? qua maxime probitatis nititur opinio. Dixerat de Turulone, praestanti uiro, non solū animi, uerum etiā fortunae bonis ornato: cuius mihi fuit, item ut esse debet, auctoritas grauissima: nec ausus sum re pugnare: dedi manus ἰτέον conclusi. quod si Iannotius, quem noui rerū agendarum vsu peritissimum, antiqui hominē officij, pollicetur sese impetraturum: suscipio, quod abieceram, consilium; nec iam amplius ἰτέον, sed hic, hic nimirum φιλοσοφικόν, idque nobiscum summa cum animi voluptate clamo. Ergo, quod iam institueram, obseruabo omnia, omni enitar studio, omnibus inseruam. uolote bene sperare, me agente, bonis fauentibus, inuidis & obtrectatoribus imbecillis. Molino, parum abest, quin uehementer inuideam. quid ni? artem memoriae tenēti; verumtamen impedit amor, a quo abesse solet inuidia: etiā ea spes, quod ille, quo cum bono alienus homo impertiuit, cui suo, homini amantissimo, fortasse etiam bene merito, certenumquam denegabit. esset enim sui dissimillimus, idest humanitatis expers. sin recusat: allegabo ad illum, quem? quem putas? te scilicet, cui debet omnia: si modo in uirtute oīa posita sunt: quam ille discit te magistro. καὶ σὺ τὸ δὲ ἐρχομένω, quid non impetremus? Vale.

---

E I D E M, Patauium.

14

PROFECTO nihil est uberius amore in me tuo: nec amori cedit ingenium: itaque mea causa & uis omnia, & idē facile praestas. quod cum ita sit; nimis tamen facere impudēter, atque adeo neque ipse te amarem,



rem, nec amore tuo dignus essem, si plus tibi oneris imponerem, quam occupationes patiantur tuae. Scholijs, quae polliceris, contentus eris; quandoquidem video te commentariolo non vacare, tu modo qui Catullum expolieris, da operam, ut in Tibullo, & Propertio, qui locum illi proximum in elegantia verborum, atq. in sententiarum concinnitate obtinent, quam simillimum tui te praebeas: ita tres pulcherrimi poetae, & sine dubio inter Latinos in illo festiuo genere principes, ueterem suum splendorem, ereptum retustate, atque hominum inscitia, tuo maxime studio recuperabunt. ego autem ipse mihi gratulabor, & quodam modo gratias habebō, quia te ad hanc industriam excitauerim. nec desinā eadem ratione de litteris, quando per humanitatem tuam licet, bene mereri, cum eo tamen, ut tibi, homini occupatissimo, studiosorum utilitatem, id est tuam laudem, verecunde commendem. Molino meo salutem, & simul age gratias de scriptis meis. Vale.

---

E I D E M, Patauium.

15

B I N I S iam litteris de Martello: nec tamen a te verbum. valde te distentum esse oportet, qui tam longis diebus, tam pone tuas aedes habitantem alloqui non possis. at qua de re? primum mea, deinde ea, in qua non ultra sex aut septem verba sermonem continuare sit necesse. quare, si te nimis vrsi, velim ignoscas; tum, si per tuas occupationes licet, frustra ne vrsērim, efficias. quid? Molino nostro negotium dede-  
ris: non recusabit, nostra utriusque causa. in quo dan-

da opera est, ut omnino responsum ab illo aliquod exprimat. nam ex hominis diuturno silentio adductus sum in suspicionem, ne parum sincere mecum agat, & exactum neget, quod iam in usum suum erogauerit. quod equidem cupio esse falsum, & me de amico peruertere scelestè suspicari. Nunc audi, quod tua magis interest. quamquam nihil ad te pertinet, quod me quoq. ipsum non attingat. nec te puto aliter esse animatum erga me. verum tamen audi, quod certe non expectas. Quænam ei deberi a te putes euangelia, qui librum inuenerit antiquum, & illam aperuerit latebram, ubi, Caluier, illud sit aliquando deprehensum? equidem incesse omnibus lætitijs, ut ait ille. sed abuntur enim illae turbæ, & comprimetur quidquid erat sermonis aduersus te dissipatum. quod ego & tua, & eorum, quos dilexi semper, causa vehementer cupio. verum primum quidque explicemus. nunc Tibullus instat, denuo prælo subiectus. is, & qui sequitur, Propertius, absolueri tibi sunt. deinde ad Terentium accingere. interim da operam, ut Rembi libro uti possis: cuius ope quin maculas eluas bene multas, & suos uersibus numeros, aliena culpa perturbatos, restituas, etsi non dubito, tamen hortor ut adhibeas diligentiam. cupio enim de te omnes bene sentire: cupio comprimere os paullo liberius loquentium: qui non modo te, verum me quoque videntur ignorare, non sine causa ea, quæ soleo, de tuo ingenio, ac iudicio prædicantem. Vale. Venetijs.

PAVLLVLVM nunc. quidem ego exorior: postea quam mihi amanuensis meus, quem abduxerant aliena consilia, optans optanti resitutus est: cuius opera, & officio meis oculis, uel plane totius corporis ualeitudini cōsultitur egregie. iam me labefactabat, iā nutare coe-  
bat labor; stomachumq. deijcere quotidiani uel operis, uel officij scriptio necessaria coeperat. & is, quē Bonō-  
nia expectabam, differēbat aduētum, usque eo, ut, uen-  
turus esset, nec ne, valde iam suspicarer, atq. subdiffide-  
rem. qui si uenerit, erit omnino aliquid, sed, ut arbitror,  
nihil ad Herculem: quē scis meam non modo orthogra-  
phiam, totamq. interpungendi, & distinguendi rōnem  
tenere, uerum ita manū quoque, cum uelit, imitari, ut  
te ipsum, peritissimum litterarum mearum cognitorē,  
aliquando fefellerit. Scribe, inquis, ubi tantum necesse  
est: ita scribes raro. Non ita est. possem stadia mea,  
quaeq. habeo instituta, quae multa sunt, abijcere: litte-  
ris uero salutantiū amicorū, aut aliquid a me postulan-  
tium quaternis in die minimū, saepe octonis, & denis,  
non respondere qui possum? ut oīno. aut amittenda uale-  
tudo, aut humanitas deferenda uideatur. Quare locum  
habes gratulandi. debes. n. meis perinde cōmodis gaudē-  
re, ac tuis, magis etiā fortasse; quod ego minus, quā tū,  
possum incommoda sustinere. De Tibullo, cessator es-  
se noli, etiam si tibi ego cessandi facultatem prolixē de-  
tulerim. est. n. ut scripsi antea, unius praeli opera, ne ti-  
bi crebra appellatione molesti essemus, intermissa. Ve-

rum istos ego quotidie poetas, quos in manibus habes, amo vehementius. causam quaeris? quia tuas, amatissime ac disertissime loquentes, eliciunt epistolas: quarum non modo suauitate, uerum etiam fructu aliquo, occasione sublata, carerent. quod cum ita sit; cupio tamen, atque etiam, si pateris, rogationem habeas rerum mearum: quibus quo longior, eo grauius procrastinatio damnum infert. Vale. Ante solis ortum, albescente die. Venetijs.

E I D E M,

Patauium.

17

TV vide, cui credideris. nam ad me nulla dum perlata sunt Catulli folia. quae si periire; damni factum est eo plus, quod nec ad illa, quae sunt apud te, licet transilire. quandoquidem ordo foliorum non seruatur; nec pagina paginae, nec uersus uersui respondet. itaque magnam utriusque nostrum causa suslineo molestiam; nereorque, quod aliena culpa contractum est, nimis ego id grauius luam. tota enim typographiae ratio mutetur necesse est, nisi haec, quae ne funditus interierint, magnopere timeo, hodie folia recuperantur. quod utinam ex hac difficultate, in quam aliena uel socordia, uel perfidia coniectus sum, tuae me litterae eripiant: quas ad meas besternas cras expecto, & ad has oino perinde. Vale. Venetijs.

E I D E M,

Patauium.

18

SED AT A iam tempestas omnis est, & nauigamus in portu. reddita mihi sunt hac ipsa hora, quae tui tribus ante diebus miseras, quinque. Catulli folia, delata prius

prius ad eum, qui libros in *Asulana* tractat officina; hodie tantū, vt ipse asseuerat, an, vt ex litteris tuis optuit, nudius tertius, diuinare non possū. hoc certe uideo, per cōes tabellarios non esse missa: quorum fides in reddendo desiderari non solet. sed profecto fortuita multa; quibus perturbari, & fluctuare uitam hoīum necesse est: quae cauere consilio, aut ratione si liceat; bene cū multis ageretur. penderet. n. a prudentia felicitas. nunc aequae omnibus occurrunt incommoda; vsquequa q. casus, & fortuna dominatur. De filiolo meo, amabo te, quemadmodum animo, sic lingua faueas, primum amoris nostri, deinde hominis etiam causa. auferet ille quidem oēm iucunditatem; & plane diuellat a me ipso; sed hoc tamen antepono, nisi fallor, salutare consiliū; & vt ei consulatur, aīum uinco. Quod iterum iam ad me *Molini* manu, gratulor, paene etiā subinideo. meus enim a me, nec, vt puto, rediturus, *Tiro* discessit: quo consilio, de ipso cognosces. cum ad me retulisset; neque suasi, neque dissuasi; ne dissentirem in hoc ab ipsius patruo, in illo autem a me ipso. suasi etiam potius. contra voluntatē, inquires, & iudicium? sic sum. auertere a me volui, quae poterat exoriri, suspicionem utilitatis, & commodi mei. Clausula sit, quod initium epistolae fuit. Restitutus mihi uideor, inuentis *Catulli* folijs. tu quoq. redi ad tuā tranquillitatē, nec institutum omitte. Vale.

& communes v. animum.

E I D E M, Patauium.

17

QVVD? tu me putas hoc in genere acutissimum?  
 fuit, cum ipse quoque mihi plane ita persuaderem:  
 nunc

nunc nihil minus. nā hoc toto biennio prorsus nihil vidi: & vt omittam cetera, meum illud tantarum vigiliarum munus, non tibi venit in mentem, quam misere perierit? itaque, qui mihi ipse tam male consuluerim, inuitus adducor vt alteri consiliū dem. vides iacere bonas artes; illa sordere, quae praeclara ducebantur. cuius maxime vitij culpam sustinet eorū inscitia, qui putant scilicet in opibus esse omnes, & fortunae pedisequam esse virtutem: stulte: nam illi & viuentes audiūt pessime, uerissimisq. maledictis proscinduntur; & ubi e uita discesserint, aeterno silentio damnati, apud omnem posteritatem ignorabuntur. nos autē nunc quidem fruimur suauissima omniū, & iucundissima voluptate, quae manat ex honestis cogitationibus, ac studijs: nec erit, opinor, vlla, quae nostrae vitae cursum definiat, dies. nō in omni aetate decus ac dignitatem pariet ea, quae nunc, auri, argentiq. vis. suis cuique aliquando pro animi ingenijq. praestantia, persoluetur honos. interim uiuamus nobis, ac literis, seiuncti ab ijs, quos nutu appello, idest ab ipsa plane barbarie; ne quā ex eorum conuictu labem contrahamus. Munusculum tuum non video cui deferas. inania tibi nostra, mihi nec peregrina solida uidentur: si quidem ipse, quod iam significauī, diu perigrinatus, oleum, & operam. Nobilitatem, & virtutem si quaeris, est Bononiae Camillus Palaeottus, Mediolani Bartholomaeus Capra, duo quauis laude, vt ego sentio, excellentes viri. Capram nunquam vidi, sed, hominum sermone, tanti facio, quanti si ille sciat, studio me non dubito, quin mediocri complectatur, & in amicitiam plane intimam recipiat.



piat. Palaeotto, quae est hominis humanitas, usus sum, quam diu Bononiae fui, familiarissime. omnes in eo disciplinae sunt nobili viro dignae: morum autem elegantia, comitate, officio summus est. hi sunt nobis ornandi, & diligendi: Crassos quosdam, ac Midas numquam omnino nostra meliores laudatione faciemus. quin ita desipiunt, ita ipsi se ignorant, & ignorari ab omnibus putant, ut in sinu sibi gratulentur; quasi sint, quos esse fingimus; cum nos ea ipsa, quae desideramus in illis, ad cohortandum, non ad laudandum, colligamus. Habes meam sententiam, quos vites, quos deligas. nominare praeterea multos possem: sed incerta ratio est: & illi duo excellunt. Occurrit illud. ad ignotos, non facillima *ὑπὸ τοῖς ἀλλοῖς* alijs, fateor: te quidem ab hac difficultate vindicat ubertas ingenij tui. Alterum est: ambitionis, aut etiam leuitatis cauenda suspicio. Locus omnino aliquis calumniae dabitur: sed omnia ne curanda? nimis misera condicio. ualeant iniqui: recte sentientes probabunt: nec nos ij sumus, quia multitudinis de prauato iudicio pendere debeamus. Vale.

---

E I D E M, Patauium.

20

M I H I vero, ita niuam, etiam atque etiam probatur. & cum in quouis genere magnus omnino sis, in hoc maxime videris excellere. planè (ut omittam reliqua) ingenij tui quasi quandam *διεξιότῃς* sum admiratus. ita concinne, ita apte, facili quodam sententiarum nexu, rem ducis, donec ad ipsum peruenias: in quo te,

ubi

ubi scis haerere multos, citra omnem adulādi suspicio-  
nem, summa explicas cum dignitate. Gratulor tibi de  
istā facultate. & eo magis, quod, si locis impertitur  
gloria, nouum decus accedet ad Italiā nostrā, in qua  
sedem, auctore atque auspice me vno, ita locasti, ut co-  
gitare nihil prorsus de migratione uidearis. nec uerō  
secus debes. valde enim ad litterarum elegantiam, pla-  
neque ad omnem humanitatem tibi pro-fuit hoc cae-  
lum, e quo iam per quadriēnium spiritum hauris. itaq.  
noster eris perpetuo mi Murete. si gratus esse uis: quod  
profecto uis: soles enim hanc uirtutem praeter ceteros  
efferre. Tibulli principium mitte; ut cum epistola con-  
iungatur. Scholia, non dubito te operam daturum, ut  
tua uideantur, idēst lita luminibus ingenij, & quantū  
res patitur, erudita. Vale. Venetijs.

---

E I D E M, Patauium.

21

GRÆCOS typos, meumq. de Syriano edendo  
consilium probari tibi nō mediocriter, significas. sic pu-  
taram: & in utroque nunc mea tum opinio, tum uolun-  
tas, te approbante, qui mihi multorū instar es, magis,  
magisq. confirmatur. De Catulli clausula, parum com-  
mode: sed nihil, Mureto petente, recusandum. Video te  
Propertium negligere: cum ego me illis uerbis, quae  
sunt in prima Catulli pagina, quasi praedibus obstrin-  
xerim, AB. EODEM. CORRECTI. SCO-  
LIISQ. ILLUSTRATI. itaq; nec integrum  
iam est: & si sit, cur tu poetam elegantem, maximeq.  
omnium Latinorum fabellarum uarietate, hoc est uere  
poetica

poetica eruditione florentem, abijcias? Etiam illud: oblitus ne es, ei te commentarium publice esse pollicitum? scholia saltem, si commentario non uacas: & utrūque Torquato: aut, si uni utrumque non uis, Propertium cui uidebitur: inops enim ab amicis non es; sed malim utrūque Torquato; quinobilitatem a patre, uirtutem habet a se ipso. Dices, tibi otium deesse. si hoc impedit; faciam, ut abundes. inibo enim rationem eiusmodi, ut operae meae, quarum tibi molesta nunc celeritas est, gradu te studio ne pergere uideantur. Germano tuo cupio mehercule satisfacere sed aduersatur multa, maxime pegrinitas, haud satis apta nostris moribus, et ignoratio sermonis Italici. meum tamē illi studium nullo loco deterit, si moueri: sin ipse aliquid uidero, in quo liceat eius rationibus consulere, aggrediar, & quantum in me erit, perficiam. Vale. Venetijs.

---

E I D E M, Patauium.

12

VEHEMENTER mihi arrisere tua scholia, sic inquā, ut fere se commentario aequare uideantur. perges igitur, diis bene iuuantibus. Cupio tuum Plinium: quē dare poteris amanuensi meo: cui reditū patruus, nuper e Cypro aduectus, multis a me uerbis impetrauit. Exspecto reliqua; quod tuo tamen commodō fieri possit. nam, ut tuis consuleretur studijs, & commodis; cessare de duobus praelis unum maluimus, quam te nimis urgeri. attamen rogo, des operam, ne longius ducatur. Vale.

E I D E M,

E I D E M, Patauium.

23

O M I Murete, quot me premunt onera, quibus angor curis! accedit imbecillitas ualeitudinis, quā, do equidem operam, ut omnino tuear, ac sustētem: sed vacillare interdum necesse est: ita multa incurrūt in nos, quae nec vitare licet; nec sumus ad sustinendū pares. tu me, tuus amor, tua virtus multum leuat. quod spero perpetuum, nec, ut ait nostrer, constantiae causa, sed voluntatis, ac iudicij. In erratis cur numeras Mae-  
ror, & Flamma? quorum alterum vetustas vniuersa, alterum consuetudo probat. etiam, Saecula, tum scribebant. nam Varro in Etymologijs Varro nō videtur: itaque & a Quintiliano merito ridetur. Exspecto Tibulli folia, quae supersunt, & scholia. Vale.

E I D E M, Patauium.

24

M O L I N O dixeram, quae tibi si narrauit, iteranda non sunt; sin omisit, committenda litteris non videntur. nec tamen te diutius celabo; interim hoc vnum: quo fortasse contentus eris: ad alios potius, quā ad te, pertinere, nec vllam omnino tuae dignitatis, & existimationis partem attingere. Hic sermo increbuit ex quadam tua, ut audio, ad Lambinum epistola, captum tibiam esse de Ferrariensi condicione consilium. quod si ita est; magnopere gaudeo, ac tibi Deum ea, quae cogitas, vehementer cupio fortunare,

*re. sin autem haec inania sunt, ac temere iactata :  
aeque laetor; teque hortor, pro mea in te beneuolentia  
singulari, ut habeas rationem in primis non modo tran-  
quillitatis, verum etiã constantiae tuae, velisque Pata-  
uinam commorationem esse quã longissimam. ego ta-  
men, quidquid egeris, meam non modo voluntatem,  
verum etiam sententiam cum tua coniungam; sed ve-  
rreor, quod minime uelim, ne quis, in te non recte anima-  
tus, sermonis materiam nactus, leuitatem obijciat. iã  
enim quiddam inaudiui. In Tibulli quartum aueo sci-  
re, cur nihil volueris. nam, posse te, certum est. nos  
opus intermisimus, donec a te plurima colligantur. scis  
consuetudinẽ praeli. vrgebit te quo tempore minus ex-  
spectabis, & opprimit nec opinantem. quare cum otio  
nostro tuũ negotium metiri non debes, sed, cum iacere  
nos videmur, ipse nihilo minus ad industriam excita-  
ri. Amicus ille tuus, cuius ingenium, vt in adolescen-  
te, laudabamus, detulit quaedam ad\*: quae si ille ue-  
ra putasset, incenderetur aduersus me, & institutam  
amicitiam, quam spero fore diuturnam, abrumperet. te  
vnum testor, quid ego de illius doctrina, atque ingenio  
& sentiam, & saepe praedicarim. ille tamen simiolus  
longe aliter; vel quod est, vt stulti, infensus Italico no-  
mini; vel quod natura improbus, qui fingat ea de me,  
quae repugnant penitus iudicio meo, atque etiam natu-  
rae; cumque ornatus a me sit, detrabere tamen de mea  
laude conetur. nec tamen est nihil, quod ad te ipsum per-  
tineat. quae, quia sunt iniusta, contemnes; ut ego,  
quae sunt falsa. Vale. Vnetijs.*

EIDEM,

E I D E M, Patauium.

25

*CVM* antea, multis mihi declaratā argumentis, tuam prudentiam valde probavi, tum vero, lectis tuis litteris, laudaui te, ut hominem consilio praeditum excellenti, atque etiā, ut virum bonum, qui nihil antefert honesto, suaeq. maxime fidei, vel cum rei familiaris ingenti iactura, sibi esse habendū rationem existimat. Opima tibi deferebatur, admodūq. honorifica condicio auide a multis, et ambitiose petita. nihil occurrebat cōtra, quin accipiēda videretur, tu tamen reijcis: & facis, meo iudicio, sapienter: primum, quia tueris officiū, qđ Cardinali Estensi iā prōmiseris: deinde, quia ne sic quidem tuā vtilitatem deseris. quis enim illo ad liberalitatem propēsiōr? quis paratior fortunae bonis? habes igitur in eodem cum uoluntate rem, nec tuus es, in quē aliquid indigne conferatur. atque etiam, quo maior, ac praestantior adesse, ac se tibi offerre videtur occasio; cū summo Principi, singulari uiro, tuam operam dices; eo tuā acues, atque excitabis industriam diligentius; ut ipse te vincas, & beneuolentiā Cardinalis eximij omni tibi ratione cōcilies. in qua vna si tuae vitae quasi tabernaculū constitues, & ita perpetuo senties; o te felicē, Murete, nec iam amplius a Fortuna pendente, quae tui similes saepe iactat arbitrio suo. Nūc ego quidē a te fructus tuorū studiorum vberrimos, de quibus me saepe praedicātē audiere multi, non solum exspectabo, verum etiā exigam. quamquam tu mea certe monita non expectabis. non enim tuos sensus hac in re  
cum



cum meis optime congruentes, ut eam denique esse vitam ducas; quae vivitur in studiis, cetera inania speciosa multa, plerumque tamen falsa. Interim frui te tecum ipse, & quod aiunt, in sinu gaude tantae felicitatis expectatione: quam aequalem video fore vitae, ipso vivente, qui te expectat: quem debes, vel si tibi Croesi opes ostendantur, unum sequi, & unum ornare tuis studiis, vel potius ex ipso tui ornandi, atque illustrandi capere argumentum. Vale. Venetijs.

---

E I D E M, Patauium. 16

**L A B O R A B A M** vehementer de amico nostro: nunc animū meum constituit, aliquo interdum, ut valedicam, metu fluctuantem, epistola tua. atque ad me tum accedebat indignatio. quid? virtuti ne deerit ornamentū? aut etiam locus, ubi consistat? tanta ne est temporum iniquitas, & hominum in suis bonis ignoratio? haec ego quandoque mecum: nunc vacuus cura iam sum, et ex eo, quod significas, ut in exoptata fortuna triumpho. velim igitur ei meo nomine gratuleris. Tuos versus tua fretus humanitate, iam promiseram. eos expectabo, minima, si fieri, potest, interposita mora. nec tu velim me diuturna expectatione ducas. Illa ad illos, qui te numquam amarunt, quos male scis audire suo merito, cur nō transferas ad alios? equidem suadeo. quod si tene-rem ἵπποδαιμον, facile dicerem, ad quem, me a lusiis, καὶ ἀπὸ πάντων των ἐρωτικῶν, plane revocat nō solū natura mea, sed aetas etiā senectuti propior, quam adole-

K scientiae.

scētiae. itaque. si quid ad me scribes, remoue, amabo te,  
omnia, quae dilexisse Plato videtur, & opposita Intelli-  
gis, opinor, quid significem : & , quod significo, petere  
me, uel cupere etiā, si me putas ingenium tuum nosse,  
existumabis. De beneuolētia tua, et si numquam dubita-  
ui, ex te tamē ipso ea, quae opto, libētissime audio. quā-  
quā ad studium in te meum nihil addit studiij tui com-  
memoratio. nō enim te amare coepi, ut ipse me amares,  
sed quod amabilē ipsum esse duxi multis nominibus;  
quae tibi ipse ne exponam, non modo meus, uerum etiā  
tuus pudor impedit. Iactura te mouet rei familiaris in-  
discessu repentino. noli laborare: lucrum erit in dāno, si  
spectas eū, qui te excipiet, praestantē virum, erga tui  
similes optime animatum, cuius egregiam voluntatem  
non dissimilis fortuna comitatur. sarciet igitur ille, si  
quid ob subitā migrationem damni facies: & , ut spe-  
ro, tuum te consilium quotidie magis oblectabit. Polā  
video te abiecisse, et laetor mehercule tua caussa. uerū  
tamē, si quando opus erit, setesum illum non contem-  
nes: ut habeas tu quoque, exemplo Africani, & Lelij,  
tū Lucrinum, cuius in litore, neglectis Regum thesau-  
ris, omni prorsus ambitione solutus, aut conchas lege-  
re, aut fluctus numerare possis; eoq. laetius, si me tibi  
tātae comitē voluptatis Deus obtulerit. Verum haec,  
ut quidem nostrae nunc utriusque res habent, inania:  
quae tamen, si perfectē saperemus, omnium fortasse  
prima. Sed vides me tecum garrire? captum uoluptate  
sermonis, dū te quasi praesentem alloquor, et utor ma-  
nu eius adolescentis, quē iure Latij donatum, Cretensi-  
bus ademptum, affirmo tibi dignum aliquando fore no-  
stro

*Stro contubernio. quod quidē studiose agit, tuo maxime exemplo incitatus. etsi non te nostra domus, sed tua te industria, tuum nobilitauit ingenium. Libri aliquando exierunt, quos ad te mitto, iuuenis optimi, & insigniter eruditi, Onuphrij Pannini. nō dubito, cum legeris, quin meum de illius praestanti virtute testimonium confirmes. habet alia in manibus, vnde fructum studiosi capere uel maximum possint. quae ut edat maturius otium illi exoptare, qui rerum nobilium scientiam appetunt, omnes debent. Vale. Venetijs.*

---

E I D E M,      Parauium.

27

*VIX credas, quam non facile mea manu litteras conficiam, & quam facile, cum utor amanuensi, fluat oratio. itaque scripsi ad Senerum laboriose, quod inambulans, ut antea solebā, minimo negotio dictasse. discessus ille meus, magnorum iudex malorum, ut ab amicis tunc, falsa coniectura ductis, putabatur, familiares meos, quorum uti opera consueueram, Podocatharum, Fasinarum, postremo etiā Nicolaum Cretensem mihi ademit. filium habeo, sed puerum adhuc, & imbecillo corpore, & occupatum satis domestica cura. itaque posthac, nisi quid occurrat grauius, perquam raro, & quā breuissime scribam. venio ad litteras tuas. Reuersus e foro Iulij, quo exieram non tam negotij, quā valetudinis caussa, reperi librū tuum, Variarū lectio-  
num, quem apud Sixtum Medicem, communem amicum, excellentem virum, reliqueras. noli expectare iu-*

K

2

dicium

*dicium meum. malo enim te ab alijs, quid de tuis studijs, quid de ingenio existimē, quam a me ipso, cognoscere. vnum tamen illud non minus vere, quam libēter dicam, nihil me adhuc in hoc genere legisse ornatijs, nihil eruditius. Quod autē quibusdā in locis, & a me dissentis, & egregijs idem laudibus me ad caelum tollis: parcius utrumque uellem: sic enim vtrumque fortasse verius: ago tamen gratias, quod publicam vtilitatem rebus omnibus anteponas. quam ego antea consuetudinem, acceptam a patre, seruauimē sponte, et seruabo posthac, tuo inuitatus exemplo diligentius. De nummis, dum lubebit, atque adeo vt lubebit. vrgeri enim eū, qui cum tibi usus intercedat, ne si quidem ipse velis, facile permetterem. Dionysius paullo serius, quam putaueram, absoluetur. moram iniecit commissā inter operas rixā, absente me. neque tamen hac satis leui, sed alijs adductus causis, quae ponderis longe plus habebant, paene totum consilium abieceram. nunc, te hortāte, ac monente etiam ut celeriter, quid agam? quid autem, nisi quod ipse cupis? quod certe mea causa cupis. vrgebo igitur pro virili, nec impensae parcetur, aut labori. De Gallorum Rege, dolui sane grauiter dolorem uestrum: sed, humana quae sunt, humaniter ferenda. nec vobis doctrinae remedia, nec ea, quae sumuntur a rerū vsu, deesse possunt: & tu mihi miranda narraſti de Cardinalis pietate in Deum: quo ille se, vosq. omnes praesidio aduersus iniquitatem fortunae praeclare tuebitur. Vale. Venetijs.*

IOANNI BAPTISTAE

RHAMNVSIO,

XVIRVM. CONSILII. A. SECRETIS

Venetias.

28

CVM a nobilibus uiris, in haec loca uel animi, uel negotij causa confluentibus, dignitatem illam, quae maxima est in nostra ciuitate, ut arcanis praecesses, praestantissimi Xuirum Consilij, summo omnium consensu tibi esse delatam accepissem; magnopere sum laetatus, tum pro ea, quae olim inter te ac parentem meum mutua semper fuit beneuolentia, tum pro mea in te uetere obseruantia, orta primum a meo de tuis uirtutibus iudicio, deinde a te multis, ac varijs, ut tempora tulerunt, erga me, meosque officijs uehementer aucta. atque ego meam tibi paene incredibilem laetitiam, ex honore tuo susceptam, statim litteris declarassem, nisi, autumno iam exeunte, breui futurum sperassem, ut in urbem reuersus, praesens praesenti gratularer, neq. solum ex oratione, sed ex vultu, & oculis, qui sunt indices animi, de meo in te studio, intimoq. sensu indicares. hac ego me non multorum dierum expectatione cum sustinerem, ecce tibi amicorum litterae, ecce nuncij, proximis comitijs tulisse te fructum anteaetae uitae omnis, tot peregrinationum quas in Galliā, ad Heluetios, Romam, etiam ad hostes armis infestis reip. causa suscepisti, tot consiliorum quae a te fluxerunt ad augendam, quantum in te fuit, patriae dignitatem.

gnitatem. cum enim longo post interuallo in eum locum  
rediſſes, vnde magistratum designatorū nomina reci  
tātur; consurrexit senatus vniuersus, ex tuo cōspēctu  
mirifica voluptate perfusus. quae tum animorū oīum  
perspicua significatio ita te commouit, ut illico magna  
uis lacrumarum exciderit, intuenti beneuolentiam tuo  
rum ciuium, quos in omni aetate dilexeras, quibus iā  
inde a prima adolescētia, parentis tui, summi uiri, exē  
plo, omnibus officijs inseruieras, nulla tibi praeterquā  
amoris, praemiorū spe proposita. Fuit igitur eo die mu  
tuum, & aequale gaudium, senatus primum, ubi tuā  
sibi uocem claram pariter, & suauē, in pronunciandis  
magistratibus uidit esse restitutā, quam post obitum  
magni Cancellarij Francisci nimium saepe desiderauē  
rat; deinde tuum, cum illa tibi cum incredibili gaudio,  
ac paene cum clamoribus vniuersa consurrectio, quid  
de te tui cines existimarent, quo te studio, qua carita  
te cōplecterentur, ostendit. Enim uero laetari te puto,  
quod quidē iure facis, summo dignitatis gradu, quo te  
tua uirtus extulit, ut arcana illa tractares, q̄ ad reip.  
salutē, & huius magnitudinē imperij pertinet. uerum  
hoc saepe uidimus alijs quoq. contingere, optime scili  
cet de patria meritis: nec .n. honor in quemquam, qui  
se se magnis in rebus non saepe probauerit, cōfertur. stu  
dia uero tanta, testimoniū tam illustre, consensum eius  
modi quando vlla omnino in re, uel in quemquam om  
nino hominem uidimus, aut audiuius: itaque cum ad  
meam priorē laetitiam nihil addi posse existimaſsem,  
nūc tamen accessionem haud mediocrem noui gaudij  
factā esse cōfiteor: ut eā testari litteris, ac tibi, quoquo  
modo



modo licet, indicare sim coactus. uideo. n. te uno die, atq.  
 una plane hora mercedem cepisse non modo meritorū  
 tuorum, quorum habes testem vniuersam paene ciui-  
 tatem, uerum etiam perpetuae tuae modestiae, cum  
 amore, ac iudicio patriae contentus, nulla unquam cō-  
 moda, nullum honorem tibi esse petendum statueris; ut  
 admiratio simul & dolor propinquos, ac familiares  
 tuos fere oēs afficeret, quod ista dignitate, quae tibi nūc  
 incredibili oīum studio delata est, ornari antea noluisses.  
 quorum te denique, ac simul oīum ciuium, uoluntas, at-  
 que cohortatio uicit, & ad honorem exoptatus, atque  
 accersitus accessisti, nulla usus prensatione, nullis pre-  
 cibus, tua uirtute commendatus, quae tibi omnia oīum  
 suffragia facile impetrauit. quando igitur, honore acci-  
 piendo, patriae satisfecisti; dabis eidē optanti, atq. pe-  
 tenti, ut ad tuendam ac sustentandam senectutem tuā  
 quidquid curae, quidquid potes industriae conferas;  
 ut & tu mirifico illius in te studio, & illa tuo excellen-  
 ti consilio, tua rerum omnium publicarum scientia frui-  
 quam diuissimē possit. idem te priuatim rogant neces-  
 sarij tui, proprie uero filius adolescens, in quo uidetur  
 tua uirtus efflorescere, tua iam probitas, tuae ad opti-  
 mas res propensio voluntatis agnoscitur. Ego autem cū  
 nemini in te amando, colendoq. concedam, ijsdem rtor  
 precibus, ne tuam aetatem, consectam iam annis, &  
 laboribus pro rep. susceptis, rebus agendis nimium ve-  
 xes. uereor enim (ut omittam publici muneris curam)  
 ne plus officij amicorum caussa, quā sustinere fortasse  
 possis, tua tibi imponat humanitas. quod si desidia odi-  
 stis; & quae alijs quies uidetur, laborūque, ac molestia

rum quāsi portus expetitur, eam tu ignauia appellas; nec homini quidquā uitandum magis existimabas: habes in quo te exerceas: duo supersunt, aliquot iā annis instituta, de itinerum & navigationū diuturno ac perdifficili cursu praeclara volumina: quae si ad primum, quod oēs libenter, nec sine tua summa laude, legunt, aliquando adiunxeris; egregiam et maioribus nostris, multisq. ante saeculis reconditam doctrinam, praeclaris imaginibus expressam, orbi terrarum patefacies, tuoq. nomini gloriam paries haud paullo maiorem, quā quae tibi a cunctis honoribus & magistratibus, uel magnificentissime gestis, manare vñ quam possit, eoque magis in hoc studium debes incumbere, quod omnem amoenitatē, quae solet ad scribēdū inuitare, tua tibi Rhannusia villa abunde suppeditat. itaque frueris eodem tempore Marsangī Musis, delicijs, ac amoribus tuis: & nobis, posterisque, maxime uero Paullo consules filio tuo; cuius omnes egregiam indolem amamus, & exorientem virtutem admiramur: quem a te, nisi graue sit, etiam atque etiam meo nomine cupio salutari. Vale. Ex Plebe Saccij, pridie idus Oct.

---

M. A N T O N I O . N A T T A E

Mantuae. 29

(GRAVI ac diuturna oculorum uoletudine impeditus, feci tamen, vt litteris tuis, humanissime atq. elegantissime scriptis, quamprimum responderem. Ego te, Natta, ex illo tuo praeclaro libro, quem de Pulchro

chro inscripsisti, iam pridem coepi colere. mea tibi  
 voluntas non patuit: ceteris, quid de te sentirem, saepe  
 in sermonibus declaravi. Nec uero mirari satis pos-  
 sum, qui potueris tantos processus in philosophia face-  
 re, homo versatus, assidueque occupatus in tractando  
 iure civili: in quo ipso te excellere, & audio de multis,  
 & res indicat: quandoquidem certatim viri Principes  
 te accersunt, summisque muneribus praeficiunt. Equi-  
 dem, ut beneuolentiam tibi meam praesens praesenti  
 patefaciam, cupio Mantuam excurrere: sed me de-  
 terret valetudinis infirmitas. tametsi affirmabat is,  
 qui mihi tuam epistolam reddidit, posse me a meis lari-  
 bus Mantuam usque non incommode nauigare. ita-  
 que audebo fortasse. igniculum enim desiderij uix iam  
 fero: & si quid est in itinere difficultatis, homini prae-  
 sertim imbecillo, uincet amor in te meus. De tuo li-  
 bro, quid iam expectas ut rescribam? vides ne me in  
 aere tuo totum esse? impera mihi quod uis; & utere  
 me, quantum uis: subibo omnia, & perferam tua  
 caussa. Meum librum de legibus ad te mitto. ijs-  
 dem typis, si tibi placuerit, utemur in tuo libro. sump-  
 tus omnino maior erit, quam si littera minor esset: ue-  
 rum hoc tui consilij, ac voluntatis est. Statue arbitra-  
 tu tuo: perpende magnitudinem libri: deinde signifi-  
 ca, quid uelis. mitto etiam aliud characteris genus, ut  
 alterutrum deligas. utrumque enim in folij, quod  
 aiunt, formam apte conuenit. tametsi dignitas maior  
 est in maiore. De ratione sumptus, si numerum pagina-  
 rum tui libri significaueris, & simul versuum in una-  
 quaque pagina, & litterarum in quolibet uersu; facile  
 summa

summa fiet, & ad te scribetur. Nam quid praeterea? hoc de meo libro quid sentias, cupio significes. vix enim credas, quam a iudicio tuo pendeam. Vale.

E I D E M, Mantuam.

30

PRÆCLARE Hec̃tor ille apud Naevium. Laudari abs te pater cupio, laudato viro. possum ego nunc idē vsurpare. Video me laudari, a quo uiro? a M. Antonio Natta, in quo sunt ingenij, sunt animi, ac uirtutis ornamenta plurima. ego porro aliquid fortasse, si cū alijs conferar, videri possim: cū uero ad te unū cogitationē conuerto, uix credas, quā mihi ipse displiceā. Quare permitte mihi, ut eas laudes. quas in me contulisti, reiciā; aut ipse maiores in te transferā. nam mihi, utrumq. nostrum aequa lance pendere, magni negotij non est. ut est, amo uoluntatem tuam. ea mihi est eritq. semper, ut debet antiquissima. De aduentu meo, muto consilium in horas singulas: tu me allicis, uel attrahis potius. reuocat, & retinet valetudo, cum ad te specto; nauim conscendo, rehor, appello Mantuam, tecū sum. sic est amor, & illae, quae fluunt ex amore, uoluntates. rursus, cum ad me conuerto, & meam imbecillitatem intueor; qua macie sim, qua tenui cute, quam natura mollis; & procliuis ad morbos; relanguesco paullulum, et quasi nauim incitatam leuiter inhibeo. vides adhuc, & sentis fortasse, tentari corpora frigore, leui quidem, sed tentari tamen: vides perflari caelum uentis; rōnem esse temporis prorsus incertam, & incōstantem.

quae

quae firmiores non timent : ego valetudinarius nisi timeam, parum videar me nosse, parum uitae cōsulere. quod nec humanitatis est, nec satis pium : cum nos iusserit ille summus Imperator quasi suos milites in hac statione, donec ipse reuocauerit, pmanere. Calores, ut spero, quae mea solet esse anniuersaria medicina, me mihi restituent. itaq. Iunio ineunte, aut eo certe mense, te, vt spero, complectar. sin uidebo sine meo periculo fieri non posse, ut in uiam me dem : docebo te litteris, quid cōsiliū ceperim. Tuum librum tractabo qua licebit diligētia, animo certe erga te singulari. Vale. Venetijs.

---

E I D E M, Mantuam.

31

ADEO ne erraui, & lapsus sum in subducenda ratione, ut de folijs quinquaginta coniecerim, quae nūc octuaginta fore uideo? pudet indiligentiae meae. uerū, ut est, commodo meo rem suscipere non possum, nec audeo recusare ; ne mea fides in dubiū apud te ueniat. itaq; peto a te, ut cum tua ratione meam quoq. ducas, nec exigas a me plus, quā res, & fortunae meae patiātur. Nam, quod ais, rediturā ad me pecuniam cum senore, libro uendito; uidelicet communi quadā, non propria me regula metiris. non enim ego, ut alij, qui libros imprimunt, habebō statim certos hoīes, qui eos diuendunt, & longinquas in urbes, regionesq. diffeminēt. uēduntur hic statim a meis omnes ita paruo pretio, ut lucrī qdē minimū, sed minimo simul labore, minima molestia fiat. Meum ergo librū itidem, inquis, uendes. De doctrina

doctrina libri tui, de elegantia possum ego facile iudicare: de venditione quis praestat? an nescis, libros Latinos, optimos veteres, ita nunc iacere, ut paene sordium in genere putentur? vix iam Ciceronē ipsum, Caesarē, Sallustium legi, a multis et ne legi quidem, planeque contemni? quare nolim mirari me tam esse diligentem in ijs rebus, quas me docuit vsus paene quotidianus, & in quibus non licet esse sine magna mercede negligēti. De tempore, quod vrges: facultatem imprimendi nō concedunt, libro non inspecto. atque utinam, inspecto, concedant, quod si dixi eos me faciles habere: non significavi, posse me, libris nō lectis, impetrare ius imprimendi, sed consequi statim ut legantur: quod ita multis non contingit. saepe n. uidi nonnullorum scripta. apud eos, quorū potestatis haec tota ratio est, per multos menses custoditā, neque legi, neque reddi. Mittas igitur librum oportet uniuersum: mecum autem amice ages, pro ea, quā in doctes quotidie praeclaris exemplis, aequitate. ita si errauit, non luam grauius quā de beo: sin error a me non est, a te uero aucti libri magnitudo tota, pendet; ius tueri pro tuo instituto; & amico simul consules. Vale.

---

E I D E M; Mantuam. 32

UT concludam paucis; quādo nec mihi ad scribendum, nec tibi ad legendum orij satis est; si librum miseris, imprimetur. nolo. n. meam apud te fidem in dubiū vocari: nihil est tanti. de tempore, incertum est. pendet, ut saepe iam scripsi, haec tota res ab aliena uoluntate. crediderim tamen, intra mensem confici & expedi-



ri rem posse, tū studio nostro, tum intercedentibus amicis, nobilibus viris, & gratia florentibus, libro non inspecto, facultas imprimēdi numquam dabitur. scio nullā in eo labem esse, quæ legentium animos possit inficere. noui tuos sensus, mores, probitatem. quæ ego pluris etiam in te aestimo, quam eam doctrinam, quæ parem fortasse aliquem, superiorem certe habes neminem. verum mos est gerendus consuetudini. communis hæc est, non tua præcipua condicio. Ad me autem quod attinet, voluntati tuæ, in qua uim esse cupiditatis intelligo, nulla interiecta mora satisfiet. Vale. Venetijs.

---

E I D E M, Mantuam.

33

HODIE, tribus medicis adhibitis, accurate disputatū est de meo excundi consilio. rem probant, sed illud addunt, totam æstatem dandam esse otio, incūditati, exercitationibus modicis; nec redeundum in urbē ante mensem Octobrē. itaque vehemēter animi pendeo: nec quid cōsiliij capiā, satis habeo exploratum. in hac dubitatione venit in mentē de tuo libro; quem, si ex eo, video fore, ut serius fortasse, quā tua uolūtas ferret, imprimatur. quare monendū te litteris existimaui, ut aut statim eum mitteres, aut imprimendi consilium differres. Ego hic vel tua unius causa cōmorabor, dū liber absoluitur. qđ si statuis de subita impressione; quæ uelis forma, quo charactere, quo numero, significa. Suadere omnino, ut aliorū opera, me absente, uidereris: sed tū meo mendas, & sordes; quibus inquinari, & corrumpi

tua

tua scripta per operarum incuriam, nolim: quod tu iā sensisti in libro de Pulchro; qui tractari non potuit inde centius. His litteris cupio a te primo quoque tempore responderi: ut, quod ad me ipsum attinet, certi aliquid possim statuere. meam enim uoluntatem ad tuā accommodabo. Vale.

E I D E M, Mantuam.

34

LITTERIS tuis perlectis, aggressus sum lege re tuum libellum. legeram iam antea Venetijs, allatum ad me a Carreto tuo. mirifice semper placuit. genus. n. scribendi non minus elegans, quam eruditum, complexus es. Quod ad typos attinet, uideo paullulū detritos esse uetustate: itaque specie illa, quā recentes habere solent, prorsus carent. & compactum nimis atramentū uidetur: ex quo fit obscurum quiddam, quod legentum oculos offendat. Menda quaedā deprehendi nimis foeda, nec eiusmodi, ut dissimulari possint. cuius incommodi causam puto tibi non latere. saepe enim hic, dū imprimitur, uel emendationi nemo praest, uel praestit solet homo mercenarius, & parū litteris instructus, & is, cui pecunia, quā fama, sit antiquior. nos tamē, & quia de existimatione laboramus, & quod te nimium diligimus ob tuā probitatē, nimiumq. colimus ob eruditio- nē, enitemur, & contendemus, quantum feret acies oculorū nostrorum, ut satis in hoc genere fiat tuae uolū- tati. ad quā tu me diligentiam tacite uocas in tuis lit- teris. laudas enim, & Aldi filium agnoscere te dicis.

quam

quam sunt haec acuta, quam me pungunt, atque excitant ad omnem laudem, non modo hanc propriam typographiae, quae iam in nostra familia inueterauit, & quasi debita postulatur. Sed heus: adhuc ne tibi meus liber est in manibus? atqui abiectum iam a te, et latere in angulis, obductum puluere, existimabam. nec tu is es, cui bonas horas male liceat perdere, homo assiduus curis, maximisque negotijs districtus. itaque peto a te, hoc mihi des, ne tuum otium a summis rebus ad meas ineptias conferas. satis iam obseruantiae in te meae, satis humanitati tuae dedisti. hoc si plus cupiam; non agam satis modeste; nec te nosse, nec me ipse videar. Verbum optabam in epistola tua de Carreti valetudine, optimi viri, ut uisus sum eonijcere, tui certe studiosissimi. nam affectum pessime, ac paene desperatum dixeras, cum essem Mantuae. Mecum actum est in hac peregrinatione prorsus infeliciter. incidit in morbos tota paene domus: sed uxor cum periculo vitae integrum iam mensem miserrime iacuit: nec dum video quid sperem, cum iactetur acerbissima febre, nec habeat spatium ullum sese colligendi. ego, cum non optime ualeam corpore, neque nunc ualeam, quo fuerim animo, quo nunc sim, uel me tacente potes existimare. fortitudinem laudo: sed eam in me ipso nunc requiro. vincor enim aduersis, nec possum plane, quod tu potes, a philosophia illa vera, quam Aristoteles ignorauit, praesidium petere. Sed longius progredior. tuas litteras expecto. solatium fortasse aliquod in malis afferent. Vale. Asulae.

MEVM in reditu consilium hoc fuit: ut Mantuae conscenderem, idq. maxime tui salutandi causa; tum, ut, quod antea de tuo libro imprimēdo inter nos conue-  
nerat, id cōprobaremus. non licuit ob uiarum difficulta-  
tē, & frigora. scis enim, quam tenui cute sim, quam im-  
becillo corpore. Caneti igitur, et meo, & meorum con-  
silio, tranquilla tempestate, conscendi: Mantuamq. prae-  
teruēctus, viginti, opinor milliariorum intervallo, Clo-  
diā triduo incolumis appuli. hic me amici, & propin-  
qui laetitia incredibili exceperunt, qui de reditu meo,  
saeuiente iam hieme, paene desperassent. negotia nunc  
repetimus: quae cum neque pauca sint, neque ponderis  
exigui; nullū tamen habeo prius, nullum antiquius eo,  
quod ad te pertinet. vide igitur ipse quid statuas. nam,  
si perstas in sententia: mittendus liber est ante mediū  
Ianuarium: quo spatium habeamus eos alloquendi, ac  
rogandi, quorum iniussu nemo imprimit impune. vrget  
etiam Philippi Regis orator de libro edēdo, quem ei mi-  
sit, homo, ut aiunt, Graece Latineq. bene sciens, arca-  
norum ipsius Regis particeps, Gonzalus Perez: cui  
roganti per litteras, ut omnino suus liber meis typis  
exeat impressus, et in eo sitam ac locatam suae laudis  
aliquam partem existimanti, deesse non possum, polli-  
citusq. sum: & persoluam fidem. sed cupio tuum librū  
anteire, si tu vis: sin commodius videtur, in aliud tem-  
pus differri, quamprimum litteris significa. ego id unū  
specto, tibi ut satisfaciam. Vale.

E I D E M,

E I D E M, Mantuam. 36

**NONDUM** redditus liber est: nec mea tamen in ea re diligentia defuit. deutorandum est hoc utrique nostrum, quidquid est molestiae. nā me quoque mora longior incipit ita graviter afficere, uix ut ferā: fero tamē quia Nattae negotium est. alioqui hastas mēhercule, ut ille inquit, abūcerē. sed obduremus paucos praeterea dies. si res ducetur, librū repetam, & cum pecunia tibi remittam. Ama me; & tibi persuade, te mihi esse in animo assiduū, in oculis, in ore. Vale.

E I D E M, Mantuam. 37

**NE QVE** nihil respondebo, neque tamen id, quod tu exoptas vehementer, ego autem sic, ut tecū in cupiditate contēdā. Librum habet in manibus homo eruditus egregie sacris litteris, et philosophiae sciētia excelsus Sixtus Medices: cuius oīa iudicio propter doctrinā, fidei vero ob integritatem recte committātur. is legit accurate; pscrutatur oīa: examinat, & pēdit a cervice. nihil ad huc, ut saepe iā mihi significavit, alienum a recta sentētia deprehendit; tuāq. mire laudat perpetuā tam longo in opere eloquentiam, singulari doctrina coniunctā. is quid tuo de libro sentiat, suo testimonio, ac iureiurādo cū ostenderit, aggrediemur: quod abesse iam lōge uix potest. Te interim rogo optime Natta ne quid alienae culpaē ī me trāsferas; nec me curare parū grauius existimes ea, quae ad te pertinent; quibus afficior

L in

*in utramque partem, non equidem aeque ac tu, sed, uno te excepto, grauius certe, quam ceteri. Vale. Venetijs.*

E I D E M, Mantuam.

38

*ALIQVANDO is, qui tuum librum accurate legit, absoluit epistolā eam, qua tuis litteris respondet. de re tu iudicabis: de homine, sic habeto, uirum esse bonum, praestanti humanitate, singulari doctrina, praecone vero laudum tuarum. quare est sane, cur ei gratias agas, quod te ornet efferatq. laudibus: quod a me iam, qui te vnice diligo, tuo nomine factum est. quamprimum autem cupio a te responderi; ut, si quis remanet scrupulus, auferatur, & exeat tuus liber bono publico, tua non mediocri gloria: quod utrumque fore confido. Bonamini neque dum venit; nec, venturus ne sit, aut quando sit ex eius ad me scriptis proxime litteris licet conijcere. tu agnosces: ei q. ad me fasciculum dabis epistolarum mearum; quas tamen, tu quoque, opinor, mecum sentis, comprimendas potius, quam diuulgandas: sed efflagitantibus, praesertim amicis, negari iam diutius non possunt. Vale.*

E I D E M, Mantuam.

39

*PLVRIBVS tecum verbis agere non licet: ita multis distrahor curis. unum hoc: is, qui tuum librum legit, idem tuis litteris, disertissime scriptis, respondebit. quod ut celerrime faciat, operā do, quantum in me est.*  
tuam



tuam caussam certe, ut mihi videtur, praeclare tueris: & quantum tibi ex optima mente, tantum ex ingenio, & doctrina laudis accedit. Vale. Venetijs.

E I D E M, Mantuam.

40

PLACERE tibi argumentum de Republica, & eius libri partē, epistolis meis insertam, abs te, tali viro, tantopere laudari, vehemēter gaudeo. tua vero cohortatio, ut absolū institutum, animos illa quidem addit: sed, o mi Natta, si vides quibus premimur, & curis, & laboribus, fortasse, si modo vis me vivere, aliter sentis. incitamur voluntate, cōsilijs, & hortatibus amicorum, gloriae nōnulla cupiditate: nec omnino diffidimus ingenio; verum illa, qua tu excellis, quae in tuis, & dictis & factis elucet, prudētia dissuadet. me natura pertenui finxit corpore: studiorū accessit non mediocris labor; ex quo imbecillitas, & morbi. quid res domestica? quae, quo est angustior, eo tuenda diligentius est. quid typographia? quam ita mihi tractandam intelligo, non ut omnia ad utilitatem, sicut multi, sed pleraque ad meā existimationem referā, ac dignitatem. quo proposito, nihil est operae, nihil studij recusandū: ac saepe, ut ait poeta ille tuus, sudamus, & algemus. Amicis etiā vel salutantibus horae dandae sunt, vel aliquid petētibz officia tribuēda. qui si excludātur, aut reiiciantur; sane cōsuletur otio meo, rebus meis, valetudini meae; sed ubi humanitas? quae quam sit hominis propria, nōmē ipsum indicat. Iacēt igitur inchoata, plane rudia, temere vel dissipata, uel confusa, mea scripta; quae non

L 2 numquam,

numquā, sicuti mater languentē filium, cum dolore tacitus adspicio; opē ferre, quā uidentur postulare, non queo. Quare, si quid apud te hominis tui amātissimi salus est, nō debes me ad scriptiōnē vocare, tot assidue, tā uarijs, tanti momenti occupationibus distentum. ad iuuā me potius cōsilio, si potes: aut minue molestiā consolādo; opta saltem, (& hoc ipsum significa.) ut haec, quae nunc sustineo, perferā, & is, quem uolumus, principis exitus respōdeat. id quod, nisi sauēte, qui fons est omnium bonorum, Deo, sperare non licet. Consultationes tuas, si quae nondum editae sunt, mire auctō legere. nā, cum in ijs, quae iam sunt editae, praestare te omnibus, qui memoria nostra ius ciuile litteris mādant, cum scientia rei, tum sermonis elegantia, mihi persuadeā: intelligo posthac tua scripta longe fore meliora. nō ago tecū blande: metior ueritatem ipsa re, &, ut sentio, plane loquor. valde, mi Natta, hoc biennio in Latina lingua profecisti: quotidieque, ut ex epistolis tuis facile conijcio, ad veterem illam eloquētiā propius accedis. Ita que videre mihi videor, ac prorsus video, quā tus in iure ciuili explicando, si studium adhibueris, esse possis. quod ut facias, auctō tibi magnopere sum; si modo tu in tua laude quemquam, praeter te ipsum, auctōrem, hortatoremue expectas. Vale.

E I D E M,

Mantuam.

41

LITTERAE tuae, quas idem binas tabellarius attulit, facile tuam edēdi libri, quem es flagitari iam a multis

multis audio, nō mediocrem cupiditatē declarant. nec  
me tamen studio tibi concedere velim existimas. nā &  
αυπαδεία quādam commouit iam in sensibus meis  
virtus tua; & res ipsa, de qua tantopere laboras, com-  
mendationem habet a se ipsa, nec tūm officiū apud  
me, aut omnino apud quemquam bonam mēte praeditū  
desiderat. Vnde igitur, inquires, tot dierū prolatio? Equi-  
dē culpa haec: nec in officio praestando Sixti nobis hu-  
manitas defuit: sed ab eius uoluntate pendemus, cui to-  
ta demandata facultas est. is cū Sixti primū, deinde  
etiā nostro se acquiescere testimonio confirmasset; Six-  
tum etiam ut optime de Christiana doctrina sentientē,  
sacrarumq. litterarum disciplina perfectum, laudibus  
extulisset; illud adiunxit. sibi tamen esse concedendū,  
cui ratio temperum paullo seueriorem, quā ipsius vo-  
luntas ferret, personam imponeret, ut librum leui-  
ter attingeret: quod esse per paucorum dierum nego-  
tium pollicebatur. negandum non fuit. egimus etiam  
gratias, quod ita blande peteret, ut suam obliuisci po-  
testatem, humanitatis causa, videretur. Nunc tibi,  
mi Natta, deuoranda est haec non multorum, vt spe-  
ro, dierum mora. uides, hominum recentiorum libri,  
quicunque de sacris rebus loquantur, quam diligenti  
hodie trutina perpendantur; uides, quam multū, nullo  
personarum discrimine, in iudicium vocentur, quam  
pauci mox elabantur. tolle, obsecro te, festinationem  
in re tanta: & habere rationem temporis: & utriusque  
nostrum otio, (nam mea quoque res agitur) breui in-  
ter posita mora, consule. Nam, quod inieisti de tua  
laude, opinor ut quasi dormientem excitares, id mihi

nouam diligentiam non attulit, potius admirationem quandā, cur ea, quae ad tuū decus pertinent, curari a me frigide suspiceris. Etiā appellas me ob testimonia epistolarū mearū. quasi uero ego te diligā constantiae causa, non iudicij. quod si non esse dissimilem tui puta ueris; cuius etiam probitatem, doctrinam, eloquentiā assidua studia uehementer augent: me quoque, qui aliquando in te fui, eundem fore semper, hoc est, amore incensum, atq. cupidissimum gloriae, debebis existimare. Commentarios meos quod euolis libenter, amice facis. si uero etiā, ut scribis, aliquid ad tuam utilitatem excerpis; magni facio industriam meam: quam tu, uir ingenio, & eruditione summus, modo non improbares, satis habebam: fructum ut ex ea caperes, uix umquā speraui. itaque scribam posthac paullo fidētius, iudicio tuo confirmatus: & auctoritatem tuam, si quis contra serit, pro sexcentis rationib. opponā. Litteris tuis, caue putes, non esse a me responsum, quia neglexerim. obstitit occupatio: quae diem quandoque totum eripit a mane ad uesperā. quod etiā si non scriberem, tamē opinari, tuae prudentiae, & humanitatis esset. Vale.

---

E I D E M, Mantuam.

42

AD. OCULORVM dolores, quos diuturna cōsuetudine satis iam modice fero, accessit molesta febricula, periculi tamen expers, ut medicus affirmat. itaque non potui respondere litteris tuis, elegātissime, & humanissime scriptis. Liber statim traditus est. uiro optimo,  
atque

atq. eruditissimo, communi amico, Sixto Medici. his, licet occupationib. districtus, tamē & mea, & tua causa, pollicitus est, operam se daturū diligenter, ut eā partē quam tu addidisti, ac mutasti, quam citissime legat. quod cum fecerit; rursus ex eius testimonio ius erit impetrandum libri diuulgandi. scis. n. quam seuera hodie sit librorum omnium examinatio, quam sint, ubi quid scribimus, ambigua cauēda: ne qua oīno secus interpretandi, trahendiq. in deteriorem partē. occasio praebeatur. Sixtus me diligit, mea q. causa valde cupit; de te aut honorifice & sentit, & loquitur. ita q. quod ad ipsum attinet, nauigamus in portu. Academia tuū officium amplectitur, ac laudat; sua uero a te, singulari uirō, probari et magni fieri instituta, mirabiliter gaudet. Plura uolebam, ductus suauitate sermonis, cuius imaginē habet epistola: sed interdictum est, non modo ne quid scribam mea manu, uerum etiam ne multa, nisi necessario, dictem. Vale.

---

E I D E M, Mantuam.

43

HABEO. quod petieram. sedasti animum meum cōsolatione, consilio iuisti. nihil sapientius, nihil humanius epistola tua. & cū multa sunt a te grauissime, atque ingeniosissime commemorata: tū uero mirifice sum exemplo tuo commotus, quem statuo imitari, quātum in me est, licet meae probe quidē cōscius infirmitatis, cui si Deus adcrit, quod equidem spero; uincemus humana omnia, & triumphabimus in aduersis. Afferet ad te tabellarius cum his litteris iudicem, quē petis, mis-

L 4 sum

sum ab Academia, tui studiosissima. tradidi enim legē  
dam epistolam tuam: nec improbauit quisquam. quid?  
nemo non extulit amplissimis laudibus. ego autem &  
qua sim ex eorum iudicio affectus laetitia, & quid ipse  
de tuis existimem scriptis, quia te puto illud, vel me ta-  
cente, pro amore nostro suspicari, hoc autem ex meis  
superioribus litteris cognouisse non exponā hic plurib.  
verbis, tantum agam gratias de ista tam in me propē  
sa voluntate, excellentique industria: quarum alteram  
longitudo litterarum tuarum, alteram elegantia decla-  
rat. Vale.

---

E I D E M, Mantuam.

44

**BIDVVM** hic futurus sum: nec enim diutius li-  
cet per valetudinē: nec uenissem leuibus caussis. Liber-  
tus propediem praelo cōmittetur, & diligenter emē-  
dabitur. angor equidē, quod abesse cogar, quod accidit  
profecto non minus contra uoluntatem, quam praeter  
opinionē: sed haec in manu nostra non sunt. ducimur. n.  
vel trahimur potius fatorum ui. itaq. humana omnia  
ferenda, quamquam non haec tibi, quē religio probum,  
doctrina prudentem facio, sed mihi ipsi, ab ijs praesi-  
dijs, quae te muniunt, parum instructo, tāquam intus  
cano. De rebus meis, de ualetudine, de studijs, exigit om-  
nino amicitia nostra, ut aliquid significē: sed neq. nunc  
satis orij suppetit: neq., ut uere dicam, libenter scribo,  
quae tu non libenter legas. meliora tamen cū paucis  
rebus fore uidebantur: itaq. liberiores a me litteras ex-  
spectato.



*ſpectato. Haec dictavi propere, multis diſtrictus nego-  
tijs, animo curis impedito. Vale.*

E I D E M, Mantuam.

22

*LEGI, quas remiſiſſi, epistolae meas, & correxi  
leuiter, vt homini licet occupato. de editione, quod hor-  
taris, vt omnes potius quam, vt ego ſtatueram, unam,  
aut alteram, ita faciam, non ſpe laudis, (ſcriptae ſunt  
enim, quod res ipſa indicat, indiligenter, ac raptim) ſed  
quia notam eſſe aequis & iniquis noſtram amicitiam  
volo: quae me ornat iudicij tui teſtimonio: cum tamen  
ad iudicium ſingularis accedat humanitas. Vale.  
Venetijs.*

*Inſpicere vera veri Virtus laudandaque cunctis  
Modesto ſemper ſcriberet ſileno.*

# EPISTOLARVM

## PAVLI. MANVTII

### LIBER. QVARTVS,

ILLVSTRI. COMITI  
MICHAELI. TVRRIANO  
CENETENSI. EPISCOPO,  
Ceneta[m].



NGEBAR animi, nec fieri quidquam posse me vno miseriùs opina-  
bar. ita multa hoc anno praeter ex-  
spectationem, prorsus aduersa meis  
rationib. obtigerant: fratris primũ  
amãtissimi, deinde filioli suauissimi  
interitus, vxoris morbus, inualetudo mea, rei familiaris  
incommoda. quam facile, nullo paene strepitu, rerum  
mearum conuersus orbis est. de fratre, & filio iam fero  
moderatus; uel quod, ut solet, medetur dies; uel quia,  
quod aeterna lege Deus constituit, id abrogare velle nõ  
solum iniustitiae, verum etiã imprudẽtiae uidetur esse.  
uxor conualuit: ego satis firmus. domestica vero dãna  
quae sarciri vix vñquam arbitrabar posse, facile com-  
pensat amor in me tuus; cuius mihi recordatio mole-  
stias oēs diluit; quandoquidẽ uis me ad oēs casus (recor-  
dor enim tua uerba) subsidium in tua benignitate ma-  
ximum constituere. itaq. leuatus a te grauissimis curis  
premiã onere officij me sentio: in quo sustinendo uiri-  
bus enitar cunctis & animi, & ingenij: tantũ ne im-

mo etiam ijs, quas beneuolentia erga te nostra, & singularis addet obseruantia. quid porro tam difficile, aut tam amplum est, quod incitata studio uoluntas non assequatur? veruntamen in hac re sentio esse haud paullo difficilius mihi satisfacere, quam tibi. te. n. nihil in conferendo beneficio spectare praeter ipsam uirtutē, quae suis gaudet ac fruitor bonis, nihil extrinsecus assumit, satis mihi multo antea persuasum est; praeterea nulla re indigere, non gloria, quā iam pridē abundas, non diuitijs, quas & possides iam, & contemnis. ego uero, qui & ante annos sex quo te primū die sum allocutus, eo ipso die benignitatis tuae praestantiam nō uulgari munere sum expertus; & nūc ab eadem benignitate multo etiam maiora, te iubente, cogor expectare; prorsus ancipiti cura distrahor, qui neq; gratias tibi umquam referre, neque nuda uoluntate contentus esse possim. Succurrunt enim multa, quae libenter cogitem: primū humanitas tua, qua me semper complexus es; deinde liberalitas, qua subleuasti; postremo cōsolatio illa, Christianae pietatis, & sapientia plenissima, qua me quidē proximo Quinctili mense, cum ad te honoris causa Cenetam accessissem, afflictum erexisti. atq; haec quibus meis erga te officijs? nullis omnino, salutatione excepta, quae ipsa mihi tum utilis ex prudentia, atq; eruditione tua, tum etiam ex dignitate perhonorifica fuit. Quae cum omnia colligo; eximiam istam, planeque diuinam beneficentiam, insitam tibi, uel potius ingeneratam a natura, auctam doctrina, usu confirmatā, atque perfectam, satis admirari non possum. Et simul ad quosdam, opibus affluentes, multis imperantes nationibus

bus, cogitationem conuertens, dolea vicem bonarū artium, quae deferantur ab ijs, quorum patrocinio si vterentur, fructum retribuerent eum, qui est omnibus imperijs anteponendus. quid. n. est immortalitate praestantius? quis aut eam, nisi beneficio litterarum, consequitur? lateret in tenebris, obruti vetustate, Caesares, Alexandri, plane oīs antiquitas, nisi rerum praeclarissime gestarū, quas cum audimus, imitandi cupiditate accendimur, testem haberemus historiam. Quo magis tibi gratulor, Antistes, & idem Princeps egregie, qui hanc verae laudis paene vacuum hodie possessionem tam libenter occupas, ueteremq. maiorum tuorum de omnibus bene merendi consuetudinem, nulla prorsus tuarū fortunarum ratione habita, constantissime retineas. Quod uero istam uirtutem multis praeterea uirtutibus rerum maximarum, prudentia, doctrina, eloquentia, maxime uero humanitate cumulas, atq; exornas, iccirco & antea Romae, atque in tuis legationibus, Ecclesiae causa susceptis, magnificētissime gestis, & nūc in urbe tua, quā diuino simul, & humano iure temperas, concursus ad te quotidie fiunt optimorum uirorū & eorum maxime, qui aut ipsi ingenio, litterisq. praestant, aut saltem de ingeniorum, litterarumq. praestantia iudicare possint. in quo saepe fortunā accuso, quae mihi facultatem ueniendi ad te, quod erā hac aestate pollicitus, & cupio uehemēter, adhuc quidem eripiat. quod cum licebit, accurrā. quid enim ista amoenitate iucundius, isto caelo salubrius? quid porro ad beate uiuendum deesse potest ei, qui tecum uiuat? cuius in aedibus primum oritur ex tuā disciplina uirtus, deinde excipit

uirtu-

*virtutem liberalitas. Hoc igitur, cum per negotia licebit: & utinā mature liceat. interim memoria tui fruar, teque, licet hoc terrarum spatio disiunctum, colam ut praesentem, nec ullum erga te, quod ab homine tui studiosissimo possit expectari, aut officij genus, aut studij praetermittam. Vale. Venetijs.*

## ANTONIO. VERANTIO

EPISTOPO.

Agriensi.

2

*CV M\*, tui studiosissimus, praeclarae non solum indolis, sed iam etiam virtutis adolescens, proxime reuersus e Pannonia, tuo me nomine salutasset; atque hoc officium ijs verbis, quae facile tuum de me iudicium declarabant, subsecutus esset: cepi sane voluptatem incredibilem, nec mediocres habui gratias Deo Optimo Max. cui soleo, si quid optabile contingit, acceptum referre, & a quo, si quid contra, sperare meliora. nec vero tuā mihi quidquam amicitia vel ad meam laudem illustrius, vel omnino amplius possum existimare; cuius audio fortunam a multis ita laudari, atque extolli, ut nemo tamen sit, quin fortunae virtutem anteponat. atque ego te cum ante aliquot annos, cōmorus fama laudum tuarum, diligere, & obseruare coepissem; animumque meum probare tibi litteris vehementer vellem; pudor vetuit, non omnino fortasse improbādus; meque ab hoc deterrere consilio, & quasi reprehendere natura mea maxime semper est visa.*  
quid?

quid? tu ne talē virum, grauissimarum rerum onera sustinentem, deditum studijs praestantissimarū artium, inani scriptorū genere appelles? reuocabit ratio, & habendā mihi tum dignitatis tuae, tuum modestiae meae rationem intelligebam. Sed profecto a rectis mentibus non ambitione, sed officio incensis, diuina numquā benignitas abest. qualē enim ego certe vix vīquā sperare ausus essem, ea mihi nunc a te ipso oblata facultas est. cui de mittendo ad me emblemate, elegātissime, & in quo summam laudem statuo, admodum pie conscripto, venerit in mētem. quo sum dupliciter affectus officio, laetitia primū ex ipsa re: debet enim incūda uehemēter esse amoris, ac iudicij, a tali praesertim uiro profecta significatio: deinde molestia quadā, quod, qui humanitate vinci non facile patiar, nunc quidem a te captus, atque oppressus, tantū in hac virtute, qua nulla magis hominē decet, tibi concedam necesse est, quantum in alijs, quibus te Deus ornauit, & industria tua, minime paucis: quarū fama non Germaniae, aut Panoniae, cōtinentium regionum, ambitu terminatur, sed Europam, quanta quanta est, ac paene terrarum orbē iam peruolitat vniuersum. rerum tamen, si tibi, magis locorum spatijs disiuncto, singularem animi mei ad te amandū, colendumque propensionem ostendere minus possum; apud eos saltē, qui meam vocem audiūt, meis que saepe sermonibus intersunt, tuam doctrinam, eloquentiam, in primis vero puram ab omni labe religionem assidue praedicando, profecto ipse mihi aliqua ex parte satisfaciam. nec tamen ita sterilē cognouimus industriā nostram, licet mihi laudem ingenij nullam ad-



scisco, quin ea fructum aliquem, qui ad tuū decus pertinet, nec sine tua gloria peruulgetur, aliquando ferre possit. quod aggrediar ita libenter, & ita studiose curabo, ut euentus futuri laetitiā auide praeripiā, de q. co; quod nondū praestiti, iā nunc, perinde ac si praestiterim, ipse mihi gratuler. & huius quidem vetuti praedem promissi, meae testem voluntatis, hanc ad te mittendam epistolam putavi.

ANDREAE . ZEBRIDOVIO  
EPISCOPO . CRACOVIENSI 3

VIDE, quae sit uis etiam apud alienos ignotosque homines verae solidaeq. virtutis. Aliquot ab hinc annis, cum egregios viros, qui te non de facie solum, verū etiam e sermone assiduaq. cōsuetudine optime nouerāt omnia de te summa praedicātes audirē, studio tui sum incensus incredibili. nec meam deinde obseruantia diēs estinxit, aut imminuit, sed nuxit potius, ad summumq. perduxit. atq. equidem nihil habui antiquius, nihil expectaui magis, aut observaui diligentius, quā ut haec ad te amandum, colendūq. animi mei propensio aliquo tibi non vulgari pateret officio; sed meam expectationem fesellit euentus, nec ulla vñquam satis oportuna voluntati respondit occasio. nunc igitur, quod mihi à fortuna denegatur, statui a me ipso impetrare. Praeclarū aliquid praestare, dignū uidelicet ea, quam tu sustines, persona, dignū tua virtute, cupiebā. non licuit: at, quod licet, demus operam, ut consequamur. licet enim certe  
Studij

Studij erga te mei significationem quandā, non expressam omnino, sed quasi leuiter adumbratā, ostendere, et e quercu etiā quandoque exculptum placet, non modo ex ebore, simulacrum. Effigiem domi habeo parentis mei; quem tibi vnum, cum familiari olim tuo, & in ore, & in amore esse, homo insigni eruditione, moribusque sanctissimis, Andreas Patricius non semel affirmavit. eius exemplar uenienti a te Patricio dedi. Putabis igitur, cū patrem meum quasi praesentem adspicies, agere tecū, ut auditus mihi, & quasi fores aperiantur ad amicitia tuam. quod si assequor; additum ad fortunas meas ornamenti, commodique plurimum existimabo. quid enim speciosius, quid ad laudē praestantius, omnino ne utilius, quā Principum, hoc est, tui similium virorum, frui beneuolentia? atque hoc video totum esse positum in humanitate tua, quam Patricius ferebat in caelū. nam ego quidem, nullis plane meritis, animo tamen adhuc te colui. sed, ut spero, merita quoque accedent. conferā enim ingenium ad tuam laudem: & apparebit in tuo nomine, approbante Deo, quo nihil abnuente perficitur, opus aliquod industriae nostrae, eiusmodi fortasse, (certe hoc enitemur) quod posteritas haud omnino contemnat. Vale. Venetijs.

---

P E T R O . M I S C O V I O  
S A R M A T A R V M . R E G I  
C O N S I L I A R I O 4

A M O valde probitatem, & secundum eam, eloquentiā, non quae verba tantum colligit, & inani vocum

cum sonitu auribus obstreperet, sed quae maxime remanet, sequi ipsa non minus gravitate sententiarum, quam elegantia uerborum, & splendore commendat. haec te audio simul expetere, Petre Miscoi, expetere autem summo iam esse consecutum. quibus ornamentis magnum te esse, atque illustrem apud homines uere sapientes existima, sic inquam, ut illa, quae plerique, quasi sola bona, specie decepti admirantur, quae ipsa quoque in te non mediocria sunt, opes, auctoritas, amicitia clarorum uirorum, addo etiam gratiam apud Regem omnium potentissimum, nullo pacto conferenda uideantur. nam haec licet aliquando uirtutem consequantur, ut in te ipso contigit, minime tamen ipsa uirtutem indicant, neque semper ad laudabilia studia, tamquam ad caussas euenta, referuntur. qui uero pietatem, qui iustitiam colit, qui & ingenio ualet, & quaualet, ad res egregias, maximeque ad instructam praeclaris doctrinis eloquentiam totus incumbit: hunc uere se ipsum, quod esse difficillimum constat, ac sua bona nosse, hunc optime exercere instrumenta illa, quibus homines brutis animantibus praestant, mentem, atque rationem, hunc denique gloria dignum immortali, dignum qui feratur in oculis, ornetur laudibus, nemo omnium hominum, nisi qui hominis nomine indignus haberi uelit, umquam negabit. quod ego cum a prima pueritia, domestico patris instituto, natura etiam quasi suadente, sensissem, confirmatus postea magnopere sum clarorum uirorum exemplo: nec uenit umquam in mentem, quod ita senserim: paenitere: laetatus etiam ualde sum, ac laetor equidem

nunc eo magis, quod accedit ad meam sententiam iudicium tuum. In iisdem enim studiis elaboras: eadem tibi artes curae sunt: quaeque hinc emanant laudes, eas esse ueras laudes, & earum ita semper florere gloriam existimas, ut numquam exarescat idem putamus, & idem uterque sequimur, optime Misconi: sed tua clarior industria hominis in excelsa dignitatis gradu constituti, forsasse etiam felicior, quia secunda ingenium fortuna excitat, aduersa debilitat. quam multa enim nobis obstant: quam saepe recta mens, optimorum consiliorum in cursu impedita, cogitur consilire, tibi uero, qui propensum uehementer ad laudabilia quaeque uoluntatem in te laudant, iisdem fluere ex uoluntate omnia confirmant, nullam aduersari, nullam pugnare tecum ex ijs rebus, quae sunt inimicae uirtuti: uersari te assiduam in aula Regis, ipsi Regi carum, summis & infimis incundum, apud exteris etiam gentes illustrem, ac per honoratum: quae tibi esse perpetua, maximeque propria, non solum cupio, communis studiorum causa, quorum decus tua dignitas augeat, sed facile etiam adducor, ut sperem: quidquid enim es, a te ipso es, & ideo tantus, quia talis: nec tu desines unquam esse, qui fuisti: nec ea, quae uirtus constituit, casus euertet: tantum igitur, quod & facis, & facere minimo negotio potes, retine consuetudinem tuam: intueri te ipsum: uitam ante actam imitare: sic augebis quotidie tua merita, & idem quotidie meritorum praemia tuorum sumes a te ipso: eritque uirtuti merces uirtutis usus, quo nihil esse incundius, profectio iam sensisti: nihil autem ad memoriae perpetuitatem

tem utilis, docemus exemplis eorum, de quibus post  
tot saecula litterae loquuntur. Et quoniam sequitur,  
atque comitatur, ut umbra corpus, gloria virtutem,  
sic te later, praeceptis imbutum antiquae doctrinae,  
im probari eos ab excellentibus in philosophia viris, qui,  
praeter sua commoda, nihil spectent, seque sibi tantum  
ipsis esse natos arbitrentur: non dubito, quin statuas,  
quantumcumque vel habes iam facultatis ad bene me-  
rendum, vel in omni tua vita praeclara tibi animi tui  
bona peperint, non ad rei domesticae fructum, aut ad  
angustiae benignitatis usum illud esse revocandum, sed  
esse totum ad alienas utilitates, maximeque ad artium libe-  
ralium ornatum a qua latissime porrigendum, atque explican-  
dum, quod si fiat, simul illud fieri necesse est, ut, quam  
plurimis in tua laude consentientibus, par beneficen-  
tiae celebritas nominis, et fama consequatur. Atque  
ego te ita sentire, proque tuis opibus iam praestare, non  
inani aliqua coniectura ductus existimo, aut ideo ad  
te scribo, ut in tuam gratiam blandae orationis artifi-  
cio mihi liceat irrepere: sed credidi hominum honestissi-  
morum ac prudentissimorum, istinc ad nos vel studiosum  
causam, vel cognoscendam Italiae studio commentum,  
testimonijs; maxime vero familiari meo, nihil temere  
affirmanti, Andreae Patricio: cuius eo plaris iudicium  
facio, quod egregiam eius doctrinam, id quod per quam  
raro contigit, adaequat integritas. addebat etiam, quo  
sum unice delectatus, quodque mihi, ut vere dicam,  
huius epistolae causam attulit, studiosum te esse scrip-  
torum meorum, et mihi aliquid, atque adeo tantum  
tribuere in Latina lingua, quantum optavi equidene  
pepererint.



semper, affectum me esse numquam duxi. nunc, si tu, ista vir auctoritate, isto potere, ita de me sentis; in dubium pacis reuoco iudicium meum; nec me prorsus audeo contemnere, ne a te dissentiam; enitarq. multo etiã quã antea, diligentius, ut accedam proxime, si vlla ratione potero, quo tu me peruenisse iã existimas; vt aliquando veritati iure des; quod fortasse nunc humanitati magna ex parte largiris. fateor enim, iudicij de me tui samã mihi esse periucundam: quid oneris tamen eadem imponat, quoq. redigar necessitatis, intelligo. latere nullo modo potest, quem clari viri testimonium indicat: nec me iam ad vigilantiam, omnium scientiarum parentem laudis cupiditas magis, quam infamiae metus impellit. quae licet perdifficilis, admodumque dura videatur esse condicio, tamen, quia gratus, hoc est vir bonus esse volo, amplector libenter officiũ tuum, ab excelso quodam animo, liberaliq. profectum; quod si cõpensare meis officijs non potero, memoria tuebor, & prosequar etiam laudibus, quam diu uita fruam: ut ex optima saltem voluntate, quae boni, & sapientes viri meriri beneficia consueuerunt, aliquam tibi relatum esse gratiam existimes. Vale.

---

IO. VINCENTIO. PINELLO.

Patauium.

MAGNA fuit, atque etiam nunc inter homines est de genere uitae controuersia: cum alios ita doctrinarum cognitio delectet, ut ab agendis rebus abhorreant;

alijs



alij, non sibi tantum, verum & amicis, & patriae, pla-  
 neque omnibus hominibus, homines esse natos, existi-  
 ment; ex quo sequitur, ut scientiarum studijs usum re-  
 rum anteponant. hoc discrimen, in quo ualde pro sensu  
 partium dubia ueritas fluctuat, tu quidem, quod ad te  
 attinet, optime Pinelle, optimisque, & eruditis uiris  
 merito carissime, egregia quadam, uulgo non satis co-  
 gnita ratione sustulisti. simul enim utrumque studium  
 complexus es, tum earum disciplinarum, quibus excul-  
 ta mens uberrimos in omni fortuna ferre fructus so-  
 let, tum iuris ciuilis, quod alienos ad usus maxime por-  
 rigitur. ardua res, & operosa: quod exemplorum decla-  
 rat inopia: sed ingenio tuo nihil difficile: & ut se prae-  
 bent initia; futurum nemo dubitat, ut instituta perfi-  
 cias, consilijsque tuis breui respondeat euentus. in phi-  
 losophia quidem processus tuos admiramur: qui tanti  
 sunt, ut euolare potius, quam excurrere uidearis. quā-  
 quam cur miremur in ingenio si quis ualeat, in studio se-  
 re languet, qui utrumque coniunxit, optimam quando-  
 que disciplinam, & rectam studiorum uiam ignorat.  
 fac in vno tamen haec inesse omnia, quid assequetur  
 aduersante fortuna, subsidijs destitutus ijs, quae cum  
 adsunt, fertur animus proclui cursu ad egregias res;  
 sin absint, haeret in salebra, nec facile progreditur.  
 Quae igitur singula tanti sunt, quemuis ut possit aspe-  
 rata litterarum gloria penitus auertere; haec tibi  
 cum suppetant vniuersa, iure istam, quam alij uix  
 tuentur, Spartam quotidie magis illustras; neque  
 tam nobis hoc, aequalibus tuis quod sis uirtute  
 maior, quam illud, si te ipso minor esses, admirandum

videretur. In philosophia quidem cum operam studio  
 se des M. Antonio Genuae, cui ueterum doctrinarum  
 arcana patet, quo nemo peritior Aristotelis interpres,  
 nemo uir melior usquam uiuit; nihil mediocre neque  
 hos a te expectamus, neque tu praestas: quo nomine ti  
 bi gratulor plurimum, & eo magis, quod illius uiri uo  
 ce publice cum multis, consuetudine ac sermonibus,  
 quae humanitas eius atque amor in te est, priuatim et  
 proprie frueris. hauris enim ex eodem fonte non ea so  
 lum, quae uel olim in Lyceo, uel etiam in Academia  
 disputabantur, sed id, quod longe praestantius est, chri  
 stianam pietatem, a qua manat uita, & in qua itē una  
 philosophia perficitur. Habes igitur, diuinitus oblatam  
 uirtutis adipiscendae facultatem, quā te uideo arte  
 esse complexum; nec uereor, ut dimittas, qui te ita fla  
 grare cupiditate cognouerim, ut reuocandū potius a ni  
 mia contentione, ualitudini uix ferenda, quam acuen  
 dum, & incitandum intelligam. Nam, quod ad ius ciui  
 le pertinet, ubi tum philosophiam id est totum, sciētia  
 comprehenderis, quid in parte cognoscenda superesse  
 negotij putas? minimum, si sapientes uiros, & in iis eū,  
 quem ego omnibus iudicij laude antepono, doctorem  
 tuum Genuam audies. quamquam sermo tuus, habi  
 tus interdum, praesente me cum eruditis hominibus,  
 tractasse te iam satis diligenter ea, quae excellunt in  
 uniuerso iure ciuili; h. ueterum iurisperitorum praece  
 pta, declarabat. ut uel eadem facile possis, quando cū  
 que libuerit, recognoscere, uel, si qua restāt, quasi rae  
 mos aliquos confecta uindemia colligere. non. n. te arbi  
 tror studiorum tuarum elegātiā ineptissimis, planeq.  
 bar-

barbaris quorundam scriptis inquinare uelle: quae cum immensa sint, pleraque tamen inania, laboris, & molestiae plurimum, utilitatis, & oblectamenti minimum habent. Interim, ut facis, Graeca cum Latinis, & eloquentiam cum philosophia coniunge: ut, politioris doctrinae copiis instructus, remissiora etiam studia colentibus aliquando satisfacias. non enim uiuimus omnes in Atticis gymnasiis: nec ubiq; de rerum causis quae filio est: & quibus contemplatio naturae uehementer placet, iisdem tamen animi causa tamquam in hortos Musarum diuertere non iniucundum est. qua de re quia nonnunquam inter nos lotuti sumus, & ut spero breui colloquemur, nihil addā te praesertim, quod facide intellexerim meam sententiam comprobante. cuius consilij, nō dubito, quin maiorem quotidie uoluptatem capias. Ego hic genere uitae molestissimo, quas Patavii utiliter satis, iucunde quidem certe, in libris, & in tuis tuorumq. familiarium sermonibus traducebam, horas perdo. itaque, cum primum domesticas tricas, quibus teneor inuitus, expediero, aduolabo istuc, sitiens nostrae consuetudinis; qua si frui perpetuo liceat, beatissime uiuerem. Interim amorem mihi tuum, cuius et quidem memoria ualde recreor, cupio conserues. & si tua patitur humanitas, etiam rogo. Vale, & familiarem tuam, cuius doctrinam, & ingenium in Lucretiana interpretatione mirum in modum probo, saluta meis uerbis. Venetijs.

## V I D O . P A N C I R O L O ,

Patauium.

CV M alia me in ista urbe, quā tu praeter ceteros tua uirtute nobilitas, & ornatissimorum iuuenū coetu frequētas, oblectare uehementer soleant: tum nihil est, aut esse omnino potest, quotidiana consuetudine, iucundius: non solum, quia probitate, modestia, morū elegantiā, omnibus denique animi bonis excellit: sed etiam, quia paucorum annorum studio praestantia uidelicet ingenij, quā ego semper amari, cōsecutus est, ut exquiritam, ac uariā sermo illius eruditionem praeseferat, scripta uero ad Ciceronianam eloquentiā sic accedant, ut cum ijs, qui suum nomen hac laude celebrarunt, qui pauci admodum sunt, conferri iure possit, aequalib. uero cunctis facile antecellat. Hunc ego tibi iuuenē, quē olim mihi adolescentulum uir omni laude summus, Reginaldus Polus Cardinalis, magnarum uirtutū indole commotus, accuratissime commendauit, et si necesse nō arbitror, commendo tamen eo studio, quod quia uerbis exprimere mihi non licet, tu quoq; tantum esse, uelim existimes, ut exprimi nullo modo possit. is cū antea philosophiā, praesertim quae de Graecis fontib. hauritur, & humanioris doctrinae studia diligenter, eximiaq. cū laude coluit; tum hoc tempore cognoscendo iure civili totus est. qua illum cupiditate quotidie magis incendit admiratio tuae uirtutis, quam in omni fere sermone ad caelum fert, exterisq. etiā gentib. licet illustrē satis, ele-

gan-

gantissimis declarat epistolis. pertinet igitur ad humanitatem tuam, qui te tam ualde amet, tantiq. faciat, eum redamare, eique recoditos illos, omnium purissimos, tuae scientiae fontes aperire: pertinet etiam ad fidem, qui se totum in tua disciplinam tradiderit, opibus eum impertire ingenij tui, quas ille Regum opibus & sua sponte, & meo iudicio, cui tribuere aliquid uidetur, praestantiores existimat. Haec ad impetrandum magna sunt, praesertim apud optimum uirum, quem in tuis laudibus praecipuam agnoscimus. uerum accedit amor in te meus, qui fraternam necessitudinem aequat. is te rogat, is prensat, cum studiose, quam blande potest, pro meo: ut eum, quem ego merito eius in oculis sero, tu, quem amicitiae nostrae denegare nihil decet, quando nec studio tuo quidquam abnueret voluntas mea, omni benignitate complectaris, planeque in clientelam tuam, atq. adeo in sinum aequae ac filium meum, aequae ac me ipsum recipias. quod si feceris, obstringes tibi non uulgari beneficio iuuenem summo loco natum, dignum maioribus suis, qui Pannoniam, ut ego auguror, sua uirtute aliquando Italiam faciet; a me uero gratiam inibis eam quae, si quid accedere ad meam in te beneuolentiam potest, quod equidem vix arbitror, id ipsum una possit adiungere. Vale. Venetijs.

Patauium.

O DVLCEM reditum, o amandas litteras, quae mihi id significant, quod, non modo spe, sed nec suspensione



cione attigeram, sed, quando te ipsum, mihi, viderem  
 quando licebit amplecti? oculos mehercule tuos, dum  
 haec ad te scribo, intueor, indices tui animi, indices  
 humanitatis, hoc mihi spectrum fingit amor: (quid n.  
 aliud?) & haec me cogitatio incandit, ut perfundit in-  
 credibili, quid putas, cum erimus una, dabiturq., ut il-  
 le inquit, Vcras audire, ac reddere voces? nemo unquam  
 perinde lactatus est inueto thesauro, ut ego, te reuer- so.  
 videor n. amissum recuperasse: & plane amiseram. nā,  
 etsi reliqueras hic memoriam tuae suauitatis, tuiq. in-  
 genij: tamen, quod attinet ad aspectum, ad consuetu-  
 dinem, ac sermonem, quibus nobis, tui amantiss. mis ni-  
 hil potest esse optatius, totus abieras. ac verbari ne,  
 vel precib. tuorum iunctus, vel honorum cupiditate illectus,  
 totum te dederes aulicis munerib. multa nobis, forte se-  
 etiam litteris salute dicta: mane te tuus bonus, tuus,  
 inquam mihi crede, bonus genius reduxit, sicuti malus  
 abduxerat. quid enim sumus, nisi adsit humanitas, &  
 litterae? quae petuntur in otio, tranquilla mente. otij an-  
 tem ubi plus, quam in isto secessu Patauino? nemo quem  
 quam interpellat nolentem: inuitant ad uirtutem, si mi-  
 nus uoce, exemplo certe quam plurimi: patet aditus ad  
 doctores in omni liberalium disciplinarum genere prae-  
 stantes; quid praeterea? caeli mira clementia; rerum,  
 quibus alimur, suauitas incredibilis, & copia. Haec ti-  
 bi, optimo \* iure prima sunt: iure tot montes superasti,  
 tot flumina transieisti, ut haec dimissa statim repeteres.  
 uiues tibi, solutus ab omni cura: uiues Deo, contemptis  
 diuitijs, abiecta illa gloria, quam falsa prorsus, & inanis  
 honorum species ostendat. quod nisi Deo uiueres, nec tibi



certe posses uiuere in illo enim unouera, ac solida uirtus, haec, quā quaerimus in libris, aut discimus ab hominibus, umbra est. quocirca hortor equidē te ut libros euoluas. accurate, ut magistris assidue operam des: sed minimum in utrisque pone, nisi tua studia diuino cum amore coniungas. Atque haec me scribentē magnopere delectant: tibi non puto fore legenti necessaria; scribo tamen, & quia te mirifice diligo, cupioq. esse, quale pater filium; & qua commemoratione ipsa rei omnium optimae, ac praeclarissime afficior sic, ut nullā ex ullo sermone, aut ex ulla cogitatione maiorem hauriā uoluptatem. nec tu debes officium meum aspernari aut in deteriore parte trahere. si tibi, etiam rectissime iuuenti, (sic enim existimo, planeq. mihi persuasi) constantia laudo, lubrica est enim adolescentiae uia: labuntur multi, cum aliquantum iam processerint: cursum uero conficit is, qui nititur optimis cogitationibus, ducemq. sequitur eum, quinumquam errat, communem humani generis parētem; qui tibi omnia bona pollicetur, et dabit. quae nec ab Imperatore tuo sperare, nec ab ullo Regē licet. De Episcopo Agriensi, agnosco tuam in me beneuolentiam. cui de emblemate gratias agam. Mariani Lezentij, iuuenis ornatissimi, & Andreae Patriij, cōtubernalis tui, talem in me animū amplector: quos cupio a te meo nomine saluari, itemq. Polonos ceteros familiares tuos, quorum nobilitas, & ut audio, uirtus Patauinum gymnasium illustrat. Vale; & quādo nos ad spectū tuo priuas, minue saltem literis, non hac recentiore Italica, sed illa uetere, omnium elegantissima, Romana lingua scriptis, desiderium nostrum.

E I D E M, Patauium.

8

OPTIME \*, quid tibi, obsecro, in mentem venit ?  
 nostra ne. imagine tuum putas cubiculum ornari pos-  
 se? pudet me studiij tui: & erubui, mihi crede, cum hāc  
 partem legerem litterarum tuarum. nec tamen, quia  
 tuam facile cupiditatem intelligo, deesse tibi possum; et  
 coepta res est, & agitur, ut uideo, satis diligenter: quae  
 cum erit absoluta, mittetur illico ad te. ac uellē, possee  
 artifex eodem penicillo animam in te meum una cum  
 vultu exprimere: non dubitarē, quin hāc tu multo ma-  
 gis imaginem diligeres. non necesse est, inquires, libēter  
 credo: &, quod ita sit, acceptū refero. tuae humanita-  
 ti: quae mihi a te impetrat id, quod meritis, aut officijs  
 consequi nōdum potui. His diebus facultatē ad te scri-  
 bendi permolestae, occupationes eripuerunt. ignoscet  
 puta, numquam abduci meam ab officio voluntatē, li-  
 cet opera nō exstet. Heri adiit ad me cōtubernalis tuus  
 Stanislavus Fogeluetrius Craconiensis. probū adolescen-  
 tem, praeditum litteris, & tua plane consuetudine di-  
 gnum e sermone iudicavi. amanter illum excepi, ut na-  
 tura mea fert; iucunde non potui, quia ualetudo non cō-  
 cedit. cuius beneuolētiam si, te, ut arbitror, conciliāte,  
 sum adeptus: peto a te, mihi ut eā conserues. & omni-  
 no, quicunq. a te diliguntur, eosdem mihi cupio mutua  
 beneuolentia coniungi. Epistolam ad Episcopū Agriē-  
 sem, quando inter diu otij nihil suppetit, dictavi ante lu-  
 cem amanuensi meo. eam ad te mitto. Signum tuum,

cum

cum legeris, imprime. De gentilibus tuis, negotium de-  
di, & curabitur diligenter. Vale.

E I D E M, Patavium.

VIDEO te in iungendis amicitijs praeclarum arti-  
ficē esse: uerū caue, ne quid alterutra de parte promit-  
tas, quod praestari uix possit. aut, si promittes, ipse ne  
spūdeas, ne quando praeter opinionē cogaris dependē-  
re. de me ipso loquor: quē tu si putas esse, qui non sum;  
quod ad me attinet, facile patior: fruatur hoc amicitia  
nostra priuilegio, ut inter nos omnia liceant: sed uereor,  
ne tua apud alios praedicatio plus nobis imponat onē-  
ris, quā sustinere possimus. Patritio tuo scripsi, multis  
distriētus negotijs: & erā animo conturbatior, accepto  
nuncio de fratris mei summa corporis, aliqua etiā men-  
tis inualetudine. Cētiles tui latent adhuc: eruētur ali-  
quādo, si qui sunt: curat enim homo tū mei cupidus, tū  
ad hoc diligentiae genus vehementer aptus. De libris,  
putabā e silentio meo te conijcere, nihil esse: sed, quan-  
do appellas, crebro, scies nondum neque ad Iunctas, ne-  
que ad alium quemquam peruenisse: tu uide, cui rem  
commiseris; & urge litteris, ut sine mora mittantur.  
Imago coloratur, designatione iam perfectā ueritatē,  
nisi fallor, egregie simulatam dices. Vale.

E I D E M, Patavium.

AMO te, quod verecunde petis: sed istam posthac  
verecundiam abijce, obsecro, si quid aliquando mecum  
ages. nescis, apud me quoloco sis, aut quo ego apud te  
esse

esse cupiam: quod si nescis, aut etiam, si dubitas; iniuriam facis utrique nostrum. Scripsi ad Sophianum, libenter equidem tua causa. sed inuitus ea gratia, quod laborantem, ut audio, gravi morbo, vexari tuo studio nollem. Equidem discrucior, cum ita affectum audio probum iuuenem, mihi amicissimum; Graecarum litterarum scientia sine dubio singularem. sed, quia te ferro in oculis, idq. sane tuo merito, litteras ad eum conscripsi; quas in hunc fasciculum coniectas cum legeris, si reddendas non putabis, conscindes. Ego nunc, si quid de me scire vis, iaceo, corpore satis afflictus ob capitis grauedinem, sed erectus animo propter spem, atque adeo expectationem vitae laetioris. iam enim didici contemnere, quae amabam antea: qua te quoque in sententia cupio esse. Saluta meo nomine contubernales, & amicos tuos. Vale.

---

E I D E M, Patauium. 11

RESPONDEO serius litteris tuis, impeditus sebricula, robustioribus hauri valde metuenda; sed in hac nostra corporis imbecillitate etiam ea, quae mediocria sunt, non mediocriter timenda. Locum uidebis in epistola ad Patricium, ubi ea, quae mones, interposui; de qua quid sentias, a meo scire. Gratias tibi agerem de ista uoluntate; sed hoc plane respuit amicitia nostra; nec tuum erga me officium assequi umquam possit oratio mea. meriti enim loco semper apud me fuit bene merendi cupiditas, etiam si res, quod saepe solet accidere, nulla consequatur. Vale.

E I D E M,

E I D E M, Patauium. 12

QV ID tibi ego praestare possum de ijs, qui fortasse nulli sunt? quaesitum est per diligentem: nec tamen ullum omnino diligentia fructum tulit, fingere tibi eos ex argilla possumus, animare non possumus, quod si liceret, fieret, atque adeo factum iam esset, nec cum medio re tuum esse studium intelligo. Et ego, ut fatear quod res est, diligo istam in te bonitatem, qui de gentilibus tuis, nulla tuorum comminorum spe proposita humanitate modo quandam secutus, tantopere labores, certe, qui honoribus, aut diuitijs, aut opinione uirtutis emineant, nulli reperiuntur, quod si quos obscura condicio, aut fortunae tegit humilitas: de ijs quaerendum ne sit, uideris: me si consulis, omittes. De pictura, lentum negotium: sed illud te non praeterit, Pictoribus, atque poetis Quidlibet audendi semper fuit aequa potestas, ita facile mentitur uerbis, ut coloribus fallere consueuerunt, hic, qui res suscepit, diu me promissis duxit, uarias neccedo causas, ut ei culpam largier ignauiae, nunc imbres accusat, quod recentes colores minime patiantur exstecari, hoc puto uerum, illa non puto, concedo tamen, ut ro, ut ar, facili et impetrem, quae duo simul a nobis exoptantur, festinationem cum diligentia. Vale. Venetijs.

E I D E M, Patauium. 13

IT A mihi optata contingant, ut commentariolo tuo nihil umquam legi eruditius, nihil sanctius, aut reuicacius Catholicae



Catholicae religionis cultum accommodatius. itaque, cum in ortu Solis legere coepissem, absolui facile ante horam prandij, opera numquam intermissa. ualde. n. delectabar ordine, ualde etiam genere orationis tuae. res uero ipsa ita me affecit, ut quasi semina quaedam uerae pietatis, quae fructum profecto non mediocrē aliquando ferent, in animo meo reliquisse uideatur. quod quanti esse apud me putas? quanti mehercule immensam auri uim non aestimo. quid enim cum aeterna salute cōferatur? quod si meis apud te precibus locum aliquem reliquit humanitas tua: rogo te etiam atque etiam, ut hoc genere scriptorū, quo quidem ad studiū summi boni, perpetuaeque felicitatis mirifice excitor, impertiri me quāsaepissime uelis. quod si feceris; additū me tibi multis nominibus obstringes eo beneficio, cuius delere memoriam obliuio nulla possit. Quod me reuocas ad consuetudinem tuam: stimulum scilicet currenti. sed, mihi crede, non plane totus abs te discessi; neque te mihi prorsus eripiūt, aut eripient umquam locorū interualla. absens tecum sum, tacitus loquor, et loquentē audio. sic lenitur imagine perincunda desiderium nostrum. quod cum ita sit; opera tamē studiose dabitur mature, ut excurrā quo ire necesse est, si meam fidē tueri uolo, et quo tamē, quia disiungor a te, minime libenter eo. *Vale. Venetijs.*

---

E I D E M, Patauium.

24

CV M de tua ualeitudine sollicitus essem, curam auxit filioli morbus; quo etiam nunc laborat; nec satis explorata salute. me quoque leuiter febricula tenta-

uit,



uit, qua triduo sum, sine medicorū interuentu, temperata dumtaxat uictu ratione liberatus. Nunc expedie dis negotijs operā do, ut, si amicus noster, bonarum artium patronus, summum illum dignitatis apicē attigerit, quamprimum possimus accurrere. saepe n. & litteris, & praesenti sermone cupere se consultum rationibus meis, amantissime declarauit. mihi autē omnia sunt in eo, ut otio litterato frui liceat, nulla rerum domesticarū cura interpellante. quod si assequimur; ualeat ambitio; uiuemus nobis, & Musis, et eo quidē animo, ut omnia referamus ad Deum, a quo uno felicitas uera pendet: quod idē tibi uideri, ex tuis litteris facile conijcio. Miro teneor desiderio ueniendi ad te: sed hanc facultatem multa eripiunt praesertim aeger filius, quem tibi, & pro nostra amicitia, & pro noua cōiunctione, esse carissimum, plane mihi persuadeo. te quidē a morbo confirmatū si audiero, aequiore animo domestica patiar incommoda. itaque dabis hoc amoris nostro, quē tua uirtus peperit, alit humanitas, atque auget, ut nostra ēt causa tuā ualitudinē studiosissime cures. Vale. Venetijs.

---

E I D E M,      Patauium.

15

SILENTII mei causam ex ijs litteris, quas heri ad te scripsi, quas hodie mane puto tibi esse redditas iam cognouisti. quod nisi ita declarassem; tamen mihi dubium non est, quin tu pro singulari tua sapientia, & humanitate de mea meorumq. ualitudine conijceres. quid enim aliud me a scribendo adduceret &

N      quo

quo equidem nihil facio libentius idq. tibi, si praesenti  
fortassi non potui, absenti certe probabo. Tū aduen-  
tum auide exspector: cuius mihi significatio tum eo nomi-  
ne gratissima, quia te uidebo, tum eo gravior fuit, quod  
optime te uidere, etsi tu de eo nihil significes, facile ta-  
men possum intelligere, quod si ita est, opto perpetuum  
esse: & quod opto, id etiam ut sperem, facit continentia  
tua, quam ego in uicta (plane loquor, ut sentio) ualde  
sum admiratus, & conor etiam imitari. Rerum Roma-  
narum Pontifice mortuo, cōuersus orbis est: itaque, qui  
decesserant, omnes ad urbem redeunt: pecuniae pro  
Maecenate illo, ut affertur ad nos, libentius, quam pro  
ceteris, deponantur. & ad eum denique, fore suspicor,  
ut omnium Cardinalium uoluntates inclinent. uir opti-  
mus est, egregie litteris excultus, ingenio miti, & quod  
caput est, cum factiones duae dicantur esse, aequus in  
utramque primum contendetur acerrime. quid mirū?  
Neque enim, ut ait poeta ille summus inter nostros, le-  
uia, aut ludicra petuntur Praemia. & scis, omnes ho-  
mines, quod maxime cupiunt, itidem facile adduci, ut  
maxime sperent. ergo multis quasi aleam iacere, & for-  
tunam placebit experiri. quid euenturum sit, & quid  
magis expediat, uni Deo patet. certe, nisi firmiter, &  
quam antea, praesidijs muniamur; prauarum opinio-  
num in cursu uinea Domini dissipabitur: quod te quo-  
que, & suspicari, quia prudentia excellis, & metuere  
neheementer, quia pietatem diligis, aliquando in nostris  
sermonibus cognoui. Vale. Venetijs.

EIDEM,

EIDEM, Patauium. 16

CUM de tuo reditu ex tuis, amicorumq. litteris cognouissem; perfusus voluptate sum prorsus incredibili. subuerebar enim, ne te patria tua, expta iā in magnis rebus & animi, & ingenij tui praestantia, abesse diutius minime pateretur. etiā illud occurrebat, ne te iam satietas Italiae cepisset. multa cogitabā, vt amor est, quae cupiebā esse falsa, & fuisse valde nunc laetor. capio tamen hanc in iocunditate molestiam, quod ad te quamprimum accurrere non licet. nam, vt omittam de uxore, cui deesse nō possum aegrotāti; confirmare studeo res domesticas, quae vacillant satis absente me. cū enim, referre me totū ad litteras, quarum est mihi consuetudo iucundissima, plane deliberatū sit: prius haec, quae ad alendā familiam pertinent, ita constituam necesse est, ne quādo me, quod antea saepe cōtigit, de medio studiorū cursu renocare possint. iam ego in meis consilijs, optime\*, ambitionem coepi excludere. video res humanas sursum deorsum ferri, nunquā consistere: celeriter omnia fluere, et exstingui, praeter bonam famā, ad quā omnes peruenire cupiunt, sed ignoratione viarū plerique aberrant. non enim in opibus, aut magistratibus, Regum ve aulis verum decus habitat. petendum aliunde est, a rectis cogitationibus, honestis laboribus, studio, et exercitatione virtutis. haec mihi in aīo sunt: quae si colā arbitrato meo, multa consequar. primū, ab ijs negotijs, quae mihi negotiū facessunt, uacabo prorsus:

sus: deinde, (ne me putes desidiaē causa otium cogitare) scribam aliquid quotidie; quo nihil soleo, ubi curarum expers animus est, facere libentius: denique, etiā posteris fructum fortasse aliquē pariet industria nostra. Quid relinques, dicet aliquis, liberis tuis? Non exiguum patrimonium, imitationem mei, & aliquam, ut spero, virtutis hereditatem, eadē scilicet, quae reliquit mihi pater meus. Non abundabunt. Nec id postulo; nec illi, si sapient, postulabūt. modica poscit, ut honeste, id est feliciter uiuatur, hominis natura, reliqua sunt instrumenta nequitiae. Cupio tibi, mi \*, qui aetatem tuam prudentia anteis, probari meum sensum: cupio meum iudicium tua sententia confirmari. quamquam quid expecto? index animi sermo est. porro in sermonibus quotidianis quid tu habes in ore, quid extollis, praeter studia doctrinae? quae te uideo, cum tecum loquor, uel cum tua scripta lego, tractasse diligenter. uerūtamen hoc ipsum, quod habeo satis exploratum, mecum te sentire, si significabis, pergratum eris. Ego, nisi occupationibus premerer assiduus, quas animo potius, quam corporis uiribus sustineo, explerē te crebritate literarum. uerum ne sic quidem, pro tuis in me officiis patiar in hoc genere prorsus abs te requiri studium meum. Vale. Venetijs.

---

E I D E M, Patauium.

17

VOBISCUM ut agatur, scire cupio, Patauij commorantibus, nos hic languemus, afflictī caloribus perpetuis, quibus equidem grauiore non memini. uxor mea nondum ex puerperio conualuit: infans bellissime habet,

habet, & incipit iam blandiētibus arridere. quid quæris? admodum scitus est; quodq. amare solemus in pueris, hilaritatis habet multū. De tuo aduentu, suadeo cōsiliū mutes, neque te isinc, furente Canicula, aestu non ferendo, cōmoueas. faceres enim ualeitudinis incommodo: ac, si ualeitudo, studia tamen tua non ferrent. uerum hoc prudentiæ tuæ totum sit, in qua tibi neminē antepono. ego pro mea in te singulari beneuolentia, nō modo quid uellem, uerum etiam quid sentirem, testatū esse uolui. Aristotelem cum Cicerone mitto, utrumque satis apte compactos ab artifice perito. uideo, quid agas. inanem eloquentiam contemnis; & indisertam philosophiam non amas: utramque uis coniungere, ut misceas, quod ait poeta Venusinus, utile dulci. quo minus me, eadem cogitantem, & recessum otij caussa quaerentem, reprehendere debebis. Vale. Venetijs.

---

E I D E M, Patauium. 18

VALDE probo industriam tuam, quam ad ornandum commentario aureolum Demetrii libellū *περί τῆς ἐπιτομῆς* contulisti: sed, antequā institutū absoluas, fore arbitror, ut exeat is, quem Petrus Bargaes, qui Pisaniū gymnasiū politioris doctrinae professione illustrat, ante aliquot menses, ut audio, cōfecit. itaque malim ad Diodorum Latinitate donandū operam, studiumq. tuū conuertas: ne, quod aiunt, aētā agas. nā Bargaes, quē tu fortasse nō nosti, nec ingenio, nec doctrinā, nec eloquentia quisquam praestat: quodq. paucis dum contigit, eū

oratoria, tum poetica laude pariter excellit. absit igitur omnis aemulatio ab ijs, quos ego unice diligo, & a quibus itē diligi me sentio. Calores hic nihil remittunt: feruent omnia. quod nisi terrae, iam perustae, uberrimis imbris cito madescant; caritas multarum rerum, & morborū uis incunte autumno uidetur impendere. Ego, ut anni tempus est, non incōmode ualeo: negotia curo: otium, & studia cogito. Kalendarium Romanū uetus, cum opinione mea de ratione ueterum dierum, & necessaria litterarum interpretatione, saepe iam a te rogatū, quia nec ipse habebam, nec reperire facillimum fuit, mitto serius, acceptum a familiari meo, uiro probō, & erudito, Raphaele Cyllenio. describes, & remittes: quoniam, quae sunt olim impressa cum Sigonij factis, nullum ex ijs iam pridem uenale superest. in hoc autem, ut aliquid a me praecipuum haberes, itidem ut ego te praecipue diligo, quaedam uidebis immutata, nec opinor, improbabis. Vale. Venetijs.

¶ Kalendarium, de quo in superiore epistola mentionem fecimus, cum in Orthographiae libro Aldi filij impressum legatur, uisum fuit hoc in loco omittere: eosque, qui id legere uolent, ad Orthographiam reijcere.

---

ANDREAE PATRICIO,

Patauium.

19

NAE turationem tui indicandi per commodam inuēsti. ego enim, non cuiuslibet homines sint, quibusue terris ac regionibus profecti, sed quibus moribus. quo ingenio, qua doctrina praediti, soleo quaerere: & ut olim



olim Hannibal, qui hostem feriret, Carthaginēsem sibi fore dicebat, sic ego totum in una uirtute conslituo. Epistola tua ita loquitur, ut nullā in te patiat, aut humanitatis, aut doctrinae partē desiderari. itaque ne te post hac Sarmatam potius, quam Romanū, dixeris. tametsi Sarmatia iam ita feritatē si qua olim fuit, et quaecumque fuit, abiecit, ut ex Trāsalpinis nationib. nulla nunc, neque ad litteras, neque ad benignitatem, mutuaq. efficia dicatur esse propensior. Italia uero nostra, in qua uigebāt clm artes bonae, in qua sūmis ornata praemijs eloquentia primas aliquando partes obtinuit, ita ueterem illam quasi formam uidetur amisisse, uix iam ut agnoscat. simulacrū dumtaxat aliquod in libris reliquū est; cuius excellentem pulchritudinem animo intuetes admiramur, & studemus imitari: praesentē effigē oculis frustra quaerimus. Tu autē, doctissime Patrici, si qui nūc antiqua Italia digni reperiuntur, qui quā pauci sint, quaq. id accidat culpa, nō dubito quin intelligas, his te ut adiungeres, praestantiamq. uirorum numerum augeres, plane mihi, cū tua scripta lego. & cum eos, qui tecū uiuunt, de te loquentes audio, uideris esse consecutus. quo nomine tibi gratulor plurimū, et patriae tuae, in quam referes gloriam, omnibus thesauris, omnibusq. omnium Regū triumphis praeferēdam. Ego autem, cuius amicitiam in tuis litteris blanda quadam mearum laudū commemoratione uideris aucupari, cū tua merita, quae ego sentio esse maxima, modeste nimis dissimulas, et extenuas, mea uero nimis liberaliter amplificas, atque extollis, nisi te tā nostri amanti redamē, nisi multis ornatum uirtutibus omni studio colam, quis ma-

fit inhumanior? quis iudicij magis, aut etiam rationis  
 ex pers? equidem, quid de te sentiam, quantiq. apud me  
 sis, officijs conabor ostendere: sinq, vt mea tenuitas est,  
 hoc praestare nō potero; tu tamen, vt spero, de mea vo-  
 luntate tibi persuadebis id, quod cupere uideris, te mihi  
 esse, ac semper fore carissimum. in quo profecto, nisi ego  
 meam in amicitijs diligentissime tuendis consuetudinē  
 dediscam, tua te numquam faller opinio. Vale.

E I D E M, Patauium.

20

O' PRAECLARAM ὑπόθεσιν, nec vero tuā  
 humilē, aut obscuram orationem, sed erectā pijs affe-  
 ctibus, mirificeq. sententijs, ac verbis illustratam. nunc  
 demum te, Patrici, vere eum, qui vocaris, agnosco, hoc  
 est a plebe seiunctū quae libēter oculos ad terrena de-  
 mittit, nihil altū, nihil homine dignū suspicit. nam certe  
 reliqua studia opinione potius, quā re, nituntur. speciem  
 quandam inanem, solidi nihil habent: haec uero, quae te  
 video arctē esse complexum, nec, puto, vmq. dimit-  
 tes, aeternam non modo famam, sed salutem quoque  
 pariunt. Agnosco in tuis institutis praeclara consuetu-  
 dinem, egregiaq. studia, numquam satis laudati, Craco-  
 uienjs Episcopi, Andreae Zebridonij; cuius ex perpe-  
 tuo multorum annorum conuictu, quotidianis sermoni-  
 bus, consilijs, probitate, doctrina, quasi diuinis legibus,  
 formasti animum tuum, atque excitasti ad excellentē  
 rerum aeternarum cupiditatem; vt facile constet, cum  
 tua te ad uerū decus natura duceret, doctissimi tamē

ac sanctissimi viri exemplo vehementer esse incitatū. Equidem, vt tibi vehementer gratulor, cuius omnis in amore Dei defixa cogitatio sit: ita, cum in eos intueor, qui, falsa rerū imagine decepti, toto pectore contendunt ad ea cōparanda, quae saepe molesta possidētibus, interdum etiam pernitiōsa sunt; misereor, & ingemisco. quod vtinam industriam aliquando meam, & si quod in me est, ingenium simili in argumento liceat exercere. nam nunc quidem voluntas, optima spectās, & in quā debet partem propensa, multis tamē impedita rebus languet. sed speremus. sic enim nihil difficile, si cōsenserit Deus; vt nihil facile, si abnuerit. is porro, cum abesse putatur longius, & restituisse uos in medijs calamitatibus, tū adest proximus inscientibus, & ereptos ex miserrimo statu collocat in folio regū. Haec ego saepe mecū solatij caussa, quo saepe indigeo: & capio voluptatem, quod epistolae quasi allocutio tulit, vt eadē tecum. Remitto orationem. lege amicis tuis, & quā potes multis communica; vt recte sentientes confirmentur; si qui autem ab optima caussa descuerint, ad sanitatē traducantur. Vale, & \* contubernalem tuum, summi adolescentem ingenij, meo nomine saluere iubeas.

---

\*, Patauium.

21

AMO veritatem, deinde me ipsum. illam spectare ante omnia soleo, mihi autem libenter quidem, quatenus tamen liceat, indulgere, itaque nec accipere debeo, quas in me laudes contulisti, nec, vt ingenue confitear

tear, reijcere plane possum. nam bonis uiris, artiumq. liberalium scientia claris, equidem placere uelim, cum eo tamen, ut nolim quemquam nimis esse in mea laude liberalem. tu autem in tuis litteris ea mihi tribuis, quae non modo si agnoscam, sed propemodum si optem, modestè parum agere mihi uidear. At Muretus ita sentit. Vtinam quidem; sed officium potius, quam sententiam esse puto. quis enim me minus ignorat? qui, quam diu Venerijs fuit, uel mecum habitauerit, uel mea consuetudine frequenter admodum sit usus, nec is est, quem iudicium fallat, praesertim in litteris, quas tractat assidue; nouit egregie: uerum ei facile persuadet humanitas, ut iudicium amicitiae largiatur. sed, siue te Mureti oratio, tam honorificam de me opinionem, ut suscipe- res, adduxit; siue mihi hoc abs te, ut tu scribis, mea studia, ut ego sentio, tua bonitas impetrat: persuade tibi, non exiguum me statuere ornamentum in amicitia tua: cum et ipse possideas illas uirtutes, quarum fama beneuolentiam conciliat, nomenq. nostrum, ab interitu uindicatum, cum aeternitate coniungit; & principium uirorum, doctrinàq. praestantium floreas amicitia; quodq. me non leuiter mouet, in Gulielmi Budaei, eruditissimi hominis, ac de litteris optime meriti, contubernio per aliquot annos uixeris. ac uellem mihi parcm uoluntati suppetere facultatem. fructum ferres haud mediocrem studij erga me tui: obseruantiae uero in te meae, quam tua uirtus peperit, satis esset illustris, ac minime dubia significatio. quod ipsum tamen, ut ut est, fortasse consequar. nam & studio nitar: & ad perficiendi spem plurimum quidem, uelle optima, solet asferre. Vale.

DIONYSIO. LAMBINO,

Patauium.

22

NEQVE negare audeo tibi, homini eruditissimo, tuus ego plurimi semper amicitiam feci; neque, si pollicear, praestare possim id, quod a me petis. premor. n. domesticis oneribus, & typographiae cura, sic mehercule, uix ut sustineam. uacuae tantum ab opere mihi relinquuntur horae nespertinae: sed eo tempore, tum defatigatus laboribus, ac fractus, quietē quaero necessariā; tū uero succedit oculorum dolor, isq. ita gravis, non modo ut legere, aut commentari, sed nec domesticos audire sine magna molestia possim. ita nobis traducitur dies, atque adeo noctis maior paene pars. nō enim prius hac leuamur capitis grauedine, quam Sol, medio iam Antipodum orbe decurso, incipit ad nos recurrere: & in ortu suo demum ualeitudinem mihi, alacritatemq. restituit. quod si respirare aliquando licebit; aures tibi meae patebunt, non in horas modo, sed integros etiam dies. quid enim mihi iucundius, quid etiam utilius, quam tecum de litteris agere, tuaq. maxime tractare scripta; de quibus quid existimem, Muretus noster testis est? nam, cum ad me, octauo, opinor, abhinc anno, in Iudaeae suburbano habitantem, ignotum antea de facie, uoluntario adductus officio, aduisses; humanitatem simul & doctrinam tuam eadem hora perspexi. tunc ego te coepi & diligere, & praedicare: nec desinā utrumque facere, quam diuturna mihi dabitur usura uitae: quandoquidem

doquidem nec tu desines esse tui similis, id est, cum optimus uir, officioq. excellens, tum uero tantus in uirtute, quantum cum egregia natura singularis industria potuit efficere. Interim peto a te, meis ut occupationibus ignoscas, & uoluntatem in te propensam, licet absit res, tamen ames. Vale.

\*

Patauium.

23

NIHIL mihi pro mea in te beneuolentia, meoq. de te iudicio potuit accidere, quod minus uellem, aut quod minus opinarer, quam id, quod proximis diebus audiui. cū diceret nescio quis, nō te perinde, ut solebas, in optimarū artium cupiditate uersari, sed lāzuerē quotīdie magis: adeoq. praeclara illa principia, quae me quādam saepe, & multū cohortāte, ac monente, posueras, esse labefactata, nihil ut a te eximium, nihil, quod uulgare non sit, exspectari posse uideatur. equidē neque plane credidi, quod a tua cōsuetudine tam ualde dissentiret, neque tamen plane non esse credendum id existimaui, quod ut accidere possit, cū in aetatem tuam intueor. uerisimile mihi sit, quod si, contra quam ego cupio, factū est, ut paullulū a te uirtute disiunxeris, & in dubia, ac perdifficili iuuentutis uia quidādam offenderis; agnosce tuam culpā, & corrige, dum licet. non enim, quae dies confirmauit, facile mutantur. En habes, qui te suo excitet ad uirtutē exemplo, aequalem tuum, exquisiti adolescentem ingenij, Antonium Lauretanum, quem debes, cū nobilitate pares, nec naturae, fortunaeq. bonis dissimiles



diffimiles admodum sitis, aequare etiam, aut imitari saltem in studijs artium optimarum. Sin autē est, ut uolumus; et ista, quae de te rumor dissipauit, inania sunt: noli laborare, quid alij loquatur; cogita, quod ipse facias; & a te ipso pende. magna solet esse incūditas, quae manat ex optima cōsciētia. hac tu frui, & perge, ut coepisti, in studijs liberalium disciplinarum: quarum est, cum possessio vitae aequalis, tum fructus eiusmodi, ut etiam ad posteros pertineat. Vale.

## ROMULO CERVINO,

Patauium.

24

ITAN ego tibi ex animo effluxi, ut vnā tribus mensibus epistolam ad me dederis? occupatus, inquis, sum. quo in genere? nempe in litteris. num igitur tibi a litteris animum videris abducere; cum epistolam texis? mihi quidem numquam minus. quin hoc ipsum, quod ego nunc in te desidero, si contemnis; id est si ita legis ut numquam scribere animum inducas: litterae iacebunt. quod si me principio rectissime monentem audire voluisses: teque si non quotidie, saltem alteris diebus scriptioni dedisses: Dij immortales, quos tu nūc fructus ederes, quam praestantes, quam vberes, quam et te ipso dignos, et fratre tuo, in omni genere laudis excellentissimo? nunc, quos progressus hac in re fecisti, nō ego quidē illos quasi tardioris ingenij, reprehendo, neque reprehendere quisquā potest: sed tamē illud, quod ego a te olim expectaui, maius aliquāto fuit, quā hoc, quod tu nūc praestas. neque vero id, quo te iam pridē sumus hortati, & quo breui esse

ni esse peruenturum credidimus, eiusmodi est, ut facile  
 quiuis posse consequi videatur: sed cogita, praeclarum  
 fere nihil esse, quod idem difficile non sit: & tamen dif-  
 ficultates oēs ea, quae in praestantibus ingenijs faci-  
 le existit, gloriae cupiditas vincit. cuius rei noli exem-  
 pla petere ab antiquitate: adspice fratrem tuū; qui, vt  
 Antimacho poetae Plato, sic tibi omnium instar esse  
 potest. numquid igitur illum existimas tantos labores  
 aut suscepturum fuisse, aut, cum suscepisset, ferre po-  
 tuisse, nisi verae laudis eum spes aliqua idemtidē qua-  
 si alleuisset? quā quidem spem dum sequitur, vides quo  
 peruenierit, gradū tenet dignitatis, qui est a summo pro-  
 ximus: & de summo quid homines augurentur, intelli-  
 gis. Perge, mi Romule, iisdem itineribus ad decus. ma-  
 gna sunt bene agentibus praemia constituta. quā tu fa-  
 cultatē quando habes maximam, noli contemnere; ne  
 paullo post, amissam, frustra queraris. haec enim, quae  
 nunc habemus, quis scit, quam diu simus habituri? ui-  
 des, ut auolēt horae, quaeq. nobis commoda praeterla-  
 bentes auferāt. Itaque opportunitates, dum adsunt, ita  
 debemus amplecti, quasi nō eadem semper affuturae  
 sint. qua in sententia te quoque existimo esse, cupio qui-  
 dē certe; vt cum expectationi de te concitatae, tū fra-  
 tris tui, summi viri, laudibus aliquādo respōdeas, quod  
 facile cōsequēris, si te ipse colliges, & quo consilio Pa-  
 tauū accesseris, quam urbem scis habitam, semper esse,  
 doctrinae domiciliū, assidue cogitabis. & , quamquam  
 non dubito, quin memoria bona sis: tamen, quoniā haec  
 posterior epistola tua, quā ad me xv. Kal. misisti, cui  
 ego xlv. respondi, non tā est luculenter scripta, quam  
 vellem,

uellem, potius multo minus, quam uellem, uereor, ne tibi illa, quae ego tecum olim de Latinae linguae obseruatione sum locutus, quaeque ipse mihi te esse facturum pollicitus es, penitus exciderint: quae, si putas e re tua esse, ut a me iterentur; excurre ad nos, & hoc quidem animo, ut, quam diu Venetis futurus es, (cupio autem, ut distissime uelis) apud me diuerferis. Ac noli uereri, ne ego te Patavinum crudiorcm remittam. non ita de nostris hospitibus male meremur. Cenae erunt, quae te lautitia delectare, non quae copia possint offendere: quae quidem in primis sermone bono, & persfamiliari contredientur, quod tu quanti facias, ignoro. ego quidem huic incunditati nullam antepono. Vale.

---

VINCENTIO GILIANO,  
Venetias.

25

QUAM multa non modo contra uoluntatem, uerum etiam praeter opinionem homini contingunt. numquam putauis fore, ut humanitatem tuam requirerem. adeo mihi & multa, & perillustra studij erga me tui dederas argumenta: nunc, alijs me quotidie salutantibus aut certe consolatorijs in meo casu, operumq. pollicentes, litteras mittentibus, ipse tamen neque scribis quidquam, neque mecum habendi sermonis facultatem quaeris. quod uiris nobilissimis concessi, tibi, pro multis ingenij tui suauitatibus, proq. nostra non nuper instituta, sed iam inueterata necessitudine, numquam denegassem. Optaui, inquires; sed optanti pudor obstitit. Agnosco modestiam

modestiam tuam, nec mediocriter probo; uerum tamen  
 decet aliqua ortam a uirtute amicitia cōfidentia. Erāt  
 autem, cur me conuentū cuperes, caussae minime uul-  
 gares; primum Iasonis mei de Nores, uiri omnium, quos  
 ego in uita nouerim, optimi, atque humanissimi, reditus  
 in hanc urbem, deinde Dauilae nostri, quem ego quanti  
 faciam, & tu, & omnes pacne iam norunt, aegrotatio:  
 quae cum hesternodie cognouerim; cupio tamē certius  
 abs te aliquid significari. uarie enim afficior, et amicissi-  
 mi hominis aduentu: cuius in consuetudine plurimam  
 mihi statuo incunditatē; & eius uiri morbo, cui debere  
 omnia uideor, quia, quod in ipso fuit, operam dedit, ut  
 me sibi non exiguo propinquitatis uinculo in perpetuū  
 obstringeret. neque enim, licet mutuā utriusque uolun-  
 tatē frustrata fortuna sit, ideo tantam in me beneno-  
 lentiae significationem paruipendendam existimo. ani-  
 mus mihi pro re erit: meq. ille sui memorē beneficij (sic  
 enim appellare debeo) aliquādo sentiet. Haec sunt, mi  
 Giliane, cur te uelim. accedit illud. Affines suos Cardi-  
 nalis Carpenfis, qui de studijs meis non pessime existi-  
 mat, cupit elegantibus litteris expoliri. optima cōdicio,  
 nec minus honorifica. itaque statim de te cogitavi: quē  
 exultū liberali doctrina, moribus emendatis, comem,  
 & facilem in conuietū cognoui. nec tamen audeo spera-  
 re. urbis enim Venetae tranquillitatem nimis amas, &  
 otio libenter fruieris erudito. sed, si a te non impetro: odo-  
 rare saltem, & indaga, si quem eo loco dignū alicunde  
 licet eruere. inibitur a Cardinali gratia nō uulgaris. de  
 quo tibi hoc affirmo, patronum esse bonarum artium his  
 perditis temporibus prope singularē; qui si, ut auguran-  
 tur

tur plurimi, ad illa summa peruenerit; redibunt, mihi crede, aurea tēpora, & debita litteris aliquando prae-  
mia persoluentur. Vale.

FRANCISCO MORANDO,

Veronam. 26

ITA ualeam, itaque tecum uiuam, quod utrum-  
que pariter exopto, ut cydonite tua nihil adhuc gusta-  
ui suauius: uer sibus autem, quos una misisti, nihil um-  
quam legi purius, nihil ornatius. quare gratiam habeo  
tibi quidem, ut debeo, maximam, aliquam tamen etiā  
imperito artifice superioris anni: cuius culpam, de qua  
tecum eram questus, lucro meo non mediocri tua com-  
pensauit humanitas. quod si artifex idem est, quemad-  
modum uerba tua significant: non ab eius ingenio, sed  
ab amore in me tuo nouum genus artificij, noua flu-  
xit industria. itaque magnam ad officia erga me tua  
quotidie fieri accessionem intelligo. ex quo uoluptatem  
equidem capio tantam, quantam eius, qui doctrina,  
ingenio, omni denique laude libero homine digna ex-  
cellat, perspecta beneuolentia asferre maximam po-  
test: uerum tamen, quia me prorsus omnis in summa  
remunerandi uoluntate facultas deficit, angor non-  
numquam intimis sensibus, & iniucunde uiuo. sed ne-  
que futurum despero, ut, quo in te sum animo, re ip-  
sa aliquando perspicias: & si parum optatis meis,  
ut fere consuevit, fortuna responderit, memoria sal-  
tem, perpetuoq. erga te studio, non officijs modo er-



ga me tuis, sed uirtutibus etiam eximij debito, cumulare mihi satisfaciam. De tua uoletudine, quae mihi perinde ac mea curae est, a patre tuo, prudēti uiro, quae cupiebam, fere cognoui: de studijs ex te ipso, id est ex litteris tuis, quarum elegantia mirifice delector, aliquid cupio scire. Orationem in funere habitam doctissimi, ac nobilissimi hominis Ludonici Nogarolae, cuius obitu non mediocriter dolui, audio laudari. sunt etiam, qui tuam existiment. quod libenter credo: sic enim faueo tuae gloriae, ut fratribus fortasse tuis, praeterea quidem concedam nemini. Vale.

LAEVINO TORRENTIO,  
Leodium.

27

P VTO tibi molestum iam esse silentium meum: at mihi silentij causa longe molestior. nā toto fere benenone neque corpori uoletudo, nec animo quies cōtingit. ita qui absentes amicos litteris saltē colere consueui, iucundissimam mihi cōsuetudinem intermittere, & in officij cursu laegere sum coactus. quod si secus existimas; nec tibi mea fide faciat affirmatio: testes habeo studij erga te mei non equidem ualde locupletes, sed eos tamē, quibus tu libenter credas, probos uiros, cōmunes amicos: a quibus & quaesitum est aliquando, me mandante, de tuo statu, & cū id, quod auebam maxime, cognouissem esse te in oculis Leodiēsi Episcopo optimo, eidemq. Principi eximio, auctum esse cōmodis, ornatum dignitate, factū est, quod ignorare te arbitror, ut leuationē malo-





LAVRENTIO: GAMBARAE,  
Parauium. 18

*BA SILII* Zanchi, poetae summi, hominisq. non  
vulgariter eruditi, miserabilis, & indignissimus interi-  
tus hilaritatem mihi prorsus omnē eripuit. quem enim  
donare summis praemijs ob excellentiam uirtutū, de-  
corare honoribus ob singularem integritatē, atque inno-  
centiam aequum fuit; eum tam ignominiose nexatum;  
tam acerbe, tā crudeliter exstinctum, quis nō ferat ini-  
quissime? equidem, ut audiui, etiam dolore tuo uehemē-  
ter dolui. nam & uixistis una semper coniunctissime, al-  
ter alteri egregie carus: & fuit uterque uester ad poe-  
ticam facultatē natura propēsus, ac mire factus. inge-  
nio uero ita pares, ut, cum nemo tam bonus poeta sit;  
quin uobis primas in componendis uersibus partes tri-  
buat, quam confessionem etiā ab inuitis exprimit poe-  
matū comparatio; uter tamen utri praestet, nondū sa-  
tis iudicare quisquam possit. magnā igitur, planeq. fra-  
ternam inter uos tum ingeniorū similitudo, tum studio-  
rum cōmunio beneuolētiam excitat. nec dubito, quin  
te, licet humanae condicionis minime rudē, obitus eius  
ualde perturbarit; animumq. tuum ita deiecerit, ut ex-  
tollī fortasse ad aequitatē neque celeriter, neque facile  
possit. quo grauius morte illius afficior; et, ut, omnia mē  
te peruestigem, nullā tamen inire doloris alienandi ra-  
tionem queo. unica, opinor, illa consolatio superest, quā  
tibi quoque fore gratissimā scio; ut, si cōiectu perpetuo  
priuamur, tamen inter nos ita crebro colloquamur, ut  
hanc

hanc maeroris acerbitem, quia parit, affligimur, quo  
 tidianae consuetudinis mutuaeque benevolentiae suavi-  
 tate leniamus, quod ut quam maturime consequamur,  
 tu pro tua, ego pro mea parte diligenter operam dabo.  
 Vale. Venetijs.

NICOLAO NATHANAELLO,

Venetias.

29

PERCVLERAT me grauer acerbis ille nun-  
 cius de navi a piratis abducta, qua uehebatur in Cretā.  
 exquisita multorumque nummorum bibliotheca parentis  
 tui: cū ex eo casu iaeturae plurimum tulisse res, & for-  
 tunas uestras intelligerem, nūc me prorsus ab eo maero-  
 re, quē mihi uestra calamitas attulerat, ad laetitiam in-  
 credibilem reuocarūt litterae tuae. scribis. n. erudiendi cu-  
 rā adoleſcētis nobilissimi, Aloysij Mocenici, tibi eē de-  
 mandatā in quo sane pro ea qua te sum cōplexus bene-  
 uolentia, multis nominibus tibi gratulor: primū, quod  
 eum, qui facile possit illustrare disciplinā tuam, excel-  
 lentis ingenij adolēcentē, mirifica, ut audio, uirtutis in-  
 dole praeditū, sapientiore etiam, quam aetas ferat na-  
 ctus sis: deinde, quod ab eius patre Leonardo Moceni-  
 co, Equite clarissimo, quo nullum in hac urbe, uel pru-  
 dentiae, uel liberalitatis, uel omnium denique uirtu-  
 tum, quae nobile uirum deceant, exemplum habemus  
 illustrius, fructum diligentiae tuae minime uulgarem  
 potes expectare: postremo, quod in ea domo uiues, in  
 qua omnia, uetere maiorum norma, ad honestum, &  
 ad dignitatem referuntur, quo praestantes, & usum

gnarum rerum, & doctrina uiri quotidie confluunt, unde prudentiam, unde optime viuendi rationem petes. Persequi oia, quae tibi diuina benignitas obtulit, difficile est: sed mihi crede, quem tua caussa velle; tuisque fauere commodis non ignoras, nihil isto munere ne fingi quidem a te potuit aut fortunis tuis vtilius, aut studijs accommodatius. itaque, si me audies, omnia, quae frustra saepe expetuntur, bona in una Leopardi Mocenici beneuolentia constitues; cuius tibi comparandae caue tempus amittas: confer huc omnem industriam, ut eius filium, tuae diligentiae commissum, in quo pater tali filio iure fixit omnes curas, ita instituas, atque excolas, ut eam laudem, ad quam natus praecipue uidetur, adiuuante illius ingenium studio tuo, breui consequatur. habet autem hoc uirtus, ut, a quibus illam accepimus, eos in omni vita diligere cogamur: & est optandum, ut ab ijs maxime diligamur, qui non opibus modo valeant, sed ad benignitatem etiam natura propendeant. quae si in vlla ciuitate, profecto in hac nostra, & si in vlla familia, in ea potissimum, & in eo viro, cui tuam in re praeclara operam, addixisti, summa cognoscitur. Vide igitur, quid susceperis, cuius familiae gloriae seruias, quid fides, quid existimatio tua, quid honor etiam meus quodam modo posulet: qui tibi saepe, nec tamen gratiae caussa, sed adductus iudicio, testimonium imperitui probitatis, & scientiae non modo Graecae, verum etiam Latinae linguae: quarum alteram magistro patre tuo, Ioanne Nathanaelo, sacrarum litterarum peritia, vitaeque innocentia cum antiqua illa Graetia, quam numquam fama deseret, conferendo alteram

alteram non nihil e sermonibus fortasse nostris, e studio quidem tuo, tuisq; vigilijs maxime cognovisti. Haec si tibi omnia, ut spero, ante oculos pones; vinces te ipsum in diligentia; operamque dabis, ut in familia nobilissima, cuius patrocinio nullum certius ad eas temporum procellas, quae humanae vitae impendent, persugium reperies, egregium virtutis & industriae tuae monumentum relinquas. Vale.

Patauium. 30

FALSUS hic etiam de Rainutij Farnesij Cardinalis obitu dissipatus rumor erat: quo sum gradissime commotus. nam in illo viro, qui se iam inde a puero ad exemplum aui sui, Pauli III. Pontificis omnium sapientissimi, totum finxit, non adumbrata, ut in multis, sed expressa signa virtutis elucet: & nunc, ut audio, suas omnes in Christianae pietatis cultu cogitationes, curasque defixit. quo mihi erat, bonisq; omnibus acerbior illa fama, quae, multorum sermone, de immaturo, & inopinato illius interitu percrebuerat: angebar etiam fratris eius eximij viri, Alexandri Cardinalis nomine: cui multis iam annis eam viam ingressus, quae ducit ad verum decus, artiumq; optimarum studia suis opibus hac aetate praeter ceteros fouenti, tantum eripi praesidium, tantum auferri domesticae laudis, magnopere dolendum videbatur. Gratulor igitur, illo incolumi, liberalibus disciplinis; gratulor omnibus, qui virtutem, & probitatem prima ducunt; praecipue vero tibi, quem & Alex-



xandri Farnesij Cardinalis valde studiosum, & erga  
 sui similes, hoc est erga eos, quibus illa, vnde manat ho-  
 nestū sola placent, praeclare animatū cognoui. refrixit  
 id, uel plaxe exstinctus euauit perunlgatus ille rumor;  
 minuit, et ualet, cū lacrimas tāquam mortuo dedimus;  
 quem, si fieri posset immortalem esse omnes cuperent.  
 Te quoque bene firmam esse, & ex illo valetudinis in-  
 commodo emeruisse, represso iam sanguine, qui tibi ex  
 oculo dextro multus efluxerat, mirabiliter gaudeo. de  
 quo mihi cū narraret familiaris tuus, prima statim au-  
 ditione sum percussus: postea, cū idē reliqua perseque-  
 retur, animū recepi, & ab omni metu, cura q. respiravi.  
 huius morbi causam non dubito, quin medici, quos ha-  
 bes istic scientia instructissimos, usu peritissimos, in flu-  
 dia conferant. quod si ita est; remoue, obsecro te, libros  
 omnes ab oculis tuis. nam donec eos uideris, certo scio,  
 quod mihi saepe contigit aegrotanti, temperare tibi  
 non poteris. Vale.

---

E I D E M, Patauium. 31

N A R R O tibi: iam nō amo verecundiam. cum  
 enim mihi potius nihil esset, quam ut filium meū (libet  
 enim de mare ominari) ad sacram baptismatis aquam  
 susciperes: tamē, dū obsequor pudori meo, nec te talē  
 uirum, maximarum rerum occupatione distentū, appel-  
 lare audeo, cōmisi imprudēs, ut officij laudem ipse prae-  
 riperes, in quo sane & peccasse me, et luere merito pec-  
 cati poenam confiteor. quid enim mihi non permisit, qd  
 iam elargita nō est humanitas tua? quāda me alijs prae-  
 dicatam



dicatam ignorare ipse fortasse tibi sum uisus. ualde tamē recreor significatione amoris tui: & nostrā amicitia, quā Studiorū similitudo peperit, hoc etiā affinitatis quasi uinculo adstringi, uehementer laetor. nā & res ipsa eiusmodi est, ut beneuolentiam utrinque augeat: & mihi ad hominū opiniones, accidere speciosius, aut honorificentius nihil potest. totus igitur in aere tuo sum. ita de me meritus es, ita quotidie mereris. quod si tibi pateret animus meus: profecto non locari pessime tuā gratiam intelligeres: quam si non possumus remunerando, (nec enim aut fortuna tua patitur, aut uoluntas exspectat) praedicando saltē illustrabimus. mihi certe ipsa memoria, perpetuoq; erga te studio satisfaciā. De reditu meo uerbū scilicet exspectas: iā discedo: itaque per aliquot dies litterae cessabunt. Amanuensē tuum amo plurimum. uideor enim mihi agnouisse manū optimi, atque honestissimi adolescentis, Francisci Secundi: cui de tua consuetudine etiam atque etiam gratulor. nam inuidiae locum amor non reliquit. Vale. Venetijs.

---

Ferrariam.

32

ET. ME laudas in epistola tua nec mediocriter quidem; & meam amicitiam, quae tua humanitas est, ualde uideris exspectare. Ego autem, etsi me delectat, ut ait ille, laudari a laudato uiro, tamen ea, quae mihi tribuis cum esse uerissima cupiam, non agnosco. dilexi equidem adolescens ueterem eloquentiam: nec uoluntatem actas, Studium occupatio, saepe etiam ualētudo

tudo minuit : sed, excellere in re omnium, vt ego sentio praestantissima, cuius negotij sit, cuius ingenij, non modo experiens ipse intelligo, verum etiam ex inani multorum industria conijcio. non enim, qui seuerior in me ipso sim, nec mihi amior, quam veritati, alijs blandiri gratiae causa debeo. xnum hoc in nobis fortasse iure laudes: si modo laude dignum est: equidem, quasi aliquid sit, interdum mihi gratulor: quod, & quales olim fuerint ij, quos in oratione Latina cupimus imitari, quibus ingenijs, qua doctrina, qua etiam exercitatione praediti, & quis ego sim, vel potius, qui hodie simus omnes, facile possum existimare. Quocirca, si vetera spectas, mutes licet sententiam de me tuam. floruit antiquitas eloquentiae gloria: nos iacemus. sin haec recentia tibi proponis: non omnino me, quatum in hoc studio profecerim, paenitebit. nec tamen tibi assentiar, ut me omnibus Latine scribendi facultate confitear antecellere. possum aliquid, ve etiam multa in alijs desiderare, neminem in hoc genere laudis eximium ducere: (est enim haec fortasse non ingeniorum culpa, sed temporum) non ideo tamen sequitur, vt insolenter arripiam, & induam ipse, quae alijs tamquam spolia detraxerim. vt in musicis, artem ipsam exercere, non facillimum est: artificem autem peritum ab inscio distinguere, tacito aurium sensu plerique omnes solent: item ego, quam legendis assidue, ac perattente hominum eloquentissimorum libris conceptam in animo recte scribendi formam intueor, eam exprimere, & assequi scribendo nunc quidem nullo modo possum, ac vereor etiam, vt unquam possim. verum enim vero, quod a sapientibus

viris proditum legimus. numquam male ponitur indu-  
 stria praestantibus in rebus. laudatur enim vel sine re-  
 uoluntas: qua ego interdum spe incitor ad studia. & si  
 nihil aliud, tu me certe, \* optime, atque eruditissime,  
 hoc ipso, quod tantopere laudas, ad laudem vehemen-  
 ter impelleres. magni enim facere uideris Romani ser-  
 monis elegantiam: & quod tibi leue non est, eximia-  
 rum artium scientia, instructissimo, id a me nequaquam  
 esse contemnendum intelligo. Accidit illud, quod episto-  
 la tua ita loquitur orname, ut a rhetore, non a medico,  
 quem te esse profiteris, & quem praestas egregie, scri-  
 pta uideatur. quod indicat ingenij tui praestantiam. cū  
 enim, ut audio, philosophiam sis uniuersam animo cō-  
 plexus; praecipue uero medicinam tractes, & ita tra-  
 ctes, ut cum paucissimis excellas; ualde sum miratus,  
 unde istam Latinae orationis tam cōcinnam, tam ube-  
 rem, tam illustrem facultatem sis consecutus. Quare,  
 quo tu nomine subuereri uisus es: ne ego tuam ad me  
 amandum ualde propensam uoluntatem parum liben-  
 ter exciperem; cum eloquentiā tuā uerbis dissimules, re  
 ipsa ostēdas: eo ipso nomine sic incensus tui studio sum,  
 ut ad meam instituendae tecum amicitiae cupiditatē  
 accedere nihil possit. Quod aut negas esse quidquam ad  
 amorem conciliandam amore ipso efficacius: ita tecum  
 sentio, si uirtus cum amore coniungatur; sin enim, qui  
 diligit, nihil, praeter nudam uoluntatem, commendat,  
 non probitas morum, non doctrina, non ars aliqua li-  
 beralior: ualde uidero, sed istuc quidem tua uim-  
 me re fert. quis enim te uel non amantem amare no-  
 lit, quem esse tam amabilem, litteris, humanitate, in-  
 gritate,

gritate, sentiat? sed uidelicet Socratice mecum agis: ironia te delectat: cum in eo ipso, quod tibi detrahis, tua te refellat oratio. Ego tuum erga me animum pari animo complector, & fauebo officijs, quantum in me erit: neque me patiar, cum reliqua apud te omnia superiora esse concedam. etiam humanitate uinci. Vale, & Ioanni Baptistae Pignae, homini in primis erudito, & ingenioso, cuius de Imitatione poetica egregios libros auidè expecto, salutem meis uerbis. Venetijs.

## MARIO. CORRADO,

Brundisium.

33

MVLTI iam mensibus nihil ad te litterarū dedi: nec mihi tamen uenit in mentem subuereri, ne quam tibi nostra indignam amicitia suspitionē silentij mei diuturnitas attulerit. mihi quidē nihil scito esse iucundius epistolis tuis: quas cum lego, delector mirifice amore in me tuo, delector etiā ingenio, & scribendi elegantiā, in qua tibi (non loquor ei parum paucos) paucissimos cōparo, antepono neminē. atque equidem, si per utriusque fortunā liceret, nihil malim, quam aēidue tecū esse, totosq. dies in tuo sermone consumere. quod tamē quin aliquando sit futurum, cū in tuas litteras intueor, imaginem animi tui nonnullam ostēdentes, prorsus non despero. Ego satis diu feriatu a studijs sum, inuitus sed quis necessitati non pareat? nam, quae me caussae non modo libros, sed patriam quoque relinquere coegerint; aut habes fortasse iam cognitum, litteris edoctus familiarium tuorum,

tuorum, qui adire interdum ad me officij causa solent; aut, si ignoras, quid ego tibi exponam; cui si quid a me accadat iniucundum, dupliciter angar, incōmodo meo, molestia tua. Nunc id commentor, ut certam aliquando rationem ineam otij cōstituendi, & uiuā humaniter: quod te quoque uideo cogitare, et, si uolueris, assequere. Boniōs fratres, tua praedicatione commotus, amo uehementer, & obseruo: qui si mihi, ut significas, aliquid tribuunt: est, quod gaudeam, placere me praestantibus uiris, quorum in iudicio, & benenolentia ornamenti, & cōmodi mihi statuo plurimum. tu uelim, quod ad amorē, studiumq. attinet, de me illis omnia promittas: ego, quae promiseris, praestabo. fructum etiam fortasse aliquem degustabunt studiorū nostrorum. liceat modo esse otiosus; id quod agimus, & futurum speramus. Vale.

## PETRO. CELSO,

Vicetiam.

34

VNA, eademq. manus uulnus, opemq. tulit. plane enim mihi uideor, quod de Achillis hasta in Telephi uulnere traditum est a poetis, idem ad tuas epistolas posse conuertere. affecerat me grauiter, nunc idem recreas, & abstergis omnem molestiam iucundissimis litteris, in quibus elucet humanitas tua, quam obscurauerat paullulum animi tui subita commotio, indigna certe meis in te neque paucis, neque uulgaribus officijs, quorum testes a pud me custodiuntur litterae tuae. itaque, redysse te ad eam comitatem, quae cum

tua



tu i natura, & cum is studijs, in quibus totos dies eximia cum laude uersaris, magnopere cōgruit ita laetor, ut nihil umquā senserim hac uoluptate iucundius. quod si tibi meū ingenium aliquot mensium consuetudine satis exploratum non est; non dubito, quin absens intelligas, & eo cernas illustrius, quo longiora nos terrarum interualla disiungent. non enim in te fortunam diligo, quam soleo contemnere, sed quia fortunam tuā uirtute superas: contra quam multi; quorū oculos aurī, argentiq. splendor ita praestinguit, ut pulchritudinē uirtutis intueri nullo pacto possint. quo equidē sensu, ac iudicio meo delector multo magis, quam Ciceroniana illa eloquentia, quam tu mihi, ioco fortasse, obieciisti: cum tamen, tibi quoque eam minime displicere, tuorum scriptorū eloquentia significet. De discessu tuo, quamquā ad tuam uoluntatem accommodare consilia mea minime liceat, cupio tamen mihi tempus desiniri. Vale.

---

IOANNI. SAMBVCO,

Patauium.

35

NON mediocre amoris argumentum, quod de filiolo gratularis, & sperare te significas, ut patri etiam orationis Latinae facultate antecellat. quid ergo ille tibi magnū uidebitur praestare, si opinione, & fama nos anteierit eloquentiae? ego illi, qua primum hora editum in lucem uidi, bonam mentem precatus a Deo sum: hoc nobis debet esse antiquissimum; & hoc ei si contigerit, reliqua iure contemnet, aut, si uoluerit, facile cōsequetur.



tur mea uero studia se imitabitur, quae certe, quod fateri sine arrogancia possum, ad honestū referuntur: aditus ad laudem difficiles non habebit; quo mihi studiose contendenti fortuna semper nescio quo meo fato uiam interclusit. uerumtamen, mi Sambuce, cum tua, tuique similitum fruar beneuolentia, quid desiderem? quid potest esse amicitia iucundius? quid etiā fructuosius? cum & amant inter se boni uiri; & est inter eos quasi certamen amoris, & officij. equidem, de te quid sentiam, si ad te ipsum scriberem, certe scio, qui tuus pudor est. legeres inuitus, testem tibi do iudicij mei grauem adolescentē, (& adde si quid uis: nihil enim tribues immerenti)\*: quem cognoui tuis laudibus, me narrante, etiam atque etiam laetari. quod si tenerem artem eloquentiae, sicuti ut in epistola tua, amore potius in me, quam iudicio effusus, existimas; sane coloribus egregijs imaginem tuarum uirtutum exprimerem: uoluntatem uero illam, & praeclaros conatus ad augendas fortunas nostras, de quibus postulae, quam a uobis discessi, quiddam in sermone\* significauit, mehercule sic ornarem, ut nihil esse posset illustrius. de quo quia tam amanter cogitasti, gratias agerem; & ut perpetuo cogitares, atque ageres, cohortarer; si hoc humanitas tua, illud amicitia nostra pateretur. ut ut a te res ceciderit; (a te enim principia sunt; exitum praestare non potes) partes meae non requirentur: prosequar enim uel beneficium laude, uel animum certe tuum memoria sempiterna. Vale. Venetijs.

E I D E M, Patauium.

36

E G O uero, accepto nuncio de obitu filioli mei, ita sum perturbatus, ut me tamē hominē esse meminerim, et illum in hanc uitā, tamquam in hospitium, ita esse ingressum, ut, accitu summi Dei, aeternū illud caeleste domicilium petiturus, aliquādo discederet. quod si me casus iste nec opinatus ita perculisset, ut omnino iacerē: excitarer tamē prudētia litterarum tuarum, in quibus de luctu minuēdo disputas egregie, tuamq. declaras tū homine Christiano dignā bonitatem, tum erga me beneuolentiā singularem. uerum ego, optime Sambuce, multis iā infortunijs hoc sum affectus, ut fortunā ipsam didicerim contemnere. quae mihi, ut eripiat reliqua, nūquam adimet ea, quae nec ipsa dedit, nec dare cuiquā potest, rectā mentem, optima studia, pietatē in Deum. Praeclare actum opinor cum filio meo, fruitur conspectu, & consuetudine caelestium animarum: nō angitur curis: non spe ducitur: nihil timet aduersum. at nos, qui dicimur uiuere, quibus hac falsae lucis usura nihil est carius, quā multa exercent? quid laboramus, quid cupimus, quod etiam si contingat, animus acquiescat: itaque uere sapientes homines, non ut diu, sed ut recte, & cum uirtute uiuerent, optare soliti sunt. quod equidem conor, & ut spero, consequar. nihil enim magis cogito, nihil spccto, quam ut seruiam studijs meis, & ita uiuā, ut uitae rationem Deo simul, & hominibus aliquando possim reddere. Quare, cum me uocas ad scribendum, confirman-

confirmantur consilia mea iudicio tuo. ac tu quidem in  
 hoc officio cohortari facis idem, quod multi; quibus fa-  
 cile possem satisfacere, si per domestica negotia liceret.  
 sed, obsecro, nolite ex ovo uestro meum spectare. uobis  
 enim certa, & expedita sunt omnia; mihi unicum est  
 vestigal industria mea: qua liberos alere, tueri fami-  
 liam cogor. & si negligam, deseretur humanitas: sin,  
 ut debeo, diligenter curē, iacere studia necesse est; quae  
 solutum curis omnibus animum postulant. At inquires:  
 ipsa tibi studia fructum ferent. Cane alijs cantilenam  
 istam, mores, ac tempora ignorantibus: mihi nō persua-  
 debis experto. uetus illa Principū uirorum benignitas  
 exaruit. inania pleriq. sequuntur, nihil solidum amant,  
 nihil magnificum, nihil illustre. Vides alios, quasi per-  
 dendis tantum frugibus nati sint, immanibus epularū  
 sumptibus opes exhaurire: alios, quasi etiam homines  
 ipsos, non modo fruges, perdere pulchrum sit, thesau-  
 ros effundere, collectos acerbissime, in ea bella, quae  
 uastitatem agris, urbibus incendia, humano generi, alie-  
 na stultitia miserrimo, cladem, & exitium importent.  
 Musae interim ubique locorum algent, neglectae ab  
 ijs, qui fouere eas, ut maxime poterant, ita maxime de-  
 bebāt. Etiam illud indignum, quod existunt, qui specie  
 liberalitatis gloriolam aucupentur; & eam uirtutē, a  
 qua longissime absunt quasi familiarem suā sic in ore  
 habeant, ut amare uideantur. Verum haec satis, aut  
 etiam nimium fortasse multa: Vale. Venetijs.

GASPARI. CONTARENO

CARDINALI,

Romam.

37

*CV* M neque haberem, quod tua magnopere inter-  
 esset a me scribi; & te scirem summis occupationibus  
 assidue esse districtum: tamen faciendū mihi putavi, vt  
 aliquid omnino ad te litterarū dare. ad meū enim offi-  
 cium valde pertinet, te, de nobis optime meritū, intelli-  
 gere, & quo te studio colā, & qua tuorū in me merito-  
 rum memoriam religione conseruem. quod, vt spero, cō-  
 sequar litterarum bono. nam, vt remunerare vniquam  
 possim, sperare audeo: ita multa sunt, quae ad me iuua-  
 dum officia sunt a te profecta. vt enim omittā. quā ho-  
 norifice de parente meo & loqui, & sentire solitus sis,  
 cū ita dicas, tibi nullius olim incundiorē consuetudi-  
 nem fuisse, nullius cariorē nunc esse memoriam: vt igi-  
 tur hoc omittā, quod in summi beneficii loco soleo pone-  
 re: quanti illud apud me debet esse ponderis, quod olim  
 me adolescentem vir clarissimus, non tu quidē sopitū,  
 sed tardiorē fortasse, quam oporteret, ad studium sum-  
 mae laudis excitasti. cuius tēporis recordatio mirifice  
 me delectat. sic enim argumentor: te, cuius iudicium est  
 acerrimum, numquam me ad virtutē fuisse cohortatu-  
 rum si te frustra id facere existimasses. tantū autem vi-  
 rum, quantus ipse omnium consensu gentium & es, &  
 haberi, de nobis non pessime sperare, mihi pericundū  
 est cogitāti, apud alios, si qui audient, etiā honorificū.

Quare

*Quare nūc quidē id, quod mihi pro tua summa humanitate facillimum est, ago, ut, quē pro tot ac tantis officijs animum debeo, eum me praestare tibi persuadeā. quod si per eā viam, qua ad praestantissimarum artium cognitionem iter est, tantum procedam, quantū profecto, nisi me aliqua res impederit, procedam: nae illud etiam aliquando efficiam, ut, te de nobis esse bene meritum, magnopere laeteris. Te interim si rogem, ut, quemadmodum inslituisti, me diligas, faciam imprudenter. neque enim dubitandum est, quin tu velis in eadem erga me voluntate, cum humanitatis, tum constantiae causa, permanere. magis illud mihi est elaborandū, ut omnes res, quae ad te colendum pertinent, studiose faciam: quarum si ullam sciens praetermiserō, nefariae me peccasse confitebor. Vale. Venetijs.*

## BENEDICTO. ACCOLTO

CARDINALI,  
Ferrariam. 38

*CVM primum Venetias reuerti, etsi eram & fessus aliquantum de via, & eo morbo, qui me Ferrariae satis grauititer afflixit, nondū plane leuatus: tamen magnitudo meae in te obseruantiae, tuaeq. in me beneuolentiae recordatio me adduxere, ut ad te scriberē. quo genere officij quā mihi saepe apud te sit utendū, intelligo. nam cum eo ipso die, quo mihi aditus ad amicitia tuam patuit, de meis commodis & ornandis nō cogitare solū, sed agere etiam coeperis, omnino, si velim id,*

quod maxime velle debeo, quibus me studijs a pueritia dedidi, iis haberi non indignus, diligenter inuenda mihi ratio est, ut istam tuam ad me augendum tã propensam uoluntatem plurimi apud me, & esse, & semper fore significem. id hoc tẽpore nisi litteris mittendis, quare alia consequar, non video. facultatem maiore si umquã nactus ero, arctissime complectar, neque dimittã prius quam id tibi saltem aliqua ex parte persoluã, quod interea a me deberi uon solum non dissimulo, sed etiã apud omnes libentissime praedico. Quid enim mihi esse potest, non dicã honestius, sed gloriosius, quã te, virum omni genere virtutis excellentẽ, summa dignitate praeditũ, acerrimi in cognoscẽdis hominibus iudicij, nõ officij munus, aut studiij, quod quidem ad meã siue utilitatem, siue laudẽ pertineat, praetermittere? mehercule nulla res fuit, quae nos ad probitatis, et doctrinae opinionẽ commendare magis posset. itaq. quod ante faciebã domestico tantũ exemplo cõmotus, ut per eã uiam, quam mihi pater meus tritam reliquisset expedito cursu ad summã laudem, gloriamq. cõtenderẽ, id multo acrius facio nunc iudicio de me incitatus tuo, cui uereor equidẽ ut respondere possim; & est sane difficillimum: sed tamen, quoniam ita tempus omne meũ traduco, ut, quantum ualetudinis ratio patitur, in litteris uerfer, & quasi diuturnam sitim explorẽ cupiens, ijsdem e fontibus, unde illa fluxerunt, quae sunt laudũ tuarum maxima, diligenter hauriam: non despero fore, ut et hominẽs officia tua bene posita existimẽt, & tu, qui tibi a me fructus debentur, eos non cõtẽmnẽdos aliquando percipias, cuius rei maturitas dum ueniat,



niat, est interea mei officij, tui memoriam summa cum beneuolentia sanctissime, ac religiosissime colere; tuae uero humanitatis, eam uoluntatē, quā ad me iuuandū tua sponte contulisti perpetuo retinere. quorum alterū ego quam potero diligentissime faciam; alterum tu ut facias, propter incredibilem naturae tuae benignitatem, ne admonendus quidem es. Vale. Venetijs.

EIDEM, Ferrariam. 39

SVMMO studio maturabam Ciceronis editionem. omnino id erat causā, cur ego rarius, quam debeo, ad te scriberem. sed mehercule nec res erat, de qua possem scribere: de publicis enim non licebat: de priuatis autē quid est, quod delectare te possit? grauib; morbis, anno nā & bello, uniuersa fere ciuitas affecta cōtabescit. in his malis pacem omnes, tamquam unicū remedium, expetebant: quae si daretur, amissas uires recuperare difficile nō erat. Arbitrabar. cū Ciceronis epistolas emisissem, fore, ut Ferrariā possem excurrere. id ego, primum honoris causā ut te uissem, optabā; deinde, ut tuis doctissimis sermonibus fruerer, quantum per humanitatē tuam liceret, per quam certe licuisset plurimum. noui enim, quae tua sit cum facilitas, tū in me beneuolentia. sed postrae uoluntates, ut nauigandi cursus, quandoque commutentur, necesse est, nisi fortunarum nostrarum fieri naufragium uelimus. itaque, ut exirem, meas res cum uidi nō ferre, mutauit rationē; &, quamquam erā occupatus, tamen feci, ut hanc epistolam mitterem:

quae te, meam uicem, quasi saluaret. ea ne hoc officiū loco non praestaret, ad Octauium nostrum, ijs litteris, quas ad ipsum dedi, allegatā misi, qui tibi redderet, cū uacuus esses. quod ille, qui & commodissimus, & prudentissimus est, nō uereor quin effecerit. De meis rebus si quid audire uis, ut in aduersis, pessime non habēt: haberent optime. si pietas esset in ijs, in quibus maxima, si quid merita ualent, esse debebat. Vale. Venetijs.

E I D E M, Ferrariam.

40

S V M M A. tua facit humanitas, ut, etsi me argumentū deficiat, litteras tamē ad te mittere ne dubitem. nō. n. uereor, eae ne tibi molestae sint. quin ita te interpretaturū confido, ut hoc meū studiū existimes esse non obscurū signum pietatis in te meae. cui quidem pietati, quod uix fieri posse credebā, magna sane accessio facta est lectione tuarū litterarū. nam, cū antea pro tuis maximis, & singularibus erga me studijs effecisses, ut plus, quam tibi, deberem nemini: nūc propemodum es consecutus, ut ipsi tibi plus, quā debeo, debere non possim. quāti enim illud, quo epistolam clausisti, apud me esse putas? te non dubitare, quin ego, omnesq. mei, quanti amorem in te meū, atque doctrinam facias, aliquando simus intellectu. ego uero iam intelligo; neque quisquam est meorum, qui aliter sentiat. sed de amore quod scribis, uere tu quidē facis; est enim is certe summa cū obseruantia singularis. de doctrina uero, neque prorsus assentior, ne me ipse, quā in re minime debeo, nimium uidear

uidear amare: neque ualde repugno, ne, quod est in me honorificum. stulte reijciā, ut ut tamen est; siue tu amoris, & humanitatis abundantia, quod interdū adducor ut credam; siue iudicio, quod mihi persuaderi libenter patior; siue utraque re permotus tātum mihi tribuisti, quāntū ego postulare sine rubore non ausim: maximas tibi gratias habēā, necesse est: quod ad eius ipsius, quā in me esse dicis, doctrinae studiū, quo antea naturae inclinatione propendebam, uehementer me impulisti. ita enim usu fere uenire solet, ut, quae laudes a tui similibus, idest ab ijs, qui ipsi in laude uiuunt, profisciscuntur, eae nos, uel si simus hebetiores, in primis acuāt, et quasi necessitatē quandā imponant, ut, quales esse dicimur, tales aliquādo studeamus esse. quod ego, quātū possum do operā, ut consequar. a quo studio cur me ulla res debeat abducere, non uideo: cū tu, istis opibus, ista amplitudine uir, litterato otio nihil anteponas. temporibus. n. turbulentissimis, dum plerique fere, ambitionum fluctibus iactati, optare magis, quam sperare, tranquillitatē animi possunt; securus in portu te oblectas, uiuisque iucundissime in tuis perennibus optimarū artium studiis: in quibus totos dies ita ponis, quasi tibi eae res, quibus abundas, et quarū spe tu alios excitare ad laudem potes, praemio sint futurae. Quod cum ita sit; & cum ego hoc animo sim, ut antiquius tuo commodo nihil habeam: noli credere, me cum ad te scribo, tuarum litterarū expectatione id facere: quae etsi me incredibiliter delectāt, textae uerbis elegantissimis, plenissimeq. amoris, & suauitatis: tamē ego te mea causa a grauissimis studiis ad nugas auocari nolo. satis me habere abs te pro-

tabo, si & meas tibi esse redditas, & tibi, ut cupimus, esse intellexero. utrumque Octavius noster, quod & tu studiosissimus est, & nostri amantissimus, cum libenter, tum diligenter efficiet. Vale. Venetijs.

IACOB O. GRIFOLO,

Romam. 41

QVOD tu, homo occupatus, prior ad me litteras misisti; hoc sane es assecutus, ut officii plus apud te residere confitear; illud assequi nequaquam potuisti, ut amoris plus, quam in me est, in te esse concedam, atque egone in officio quidem passus essem, ut anteuerteres, nisi me scribere cupientem non occupatio mea, quae tamen summa est, sed cura tuorum mandatorum impedisset. Scis, ante quam discederes, qua de re sermonem inter nos habuimus; cum tu, ut eam susceperem, a me petens, ostendisti, quantum & fidei, & diligentiae tribueres meae. in quo ego, opinionem tuam ne fallerem, operam dabam. itaque, te profecto, cum intelligerem, quantum damni secissem, adempta mihi tuae consuetudinis usura; cumq. id omnino litteris mittendis resarcire uellem; tamen, diem e die expectans, ut aliquid ad te de tuo negotio, cuiusmodi tu uelles, possem scribere, in maximo desiderio me sustinebam, nunc, quoniam eius rei ne uestigium quidem apparet in epistola tua; siue quod, a quo tempore discessisti, ut illud consilium abijceres, rationes tuae tulerunt; siue quod, eodem animo cum esses, committere tamen litteris nihil uoluisti,

luisſi, quod elatum nocere tibi poſſet; puto me non incommode eſſe facturum, ſi quam tu rem in tuis litteris intactam omiſiſti, ego item in meis ſilentio praetermittam. Quod ſcire uis, rerum mearum ſtatus hoc tempore quis ſit: ne te multis morer, iſ eſt, quem reliquiſti, paullo etiam melior, quam reliquiſti. nam & domestica quaedam ſanauimus; & eum, de cuius acerbitate queri ſolebam, ita facilitate quadam noſtra, atque obſequio mitigauimus; ut paene dulcis eſſe uideatur. De Ciceronis editione, hoc de me ſpondeas, atque etiam in te recipias licet, ut, diligentia, confirmes, me non eſſe uſurum multo minore, quam qui in hoc genere laudantur. haecenus confido fore, ut praestem, & praestabo certe, nihil ultra. mihi enim tantum non arrogo, neque arrogare debeo, ut, quemadmodum ſcribis, eas ſordes, quibus ueterum ſcripta ſunt foedata, putem omnes eluere me poſſe. magni id eſſet ingenij, magni iudicij: quibus ego rebus & indigeo, & ſi abundem, ſine libris tamen antiquis nihil audeam. qui mihi ſunt omnino multi, ſed neque quot uellem, neque cuiuſmodi. coniecturae autem, intellexi, & didici, quam ſaepe ſint fallaces, neque bonos libros ulla magis labe inquinauit. quibus nunc in ueterem ſplendorem, atque integritatem reſtituendis, primum mihi eſt negotij, & erit, ut puto, poſt me multis: ut inde laudis materies deeſſe numquam poſſit. Te rogo, ut, antiquiorem libri ſicubi iſtic eſſe reſciueris, ſi prece ipſe, aut pretio non potes, aliorum auferas gratia. Litteras autem, quam ualde me amas, tam ſaepe mittes. nam & otij puto te habere, quantum uelis; & argumentum Romae uiuenti

uenti deesse non potest. mihi utrūque minus est. magnis enim districtus occupationibus, temporis ad scribendū non habeo satis. argumētum autem unde sumam, cum omniū, qui hic sumus, ea ratio sit, ut, rerum nouarum si quid alicunde ad nos affluxit, de eo nec scribere, nec loqui sine graui periculo possimus? Relinquitur, ut priuatis de rebus possim scribere: sed hoc quoque genus uereor ne me deficiat. raro enim solet accidere, quod scriptione dignum sit. Quapropter, quoties ita eueniet, ut a negotijs liceat discedere; properabo statim ad epistolas, quod eo libentius faciam si tu mihi sententiam scribendi aliquam dabis: sin minus, inanes tamen potius, quam nullas, mittam. Vale. Venetijs.

## HANNIBALI. CRUCEIO,

Mediolanum.

42

AMORIS in Octavianum Ferrarium mei causae sunt ueteres sane multae, eaeq. non leues. sed recēs haec est grauiissima, quod eius opera uideo factum esse, ut tu me amares. quod ego, non possum satis explicare, quanti faciā. certe optatius nihil, ac ne utilius quidem potuit accidere. nam me molestae quaedā cogitationes exercebant. eae fecerant, ut subtristis essem. hoc malū Ferrarij litterae sanarunt. eas enim legens, cū uenissem ad eum locū, ubi ille, quam tu me diligas, quamq. diligere a me cupias, diligenter, & officiose narrat; sensi mihi quiddam instillari, quo plane sum exhilaratus. adeo tui similiū amicitijs augeri gratum est. in qua commoditas incommodum tamen illud inest, quod mihi ualde sentio



sio esse laborandum, ut beneuolētia, & opinione de me tua non indignū me praeſtem. quod utinam poſſim efficiere; conabor certe: ac ne deſpero quidem fore, ut efficiā modo, quod tu iudiciū de me habes, id eiꝰſmodi ne ſit, ut ego ei reſpondere nullo pacto poſſim. nam mihi interdum uenit in mentem uereri, ne tu me, Ferrarij praedicatione commotus, eum exiſtimes eſſe, qui non ſum. mē dax, mi Crucēi, amor eſt; noſq. ſaepeſſime ita ſolet afficere, ut in ſermone, prout amicorum e re eſt, & affingere falſa, & detrahēre uera. religio non ſit. quare Ferrarium, cum de me loquitur; non eſt quod audias. amore uictus, cui repugnare iudicio non uult, ea dicit, quae fortaſſe non ſentit. At idem de tua uirtute multa in ſuis litteris. habes igitur, dices, ei fidem, cui haberi a me non uiſ? habeo, & quidem maximam. mittit enim ingenij tui monumenta, quae mihi de tuis laudibus, ut ille ſcribit, ita eſſe probant. Memorem igitur interea me uelim exiſtimes humanitatis tuae. gratum cognosces, cum facultas erit. ac uideo me tua cauſſa non eas res praestare poſſe, quas uellem; ſed, quas poſſum, ita uolo, ut omnes, ſine ulla exceptione, libenter ad te deferam. licet ijs arbitrari utaris, atque etiam abutaris tuo. Vale. Venetijs.

---

ANTONIO. MERLO,

Vicetiam.

43

EGO quoque quiddam inaudieram ſuperioribus diebus, ſed contēpſi. nūc me mouet, quod audies Artibus effectū nescio quorum, (de Petro noſtro certe nix opinor:

opinor: uix, autem? prorsus non opinor) ut hic rumor  
 serpat longius. primum haec uulgo iactata, ferebam:  
 post etiam ad Cardinalis aures peruenerunt: quod mi-  
 hi accidit molestissimum: nec dubito, quin is iam non  
 idem sit. quod si ille eadem cum Episcopo, cuius inge-  
 nium praeclare noui, communicauerit: actum est. Me-  
 quidem, & illa angit cura, quod uereor ne fama dif-  
 fluat, & Perusina condicio, satis opima, satis honori-  
 fica, fortasse in dubium uocetur. Cornelius rem curat  
 diligenter, ut uideo, fide certe, & amore singulari. In  
 hac sum sententia: si spes non dubia, ut urgeamus; sin,  
 desistamus ab incepto; ne cupiditatem nostri an sine  
 fructu, fortasse etiam cum aliqua mercede, prodamus.  
 Mitto ad te Gratij poema de Venatione, paullo durius,  
 nec omnino cum Petri Bargaei carmine conferendum,  
 qui hoc argumentum sex libris non minus eleganter,  
 quam copiose, persecutus est. Vale. Venerijs.

MICHAELI. SOPHIANO,

Patauium. 44

SI nostrae necessitudinis initia repetas; nemo, opi-  
 nor, istic est, qui mihi uetustate praestet. sin apud te ue-  
 tustas pondus non habet; ipsam per se beneuolentiam  
 pendis: ne sic quidem iure mihi quemquam antepones.  
 Ego te primum, cum abesses, memoria colui diligentis-  
 sime, tuumq. nomen crebris usurpatum sermonibus or-  
 navi laudibus, quantum in me fuit: deinde, cum de  
 apunculo tuo, uero optimo, tuiq. amantissimo, miserrimi-

nam in seruitutem a barbaris gentibus abrepto, cognouisseni, ingemui saepe tua causa, quem, orbatum domestico praesidio, maximas in difficultates immerentem fortuna conijceret. postremo cum Pataniū te aliquando retulisses, ualitudine ita perditā, ut humana uix ope restitui posse uideretur: quam id moleste, quam acerbē tulerim, testes sunt communes amici, quibus & periculum tuum, & eodem tempore dolorem meum dolori fuisse certō scio. Veni Patanium aliquāto post: uidi te, quem optabam potius quā sperabam. habitu corporis non illo quidē optimo, eo tamen, qui uitae spem minime dubiam afferret, deinde quotidie meliora, accedente ad remedia medicorum temperantia tua: quam ita laudant omnes, ut in studijs tamen paullulum eam desiderant. quo de genere praecipere quidquam difficile est, praesertim mihi, qui cum ab eadē culpa longe non absūm, tum etiā, nisi priores tibi partes in prudentia concedam, ignorare scilicet, uidear utrumque nostrum. uerum tamen, cum te penitus philosophiae dedideris, ut eius praesidio fortunae tela depelleres; debes eā sequi ducem in actionibus tuis, quod si feceris; extrema uitabis, & omnem in medio laudem constitues. At mediocritatē mens in suo munere non amat. progreditur enim meditando, &, quo longius, eo incundius. Vere: sed immoderatis rebus natura frangitur: & quamquā corpori mens dignitate praestet; utriusque tamen incolumitas ab utriusque pendet officio: ut herus imperat seruis, nec tamen eos negligit, sed consulit quatenus liceat, commodis eorum: idq. facit etiam sua causa: tam diu enim herus est, quam diu habet quibus imperet:

ret: sic mens rationē corporis habeat aliquā oportet: nam si negligat eam sedem, in qua summus opifex illā constituit: primum faciet iniuste; deinde, corporis cōpagine, qua ipsa includitur, breui dissoluta, vsum tractandae quaerendaeq. virtutis amittet, quod cū accurate vitādū omnib. est, ijs maxime, quorū & infirma valetudo requietē quaerit, & ita viget industria, vt mediocri etiā labore non mediocrē ipsis gloriam, ceteris utilitatē afferre possit. Cui porro ignota est vel ingenij tui, vel memoriae praestantia? quibus, non mō vt emineres in Graeca lingua, id quod oēs fatentur, sed vt quacumque re. proposita, peritissime disputes, facile cōsecutus es. itaque lure expetitur a nobilissimis viris amicitia & cōsuetudo tua: iure te diligunt ac laudant quicumq. in Patauino gymnasio doctrinis liberalibus excellūt. quorū tu virtute fruēris, & illi vicissim tua, si valebis: & vt valeas, in te ipso magna ex parte sitū iudicamus. obsequere igitur in tua salute multorū studiis: parce valetudini satis imbecillae, & quod libēter facis, da opam simul vt diutissime facias. ita gloriā tuā, laetitiam nostrā, dignitatē etiā litterarum augebis; quibus ornamentis plurimum e tuis aliquando scriptis, si valueris, accedet. Vale. Venetijs.

---

IO. BAPTISTAE. PIGNAE,

Ferrariam.

43

ALFONSO Duce creato, gratulatus Ferrariae sum, quae tū ex noui Principis eximia virtute fructus capiet

capiet egregios; tum ipsa quoque ad omnem virtutem  
 eius, a quo regitur, exemplum secuta, diligentius incu-  
 bet. mores enim ciuitatis ex Principis moribus effingū-  
 tur, & vt ait Plato: QVAE apud eos, qui dominantur,  
 studia vigent, eadem reliqui ciues amplectuntur, &  
 colūt. Ergo florebut in vestra ciuitate liberales discipli-  
 nae, ac debita iam pridē ingenuis artibus praemia per-  
 soluentur. quod equidem tua potissimū causa, doctissi-  
 me Pigna, magnopere gaudeo. nec enim dubitat quis-  
 quam, aut dubitari omnino potest, quin, quantum inge-  
 nio, eruditione, iudicio, quantum etiam consilio vales,  
 tantundem apud sapientissimum, optimumq. Principē  
 & auctoritate valeas, & gratia. quod si, quam adhuc  
 in cognoscenda, eandē posthac in ornanda virtute indu-  
 striā locabis: quis te vno felicior, quis omni laude prae-  
 stantior? quod vt facias, ne monendus quidem es. nec  
 enim te dissimulē esse tui vel natura tua, vel cōsuetudo  
 vel studia patiuntur. hoc igitur tecū agendum nō est. il-  
 la me potius, vt vere dicā, & simul oēs, qui te diligunt  
 cura sollicitat, ne te nobis eripiant prorsus aulica nego-  
 tia, sic, vt, ijs disciplinis, quarū vsus aeternū decus pa-  
 rit, salute dicta, iacere patiaris ea, quae multis ante  
 mēsisbus instituta si quādo perficias, maiore in modum  
 & posteris, & gloriae tuae seruias. quam multos enim  
 egisse mecum diligenter existimas, vt hortarer te ad ab-  
 soluendam poeticæ imitationis artē, aut, si absolutam  
 habes, continuo diuulgandam? quibus vt aliquando sa-  
 tis facias, etsi lāguere te in tua laude vix opinor, tamē-  
 peto abs te, quātum humanitas tua pmitit, nec tamē,  
 etiā si tua res nō augetur, amicitiam nostram, quam  
 ego

ego sanctissime semper colui, nihil a te impetraturam  
 considerem. equidem nihil ei denegarē: idq. te, quod ta-  
 men secundissimis rebus, ac sine molestia tua fiat, cupio  
 experiri. Ego me ad litteras, a quibus inuitus discesse-  
 ram, reuocare coepi, adeptus vsum oculorum, quē an-  
 tea desperabam, diuina primum ope, in qua statuere  
 omnia consueui, deinde Gabrielis Falloppij sciētia sin-  
 gulari: cui viro, quāti hanc lucis vsuram, idēst quāti  
 vitam facio, quantietiam praeclara litterarū studia  
 mihi sunt, quibus vix ipsa vita pluris est, vni plane to-  
 tum acceptum refero. siquidem eius doctrinā, humani-  
 tas, exquisita cura pristinam mihi valetudinem, omni-  
 no profligatam, ac perditam, conspectum liberorū meo-  
 rum, amicorum colloquia, librorum suauitatem resti-  
 tuit: vt, si quam optimis artibus industria nostra fru-  
 ctum feret, ei gratiae debeantur, cuius ope, ac studio  
 factum est, vt intermissam diuturno, ac perdifficili  
 morbo posteritatis adiuuandae consuetudinem aliquan-  
 do repeterem. Tu mihi de tuo statu, maximeque de  
 Alfonsi Ducis conatibus egregijs ad honestandam  
 uirtutem, de quibus fama iam percrebuit, si quid signi-  
 ficaueris, argumentum crit amoris in me tui, quo lae-  
 tari uehementer soleo. Vale. Venetijs.

IOANNI. SAMBVCO,

Patauium.

46

QVOD fratrem tuum Georgium Bona, florenti ad-  
 huc aetate exstinctum, immoderate luges: ignosco

maerori



maerori tuo, nec tamen laudem tribuo. dolere enim  
fratris interitum, & eius fratris, quo nemo amabilior,  
nemo fuerit virtute praestantior, hominis est: modum  
autem dolori nullum constituit, numquam lacrumis  
abstinere, numquam ex animo maeritiam pellere,  
Sambuci non est. Perijt frater: iure commoueris:  
aegre enim diuelimur a natura coniunctis: quod ego  
quoque sum expertus. Perijt is, qui familiam vestram,  
qui patriam, qui prouinciam vniuersam ornare vehe-  
menter suis laudibus, & illustrare poterat. hoc qui-  
dem expectandum ab eius virtute fuit: sed magnam  
habet Fortuna uim: ea saepe, nobis ad eximiam lau-  
dem contendentibus, transuersa incurrit, saepe nostra  
studia debilitat, saepe moratur industriam. quo de  
genere quid ego te doceam, doctissimum virum, cui  
prope infinitam exemplorum vim vel Graeca monu-  
menta, uel etiam Latina suppeditant? florem igitur uir-  
tutis amemus: erepto ante maturitatem fructu, quan-  
do hoc singulare non est, sed commune cum multis,  
modice feramus. Quid, si ne dolendum quidem est?  
omitto enim historias, ad philosophiam te uoco. Quid  
igitur illa praecipit? si quid casus afferat, leniter acci-  
piendum: nec enim, ut aliter accidat, in nobis est: si  
quid culpa contractum, angustaequum esse. certe enim  
qui ad praecclare agendum nati sumus, ideoque mente,  
& ratione, praeter ceteros animantes, instructi, tan-  
tis bonis abuti, & quasi a natura descisere turpissi-  
mum est. An tu igitur, mori, quasi aliquid turpe,  
reprehendes? quod si non turpe, nec dolendum. nisi  
si quis ita uixerit, ut nihil umquam homine dignum

praeſtiterit: quod abeſt longiſſime a fratre tuo: qui probitate, ingenio, ſtudijs artium optimarum, prudentia etiam adoleſcens ita excelluit, vt eum Pannonia paene cuncta viuente vnice dilexerit, mortuum laudibus, & memoria proſequatur. Quae cum tibi veniunt in mentem; iniquus profeſſo nimis in te ipſum es, niſi luctum minuis, & ex animo dolorem penitus euellis. Quin te decuit maxime, qui totos dies ponas in ijs libris, unde uitae moderatio, unde animi tranquillitas petitur, ad propinquos, ad amicos in Pannoniam eiſmodi litteras mittere, in quibus illi ſitam eſſe non minimam ſui doloris medicinam intelligerent. nam uir eximius, Nicolaus Olabus, Archiepiſcopus Strigoniensis, qui Georgium, & quia ſorore ſua natus erat, & quod in eo ſumma uirtus enituit, in oculis geſtabat, non dubito quin tanti uulneris remedia ſumat a ſeipſo quem non moda aetas, & uſus maximarum rerum erudierit, uerum etiam prudentia quaedam naturalis, quae plane uincit omnem artem, numquam a conſtantia diſcedere patiatur. Nec tamen uereor, ut, qui mihi paucis ante menſibus in filioli mei obitu conſolationem adhibueris, idem tibi in tuo caſu mederi aliquando non facile poſſis. quod ſi facies; fructus apparebit ſtudiorum tuorum; & Georgij fratrem agnoſcemus; cuius ingenium, ac mirificam prudentiam oratio illa, luculenter in primis a te ſcripta, declarat. Vale.

I A X A 3 I 1 Patauium T M E N V A 47  
 PERCVSSIST I me de Mariano Lezentio:  
 quid ais? optimus adolescens, maiorum nobilitate,  
 sua uirtute clarus omnibus animi, corporis, fortunæ bo-  
 nis ornatus, ereptus repente nobis est? o miseram huma-  
 nae uitae condicionem! quid ames, cum omnia fluere,  
 ac labi, nihil intra orbem Lunae firmū esse, nihil idem  
 a mane ad uesperam, quotidie cernas? quæ te arbitra-  
 bar antea cognouisse in sermonibus Reginaldi Poli Car-  
 dinalis, et Aloisij Prioli, quibus probiores, aut sapiētio-  
 res uiros nō modo nostra, sed nec superior aetas tulit:  
 nunc quādo te biduū scribis lacrumādo cōsumpsisse,  
 profecto tibi exciderūt illa praeclara de cōceptu mor-  
 tis, quibus in illo diuino contubernio, in illo plane caele-  
 stium animorum coetu aures tuæ saepissime persona-  
 bant. Quod si, quid doleas, cogitabis, aut quid dolendo  
 proficias; non dubito quin istum luctum abstergas, &  
 Lezentio nostro etiam gratuleris, quod inspecto Hiero-  
 solymae summi Dei monumēto, quo illum, dissuadenti-  
 bus amicis pietas, & religio duxerat, statim ad eiusdē  
 Dei conspectū praeditus optima mente, purus ab omni  
 labe, in caelum euolarit. quod qui optant, sapientes; qui  
 adipiscuntur, felices iure ducuntur. Haec tibi a me  
 pauca pro nostra necessitudine consolationis loco dicta  
 si attendes, uim habere maximam senties, & eā dolori  
 tuo medicinā, quam dies aliquando afferet, ratione re-  
 praesentabis. quod cum omnes deceat, tum uero ab ex-  
 cultis doctrina uiris, quem te ad numerum aggrega-  
 mus praecipue postulat. Vale. Venetijs.

LAURENTIO GAMBARAE,  
Ciliuerge. 48

CILIVERGE numquam uideram. amabā ta-  
men, amoenitate sua incundissimum, domino honestissi-  
mum, Lanterio Appiano, praestanti uiro non humani-  
tate minus, quam eloquentia: nunc & elegantia uillae  
ut in tabula pictam, in tuis uersibus uidi; & meherculi  
non mediocri eius uisendae, atque etiam tecum fruendae  
studio sum incensus. quod si quādo cōtigerit, digito cae-  
lum attingam. quid enim isto otio beatius? quae species  
urbis, quae dignitas cū ista rusticatione, cū ista surgen-  
tium uirgultorum siluula conferri possit (equidem, cum  
te mihi ante oculos pono, modo inter angustis distincta  
semitis fructeta decliui colle spatiantē, modo arborū  
proceritatem, atque ordinem in uiridario mirantem, ea-  
dē paene uoluptate absens tecum fruor. cōiungit enim  
animos nostros mutua beneuolētia; nec est aut tibi quid-  
quam sine me, aut mihi sine te incundū. gratulor tamē  
tibi potius, quam mihi, & istos Ciliuergenses dies ita  
multorum annorū instar esse puto, si modo nec otiosus  
in otio, nec in solitudine solus es. id autē qua ratione cō-  
sequi possis, opinor me tacente intelligis. Patavi dum  
eras, habebas in manibus egregiū illud poema de no-  
uis insulis a Columbo inuentis: cuius ego cū exordium  
multis praesentibus, legissem, admiratus grauitatē, &  
elegantia carminis, exclamaui, Cedite Romani. in quo,  
adhuc, qui a me dissentiret, inueni neminem. quo magis  
te hortor, quam quā, ut spero, currentē, ut approperes,  
habeasq.

habeasq. rationem non expectationis modo nostrae, ne-  
rum etiā gloriae tuae, cuius habes a natura praeclarū  
seminarium, quod etiā studio excolis, ingenium tuum.  
Urge igitur, nec institutū dimitte, quodq. adhuc huma-  
nissime fecisti, in eo perge, ut nostrum tui absentis desi-  
derium litteris aliquando lenias. Vale. Patauij.

**L A Z A R O B O N A M I C O,**

**Patauium.**

**E**GO uero & audiui de tuo casu, & tuam uicem  
mirifice, neque minus publicam dolui; ueritus n. sunt,  
ne tecum simul litterae concidissent: nunc, quando te  
iam ambulare scribis, ita tamē, ut seipione utaris; gau-  
deo, eoq. magis, quod in ista aetate morbi diuturnitate  
pertinueram: sed, quia nō plane animū meum libera-  
a cura, cū pristinas uires nondum recuperaueris, rogo  
te, Bonamice, quanti optima studia facis, quae tibi fa-  
ciēda sunt plurimi, quādoquidē ab ijs tuae laudes ema-  
narunt; tantum adhibe in te curando diligentiam. uides  
enim, neminē scire esse, qui, si quid tibi acciderit huma-  
nitus, rudē barbariem a Latinae linguae finibus arcere  
possit. Plautum a me emēdatum, quem a me petis, da-  
bo operam, ut cum his ad te litteris mittam: sed, ut eū  
in multiplici meorum librorum cōgerie statim reperirā  
sperare uix audeo. Ego, ut scis, hanc satis grauē prouin-  
ciam suscepi. tenui cōdicionē, inquires. fateor; sed ne tua  
quidem, si tuarum uirtutum merita spectentur, satis  
opima. quid agas? his temporibus anguste uirtus ha-

bitat. bene tamen de suis ciuibus mereri, praeclarum est. Vale. Kenetijs.

GVLIELMO. PACCIO,  
Patavium.

SILENTII mei, quo tecum diu satis usus sum, non exponam hic tibi causam pluribus uerbis: ne si id faciam, uideat & tibi ipse, qui nihil adhuc ad me scripsisti, eandem quasi legem imponere: ita que hanc partem praetermittam: in qua si peccatum est, utriusque certe est: ego autem spero me posthac, & beneuolentiam tibi meam, & diligentiam hoc genere officij probaturum modo ne litteras elegantes, quales uidelicet Patavi, a summis ingetijs elaboratae, tibi ostenduntur, a me expectes, ita scribam, non modo, ut quod in mentem, sed plane quidquid in buccam uenerit, in epistolam conijciam, non enim is sum, qui unumquodque uerbum ad trutinam, ut dicitur, reuocare uel soleam, uel possim. aliorum ista superstitio sit, mea quidem non erit, praesertim in epistolis: quae si, ut ait ille, nihil habent simile neque iudicio, neque concioni: quid refert, utrum dictoraeo conclusus, an aliter, uerborum ambitus insit? Splendidior, inquit, nec paullo aptior ad mouendum si numerosus desiderat, oratio uidetur. Recte nec ego secus existimo: uerum, quem tu tanti facis, eum ego magistrum sequor. quid igitur ille? EPISTOLAE. NO-  
STRAE. DEBENT. INTERDUM. ALLVCINARI.  
nempe, quod ijs negligentia quaedam, cum ad familiares scribitur, etiam ornamento sit. Ita igitur te-  
cum



sum agam, ut si essemus una; & quemadmodum prae-  
 sētes quacūque de re sermones familiariter serere sole-  
 mus: sic in scribendo, nulla certa proposita sentētia, li-  
 bertatē illam, & quasi negligentiam imitabor: quod si  
 reprehenderis, tacitū non feres. praestat enim male scri-  
 bere, quam omnino, quod a te fieri uideo, nihil scribere:  
 cum hoc uoluntatis fortasse uitiū sit, illud ingenij, quod  
 ipsi nobis fingere non possumus. Vale. Venetijs.  
 DXXXIII, pridie id. Iun. qui mihi primus dies  
 est anni. XXI.

PAULO MAGNULO,

Patauium.

CVM me uides praeter institutum meum litteras  
 ad te non tam saepe, quam solebam, mittere, nimirum,  
 etiam me tacente, quam sim occupatus, intelligis. Ter-  
 nas te dedisse scribis. omnes accepi: nihil amabilius: his  
 autem recentioribus etiam nihil elegantius. sic. n. cen-  
 seo, recte eum, & Latine scribere, nō qui pauca multis,  
 sed qui multa paucis. quo ego in genere aliquādo posse  
 cupio, tu, ut uideo, iam potes. tribus. n. uersiculis quid  
 non complecteris? tuam narras in scribendo diligentia,  
 meam obuiogas negligentiam: de meorum librorum in-  
 stauracione recte me admones, de tuorum uenditione  
 aperte. denique otiosi nihil est: sentētia numero prope,  
 quot uerba: ut mihi, quemadmodū promiseras, argumē-  
 tū satis superq. dederis. Sed meae cessationis causa  
 ut dixi, conijcis ipse per te, libros autem meos, prope  
 adest, cum editurus sum: de tuis egi diligenter, & ago si

quaeris, quid profecerim: nihil adhuc: sed spem nō abieci. quamquam incredibile est, quam difficile sit ab istis pecuniam exprimere. quem euentum res habitura sit, ignoro: a me nihil omittitur, quo minus, & ex sententia conficiatur, & quam citissime. Vale. Venetijs.

E I D E M, Patavium.

52

PVTASTI fore, ut ego te abeuntem litteris prosequerer? non tu id quidem umquam. conuenerat enim, ut argumentum a te expectarem. argumentū igitur potest expectare meus in te amor? quo nihil uberius nec est, nec umquā fuit. itaque statim, ubi tu profectus es, cū me repētina quaedā uolūtas excitasset, arripui calamū, neque sum ueritus, ut me scribentē sententia deficeret. hui, quā multa iam nunc mihi ueniunt in mentē. sunt, quae possim scribere, leuitates amatoriae. quorsum, inquis? mecum habebo: neque tibi, neque cuiquam edam. nolo enim parcere amicitiae, qua mihi sunt cōiūcti. Et, qui tā suauiter, ut ipsi putant, uiuunt: ut ego sentio, delirant, sunt itē eximia quaedam, et militaria munera populo data, taurorum uenationes, saltatorū lusus, personatorum ineptiae. quid quaeris? sexcenta: quae mihi, & beneuolentia nostra suppeditat, & familiaritas permittit, ut scribam. quia tamen leuiores sunt, omitto, ne grauem philosophum offendam. Porro, de meis rebus quod expectes, nihil est. mutationem nullam fecerunt a discessu tuo. De te, quae scire uelim haec sunt, quo modo te redeuntem amici illi tui, libri scilicet, acceperint, nūc eo ipso die ad eorum consuetudinem.

tudinem te dederis; an potius, dū hae bacchationes deseruescant, in hortis cum Epicuro, quam in gymnasio cum Aristotele, uelis uiuere. Et, cum haec scripseris, adde uerbum, si me amas, de pugiunculo illo tuo: quo ego te impeditum, & alligatum ense, cum uidi discedere, non tenui risum, ac uolui pun gere, te dicto; sed ueritus sum, ne tu rustice me gladio. Epistolam habes iocationis plenam, qua te esse delectatum cognouero. si miseris ipse meliorem. Vale.

E I D E M, Patauium. 53

NON facile dixerim plus ne uoluptatis, an doloris ex epistola tua suscepim. est enim mihi gratissimū cum & me a te amari, & te amore in te meo delectari prospicio. ex quo fit, ut litteras tuas, beneuolentiae plenissimas, & officij, incandissime legā. Cum uero te uel angui uideo, uel aliqd triste cogitare; sic afficior, ut acerbissime uiuam, sed utinam, quanti ego consilium tuum semper feci, tātū item ipse meū fecisses. profecto in has molestias, in quibus hodie uersaris, non incidisses. At, inquires, illa perpeti malū erat. Malū, nisi, istos ferre longe peius sit: quorum quidem iniurias tum ex eorum, qui istinc ueniūt, sermonibus, tum ex litteris tuis facile cognoui. Quae quo magis intolerabilia sunt, eo clarius tuae prudentiae lumen ostendas oportet: neque cōmittas, ut inuidorū maleuolorumq. peruersitas plus apud te, quam exsimationis tuae ratio, ualuisse uideatur. Quamquam ego, cū haec scribebam, satis intelligebā quis ad quem: sed amor cū meū, qui tibi praesenti per spectis-

speciſſimus fuiſſet, etiam apud abſentē, quoquo modo  
 licuit reſtatum eſſe. cupiebam. Atque hoc loco mihi ue-  
 niunt in mentem, quae tibi proficiſcenti futura praedi-  
 xerim. quae ego, nō aliquam ſomniorum imaginem, aut  
 alitis tantum ſecutus, augurabar: ſed, quod iſtiusmodi  
 hominum naturae plus etiam, quam uellem, explora-  
 tae mihi erant, iccirco, ne illa acciderent, quae nūc eue-  
 niſſe audio, timebam. Sed ueris, ut ſpero, fortitudine  
 animi tui: & quae iniqui ad ignominiam tuam commi-  
 niſcuntur, ita ſeres, ut non ſolum in uetere optimorum  
 ſtudiorum curſu, fractus animo, ne conſiſtis, ſed uehe-  
 mentius etiam uerae gloriae cupiditate incitatus, pro-  
 poſitum tibi decus aſſequare. Me in omni fortuna tui  
 amantiſſimū, tuaeq. laudis fautorē, atque adeo, quan-  
 tum in me erit, amplificatorē habebis. Vale. Venetijs.

---

SEBASTIANO. LEONI,

CORDVBENSIS,

Romam

54

ROMAE te nunc eſſe, in ea urbe, ubi multorum  
 amorē, ac ſtudiū tua tibi iam antea uirtus peperit, tā-  
 tū abeſt, ut doleam, ut etiam ſumme gratuler. nec enim  
 dubito, quin ſedem ſtudijs tuis non modo cōmodam, ue-  
 rum etiam honorificā, adnitentibus amicis tuis, facilli-  
 me cōſequaris. Me quoque, ut ille inquit, miram deſide-  
 rium tenet urbis: uerum aduerſantur multa: quae ſi  
 Deus aliquando ſuſtulerit, accurrā ſtatim ad uos, ea  
 ſpe, ut in ueſtra beneuolentia, in cōſuetudine, ac ſerme-  
 ne

ne conquiescam. Saluta interim amicos; Octavianum no-  
strum, Sirlatum, Cyllium, Phaerum. nam Episcopum  
Allifanum abesse audio. Nicolaus Nathanaellus, egre-  
gie moratus adolescens, magnos in Latinistictis pœs-  
sus a discessu tuo fecit: is cum mihi per se carus est, tum  
eo magis, quod de te saepe loquitur amantissime, tuamq.  
erga se, patremq. suum, insigni probitate, atque doctrina  
virum, perpetua benignitate sic in ore habet, ut in eius  
memoriam namquam sinat intermitteri. Vale. Venetijs.

SILVESTRO ALDO-  
BRANDINO.

IN. IIS litteris, quas ad Angelum nostrum XVI.  
Kal. Sext. dedisti, ualde mihi scripta urbane uisa est il-  
la pars, in qua nescio quid de me per locum, sed cum qua-  
dam tamen amoris nota significasti. gaudeo, me tibi us-  
que eo esse familiarem, ut etiam facetijs lacescas: quo in  
genere si perges, gratiam referemus: ne tu homo ingenio-  
sus nos tardiores impune commoueris. mihi cum amico  
tuo recte conuenit. doctum hominem cognoui, bonum ui-  
rum esse audio. haec cum sunt in hominibus Transalpinis  
amorem conciliant: quanto magis in nostris? At in lit-  
teris, aliquando dissensimus. ego uero non nihil etiam a  
parente meo: neque tamen parentis manibus eam, quam  
debeo, pietatem minus praesto. opinionum enim dissimi-  
litudo tantum abest a similitudine, ut saepissime, non modo  
qui sententia discrepant, in amore consentiant, sed etiam  
qui similitudinem exercet, iudicio congruant. Quare amoue

istam

istam ex animo tuo suspicionem; meq. cum illo ita crede esse reconciliatum, ut posthac ab eo, etiam si dissentendi causa sit, dissentire tamen nolim. Hic, ut in tantis caloribus, non iniucunde uiuimus: urbis mirifica elegantia: caeli summa salubritas: si quando aestus maior est, quam ut ferre possimus, confugimus ad aquas; innixi utribus inflatis, remoto loco, nos inter nos ludibundi flumina perambulamus. quid quaeris? si te haberemus, ad summam uoluptatem nihil deerat. sed animus tamen meus, quem tu, credo, cantionibus quibusdam tibi addixisti, peruolat magna spatia terrarum, & te insciente, saepe tecum est. itaque non ego prorsus te careo: nam, si minus sermone, adspectu certe tuo fruor, dum de te cogito. quod si aliquando contigerit ut etiam sermone possim; nae ego colloctionum nostrarum fructum interuallo temporis amissum, ita repetam, ut ne studijs quidem parcam tuis. in quibus audio te post nostrum discessum magna quaedam effecisse. Caput etiam illud litterarum tuarum Cardinalis Accoltus mihi ostendit: in quo ita scriptum est, paginas 10 circiter octingentas iam impleuisse commentationibus ijs, quas in Pandectarum libros texis. puto magni laboris esse, magnaeq. difficultatis: sed, si considerabis quae tibi praemia proposita sint; uinces omnia. petis immortalitatem; quam multi sequuntur, tu iam paene manibus apprehensam tenes. Vale.



253  
EPISTOLARVM  
PAVLLI. MANVTII  
LIBER. QVINTVS.

Scripturam hanc, liberalium disciplinae  
nomine.

P I O . I V . P O N T I F I C E ,  
C R E A T O .

**C**VM tibi, Pontifex optime, ad istam digni-  
tatem nuper diuinitus elato, qua sublimius  
ant. praestantius inter homines nihil est,  
mortales quamplurimi, alij absentes litte-  
ris & nuncijs, alij coram uultu & uerbis gratuletur:  
non dubitamus, quin nos quoque, altrices tuas, in maxi-  
mo gratulantium numero ad tuos sanctissimos pedes offi-  
cioso pietas, excipias, & eo benignius, quod alij, quia  
peruenisti ad eum finem, infra quem ceteri fines sunt, gra-  
tulantur; nos autem, quia scilicet, ut peruenire posses, ip-  
sae perfecimus. Non est ad gloriam lata quaedam, et  
communis uia. per angusta fuit semita, paucorumque nota-  
ta uestigijs, qua ierunt & heroes illi ueteres, in Chri-  
stiana militia fortissimi uiri; et maxime quidem omnium  
patrum nostrorum memoria; Pius ille Pontifex, cuius  
tu nomen, in eadem sede merito collocatus, & cum no-  
mine uirtutem refers. in istam olim semitam, ferentem  
ad aeternum decus, noster puerum ad huc, sed puerum  
praeclara

praecleara cupientem, manu prehensum duximus: ne-  
 ue quis te error auertere, ne qua morari posset offensus,  
 cupide procedenti quasi lumen praetulimus: confe-  
 ctum iam iter est: ultra, quo progrediaris, non habes.  
 inter te, & opificem aeternum, cuius ministrae nos  
 sumus, nulla iam interiacent humana. quare, quo-  
 niam eo te perduximus, quo sine nobis peruenire feli-  
 citatis non est; & quando de longa uia ita fessus esse  
 intelligis, ut consistere uix possimus; redde praemium  
 bene merentibus; & permitte nobis, ut in tua benefi-  
 centia nixae conquiescamus. nam, si tibi Deus Opt.  
 Max. hoc elargitus est, ut in omni tua uita, praeter  
 rectum & honestum, nihil spectares: quis te laudabi-  
 liter antea cogitasse probauerit, nisi nunc, cum est ad  
 uoluntatem adiuncta facultas, id ipsum, quod cogita-  
 sti, re perficias? si te ambitio delectaret, proponere-  
 mus illa mania, quibus ij, qui ex hominum sermoni-  
 bus pendent, excitari solent: fore, si nos iacentes ere-  
 xeris, ut orbem terrarum tui nominis fama peruage-  
 tur: ut oratorum & poetarum de te praedicantium  
 uocibus aures tuae personent: denique, ut imaginem  
 tuarum uirtutum, aeternis excellentium uirorum scri-  
 ptis expressam, ipsa posteritas intuens, cupiat imita-  
 ri. speciosa ista uidentur: & sunt omnino: sed a splen-  
 dore tamen uerae laudis absunt: nam, recte facere,  
 non ex ijs, quae consequuntur, sed ipsum per se sapien-  
 tibus uiris amabile uidetur. qui cum innocenter san-  
 cteque uiuunt; minime illi quidem de praemijs cogitant;  
 ne probitas mercenaria uideatur; aut, si cogitant, non  
 ad haec humana, quae sunt locorum & temporum

angustijs

angustijs sane terminis circumscripta, oculos demittunt; sed ad illa diuina suspicientes, beatam immortalēq. uitam, & expectant unam, & unam expetendam esse persuasum habent. hoc tu semper institutum probasti: probauit Paulus ille x. i. omnium saeculorum memoria celebrandus: qui de humano genere uel hoc potissimum nomine optime meritus existimatur, quia in suo Pontificatu effecit, ut tu Pontifex esse posses: probarunt, hodieq. probent sodales olim aliquot tui: quorum alij, non, ut uulgo uocantur, mortui, sed, ut sapientes proprie loquuntur, mortali uita liberati, nunc incolae caeli, Deoq. fruentes, non tam quia te Pontificem intuentur, gaudent, quam quia facturum ea prospiciunt, quae sunt optimo Pontifice dignissima: alij uero, nondum sane ab hac terrestri materia discreti, aut simplicem naturam affecuti, sed ita tamen in terris commorantes, ut bonitate simplices animos referant, non dubitamus, quin tibi nostram causam unanimes commendent; & eo studiosius, quod, & ipsi alumni nostri cum sint, officio non solum laudabili, uerum etiam debito fungentur. satis iam exagitatae, satis inopiam & solitudinem passae, ab omnibus fere Principibus neglectae, supplices ad te confugimus: quid petentes? honestum otium. a quo petentes? a Pio Pontifice. Pius ne ille noster, cuius animum ac mentem saluberrimis praeceptis ad omnem laudem conformauimus, atque effinximus; cui comites in omni aetate, atque in omni fortuna non solum iucunde, sed etiam perhonorifice fuimus; qui ut hoc tempore plus, quam omnes homines, prodesse nobis

nobis unus possit, id ipsum a nobis habet; is ne nos, aliquam tanti beneficii gratiam reponentes, ab sese reijciet? non hoc illius natura, non doctrina, non consuetudo feret: sint sane mutabiles eorum animi, neque satis in colenda uirtute sibi consistent: fit enim saepe, ut uoluntates simul cum fortuna commutentur: in te, Pontifex optime, non cadit huius inconstantiae suspicio; tua est bene agendi perpetuitas: nihil in uita tua uarium, nihil flexibile, nihil mistum cognouimus, semper idem tibi, semper directum quiddam placuit: & simplex non te rerum humanarum ficta & fucata forma, non illae, quibus plerique falluntur, insidiosae uoluptatum illecebrae ceperunt non tu in tabula picta, inani colorum specie captus, oculis immobilibus haesisti. non sericam uestem, non argenteum uas, non aurata lecta paullo cupidinis adspexisti. denique; ne singula persequamur; cum plerique hominum siue gratia, siue metu ab officio deducantur: nunquam te uel ita gratia delinuit, uel ita metus deterruit, ut pietatem religionemque desereres. quid mirum? uirtutum radices non ita leuiter bonorum in animis inhaerent, ut eas euellere, aut commodi spes, aut periculi dubitatio possit. quare tuae consuetudinis et constantiae memores non petimus a te, ut aliquid agas nostra causa, quod cum egeris, non consentire cum tuis superioribus factis uideatur: sed id petimus: quod a te non modo ipsa res, sed etiam consuetudo tua postulat: ut in uetere illo tuarum actionum laudabili cursu pergas. quod cum facies, (facturum enim, quia te nouimus, non dubitamus) complecteris nos eodem studio, quo ipsae te aluimus; & in eum locum restituas, unde

vnde nos aduersariae nostrae, inscitia simul, & auaritia, comites perpetuae, detruferunt. Vale.

CAMILLO. PALEOTTO

Bonomam.

EPISTOLA tua, suauiter, & amanter in primis eadēq. elegantissime conscripta, memoriam mihi nostrae consuetudinis, tuaeq. virtutis, et humanitatis, uehementer auxit. nō enim dicam, renouauit: qui te mihi, & ea, quibus omnibus carus es, ex animo numquā excidisse, uere possim affirmare. sic enim uelim existimes, nihil umquā, a quo primum die mihi cognitus es, aut cogitasse me iucundius, aut curasse diligentius, quā ut me tui cupidissimū, tuorumq. officiorum, si non referenda, quod opinor fieri vix posse, habēda tamē gratia memorē, atque gratum agnosceres. quod si sum assecutus, mirifice laetor: sin minus, delector tamē studio meo, & ipsa etiā voluntate mihi, utinam tibi quoq. satisfacio. Equidē, cum illa, quae te video animaduertisse, ad Muretū scripsi, notum ei esse volui iudicium de te meum: ipse vero ut ea aliquando legeres, vel ut omnino quiscquam, fore non putauit. Postea, cum a nonnullis, bonas videlicet horas male collocantibus, describi epistolas meas audirem; veritus, ne quando mendosius etiam impressae, quam a me scriptae, uel negligentiae culpa, vel fortasse etiam improbitatis, (late enim patet hoc vitium) ederentur; collegi quas potui; emissi, non quas probavi maxime, (nam huius generis

R inopia

inopia certe me ab omni prorsus edendi consilio reuocasset, sed quas improbavi minime. ex eo numero fuit ea, quae de te loquitur, uel potius balbutit epistola. nā ea, quae tibi uel natura tribuit, uel adsciuit industria, uix aut mihi liceat, aut ijs etiā, qui plurimum eloquentia ualēt, nō modolitteris familiariter scriptis, sed nec elaborata oratione cōplecti. Quare nō ego, mihi ut agas gratias, expectō, quod te tanquā pictor bonus illustrauerim; sed potius, quod quasi decolorauerim, ut ignoscas, rogo. quod quidē, si te probe noui, impetrabo facile uel a sapientia tua, uel ab humanitate: quarū altera facit, ut ab una totus uirtute pendeas, de sermonibus hominū nō labores; altera, ut nihil umquā a te nō modo amici, & familiares, sed nec alieni frustra petant. Amoris in me tui, licet minime necessaria, periucunda tamen commemoratio fuit. cui quidem amor, uel si absint officia, deberem plurimum: quid putas, cum & accesserint iam merita non uulgaria, quae nulla mihi ex animo dies euellet, & ea tamen alijs cumulare ita studeas, ut in beneficio dando beneficium uidearis accipere? Vel hoc ipsum, quod me tam crebro, tam diligenter, tam amanter Bononiā inuitas, quantam habet significationem beneuolentiae tuae? quae si mihi omnia commoda omniaq. ornāmēta, nihil tamen affēret, mihi crede, se ipsa carius, nihil, quo gaudeā, ac triumphem magis. Ad te uero, quem uidere ita cupio, ut cupiditate etiam tua uehemētius incendar, noli dubitare, quin aduolens, cum primum per anni tempus, & ut spero, per ualerudinem licebit. nam frigore uires imminutas tepor uetinis, & caeli purioris adspēctus restituet. Inter-

rim,



rim, si quid scire uis de tationibus meis, eo loco sunt, uo  
 mihi, in summa animi aequitate, abesse potius multa,  
 quam deesse uideantur. Vigemus amicis: quo nihil op-  
 tabilius, excepta sapientia, & ego existimo, & tu quo-  
 que ut uideo, mecum sentis. Oculis, quibus aegre diu  
 fuit, nunc quidem utor optime, uiribus autem corporis  
 non pessime. reliqua in congressum nostrum reservabo.  
 Vale, & propinquo tuo Francisco Bononietto salutem  
 a me plurimam. Venetijs.

OCTAVIANO FERRARIO

Mediolanum.

AMOR inter nos mutus, meaq. de tua uirtute  
 opinio facit, ut mihi nihil esse committendum putem,  
 quod a tuis consilijs abhorreat: itaque, licet dolorem  
 meum, ex interitu filij susceptum, ualde iam & ratio ip-  
 sa, & communis condicionis recordatio leuaret; uix ta-  
 men credas, quantum profecerint litterae tuae. An  
 ego te non audiam, cum ad animi uocor aequitatem: te  
 inquam, cuius mihi grata semper uoluntas, grauis au-  
 thoritas & fuit, & esse debet: quem dilexi unice a pri-  
 ma adolescentia, quem respondere in amore, ac studio  
 facile perspexi. quod utinam, quam diu seiuncti fuimus,  
 una uiuere licuisset: essem omnino tua consuetudine me-  
 lior, & doctior; tu autem ex officijs meis fortasse ali-  
 quam, ex beneuolentia certe in te mea non dubito, quin  
 maximam uoluptatem, laetitiamq. cepisses. quod quan-  
 do non contigit, iussus essem, pro mea quidem parte, liti-

rarum bono; nisi me non tam occupatio mea, quā tuae  
 valetudinis infirmitas, cui laborē imponi mea caussa  
 nolui, a scribendo retardasset. nunc, si est, ut optime va-  
 leas; quod ut credā, adducor non solum crebritate, ve-  
 rum etiam subtilitate, atque elegantia epistolarū tua-  
 rum; gaudeo: quodq. habes ex animi tui sententia, id ut  
 perenne, propriumq. sit, vehementer cupio. litteris, ut  
 amissi temporis vsura sarciantur, colloquemur interdū.  
 nec deerit argumentum, si tibi placuerit idem, quod mi-  
 hi, *συμφιλολογεῖν* de studijs nostris, quibus vberius nihil  
 est. Atque equidem, (ut a priuatis ad publica diuer-  
 tam.) quando *καθ'ακτὴς* tuus eiusmodi est, ut ab recen-  
 tiorum philosophorum inquinato sermone lōgissime di-  
 stet, auctor tibi sum, ut in scribendo totus haereas. ni-  
 mium diu comprimis ea, quae selecta habes, quae scio  
 quam sunt praeclara, in omni genere doctrinae. ede, &  
 auge vtilitatem nostram cum gloria tua. nam hic liber,  
 qui propediē exhibit, de disciplina encyclicō, studia mul-  
 torum accendet, quibus a te satisfieri aequum est. quā  
 vero in eius libri editione diligentiam exigis, ea prae-  
 stabitur, quatenus licebit. totum enim in vno me po-  
 situm non esse, aut iam scis, aut mihi uelim credas af-  
 firmanti. Vale. Venetijs.

LAEVINO. TORRENTIO,

Leodium.

S. A N E permolestum mihi, pro mea summa erga  
 te beneuolentia, contigit, quod tuorum comitum, ut ais

impor-

in portunitate factū sit, ut veniendi ad nos susceptum  
 antea consiliū deposueris. nihil enim potest esse incun-  
 dius, quā tui suauitatem sermonis, tuamq. mirificam  
 tū humanitatem, tum etiam doctrinā ex interuallo re-  
 gustare. sed huius incommodi molestiam fere absterfit  
 omnē scripta peramanter, atque adeo perelegāter epi-  
 stola tua, quā mihi heri reddidit familiaris meus, idēq.  
 tui studiosissimus, plane iuuenis eruditus, Andreas Sil-  
 rius. Odā verō in Pium Pontificem, quā epistolā ad-  
 iunxeras, ita mihi placuit, nihil ut umquā legerim li-  
 bentius, aequē libēter pauca. omnino, mi Læuine, cum  
 ad omnē excellentiam, tum vero ad hoc scriptorū ge-  
 nus ingenio te natura finxit aptissimo. itaque noscē tua  
 bona, poeticāq. facultatem, si tuae gloriae consultum  
 vis, ne dimitte. Carissimū quo die primum vidi, ut edere-  
 tur, optauī, idq. plane Cauchis adolescētibus cōsilio tuo  
 cōmotis, & communium studiū, & sane ipsorum  
 etiā causā gaudeo. aliquid enim ad eos ex paterna lau-  
 de redundabit, & aperietur sortasse aditus ad gratiam  
 principis viri, misso, ut mos est, libro cū eorum episto-  
 la. putabam fore, ut Romae liber ederet. si Venetijs  
 maluit; nostra, quaecūque est, industria non deerit: qua  
 conditione, et quo tempore, scripsi ad optimum virum,  
 Octauium Pantagathum. De Censorino, et Prudentio  
 mox uidebimus: non enim tā facile, quod praestare non  
 possim, soleo promittere, quam, cum promisi, diligenter  
 praestare. premor autē oneribus multis, quae suslinere  
 cogor in aliquot menses: abijcere si velim, nec honor  
 meus, nec res domestica patietur. Quod reliquū est amo-  
 rem in me tuū capio conserues: quod erit humanitatis.

ego, quod erit officij, te colam diligentissime, de q. ingenio tuo, de doctrina, de probitate quid sentiam, ut ipse aliquando intelligas, quod hic, mihi crede iam intelligunt multi, operam dabo. Vale, & Cauchos fratres, moribus, ac litteris ornatos, meo nomine saluere plurimum iube. Venetijs.

PAETRO MISCOVIO, 5

QVOD a me postulari uidebatur, ut tibi, de studijs meis non pessime existimanti, (sic enim audiebam) per litteras gratias agerem; in eo dedi operam, ne desiderari posset officium meum, atque equidem restitui nonnihil a principio cupiditati meae, veritus, ne pudentis hominis non esset, ista dignitate, ista uirtute uirum, cui nullum a publico munere tempus uacet, appellare litteris: sed meam cunctationem uiri optimi, atque eruditissimi, Andreae Patricij, omnia de humanitate tua pollicentis, discussit oratio. Scripsi igitur ad te, non, ut tibi rescribendi onus imponerem, sed, ut, quoad possem, testificarer observantiam meam. quod si sum assecutus, & si tu, quanti faciam iudicium de me tuum, intelligis: ita laetor, quasi bona omnia contingerint, & cum hac mea uoluptate uix puto uoluptatem ullam posse conferri. Quod autem silentium etiam tuum excusas, & ea commemoras, quae te a scribendo antea retardarunt: hoc equidem et te nunquam exspectavi; a quo libenter legi meas litteras, de quo dubitare mihi non licuit, satis superq. habui: sed quo exspe-

expectari minus, eo scilicet magis agnosco, quae  
 constanti omnium sermone praedicatur, benignitatem  
 tuam. Gratulor autem, ut debeo, uehementer, & te  
 a febre conualuisse, qua laborantem in reditu suo Pa-  
 tricius offendit, & exitiali illa lue provinciam esse libe-  
 ratam. Occupationes tuas puto, & audio grauissimas  
 esse; sed leniores sunt gloriae fructu, quem tu quoti-  
 die percipis, tuis debitum uirtutibus, amplissimum.  
 Porro, quam sit homine dignum, de multis, ac, si  
 fieri possit, de toto hominum genere bene mereri, quid  
 ego te doceam, nihil, quod ad honestum pertineat,  
 ignorantem, quem ita semper ad decus natura impel-  
 lit, ut omnia tamen consilia, omnes actiones ratio, &  
 sapientia moderetur? Quare, istis curis, istis laboribus,  
 quos esse tuae laudis segetem, ac materiam uideo, igno-  
 sce, obsecro, Misconi humanissime, si te sero admodum  
 cupio liberari. nam, quod ad studia litterarum attinet,  
 id est, ad eum animi cultum, unde oritur artium inge-  
 nuarum praeclara cognitio; primum, cum tu habeas  
 iam, quae petuntur a litteris, & cum eloquentia; do-  
 ctrinaq. ex superiorum temporum uigilijs excellas;  
 non intelligo ualde esse, cur labores: deinde, tanti ne  
 putas librorum consuetudinem, aut ullum cum ulla  
 doctrina commercium, quanti difficillimis tempori-  
 bus, in summa bonorum, & sapientum ciuium inopia,  
 requirenti consiliū, operamq. tuam patriae subuenire?  
 quo in munere uersanti, non committam, ut longiore mo-  
 lestus epistola sim: & haec ipsa, fortasse nimis mul-  
 ta, amoris largieris in te meo: cui dum obsequor,  
 teq. alioqui praesentem uideor, obliquis occupationis



tuae, memor humanitatis, prouectus imprudēter sum.  
*Vale. Venetijs.*

## ANDREAE. PATRITIO. 6.

*M. PATRICI*, nō te fugit, morosos esse, qui  
 amāt, quo me uitio laborare nō inficior. ad spētu, & cō-  
 suetudine praesentiu amicorum carere non possum. si  
 absunt, igniculū desiderij ita nō fero, ut litteras ab ijs  
 exigā potius, quam exspectem. hinc illae interdum, va-  
 cuae prorsus iracundia, quae abest a natura mea, amo-  
 ris plenissimae querelae. de quib. audisse te aliqd gau-  
 deo, ut ego quoque in querelā tua mutuā erga me be-  
 neuolētiā, qua nihil habeo carius, agnoscerē, quod equi-  
 dem laetari te quoque arbitror. quae enim humanitas  
 tua est, certe totus abesse nō uis: nec eiusmodi tuum in  
 discessu consiliū videbatur: nec nos, qui te longinquum  
 memoria colimus, diligimus, laudamus, digni uidemur,  
 quibus nullā suauitatis, ingenij q. tui partem restituas.  
 Officium autē in rescribendo meum, non committam,  
 ut desideres; nec desiderari antea passus esē. si litteras  
 tuas, a me vehemēter expetitas, quas misisse te signifi-  
 cas, accepiſsem. Prouocassē etiā mihi crede, pro meo  
 in te singulari studio, si uacassē, et si uicere te ab ijs ne-  
 gocijs existimassē, quorū onera grauissima, vigilātibus  
 et magna praeditis uirtute uiris, id est, tui simillimis, im-  
 poni aequū est. Quod ais, omnia te conferre ad dignita-  
 tē meam idupliciter gaudeo: & quod me ames, (quam-  
 quam hoc antea perspexerā.) & quod id ex officijs er-



game tuis homines intelligant: idq. non mediocriter ad  
 exultationem meā statuo pertinere. Miscouij quidē  
 in beneuolētia, cuius habeo testē, refertā humanitatis,  
 elegantissimā epistolā, scito me omnia ponere, eamq. ut  
 mideo summo hominis beneficio cōsecutus, ita triūpho,  
 quasi nihil iā aduersa uirtutis aduersaria fortuna pos-  
 sit euenire. tibi autē, qui mihi ad amicitia uiri aditū pa-  
 refecisti, gratias tuo fortasse merito pares habere pos-  
 sum, & habeo sane quā maximas, referre certe nullo  
 mō. possum, ac ne agere quidē: qđ tamē humanitas tua  
 nō ferret, et, si ferret, q̄ mihi umquā uerba, ab intimo li-  
 cet artificio de prompta, satisfacerent? Vale. Venetijs.

STANISLAO. FOGELVETRIO,

Patauium.

7

ME quoq. torquet expectatio\* litterarum; de quo  
 mihi, me quidem inuito, tamen aduersa quaedā amor  
 fingit, nec enim adduci possum, ut oblitū nostri, aut pa-  
 rum incolēdo officio diligentē existimem: qui & huma-  
 nitate omnes uincat, & quaternas iā a me litteras ac-  
 ceperit. utinā ualeat, atq. in illis negotiorum fluctibus  
 utatur, secundis uentis, reliqua feremus facile, eademq.  
 absenti beneuolētia ppetuo praeſtabitur. Cum litteras  
 Italicas meas ad te misi, nihil scripsi, ne tibi rescribēdi,  
 praesertim de re minima, onus imponerē. ac tu, gratia-  
 rum actione nō contentus, etiam me laudandum puta-  
 sti, & ijs quidem uerbis, nihil ut esse possit illustrius. in  
 quo probaui uehementer elegantia ingenij tui: in indi-  
 cio,

cio, nisi me ipse diligā, desiderare aliquid cogor. aliquid autem? plane hoc totū, mi Fogeluetri, humanitati tuae tribuo: de qua tamen ipsa valde te amo; ac uelim existā-  
 mes, te mihi haerere in animo tū tua sane causa, cui ne-  
 minem probitate, ingenio, studio bonarū artium antepo-  
 no, tum quod in uno te nonnullam Patricij, ac etiam  
 imaginem uideor agnoscere. idq. tibi aliquando fortasse,  
 Minerva, ut spero, non inuita probabo. Vale. Venerijs.

## DIONYSIO . LAMBINO 8.

NOLI existinare, mi Lambine, cum fructu con-  
 suetudinis tuae carcam, quidquā mihi tuis epistolis es-  
 se incundius. facit hoc sane qui mutus inter nos amor  
 est, ortus a meo de tuis virtutibus iudicio, tua vero de  
 meis ad eandē laudem conatibus opinione fortasse non  
 nulla: sed scriptorum etiam tuorum subtilitate, & ele-  
 gantia mirifice delector. uel haec, quā accepi idibus Iu-  
 nij, raptim a te, ut uideo, exarata epistola, quā loquitur  
 pure, quam nullis illustrata pigmentis, nullo, ut tu scri-  
 bis, fūco, tamen nitet. itaque nihil umquam legi liben-  
 tius. Quaesieram autem per litteras a sororis meae fi-  
 lio, Iulio Catone, ecquid parturiret ingenium tuum, nō  
 tam, ut meae, quae summa est, quam ut eorum, qui ad  
 me adeūt, quotidie, cupiditati satisfacere. scito enim,  
 admirabilem hic esse quādam de studijs tuis opinionē,  
 cum e sermonibus meis, eximia saepe tua cū laude ha-  
 bitis, tum uero ex illa praestanti industria, quam in cō-  
 uertēdis Aristotelis de morali philosophia libris ita col-  
 locasti,

locasti, non modo ut eorum, de quibus diu bona homi-  
 nū existimatio fuit, errata patefaceres, sed ut ipse ma-  
 ximam & iudicij, & mihi quidem ut uidetur, quae a  
 cum Graecis diligentissime contuli, eloquentiae laudem  
 ferres. quod a te institutum retineri, & eandem ope-  
 ram ad reliqua conferri, si quis est, qui ualde cupiat, ac  
 te etiam tacita saepe cogitatione hortetur, is ego sum.  
 Publica, fateor, me mouet utilitas, cui te uideo Grae-  
 cae, ac Latinae linguae peritissimum, praeterea instru-  
 ctum ijs artibus, a quibus perfecta intelligendi, ac iudi-  
 candi ratio manat, unum in primis posse consulere; sed  
 mehercule etiam gloriae tuae pro amicitia nostra uehe-  
 menter faueo. uides enim profecto, (quid enim, quod  
 ego uideam, tu non perspicis?) paucos omnino ex ijs,  
 qui populari fama celebrantur, sine exceptione posse  
 laudari, & hac tanta quotidie excurrentium librorum co-  
 pia impediri potius, quam adiuuari studia nostra. quare  
 suscipe onus pro tua parte. neruos nouimus industriae  
 tuae; quod si contendere uolueris, nihil est, quod susti-  
 nere, ac perferre non possis. Nam de Lucretio. suadeo  
 equidem, ut absoluas; poeta est egregius, uel Cicero-  
 nis nostri testimonio; & in eo maximam a multis, nec  
 a me ipso minimam gratiam inibis: sed uoco te liben-  
 tius ad illa praestantiora: nec tu meū consilium, atque  
 etiam Studium, si modo tibi, aut sapere aliquid, aut uel-  
 le tua causa uideor, debes in tua laude contemnere.  
 Si nauigatis in Galliam, quod a te scriptum confirmat  
 multi, opto uobis facilem cursum, & secunda omnia;  
 te quoque rogo, nisi me ineptum esse censes, & nimis impu-  
 denter petere, ut Cardinali Turnonio, Principi sapien-  
 tissimo,

tissimo, optimarum artium patrono, me in gratiam ponas, quem hic honoris gratia salutare, cum maxime uellem per inualetudinem numquam licuit. Sigonius, plane, ut ais, uir doctissimus, addas licet humanissimus, cui tu in transuerso litterarum tuarum uersiculo salutem adscripsisti, ualde gaudet, amari se, ac laudari a te, de quo ipse honorifice in primis loquitur, & sentit. is te resalutat amantissime, euntiq. in Galliam, incolumitatem, & reditum precatur. Vale. Venetijs.

I V L I O P O G I A N O,

Romam.

QUAM libenter, & quam saepe de te cogitè, Pogiane doctissime, conscius ipse mihi sum: mea uero quae sit, ac fuerit semper, ubi temporis ratio tulit, de tuis uirtutibus oratio, cum honestos, & graues uiros, ijs, quibus ipse excellis, doctrinis excultos, habeam testes, non conabor tibi litteris exponere. nec tamen amoris erga te meo, quem fateor impetrare a me posse omnia, tribuere quidquam in te laudando uelim existimes. tua me scripta, in quibus excellentem quandam eloquentiae praestantiam elucere uidi, maxime uero praeclara illa pro illustri Rhodiorum Equitum societate ad Pontificem habita oratio, quam efferre laudibus numquam desino, in hanc sententiam facile perduxit. Accedit humanitas, probitas, opinio de me tua, nec ea significata obscure, sed aeternis ingenij tui testata, atque expressa monumentis: ut, si nihil ipse, cōtra quam adhuc laborani,

laboravi, memoria dignum praestem, me tamen ex testimonio tuo posteritas ignorare non possit; sin aliquid a me sum, tibi tamen debeam plurimum, cuius ad eam, quaecunque de me est, existimationem accedat auctoritas. quod si te antea, naturali quadam animi mei propensione, & communi erga omnes, qui optimis in artibus cum laude versantur, officio, non mediocriter diligebam nunc, propria ei addatur in me merita, nisi totus amore flagrem, ac studio tui, nisi, quam excelso in loco sitam uideo, illustrari etiam magis omnium praeconijs tuam laudem exoptem, malam referre gratiam litteris ijs, quarum consuetudine ad humanitatem excolimur, & omnino hominem ex homine uidear exfuere. quamquam, mi Pogiane, non ita mei dissimilis esse possum ut agnoscam ea, quae tu in illa omnium elegantissima epistola, ad eximiae tum indolis, tum etiam uirtutis adolescentem Octavianum Magium proxime scripta uerbis amplissimis in me contulisti: scilicet ego in eloquentia magnus, quis, & qua in arte? illa quidem, ut res indicat, omnium difficillima; ipse autem rix mediocri instructus ingenio, otio certe, sine quo ne summis quidem ingenijs ualde proficitur, numquam abundas, aduersa etiam per annos multos modo uoletudine, modo fortuna uexatus. sed absuerit, nihil eorum, quae laudem in aliena lingua cupientibus requiruntur: me tamen uobis, cui Romae in ista luce, summa omnium uirtutum ingeniorumq. praestantia uiuitis, qui pedem quotidie ponitis in uestigia clarissimorum uirorum, qui spiritum ducitis e Romano illo caelo, seminibus eloquentiae referto, anteponendum esse numquam duxi:

duxi; fortasse, ut comparari aliquando possem, operam dedi. sed hoc quidem nondum contigit, ad uereor, ut contingat umquam. me enim in hoc studio, quo mirifice delectabar adolescens, rei familiaris occupatio non sinit esse diligentem. aetas etiam nescio quo modo gloriae cupiditatem, si qua fuit in nobis, uidetur exstinguere: qua sublata, non minimum languescit industria. Contra uobis, ab omni cura expeditis, tibi praesertim, non aetate minus, quam ingenio, florenti, quotidianum esse cum libris usum, & cum omni liberali doctrina, non ignoro. Quanti uero illud est, quo quidem nos caremus, locorum admonitu excitari ad deos? quanti etiam illud, haurire aliquid posse omnibus horis ex tuo sermone, praecipue uero ex perennibus illis, uberimisq. optimarum scientiarum fontibus, Octauio Pantagatho, & Gulielmo Sirletto, familiarissimis tuis, a quibus, ut opinor, aequè diligimur; sed aequè tamen eorum doctrina frui per interualla locorum mihi non licet. itaque tot, ac tantis, quae suppetunt uobis, destitutus adiumentis, tantum abest, ut gloriosi palmam certaminis audeam sperare, ut hastas etiam nō inuitus abijciam; qui praesertim facile futurum intelligam, ut ad te, quem plane in oculis fero, & a quo mutuam mihi tribui uolūtatem libenter credo, primae partes in cognitione, & usu Romanae linguae omnium iudicio deferantur. Quare primū illud te rogo, ne mihi tua praedicatione, quae tota, ut ego interpretor, ab amore proficiscitur, plus oneris imponas, quam mea sustinere possit infirmitas; existimesq. non minus me moleste ferre, si quando mihi falsa laus affingitur, quam non-  
nullos,



nullos, cum uera detrahitur: deinde, si ego abs te in mea laude dissentio, ne propterea meum in tua iudiciū improbes; quod, ne si quidem ipse prorsus a me dissentiās, immutare, cum multis iam patefecerim, aut uelim, aut possim. Vale, & Sirletto nostro, ac Pantagatho meo, uel potius utrique nostro, dic salutem meis uerbis plurimam. Venetijs.

HORATIO. VRSINO,

Romam.

10

VT uideo, Magius, amores utriusque nostrum, optimus adolescēs, nec litteris tātum sed humanitate etiā perpolitus, exquisitum ad conglutinandas amicitias tenet artificium. nam ille me primū, iam antea commotum ea fama, quae de tuis laudibus percubuerat, suo testimonio uehemēter in tui beneuolentiam impulit: deinde, ut integrū officiū sui fructum ferret, te quoque de meo erga te studio litteris admonēdū putauit. quod et si praeter opinionē meam potius, quam contra uoluntatem, factum esse confiteor: tamen eo mihi nomine abs te gratias agi moleste ferrem, nisi epistola tua, distincta luminibus ingenij, index amoris in me tui, quo equidē antiquius habeo nihil, omnes animi mei partes ea uoluptate perfunderet, ut molestiae locus esse non possit. aderat, cum eam attulit Magius, legitq. me concedente, semel & iterum Carolus Sigonius; qui quantum iudicio, & eloquentia ualeat, neque tu, nec, ut opinor, iam ignorat quisquam. is ornauit ingenium tuū diuinis laudibus

dibus, me prorsus assentiente: nam quid, Magio, dicam? qui te, qualem ipse antea in omni sermone praedicauerat, talem nobis videri, mirabiliter ob eximiam in te beneuolentiam, fortasse etiam iudicii sui causa, lactabatur. Nimirum habet hoc nobilitas, ut quaecumque se in partem dederit, insigne quiddam praestet. sed, quo libetius de spatio curriculoque, maiorum plerique defleunt, eo praestantior apud omnes homines & gloriam, & gratiam, si qui cursum tenent, assequuntur, quod tibi gaudeo contigisse: qui cum multis tum naturae, tum fortunae donis abundares, natus in ciuitate, orbis terrarum olim domina, nunc religionis, pietatis, iustitiae domicilio, ortus ex ea familia, cuius nomen praecclaris partu & studiis, & factis multis iam saeculis per omnes gentes fama disseminauit: tamen, quasi haec ad te non pertineant, id agis, ut una te nobilitet virtus, & quantum honestatis a maioribus tuis accepisti, tantum ipse posteris relinquant, quod etsi difficillimum est, praesertim his temporibus, cum aduersentur multa, & ut vides, ad inania quaedam, neglecta solida gloria, mores incubuerint: tamen a te, freti prudentia & ingenio tuo, freti etiam constantia, summa omnia expectamus. Quae porro laudabilior industria, quae cura praestantior, quam quae in animi cultu consumitur? cum scilicet id quaerimus, ne quando impendentem fortunae vim, optimarum artium praesidio muniti, pertimescamus; ne iactemur huc, & illuc, vel cupiditate, vel metu: sed in tantis vitae quasi tempestatibus, tranquillissimo, ac iucundissimo litterarum portu perfruemur? quae qui non uidet, nec de adipiscenda

da uirtute, quae rationis absolutio est, assidue cogitat:  
 nae ille eo ipsa rationis munere, quo uno ceteris praesta-  
 mus animantibus, indignus est. quod quidem semper  
 sensi; licet, quo contendere, non peruenirem. te & sentire  
 idem, & posse consequi quod uis, intelligo. quod si de  
 praemijs cogitas; quae proposita sint, uides, aeternum  
 decus, & bonorum amor; quem debes omnibus rebus  
 antepone: equidem in eo summam felicitatem ab adole-  
 scentia constitui. ex quo quanti faciam amicitiam tuam,  
 quem nemini, aut probitate, aut studio liberalium do-  
 ctrinarum audio concedere, facile potes intelligere: idq.  
 ut re ipsa aliquando experiaris, operam dabo. Vale, &  
 Iulium Poggianum familiarem tuum, praestantem em-  
 ni laude uirum, ac Hieronymum Lippomanum, eximia  
 spe summae uirtutis adulescentem, salutes, rogo, meis  
 uerbis diligenter. Venetijs.

OCTAVIANO. FERRARIO,  
 Mediolanum.

NOLI putare, me tantum amici tui tribuisse, ut adhuc rem ducerem. nam, etsi de illius  
 ingenio, doctrinaq. semper optime sensi, idq. primum  
 litterarum tuarum testimonio, post etiam iudicio  
 meo commotus: tamen de tuo libro ita iudico, nihil fie-  
 ri posse non modo eruditius, in quo meam de studijs  
 tuis opinionem ac quant industria tua, uerum etiam  
 elegantius: quod ab excellentibus in philosophia uiris  
 qualem te iam omnes praedicant, hodie non admodum  
 expectatur. Quid igitur obstitit, cur non aggredere?

causam si quaeris; de qua te, si res pateretur, celatū uellem: pituita, repente cominota, sabis per se molesta, mox etiam, cū tussis accessisset periculosa, morā iniecit: biduum iacui, medico nō admissō, accurata uētus ratione cōtentus in qua tu quantū ponas, ignoro: ego utilissimā ex perior. nunc, quae supersunt morbi reliquiae, do operā, ut eas depellā: quod eadem, ut spero, abstinentia consequar. Filio iam, & domesticis omnibus recte est. Liber tuus, quemadmodum ex paginis, & diebus rationē duco, uideo fore ut idibus Sext. aut plane absolutus ab operarijs nostris, aut inibi sit. itaq. uelim significes, quot ad te eius exēpla, & cui dari uelis. chartā probabis: habet enim amplitudinē, & elegantia: spero itē reliqua. mitterē Io. Antonio, bibliopolae uestro; sed hōmo est, quod inter nos dictū sit; paullo ad rē attentior, quā uellē. nisi remittat aliquid de sua consuetudine, uix puto inter nos posse conuenire. ueruntamen quid ad nos? utamur alio, qui se praebeat aequiorē in transigendo, deinde bonum uirum in fide praestāda. quod totū prudentiae tuae committo. Vale. Venetijs.

E I D E M, Mediolanum. 12

E G O uero nihil minus uolo, quam, nisi uacas, a te responderi. nam, etsi mirifice delector ingenio tuo, cuius imaginē in ijs, quae a te scribuntur, epistolis magna saepe cum animi mei iucunditate contēplor: tamē, ne me putes in ea haerere esse, quae ad se ipsam refert omnia, aliorum causa minimum laborat. cogito ualetudinem tuam: cogito maximā doctrinā studia: amicis, & propin-

propinquis horae dandae sunt: inuitat humanitas, pietas cogit: cur ego te ista uelim deferere tā laudabilia, tamq; necessaria, studiū ut expleas meū crebritate litterarum, quod expleri tamen nullo modo potest? De libro teneo iam quid uelis. Typis, quos probas, & charta, qua uis, utemur. initium fieri ante quam redierit is, qui totā officinae curā sustinet, omnino uix potest. erat autē in Forum Iulij, sui negotij causa, profectus. eius porro diligentiam cum in charta, tū in toto hoc genere utilem, & necessariam esse, saepe sum expertus. quo aequius hoc, quidquid spatij interponitur, uterq; nostris ferre debet. atq; etiam, ne quid celem, paullo etiam conturbatior, aegrot ante filio, quem de tribus unum habeo reliquum. O mi Ferrari, quantā tu debes philosophiae gratiā, quae te a tot curis ad incundissimum uitae genus abduxit. quamquā fortasse hoc melius: & in agendo positā esse uirtutem, ne ut quidem Peripatetici negant: sed haec omitto. In pecuniae permutatione agnosco tuam in me beneuolentiam, paene dixi liberalitatem. quod si arcae meae consultum aeque omnes uellent; quanto mecum ageretur commodius. nunc, mihi crede, secus est, nec me tamen reclamante. Vale. Cruccio, & Caprae salutem plurimam. . . . Venetijs.

---

IO. ANTONIO. TYRONEO, Vrbinum.

SI quisquam est, qui ex aduersa bonorum uirorū fortuna solitudinem capiat; eorumq; mederi studeat

incommodis; eum ego me esse profiteor. sed, cum ad opem ferendam nihil mihi suppetere praeter voluntatem intelligo; sic afficior, ut me ipso miscrius esse nihil putem. quod si antea sensi, certe id in tuo potissimum casu mihi contigisse, nisi uel meam consuetudinem ignoras, vel ignorari a me tuum ingenium, tuam probitatem putas, debes opinari. Quamquam cum recorder, & eadem saepe accidisse optimis uiris, & ubique virtutem honestissimum habere domiciliū; ne fieri nunquam, ut calamitas etiam gloriae sit; nec ullum in te dedecus, aut facinus turpe conferri; cum hoc aeternae naturae lege, unde humanae leges, tamquam ex archetypo, describuntur, sancitum esse uideatur, ut vim uiliceat repellere; & sua cuique incolumitas prima sit: haec, inquam, memoria, & cogitatione dum pertracto; id quod, quasi solatium quaerens, saepe libenterq; facio; lenitur aliquantum doloris acerbitas, atque etiam tibi, quantum licet, in medio dolore gratulor: cui nisi loci mutatio grauis est; cetera, quae uideris amisisse, leuiter ferenda esse censeo. In locū autē quid te torqueat? species urbis? at ea, quae ad oculos pertinent, nemo umquam sapiens neque in malis, neque in bonis esse duxit; & ego, qui longe a sapientia disto, haec tamen prorsus non amo inania, solitudine fruor, quantum possum: in hac mihi uiuo, & Deo: quod unum est beatē uiuere. Amicorum consuetudo? quid? absentes non diliguntur? non, si volumus, & quoties uolumus litterarum sermone coniungimur? equidem, postea quam discessisti, nescio quo modo crebrius etiam, quam cum aderas, de te soleo cogitare: & mihi scito amico-



amicorum spectra, praesertim quos uirtus, & integritas commendat, esse iucundissima. sin utilitatem aliquam, tuis necessariam rationibus, cogitas, non dubito, quin istuc, quidquid iacturae factum est, breui maioribus etiam commodis resarciatur. Nec uero, si me audies, utilitatem ullam cum ea doctrina; conferes, quam tu auges quotidie in isto otio, neminem curans, praeter te ipsum: quod hic certe non contingit. magnum est, studia posse colere quae uelis, & quantum uelis: tibi uni semetem iacere, tibi uni fructum colligere. at quem fructum? cui nec imber immoderatus, nec aestus, nec ulla calamitas noceat, nec suauitatem detrahat, sed augeat, quae cetera omnia corrumpit, dies. Quod si tibi, multorum philosophorum exemplo, uitam in patria ducere, ob doctorum hominum paucitatem, non perplacet: an dubitas, quin te ista cura nos amici tui, si quid noster in te amor, si quid pietas ualebit, aliquando liberemus? quod tamen eiusmodi est, ut non tam laetandum uideatur, cum euenerit, quam non dolendum, si sero, uel si etiam numquam eueniat. nos enim in delectu rerum saepe fallimur; errore mentis tamquam salutaria, quae noxia sunt, adsciscimus: unus euenta rerum prospicit, unus igitur nostra consilia gubernet, ac moderetur Deus. cui si te totum permiseris, si minimum in te ipso, in eo posueris omnia: mihi crede, existis molestiarum fluctibus emerges; nihiloque posthac aut mali metues, aut boni frustra cupies; multa etiam, quae non cupies, nullis accersita laboribus, aut studiis, ad te sua sponte confluent. Ego tibi opera, cura, diligentia, quae numquam in me desidera-

bis, fortasse etiam consilio prodesse aliquid possum: *Rasarius*, qui publicam personam gerit, etiam auctoritate adiunabit; quem licet existimem, quantum ualet, tantum tua causa uelle, tamen, suadeo, litteris cum interdum appelles, rogesque, ut respiciat fortunas tuas, & aliquid eis, atque adeo multum cogitationis impertiat. *Caluino* optimo uiro, mihiq. uetere beneuolentia coniunctissimo, amoris, & studij erga te sum ipse optimus testis: sed aetas iam obstat, quo minus ea, quae res postulat, obire, & exsequi possit omnia. itaque, nisi me fallit opinio totum in *Rasario* est. nam ego, ut scis, uel infirmitate ualeitudinis, uel diuturna iam consuetudine, & uoluntaria quadam desidia, loca publica non admodum frequento: quo familiaritates intermitteri, & ex eo amicitias, si quae penitus uirtute non haerent, paulatim dissui necesse est. testimonium tamen iudicij de te mei nullo loco deerit. & de doctrina quidē, ut spero, fide faciet oratio nostra: eloquentiā uero, in qua tibi quantum tribuā, cū alij, tum omnium modestissimus, & ingeniosissimus adolescens, *Franciscus Vianellus* a me saepe audijt, tua scripta facile probabunt. Vale. Venetijs.

---

FEDERICUS GALLO,

Urbium. 14

ITERVM iam te purgas, quod in discessu tuo, menses fere quattuor, absuturus, ad me non adieris, quem, ut opinor, tui cupidum ac peramantem cognoueras. ego autem, etiam, si repentinam illam discedendi necessita-

necessitatem litteris minus excusasses; tamen, uide,  
quam faueam amicitiae nostrae, & quam non stricto  
in re tecum agam; numquam mihi persuaderi passus  
essem hoc abs te salutationis officium uel nostri obliuio-  
ne, uel contemptu, uel ulla omnino inhumanitate tua  
fuisse praetermissum. quare accipio excusationem tuam:  
speroque, te operam daturum, ne utaris ea posthac: idq.  
mihi fore iucundissimum nam, cum semper dilexerim  
plurimum, a quo primum die mihi cognitus est, paren-  
tem tuum; cui te capio, & spero simillimum fore in ijs  
artibus, quibus honestius, aut gloriosius esse non ni-  
hil potest: tum uero studia tua, ingenium, quique lu-  
men, & ornamentum ingenij sunt, mores ita me ti-  
bi adiunxerunt, ut omnibus te laudibus libenter cu-  
mulem; nihil de te, quod indecorum, aut turpe ui-  
deatur, ne suspicari quidem uelim. Equidem mirifico  
tenebar desiderio tui, tum ut mandata darem, de qui-  
bus ageres cum parente tuo; tum etiam, ut, quo tibi  
studiorum genere totum aetatem in patria traducen-  
dam statueres, a te ipso cognoscerem; ut uel ex optima  
tuorum consiliorum ratione uoluptatem caperem; uel,  
si quid contra sentirem, indicarem sententiam meam.  
quamquam, cum domi habeas, unde discas, & unde  
praeclara quaeque sumas; neque te meis, neque cui-  
usquam egere praeceptis intelligo, uerum tamen uerus  
amor latere non potest; ostentat se, ubi etiam minime  
opus est. Ac tu quidem percommode feceris, si,  
quod coram non licuit, fortunae potius culpa, quam  
tua, id tibi agendum per litteras existimabis, ut ali-  
quid de quotidiana tua tum lectione, tum etiam, sine

lectio paene inanis est, scriptione significes non enim te puto, uel desidia quidquam loci relinquere, uel ijs leuitatibus, in quibus plerique adolescentes insaniunt, operam perdere. scis, quod sapientissimi homines prodiderunt, imitatricem boni uoluptatem falsa specie decipere, illecebram esse turpitudinis, escam malorum omnium, qua capitur aetas improvida, nec se captam sentit, nisi cum imprudentiae poenas luit. atque hoc in genere labi, & errare, cum ceteris turpe sit, ijs uidetur esse turpissimum, quibus ad amplectendam honestatem praecepta non desuerunt. & praecepta si ualent, quae tibi ego, pro meo in te singulari studio, deesse non patiar: quanto plus ualere exempla aequum est, praesertim quae posita ante oculos sunt, quae tibi numquam intueri non licet, quaeque familiae tuae quantum quotidie laudem pariant, facile potes intelligere? itaque non a te mediocre aliquid, sed summa omnia expectari, nec expectari solum, sed exigi etiam quasi debita, debes cogitare: quae si praestas; laetitia quidem parentes tuos, quibus potissimum, & patriae natus es, afficies incredibili, te ipsum autem perpetuis instrues, maximisq. bonis; nec illa timebis externa, quae casus, & fortuna inuehit; sed, a te ipso pendens, nullis obiectus iniurijs, firmissimo artium optimarum praesidio munitus, uitam deges beatissimam aeternamq. posteris tui nominis memoriam relinques.

Vale. Venetijs.

OCTAVIANO. FERRARIO,

Mediolanum.

O. *PRÆCLARAM* *παράδοξον*. at ego, tuarum litterarum memoria, cōtuleram in eum perpetua quodam studio quidquid præstare poteram officiū, operæ, diligentiaē. nec me tamen paenitet, eo processisse, unde nunc tu ipse paene reuocas. mutare autē consuetudinem, præsertim in benemerēdo, uix licet. nam illa superiora, si doctrinae nō nis, in quo me fefellit opinio, humanitati certe dedimus. nunc dandū esse aliquid cōstantia, ne nostrum damnemus institutum, profecto uides. uerum absit iam hoc argumentum a litteris nostris: ualeant ea, quae iucunditatem non habent, quam equidem nō modo ex tuis elegantissimis epistolis, uerū etiam cum ipse ad te scribo, capere mirificam soleo. nihil est tāti, quod cum sermonibus nostris permutari debeat. Nec, de nobis ipsis, quod scribamus, deesse umquā patietur mutui amoris abūdantia. De libris tuis, dedi negotium homini domestico, ut a peritis de ratione uēcturae cognosceret, eosq. quamprimum istuc mitteret. quod ille, ut est omnibus fere iucunda negligentia, fortasse nondum fecit. urgebo litteris; & mandata renouabo. Si illa farcimina curaturum te significas: in quo amo uolūtatem tuam: quod autem addis, nō ante, quam extremo mense, ne, cum recentia sint, inclusa corrumpantur: consilium probo: & quoniam uestra istius generis obsonia, qui palato sapere putantur, sine exceptione

ceptione laudant; nec artes quaestuosas officinae temere dediscunt; puto fore suauissima. Sed audi, quod esse totum aliud intelligēs, idest aliquando magis ad me pertinere. *κακοστίαμοι* sumus, & cruditate laboramus. id quidem a pueritia: sed auxit uitium assiduus litterarum usus: quo adempto, quae nobis, qui uulgaria contemnimus; delectatio; uel potius quae uita superest? quare ignosce, si mihi non impero: quod ne tu quidem, opinor, facis. quaesitum inter medicos est, ecquid adiuuenti aquae sulphureae potus afferre posset. uarie sentientibus; recusauit; ne, quod aiunt, de sorte etiam in dubium uenirem. de gutta capiti instillanda sermo fuit. ne hoc quidem placuit: ne memoriam periclitarer. uentum denique ad uictus rationem. prae bui me facillimum, quidquid uellent. in primis radicē probauit, quae *Irios* uocatur: quā condiri apud uos egregie, serunt: tam igitur, quod tuo commodo fiat, uelim perquiras; inuentamque, & mediocri nasculo diligenter inclusam, cures aliqua ratione perferendam quidquid erogaueris, bona fide, cui uoles, hic numerabitur. *Alexandri* & *Πρίν* a nondum *libeo*, cui. frater commendauerat, extorqueri potuit: nec ego uisi uehementer, posteaquam, non ab *Aphrodisiensi*, cuius in eo libro mentio fit, sed a posteriore *Alexandro* scriptum cognoui: quod etiam *απακτύ* declarat. Vale, & *Crucio*; *Caprae*que; communibus amicis; familiaribus tuis, quos utinam aliquando complectar, salutem plurimam. *Patani*.

\* non ab eo, sed habeo legem puto  
 non adit.



## IO. BAPTISTAE . RASARIO,

Venerias .

16

*AMO te uehementer de Ferrarij epistola; quae mihi ita placuit, ut nihil umquam legerim libentius. sane causam suam diligenter agit, & mihi quidem egregie probat. quamquam multis iam annis eā imbibere animo de illius ingenio; doctrinaq. opinionem; ut errare nihil credam, si quis multorum rationibus unam eius auctoritatem anteponat. quam tibi quoque sententiā probari, cū intellexerim antea: cumq. ut uere dicā, hoc ipso nomine plurimum accesserit ad beneuolentiam in te meam; cupio te nunc ne leuissime quidem a te ipso dissidere; idq. mihi tum facile, pro eo iudicio, quod de tua uirtute semper habui, tum etiam, pro meo erga Ferrariū singulari studio, libenter persuadeo. Sed ut redeam ad epistolam; uides, quam erudite, quā ingeniose disputet: quam tecū amice, quamq. (ut apertus, nec ulla te etae simulationis labe suffusus eius animus est,) ingenuae, & simpliciter agat. alienatae uero a te uoluntatis, cū causa nulla subsit, ne signa quidē ulla in eius litteris mihi uideor agnoscere. de quo quia te nō nihil ex epistola tua sensi laborare; nec iniuria; uetus inter uos amicitia fuit, eritq. ut spero, uitae aequalis, maximis illius in te meritis, ex tui mihi praedicatione cognitis, non uulgaribus tuis in illum officijs culta: purgabo te apud eum primis litteris accuratissime: nec ab illo probata dānasse, aut omnino in dubiū reuocasse, sed quaesisse nō nulla tamquam*

quam a magistro tuo, ueteremq. in eo consuetudinē retinuisse si uolueris, ostendam. non dubito, quin, si quae de tuo sensu, quod equidem uix opinor, suspicio haesit, amoveat, ac se tibi quam primum restituat. noui hominis lenitatē: beneuolentiam in te uidi: isq. meae in te beneuolentiae fons, ea primum origo fuit. nec enim, quae de te olim ad me scripserit, possum obliuisci, nec, si possum, uelim. Illud a te, mi Rasari, si quid nostra etiam causa uis, et si necesse non arbitror, tamen uehementer peto, & si, pateris, rogo, non ut optimum uirum, doctissimum hominē, Ferrarium tuae laudis auctorem, quod is tibi ad philosophiā aditus aperuit, uiamq. munuit, obserues, ac diligas; quod a te fieri, certo scio; sed ut in omnibus officijs, quae ad illius non modo dignitatem, sed etiam uoluntatem pertinebunt, certare mecum uelis. in quo te mihi parem esse percipio, uincinum quam patiar. Vale, & Magium nostrum, singulari adolescentem ingenio, tibi pro sua doctrina, mihi pro meo in eum non mediocri studio deditum, saluta. Patauij.

*HAEC* dictaui, ut soleo, filio meo: nam, ut scriberem ipse mea manu, neque per medicum licebat, nec sane stomachi ferebat imbecillitas.

---

ANTONIO. ROLANDO.

*STVDIVM* tuum in exhauriendis mandatis meis, celeritas in rescribendo, quorum ego a te alterum pro nostra coniunctione expectabam, alterum autē pro  
tuic

suis occupationibus postulare uix audebā, magnā ha-  
 bent significationem amoris in me tui: cui quidem, si pa-  
 ribus non licebit officijs, pari saltem ut amore respon-  
 deam, operam dabo: nec dubito, quin consequar: at-  
 que etiam, quod mihi uel iniurato uelim credas, me iā  
 esse consecutum intelligo. qui enim, tua quae fuerint er-  
 ga me officia, meae quae sint partes, ignorare possum,  
 aut non assidue cogitare? Ego, Rolande, quo primum  
 die, cum lectissimo adolescente, familiari tuo, itemq.  
 meo, \*, accessisti ad me, dilexi mores tuos, in quibus  
 ingenui multum pudoris, qui probitatis index est, mul-  
 tamq. prudentiam elucere vidi. paucis diebus, cum de  
 nostris delectationibus, id est de communibus literarijs  
 studijs, colloqueremur, probasti mihi ingenium, doctri-  
 namq. tuam, & ad meam de te opinionem, \* testimo-  
 nio excitatam, plurimum addidisti. postea facile in-  
 ter nos exorta familiaritas: uel quod multis in rebus  
 nostri sensus congruere uiderentur, & latentis quaedā  
 naturae vis animos utriusq. coniungeret: uel quod assi-  
 duitas tua paene quotidiana, ususq. domesticus nihil  
 amicitiae nostrae deesse pateretur. Mo. deinde Vene-  
 tias rationes meae, te non ita multo post Lutetiam  
 uocarunt studia tua. manet amor tamē, in me quidem  
 is, qui fuerat praesente te, uigetq. memoria tui, nec lo-  
 corum, aut temporum interuallis umquam euanesce-  
 re: quod nisi me tuae laudis magna quaedā cupiditas te-  
 neret; angerer, quo abes, & ut audio, absfuturus  
 es: sed, uersari is in ista eruditorum hominum celebri-  
 tate, frui consuetudine, doctrinaq. Hadriani Turnebi,  
 quem iam pridem omnes cantant, ego orno, quantum  
 possum,

possum, in sermonibus meis, nisi uehementer gaudeam; te non amem, nec quem ames ipse, quod in primis cupio, dignus sim. Quare nostra etiam caussa contende, ut, quo consilio Lutetiam petiisti, id quam maxime, quamq. licet celerrime consequaris. refer ad nos illa praeclara, quorum gratia discedendum tibi a tuis, perferenda longi itineris incommoda, asperrimarum alpium perpetuis obsessa niuib. iuga non sine magno periculo superanda existimasti. Quo de genere tecum agam breuibus; quia, sensus cum optime tuos habeam cognitos, non dubito, quin saepe tibi ueniat in mentem, ex ista urbe, quo, tamquam ad amplissimum artium ingenuarum mercatum, libenter omnes confluunt, inanem redire, quam non deceat. Quod si te, studio cognitionis incensum, cetera, quae istic habes plurima, liberalium doctrinarum adiumenta deficerent: unus tamen idem ille, quem paullo ante nominavi, qui praeter ceteros cum litteris humanitatem, Graeca cum Latinis, antiquae philosophiae sciētiam, quod e scriptis eius facile cognouerim, cum elegantiore doctrina coniunxit, unus, inquam, tibi instar esse omnium Turnebus, unus & suo te commouere exemplo, & suis adiuuare plurimum documentis, consilijsq. posset. cuius ut a latere, quoad hominis permittet humanitas, ne umquam discedas, & istam urgeas occasionem, diuinitus datam, adipiscendae uirtutis, si tu is esses, qui naturam humanam sola perfici uirtute nescires, hortarer etiam, atque etiam: idq. libenter tribuerem amicitiae nostrae: sed cauendum intelligo, ne

γλαῦξ Ἀδύρας cum tu ibi sis, unde ad alios prae-  
 clara

*clara instituta, unde laudabilis uitaeratio, & sapientia fere manat omnis. Viam, & rationem Latine scribendi, obsecro, mi Rolande, cur a me petis, cum is, quo ego uno magistro sum usus, & tibi, & omnibus Cicero pateat? an tu me uel huius generis reconditum aliquod tenere artificium putas, a quo longe absum, uel, si tenerem, posse fieri, ut ab ullo, praeterquam ab hoc ipso, cognouerim? nec tamen, utiliter quaedam praecipere, & ad artem posse redigi, negabo: sed mihi ne tantum oneris imponis, cui nec a domesticis curis otij multum est; & id ipsum, quod est, uel amicis officij causa, uel ualeitudini necessario tribuitur? Scripsi olim de meis exercitationibus nescio quid, a nobilissimo uiro, bonarum artium patrono, Stephano Saullo rogatus: & fortasse digressum ad eum fontem intendi, quo si accesseris, non dicam equidem istam eloquentiae sitim explebis, sed, ut arbitror, nihil inde non purum, nihil inquinatum hauries. exstat ea, cum alijs edita, epistola. si uidebitur, leges: aut, si legisti, & quaeris amplius: a me cur expectes, quem respirare negotia non sinunt, hoc quidem tempore non est: pete ab istis, qui uacant, optimis, & scribendi, & iudicandi magistris. De Laertio, & quid egisti, pergratum est; & quod acturum te ostendis, id si praestabis, maximam inibis a me gratiam. Turnebus, ut me plurimum diligat, quod certe mutuo faciet, exopto: plurimum ut mihi tribuat, quod litterae tuae significant, non postulo. quid enim ego sum? aut, si esse aliquid uideor, prae illo tamen quid sum? non enim καλκεια χρυσείοις umquam conferam, ne cum Homérico Glaucō errē; sed χρυσία καλκείοις antepōnam semper.*

per. Ille est, cui iure omnia tribuantur, qui iam peruenit eo, quo nobis adspirare non licet. Saluta eum meis uerbis, cum ueterrimo amico meo spectatae uirtutis, et industriae uiro, Carolo Stephano. Vale. Venetijs.

CAROLO. SIGONIO,

Patauium.

18

EGI diligenter, quod mandaueras. praecise negauit, ac uisus etiam nonnihil moleste ferre. sed, mihi crede, huius generis paene magistro, uestri sensus non congruerent. nihil morosius. o multa in omnibus intolerabilia: quae nobis tamen, mi Sigoni, qui a libris nescio quid plus, quam ceteri; sapere didicimus, ferenda sunt. quamquam tibi quidem, pro tua prudentia, atque etiam pro superioris uitae perpetua consuetudine, nihil difficile. Sed, Patauij te nunc esse, in celeberrimo Italiae theatro, ubi spectatur, & notatur acerrime quicquid agas, quidquid dicas, & saepe mihi, nec umquam sine aliquo metu, in mentem uenit. sic sunt, qui amant: omnia cupiunt, omnia timent. Vides, quo te in loco tua uirtus, quanta omnium expectatione, constituerit. nihil mediocre praestandum est: nec, ut cum alijs, quibus te iam doctrina, industriaque antecelluisse omnes iudicant, sed ut tecum ipse certes, teque ipsum, si licet, uincas, omniq. laudis genere cumules, elaborandum. quae, cum, ad quem scribam, considero: & cum mihi singularem tuam rectissimis in studijs cupiditatem, ac diligentiam propono, mirifice



ficē laetor; nec me tamen paenitet hoc nostrae necessitudini tribuisse, ut ea lege a me scripta, quae minime necessaria duxerim. Hesternum diem puto te mutuis cum Pace Scala sermonibus iucundissime traduxisse: quem uolo a te amari plurimum: uel quod ab illo te quoque amari plurimum sensi; uel quod eo nihil humanius, nihil amabilius. praeterea, quod te uehementer mouebit, multis nominibus ego illum in oculis fero: nec in eo riuales habeo paucos. Faloppio nostro si discessum meum excusaueris, cum uxor morbus urgeret; gratissimum erit. nec tamen diutius hic me commemoraturū puto. tanti nihil est, ut nobis carere possim. Interim uale, & si uacat, scribe, non accurate, sed, ut ego nunc, quidquid in buccam: ne pereat omnino fructus nostrorum sermonū: quem si litterae restituent; paullo feram leuius absentis tui desiderium: cuius igniculum, e cubiculo meo cum discederes, sentire coepi: nec deinde tuū spectrum discescit ab oculis meis. Venetijs.

---

M A R C O . A N T O N I O

M V R E T O,

Roman.

19

GAVDEO, mi Murete, quod profecto etiam me tacente existimas, te nauare operam. Regibus, ingeniumq. tuum, quod ego semper unice dilexi, extulique laudibus, a tanto Pontifice, & ab uniuerso Cardinalium Collegio uehementer probari. nam, si qui aliter sentiunt: quamquam quis est, qui aliter sentire possit? uerumtamen si qui fortasse reperientur, quos liuor

T                      impe-

impediat, quo minus recte, ac sincere iudicare possit ;  
 de ijs laborantū non erit: cum te praesertim ille noster,  
 quem sequuntur multi, sed ille praeter ceteros, qui no-  
 bis quasi iuncturae Zeū: debet esse, nō mediocriter ornet,  
 atque diligat. Haec altera tua oratio priorem illā uel  
 aequat, uel uincit, sententiarū, uerborum ordinis prae-  
 stantia. quo in officio, ac minere cupio te pergere. simul  
 enim perges in expedita, maximeq. directā gloriae uia,  
 per quā processisti iam longissime, nemine praecurrēte,  
 me fauente plurimum. De tua in me beneuolētia, cum  
 recordor meam, dubitare non possum. meum in te ani-  
 mum expertus iam es. eundem si & esse nunc, & per-  
 petuo futurum arbitraris, nō fallam opinionem tuam.  
 nam & mea non solum consuetudo, sed etiā natura ita  
 postulat: & tu perficis eas laudes, quarū principia me  
 olim, expectantem id, quod praestare te nunc uideo, in  
 tui amorem impulerunt. Habeo summas gratias, quas  
 agi a te cupio, Archiepiscopo Beccatellio: eumq. meo  
 nomine, ut quam licebit officiose, quamq. plurimū sa-  
 lutes, ualde rogo. \*, ut scribit ad amicos, floret hono-  
 ribus in patria, carus Imperatori, incundus omnibus.  
 nosti humanitatem, & ingenium: doctrinam auxit a  
 discessu tuo, quātum uix credas: itaque summa omnia  
 de illo adolescēte sperare nobis licet. De Duarenī obitu,  
 de quo heri primum a Germano homine, qui ex Gallia  
 recens uenerat, accepi: dauini plurimū in iure ciuili fa-  
 ctus est. equidem dolui uel tua causa, quod eum a te  
 amari senseram. quamquam haec, si ferret humanitas,  
 prorsus dolenda non essent. quid enim proficimus? angī  
 qui tē grauius, neque communis conditionis necessitas  
 concedit,

concedit, & uitae commutatio, breuissimae cū aeterna  
miserrimae cū beatissima, ualde uetant. Ego nunc, quod  
acceptum diuinae benignitati refero, quodq. tibi puto  
fore incundissimum, ualitudine utor satis commoda,  
oculis quidem optimis, quod aliquot annis nō contigit.  
itaque, cum otium nō ferrem, (scis enim me quiescere  
nō posse) cōmentarios in reliquis Ciceronis epistolas  
coepi texere: & ut initia sunt, prorsus industria non  
exceat, absolui, ut mihi quidem uidetur, maiorem par-  
tem, idest tres primos libros, & extra ordinem, octa-  
uum. in quibus, ut dixi iam, nisi me cōmunis curatio  
decipit, non uidetur opera male collocata. Habebis in  
clausula de Petro Fabro, tuo dicam, an meo? ita me  
triduo cepit, sibiq. deuinxit ingenio, humanitate, pru-  
dentia. plane iuxi, quam diu mecum fuit: nec medio-  
cri sum amore discedentem prosecutus: nae tu, si ni-  
hil praeterea mea caussa uelles, qui & uis, & egisti  
iam plurimum, tamen hoc uno munere, quod auctus  
per te sum tam ornati adolescentis amicitia, meis om-  
nibus in te studijs, quae tu merita uocas, optimam  
gratiam retulisti. Vale. Venetijs.

HIPPOLYTO. CAPILVPO,  
EPISCOPO. FANENSI. 20

SANE postulabat mea peruetus in te obseruātia,  
ex ingenij tui praeclaris orta monumētis, ut aliquid ad  
te litterarum darem: sed me dignitas tua semper, &  
persona deterruit, uerentem, ne, talem uirum, tam-

tarum rerum occupatione distentum, inanibus appellare litteris, pudentis hominis non esset. nunc, vt vere dicam, paene accuso modestiam meam, quod, dum cogito ad te scribere, nec tamen consilium explico, interea tua fecit singularis humanitas, vt anteuerteres. quamquam cur ego apud te, maximarum virtutum laude praestantem, ad quas mihi adspirare non licet, plus residere officij moleste feram, cum praesertim hoc ipsum amoris in me tui, quo equidem antiquius nihil habeo, non obscurum argumentum esse videatur. Quocirca, vt interdum me pudet pudoris mei, quod nihil ad te scribere sim ausus, cum tamen maxime cuperem: sic ista tuae voluntatis erga me declaratione, istis etiam laudibus, quibus me ornat epistola tua, mirifice delector. noli enim existimare, si quid vniquam meis laboribus ac vigilijs non contemnendum praestiti, me fructum vllum, aut mercedem praestantiorē expectasse, quam quae ex tuo, tuiq. similium iudicio, ac testimonio percipitur. quod si assequor, triumpho. sin, quod suspicari facilius possum, ita me laudas, vt quasi deficientem in cursu tua voce impellas; ne sic quidem vulgari me munere obstringis, cum ad cohortandum, atque incitandum, si vlla res, certē tua plurimum valeat auctoritas: itaque enitar, ne tu me non bonum tuarum litterarum interpretem fuisse putes. incumbam enim paullo acrius ad ea, quae qui possidet, iure laudem fert. Tibi vero, quod ad me tam humaniter scripseris, quodq. vltro ipse mihi dix exoptatum ad tuam amicitiam aditum aperueris, si, quam debeo gratiam referre non potero, habebo saltē,

ut priores officij partes re potius tibi, quam studio, & uoluntate concedam. Vale. Venetijs.

## NICOSIO. CASLETANO, 21

QUANTVM mihi uoluptatis attulerāt litterae tuae, summae tum humanitatis, tum etiā doctrinae notis insignes: tantū postea doloris, ac molestiae, erepta ob aduersam uoletudinem respōdētī facultate, suscepi. nō enim aut is ego sum, cui quidquam prius officio sit; aut eam te esse ex\* litteris cognoui, cuius amicitia cōtemnenda potius, quā appetenda uideatur. sed omitto\* uel testimoniu, quod apud me ponderis, sicuti debet, habet plurimum, uel uoluntatē, cui libenter omnia tribuerem, ipsa, quam ad me misisti, epistola, quid est, quod imperare non possit? scripta primū humanissime, cū beneuolentiam in me tuā significet, meam exoptare uidearis; deinde ita eleganter, ac diserte, (ne uiuam, si mentior) ut ego tibi in hac eloquentiae laude comparē sane paucissimos, anteferre debeam neminem. Quare cū istam animi tui singularem in me amando, atque etiam laudando liberalitatem libenter amplector: tum uero, me tibi parem in utroque uoluntatem reddere, idq. non tam officij tui magnitudine prouocatū, quā iudicio facere, uelim existimes. Tu uideris, quid de me sentias, & quo me loco reponendū statuas: non enim ita laudē assernor, praesertim quae ab ijs, de quibus bene omnes existimant, proficiscitur, ut quam de studijs meis opinionem suscepisti, eius deponendae, aut imminuendae,

tibi auctor esse umquam uelim. Ego, quod ad me attinet si qua tui dabitur facultas ornandi, plena manu tuas uirtutes ad caelū tollam: studio quidem, & amore ne uincar, & enitar, ut soleo, diligenter, & ut spero, consequar. praesentem scilicet mutui sermonis suauitatem longinquitas aufert: litteris tamen, si ualebo, quod adhuc non contigit, ne prorsus abesse uideamur, operam dabo. Vale, & meo salutem. Venetijs.

I V L I O . B E L L O G R A D O ,  
Vtinum. 22

AMAEAM te ante, mi Iuli, quod esses eo patre natus, cuius excellentē probitatē, atque doctrinam nō praesentes modo, sed longinqui etiam praedicant, ego summā in me humanitatem saepe sum expertus: nūc, ista indole, isto te ingenio praeditū esse cum intelligam, ut paternam uirtutem, tamquam amplissimū patrimonium, non modo conseruare, uerum etiam augere possis; an dubitas, quin omnia in te studia libentissime conferam? quibus addam officia, cum licebit: & ut saepe liceat, exopto. Perge, adolescens egregie, mihi carissime, in isto ad laudem cursu uiam inuiisti, quae te ad immortalitatem feret, directam, expeditam, a uulgi erroribus longe remotam. quo tibi nomine gratulor, mihi gaudeo plurimum, & ut per petuo gaudeam, futurum confido. species enim uirtutis eximia, quo propius eā adspexeris eo te cōmouebit magis, & amorē sui mirabilem excitabit. interim tu contēplare actiones prudētissimi uiri  
parentis



parentis tui: ad eius te imitationem totum finge, atque conforma; ut haurias ab eo laudem tuam, quam capere uberiorem ex nulla disciplina potes. Me uelim existimes omnibus de te maxima polliceri, & in te amando, si patrem excipias, nemini concedere. Filius meus te sibi maioris fratris loco ducit; nec ullum tui ornandi, quantum in ipso erit, locum praetermittet. Vale.

HIERONYMO. SERIPANDO,

CARDINALI. CREATO

Romani.

25

A QVO primum tempore aliquid sapere, id est a vulgi opinionibus dissentire coepi, semper ita iudicavi, multo esse optabilius, multoque praestantius, consequi uirtutem ipsam, quam ornamenta uirtutis. itaque nunc allato de tua dignitate nuncio, quae hic ingenti laetitia boni omnes exceperunt, non sane tua causa magis, quam antea, pro communi quidem Ecclesiae bono, cui tantum ex honore tuo praesidium, tantum splendoris accesserit, magnopere sum laetatus. tu enim is es, cuius animus haec humana numquam spectauerit, semper omnem spem, omnemque gloriam, ac felicitatem in uno Deo, & in illa caelesti uita, recte, ac laudabiliter agentibus proposita, collocarit. Cui sunt occultae mirabiles ille tot annorum cogitationes, actiones, conciones tuae? quae si obscura fuissent, uno illo facto illustrarentur maxime, cum illa Praefecturae generalis insignia, quae libenter omnes assumunt, multo ipse libentius deposuisti. Quocirca non equidem magis, quia Cardinalis nunc es, quam quia semper ita ui-

T 4 xisti,

xisti, ut Cardinaliū Collegio dignissimus esses, & mihi,  
 & omnibus laetandum intelligo. nec uero singularē, ac  
 diuinam Pij. i v. Pontificis. Max. sapientiam admira-  
 ri, & efferre laudibus umquam de sinam, qui uexatam  
 assiduo prauarum opinionū impetu, nec mediocri peri-  
 culo fluctuātem Christianae reip. nauem, auctoritatis,  
 & doctrinae tuae pondere constituendā putauerit. ita-  
 que non iā illas a septemtrione horribiles procellas, a  
 quibus antea naufragiū impendere uidebatur, posthac  
 timebimus. Pio i v. gubernante, quod utinam diuina  
 benignitas diuturnū esse patiatur, tua, Seripande, tuo-  
 rumq. similiū ope, summa tranquillitate perfruemur. id  
 & speratur, iam indicto Concilio, quod unicum tantis  
 malis eximia superiorū Pontificū sapientia remediū  
 inuenit: & mihi quidē si contigerit, ut ad eam diē spiri-  
 tū ducere liceat, cū sublatas in perpetuū exitiosi dissi-  
 dij carssas, unā in cōmuni salute uoluntatē, unū gre-  
 gis uniuersi pastorem, ac moderatorem uideam; satis  
 me uixisse arbitror, & plane latus ex hac uita di-  
 scedam. Interim fruar exspectatione; & tibi, tuisq. uir-  
 tutibus, quas omnes laudant, utinam imitari multi uel-  
 lent, eam, quam debeo, obseruantiam, beneuolentiamq.  
 praestabo. Vale. Venetijs.

---

A LOYSIO. ESTENSI,

CARDINALI. CREATO,

Ferrariam.

24

MVLTAE, & magna Principibus uiris, inter  
 quos, Aloysi praestantis. me, tua praeceptu nobilitas  
 elucet,

elucet, ad studiū eximiae laudis adiumenta suppetūte  
 quae si comitatur uoluntas, excellunt facile, sic, ut ad  
 immortalitatis praemia, cū quibus non opes, non impe-  
 ria sapientes cōparant, expedita quadam, & quasi cō-  
 pendiarīa uia perueniant. Hoc tibi contigisse, cum om-  
 nes antea faterentur, grauisissimum accessit Pij IV. Pō-  
 tificis Max. testimonium, qui te, diu expetitum, paene  
 recusantē, non rogantē quidem certe, in amplissimum  
 Cardinalium Collegiū, ipso maxime cōprobante Colle-  
 gio, summa bonorū laetitia, proxime cooptauit. Restat,  
 quod futurū nemo dubitat, & tua superior uita pollice-  
 tur, ut istū honorem pro tua, maiorumq. tuorum digni-  
 tate administres. quod facile consequeris, si te, quidquid  
 statues, quidquid ages, Cardinalem esse cogitabis, id est  
 ex eo Ordine, unde maximi, ac praepotentis Dei Vi-  
 carij, rectores humani generis, Pontifices deliguntur.  
 Locum tenes, quem summa dignitas illustrat, & in  
 quo nullum neque dictum, neque factum obscurum  
 esse possit. nec tibi aut a natura quidquam, aut a for-  
 tuna denegatum est, quo minus amplissimo te dignum  
 sacerdotio praebas. operosum alijs, & perdifficile  
 sit ut est omnino, ac semper fuit, recte, & laudabili-  
 ter agere: Aloysio Estensi, in tanta ingenij, animiq.  
 praestantia, tam propensa ad honestum uoluntate,  
 tantis etiam opibus, quis aditum uere laudis non pa-  
 tere, quis ueternae uiam gloriae non esse facillimā exi-  
 stimet? Gaude igitur tam excellenti bono; & in-  
 cumbe totus in eam curam, ut antiquum familiae  
 tuae decus, per tot saecula, tot Ducum, tot Regum, &  
 Imperatorum uirtute partum, non tuncare solum, ne-  
 rum

rum etiam uehementer augeas . nam nunc quidem eo tantum nomine tibi gratulamur , quod simul cum isto honore praeclaram saepe exercendae uirtutis occasionem accepisti . cum ulabitur laetitia , & erit aptior gratulandi locus , cum haec honorum insignia , quae multis oneri fuisse constat , iustitia , pietate , omniq. beneficentiae genere ita suslinebis , ut & optimi Pontificis iudicio , & honorum expectationi , qua nulla maior umquam fuit , egregie satisfacias . quod euenturum breui , omnes confidunt : ego , pro meo in te singulari studio , quasi iam euenerit , praesenti gaudio cupiditatis meae fructum capio . Vale . Venetijs .

---

IO. BAPTISTAE . SARACIO ,

Ferrariam .

25

SEMPER equidem existimaui , quod tu quoque sentis , doctissime Saraci , non minimum fortunae praestare uirtutem ; in qua etiam una satis esse ad bene beatq. uiuendum putarunt multi : tamen incidunt quaedam tempora , cum ipsi etiam habenda fortunae gratia uideatur . quod mihi nunc gaudeo contigisse . nam cum , aliquot abhinc annis , consentiens multorum sermo , eximias ingenij tui suauitates assidue praedicantium , in eam me uoluntatem , ac mentem adduxisset , ut diligerem te uehementer , & colerem : casu accidit proximis diebus , ut auctoritas tua , magnis atque perpetuis erga Principes tuos meritis , uirtutibusq. parata , expedire me haerentem , atque impeditum perdifficili negotio , posset . hoc ego fortunae meae non uulgare beneficium

*ficiū esse duco alterū est tuae uirtutis, quod, cum tibi  
 meam cupiditatem uir egregius, omniumq. humanissi-  
 mus, Paulus Sacratuſ ostendiſſet, contuliſti ſtatim ad  
 rationes meas ſtudia tua, ſpemq. noſtrā, iam prope lan-  
 guentē, atque abiectam, crexiſti, & confirmaſti promiſ-  
 ſis primū, deinde etiam officijs tuis. quo quidem in me  
 ſingulari merito, quibus tibi uerbis gratias agā, plane  
 non reperiō. uincit enim, uincit proſus, optime Saraci;  
 ingenium meū humanitas tua, ſed hoc ipſo ſit uirtus il-  
 luſtrior, cum in eos beneficia conferuntur, qui ſatiſface-  
 re nō modo ipſa re, ſed ne uerbis quidem ullo modo poſ-  
 ſint: quod tibi perſuaſum eſſe quis dubitet; qui conſue-  
 tudinem benemerendi tuam, a praeſtanti quadā natu-  
 ra ortā, liberaliū doctrinarum ſtudio mirabiliter auctā  
 cognouerit? uerumtamen, quando mihi non ſimul cum  
 facultate uolūtas quoque eripitur remunerādi, non ni-  
 hil in moleſtia gaudeo, & fruor tacitus officiij conſcien-  
 tia, nec tamen futurum deſpero, ut, quae mihi nunc ad  
 grati animi ſignificationem deeſſe uerba ſentio, eadē ali-  
 quando abundēt, ita benignitate apud alios praedicā-  
 da. Interim ſine me hoc impetrare ab humanitate tua,  
 ut multo maiorem eſſe putes obſeruantiā, ac beneuolē-  
 tiam in te meam, quam ullo umquam a me exprimi, ac  
 declarari officio poſſit. quod ſi, ut ſpero facies; mihi cre-  
 de, praeſentem gratiam, quā ex primis Sacraſ mei lit-  
 teris abſolutam exſpecto, haud paullo maiore gratia  
 cumulaueris. Cupio, niſi graue eſt; a te ſalutari meis  
 uerbis Io. Baptiſtam Pignam. Vale. Venetijs.*

## P. A V L L O . S A C R A T O ,

Ferrariam .

26

SOLET interdum euentus esse gravior, quā causa, interdum etiam causa, quā euentus. me delectauit utrumque pariter in litteris tuis. nam, & ut Latine ad me scriberes, homo tum domesticis curis, tum etiam sedandi, ut audio, multorum controuersijs assidue distentus, certe amor impulit, atque humanitas; & epistola tua ita mihi ornatē, ita copiose omnes non modo animi, uerū etiā ingenij tui partes expressit, ut nihil umquam legerim libentius. Ego tibi antea, optime Sacrate, tribuebam sane multa, quae pauci consequuntur, prudentiam, integritatem, doctrinam, maxime uero praestantem quandam ad excolendas officijs amicitias, & uoluntatis, & naturae propensionem: istam uero orationis exornandae facultatem, quae cum multi temporis, magnaeque uidetur esse industriae, tum uero ut ego sentio, atque usu etiam didici, ab intimo quodam, planeque recondito depromitur artificio, uix putabā tibi inter diuersa plane studia posse contingere. sed uidelicet id me fefellit, quod ingenium tuum communibus metiebar exemplis: nec mihi ueniebat in mentem, auunculi tui Cardinalis, Iacobi Sadoleti, praeceptis, & consuetudine domestica aditum tibi ad omnem gloriam esse patefactum: nam, cum ille cunctis uirtutibus, quas laudabit posteritas omnis, assequetur fortasse nemo, bonorum, ac sapientium iudicio uirorum excelluerit: hac tamen in primis



mis Latine scribendi laude ita floruit, ut veteres illos propemodum aequauerit, nos quidem, per eandem viam cupientes excurrere, longe reliquerit. sed, ut ex epistola tua coniicio, conseruabis hoc quasi patrimonium, familiae vestrae proprium; & haec tibi communis hereditas erit cum patrueli fratre tuo, Paulo Sadoletto, quem omnes homines ad egregia quaeque natum intelligunt. Equidem in hoc mihi ipse primum gratulor, qui tibi harum litterarum, quibus nescio an quidquam non modo humanius, verum etiam ornatius esse possit, causam dederim. nam Iosephum Fasinarum, quem ob eius doctrinam, & mores egregios vehementer amo, oblitum arbitror modestiae suae, cum de me loqueretur, & utrumque vestrum in eo consensisse, ut ille, te libenter audiente, pro veris falsa narraret, aut certe veris plurimum affingeret; tu illi, plena manu, ut saepe prodigum amor est, ea, quae proprius non agnosco, in me conferenti, pro tuo in me studio libenter, & facile crederes. utinam quidem, qui vobis nunc esse videor, is aliquando esse possim: quod quia sperare non licet, ne cur optem quidem est. Meus in te animus (quid enim praeterea pollicear?) officio erit, mihi crede, singulari: quaeque a te in meis rebus opera, atque beneuolentia nauatur, perpetuo quodam erga te studio ita compensabitur, ut mihi nemo omnium, excepto amore domestico, te vno carior, aut iucundior umquam esse possit. Franciscus Morandus, cuius ego contubernio, & quotidiana consuetudine mirifice delector, vir egregius, nec iuris tantum civilis peritia, sed poetica etiam laude, & litterarum elegantia vehementer excellens, mutuo te diligit, & qua ego tuis verbis cum salutem imper-

tui,

tui, eandem tibi, ut eius nomine his litteris adscribe-  
rem, diligenter mandauit. Tu saluere plurimum a me  
iubeas Io. Baptistam Saracium, deditum semper opti-  
mis disciplinis, maximeq. cupidum ornādae uirtutis,  
itemq. \* quem uidi numquam, amo tamen sic, ut mihi  
te riualem esse uix patiar. Vale. Venetijs.

---

FRANCISCO . ROBORTELLIO,  
Bononiam. 27

MAGNAM habeo gratiā Hieronymo Seripan-  
do, optimo Cardinali, omniumq. uirtutū gloria praeſtā-  
tissimo, quod ab aliqua nos ob imitationē uirtutis exor-  
ta ſimultate ad ſummam beneuolentiā, coniunctionem  
que traduxerit. te quidē cum eximia doctrinae opinio-  
ne, quā apud omnes merito conſecutus es, humanitatis  
laudem uelle coniungere, tum mea cauſſa laetor, qui  
tua conſuetudine nimis diu moleſtiſſime carui, meaeq.  
in te perpetuae uolūtatis ipſe mihi egregie ſum cōſcius:  
tum uero, quod inter te, & Sigoniū meum, uiros tales,  
& plane duo noſtrae Italiae lumina, non optime cōue-  
nire, ſerendū uix erat. itaque cū de noſtra auēſore Se-  
ripandore cōciliata gratia ex ipſius Sigonij litteris co-  
gnouiſſem; feci ſtatim, quae meae partes erāt, ut animo  
te cōplecterer, meq. tibi, leuiter antea, nec ſane medio-  
cri cum dolore immutatum, libentiſſime totum reſtitue-  
rem. A te peto non ut me mutuo diligas, quod te iam  
facere, perpetuoq. facturū certo ſcio: ſed ut officijs etiā  
ita mecum certare uelis, quibus & cupide uincam, &  
uincar

vincar tamen non inuitus, ut nihil omnino neque de  
 mea in te uetere obseruantia, neque de tua in me bene-  
 uolentia detractum esse uideatur. quamquam hoc, tua  
 fretus bonitate, & sapientia, cum sperauerim antea,  
 nunc ut plane confidam, litterae tuae fecerunt, ad ho-  
 minem bene doctum, & utriusque nostrum amantissi-  
 mum, Raphaelem Cyllenium proxime conscriptae:  
 quibus in litte-<sup>is</sup> partim de me, quo sum mirifice lae-  
 tatus, amantissime loqueris, partim etiam typos Grae-  
 cos fratris mei, nescio qua culpa amissos, benignissime  
 mihi polliceris, ac defers. Ego, mi Robertelle, istam ue-  
 hementer amo uoluntatem, quam tibi certe emetior:  
 liberalitate uero tua etsi delector maxime, tamen, cur  
 uitar, non est; cum officinam satis amplā, & perelegan-  
 ti huius generis copia magnis iam sumptibus instruxe-  
 rim. tibi tamen, quia de comodo meo tua sponte cogi-  
 taueris, quod sine summo erga me amore fieri profecto  
 non potuit, aequo debeo, ac si rem omnium maximam  
 meo perneccessario tempore detulisses. quod si a me pa-  
 ria, ac multo etiā praestantiora in omnibus rebus, quas  
 ad tuæ laudis, tuiq. commodi partem aliquam pertine-  
 re intelligam, studia, & officia exspectabis; numquam  
 te fallam. atque huius quidem te esse promissi, & quasi  
 loco foederis, quod a me uiolari numquam patiar, hāc  
 esse apud te epistolam uolo. Camillum Palaeottum,  
 cuius excellentem humanitatem, coniunctam pari uir-  
 tute, non dubito quin praeclare cognitam habeas, &  
 communem amicum, dignum Romulo parente filium,  
 Pompilium Anasaeum, rogo te, salutes mei uerbis di-  
 ligenter. Vale. Venerijs.

## ALEXANDRO. CRISPO

28

*HABET. hoc virtus, vt amicitias nullo inter-  
 cessore conciliet. itaque, cum de studijs tuis, & in-  
 credibili quadam ad liberales artes voluntatis propen-  
 sione, ex Sebastiani Leonis, familiaris mei, litteris  
 cognouissem, dilexi te statim, idq. vt intelligeres, ve-  
 hementer optavi. nunc, quando opinionem meam de  
 ingenio tuo susceptam epistola tua cōfirmat: ego quoq.  
 aliquanto magis ad te amandum impellor. quod vero  
 etiam in amore mihi respondeas, tuamq. operam, cu-  
 ram, & auctoritatem nullo vñquam loco desuturam  
 promittas: vtrumq. facio plurimi, & esse perpetuum  
 cupio. quod vt confidam, tua probitas facit multorum  
 sermonibus, praecipue vero Leonis nostri testimonio  
 comprobata. Hic ego hortarer, pro mea in te summa  
 beneuolentia, vt acrius te ad omnem laudis cupiditatē  
 incitares, sed neque industria tua cuiusquam indiget  
 praeceptis: nec te res vlla magis ad gloriam accendat,  
 quam nobilitas tua, quam, non dubito, quin saepe men-  
 te & cogitatione contempleris. tantum igitur te roga-  
 bo, vt istum teneas, quem coepisti, cursum, nec te vñ-  
 quam aut voluptas, quae adolescentibus maxime suis  
 blanditijs, & ficta boni specie perniciosas insidias ten-  
 dit, aut fucatus rerum humanarum splendor a studio  
 virtutis, id est a ver. i. solida q. gloria deducat. Vale, &  
 Leoni nostro, doctissimo atque optimo viro, dic salu-  
 tem meo nomine plurimam. Venetijs.*

S C R I-

SCRIPSIT . HANC . ROGATVS .

A . NOBILISSIMO .

Viro

29

CVM in summis molestijs, quibus me fortasse immerentem fortuna uexat, quae quidem tibi satis notae sunt, unicum mihi solatium fuerit beneuolentia tua, quam opinabar me singulari quadã, ac perpetua erga te obseruantia, & studio quodam incredibili consecutum: eo me solatio magna ex parte priuatum esse, ex eo sermone, quem habuit mecum proxime Drusus tuus, uehementèr doleo. quod quidem eo patior acerbius, quia, si posset augeri amor in me tuus, augeri potius debere pro mea in te egregia uoluntate, maximisque studijs, existimabam. quid enim, a quo primum tempore aditus mihi patuit ad amicitiam tuam, de te senserim, ipse mihi optime sum conscius: quid uero praedicauerim, testes habeo, non leuissimos homines, sed praestantes uiros, eosque minime paucos, quorum auctoritas, & probata uita uel sine iureiurando facile fidem facere possit. quae cum recordor, magnam ex officio meo uoluptatem capio: propterea quod nihil umquam mihi grati animi memoria incundius, aut est, aut umquam erit. &, quamquam animum tuum non nihil immutatum Drusi uerba significabant; cum ego perpetuitatem amoris tui exspectauerim; eamque tanti fecerim, ut ex omnibus rebus humanis nihil paene pluris aestimauerim: tamen, non ut animatus

V

nunc

nunc in me sis, sed ut antea fueris, in omni mea uita iucundissime cogitabo; quæq. in amicitia colēda a doctissimis uiris constātia tributa laus est, eā ut omnino cōsequar, enitar quantum in me erit; non quod tua uirtus cuiusquam hominis laudationē, uel tua fortuna cuiusquam opes, aut merita desideret; sed profecto apud sapientissimos homines, quem ego te in numerū refero, significatio bonæ uoluntatis, etiam si merita non habet, pro meritis tamen est. Te uero, Principem egregium, omniumq. uirtutum apud omnes homines, maximeq. apud omnes Principes laude florentem, præterea ista ornatum dignitate, quæ ad omnem laudē tacita quadam cohortatione uidetur impellere, figmētis commoueri hominum improbiſsimorū; & alienis fortasse bonis inuidentium, prorsus æquum non est. Quid enim? an ego tam prauus esse possim, ut optimo uiro coner tamquam in sermone detrahere? an tam stultus, ut, qui mihi multis rebus prodesse, multis etiā obesse possit, eum in dignissimis laceſsam iniurijs? an tam ingratus, ut, cuius erga me summam humanitatē, ac benignitatem senserim, de eo quidquā cogitem, aut etiam loquar iniquius? Quid honor meus? an apud me nullius est ponderis? ille uero mihi, uel ipsa uita carior adhuc fuit, eritq. in posterū ita sum a puero educatus, ita natus: ita etiā didici ab exēplis maiorum meorū. an igitur honor meus tantā ferre posset inconstantiam? ille certe cum omnes maculas, tum hanc, quæ turpissima est, leuitatis, & intemperantiæ, respuit, ac reformidat. Quare, si peccarē in te, magne Princeps, simul in me ipsum peccarem. quorum alterum ab officio meo, alterum a uolūtate nimis



mis abhorreret. Quod igitur neque committere debeo, neque possum, id mirarer equidem a te credi; si plane que ad me delata sunt, uera omnia putarem. sed primum haud libenter id credo, quod iniucunditatem, ac solitudinem affert animo meo: deinde, quod indignum uidetur bonitate tua, quam ego, ut maxime omnium habeo cognitam, ita maxime omnium efferre laudibus ubique soleo: postremo, quod cum ipsa ueritate pugnat. Quod autem, quiddam etiam de liberalitate mea gloriose a me iactatum, i'dem comminiscuntur: impudens mendacium est, ac, ne alijs utar argumentis, te ipso teste falsum. nam, fuisse me tui perstudiosum, omnia tibi, tuisque, quae potuerim, obsequia, atque officia praestitisse, uere dixeris, & multi sciunt: quo tamen ipse nomine gloriari non soleo: contentus ipsa re sum; uerum fuisse me, cui multa de sunt, in te, qui cunctis rebus abundas, liberalem, & de meis riuulis paene aridis affluxisse aliquid ad tuos uberrimos fontes, certe nemo dixerit; nec, si quis diceret, ego ignoscerem. Hoc igitur uno quod inanissimum esse constat, reliqua, mihi obiecta, refelluntur. patent insidiae maleuolorum; infirmatur, ut saepe solet, a se ipsa, & suo quasi gladio ingulatur improbitas. itaque recreor paullulum in acerbissima molestia: ut etiã hoc sperem, si qua uoluntatis tuae facta mutatio sit, quod quia meritus minime sum, ideo minime possum credere, me tamen ab humanitate tua facile impetraturum, ut te mihi totum restituas. nec enim decet, apud talem uirum, tantumq. Principem, natura bonum, iudicio, & consuetudine optimum, consilijs

*& artibus locum esse hominum perditorum. quam mihi spem, ut confirment litterae tuae, peto a te pro mea peruetere non solum erga te, uerum etiam erga tuos omnes obseruantia: idq. a te summa tua, tuaeq. familiae dignitas postulat. Vale.*

## EPISTOLARVM

PAVLLI. MANVTII

LIBER. SEXTVS

FRANCISCO. RICHARDOTO

EPISCOPO. ATREBATEN.



*V*M antea tibi, ex hominis mihi amicissimi, tuiq. studiosissimi, singularis viri, Octavij Patagathi, sermone tribuebam plurimū, ac te, nondum mihi de facie notum, colere tamen, & diligere nō vulgariter coeperam: tum uero, vt legi orationem tuam, nuper habitam in Synhodo Cameracēsi, qua nescio an quidquam adhuc viderim praestantius; dici vix potest quantum ad meum de te iudicium, quātum etiam ad amorē accesserit. vidi enim ut in tabella pictam, atq. expressam, ingenij, doctrinaeque tuae imaginem excellentem: quam intuens, amore tui sum incensus incredibili, sic, vt ardentius esse nihil possit. & , quamquam assiduus dislinebar chris; feci tamen; studio scilicet impulsus; vt his tibi litteris aliquā voluntatis in te meae significationē darent. nam, et si tu is es, cuius virtutes, quasi pleno theatro spectatae, iā ita notae sint, vt nec augeri cuiusquam praeconio, nec minui vituperatione possint; me tamen ita animatum esse velim existimes vt, cum multi certatim te ornent laudibus, ego tamen in eo, vel principatum appetam, vel superiorem certe feram neminem. Nam

quod te de studijs meis non pessime sentire, & Ioannes Richardotus, praeclara indolē iuuenis, natus ad omnē laudem, planeque te auunculo dignus, affirmat, & litterae tuae, ad illum scriptae, significant; valde triumpho, atque istam opinionem, mihi crede, beatorum hominum copijs, atque opibus non comparo solum, verum etiam antepono. quid enim optabilius, quam iis placere, quorum virtus, & vita tum principibus viris, tum etiam populo placet vniuerso? quid autem accidere cuiquam possit illustrius, quā a te laudari, qui ita viuis, vt nihil agas, nihil expetendum putes, nisi cum eximia laude coniunctum? notum enim genus est institutorum tuorum, nota industria, notae curae pro salute animarum vel tuenda, vel recuperanda. Scimus, quos ex ingenio tuo fructus Atrebates tui partim iam colligāt, partim etiam exspectent: dicerem, nobis invidentibus, si aut in Christianum inuidia caderet, aut ex eo genere virtus esset, quae non longe distribui, non communicari passim facile posset. quod cum ita sit; non committam tamen, vt te horter, vt ad nos quoque tua scripta peruenire velis. quod enim publice profuturum videtur, in eo neque cuiusquam hortationi bonitas tua, neque consilio prudentia locū relinquit. laetabor potius quod ea sis & voluntate, & virtute praeditus, vt optime de Christiana rep. mereri, eamque miseris temporibus labefactatam confirmare maxime possis. quo facto, inibis maximam gratiam ab omnibus bonis, tibi que perennem gloriam, & ea, quae summis meritis proposita sunt, praemia consequeris. A me velim, si quid tua, tuorumve causa praestare possim, quamquā, & quā tu fir-

tu firmus ab omni re sis, & quam ego imbecillus, intelligo; veruntamen, si acciderit, ut vel amplitudini, gloriaeque tuae, vel eorum, qui tibi cari sunt, commodis servire possim: exspectabis eadem a me, quae soles ab iis quorum valde cognitam habes fidem, benevolentiam, observantiam. dabo operam, & assequar, ut spero, ut opinioni tuae officia mea respondeant. Studium quidem, si res poscet, exstabit eiusmodi, ut nec obscurum esse, nec mediocre videri possit. Vale. Romae, pri. Idibus Sept. MDLXV.

## NICOLAO. GOTIO,

Epidaurum.

MULTA virtus praemia, sed nullum habet seipsa praestantius. itaque, nisi te ipsum prorsus ignores, valde te laetari necesse est, mi Nicolae, tum doctrina, tum etiam eloquentia tua: quarum alteram ex hominis mihi amicissimi, cuius testimonio plurimum tributo, Pauli Rosii literis iam pridem habeo cognitam, altera sese ostendit in epistola tua. sic, ut speciem egregiam veteris Romanae linguae propemodum in te vno mihi videar agnoscere. Quo circa patriae tuae gratulor, quam praeclaris institutis, opibusque florentem praecipua quadam scientiae tuae gloria nobilitas. Gratulor etiam mihi de amicitia tua: cum qua, mihi crede, neque Regum opes, neque ulla omnino fortunae bona confero. Nec vero Imperatores illos veteres, quorum bellica facta historiae celebrant, tantam e suis triumphis, atque ex insigni illa laurea cepisse volu-

ptatem existimo, quantā haurire me sensi, cum cā partem legerem litterarum tuarum, in qua, rationem studiorum meorum probari tibi vehementer, significas. quod si tu aliter sensisses; mutassem institutū; meque ad consilium tuum, tuaque praecepta totum contulissēm. Et, quoniam, quid praestare possis, video, cupio te aliquid mandare litteris, quod ad posteros perueniat. Plura vellem, sed auocant negotia; unum illud addam, te mihi esse in oculis, idque tuo merito. ferus enim, ac ferreus nimis est, qui te amore singulari non amat, tot praeditū suauitatibus ingenij. Ego tibi a me singularē beneuolētiā, & perpetuā tui nominis obseruantia polliceor. Vale. IV. Id. Sext. M D L X I.

---

IOANNI. SARIO. ZAMOSCIO

Patauium.

3

**S**AEP E mihi antea litterae Caroli Sigonii, cui quantum tribuam non ignoras, praeclarum & humanitatis, & ingenij, doctrinaeque tuae testimonium dederant; itaque te eram complexus amore nō mediocri, sic ut fauerē tuae laudi mirabiliter, idque ut ipse illustri aliquo signo intelligeres, vehementer cuperem. ut optabam, ita contigit. nam, cum tu animum induxisses valere me gratia apud Petrum Miscoium, florentē virum honoribus, opibus, omni que virtute, facile impetrauit a me Sigonius, cum tuo nomine rogaret, ut ei te commendarem litteris quam possem diligentissime. verum, ut est Miscoius in liberales doctrinas egregie animatus, & ingeniorum existimator intelligens: non dubito,



dubito, quin tibi plus apud eum virtus tua, quam mea commēdatio profutura sit. ut ut erit, ego mihi interim facultatem esse datam testificandae beneuolentiae in te meae, etiā atque etiā laetor. quod ita velim inter preteris, ut accepisse me beneficium, non dedisse, existimes: quando hinc vel orta inter uos, vel certe aucta amicitia est, & mutuo iam litterarum, quasi pignore cōfirmata. quod si ad hanc animorum consensionem, quae tamen coniungi absentes videmur, communicatio sermonis & suauitas consuetudinis posset accedere; id quod forsitan optamus pariter, sperare mihi per meas rationes, tibi per studia tua non licet: praestantes, opinor, fructus caperemus eorum studiorum communione, quae qui vere sapiunt, sola esse instar vitae putāt. quamquam hanc mihi aliquanto iniquius, quam tibi, ferendam esse iacturam intelligo. tu enim istic & abundas otio, cuius mihi fructus, nisi commentarer interdum aliquid antelucanis horis, plane eriperetur omnis: & cum te Sigonio nostro, humanissimo viro non iis modo artibus, quae specie quadam alliciunt, & defessum grauib; curis animum recreant, verum etiam iis, vnde ratio sumitur, & moderatio vitae, instructissimo, totum, ut audio dedideris, mihi crede, non est, quod aliunde quidquam petas, aut cuiusquam praeterea viam in hoc genere uocem desideres. Quare isto bono frui, dum licet: in quo tamen admonitionem, & consilium meum prudentia tua non exspectat; atque hoc equidem nomine tibi plurimum, ut debeo, gratulor: me uero absentem dilige; itaq; statue de mea voluntate, ut multos credas usu, & familiaritate, quo-

quotidianisq. officijs cōiunctiores tecū esse posse, quam  
me; amore autem, & studio, prorsus neminem.

Vale. Romae, Kal. Nou. MDLXI.

PETRO . MISCOVIO. 4

A quo die, accitus a summo Pontifice, ad Urbē ve-  
ni, otioso numquā esse mihi licuit: &, quantum diuino,  
eadem perpetuo erunt omnia: neque vero salutationi-  
bus quotidianis, quarū pleraeque mihi quidē volunta-  
riae sunt, necessarias quasdā alijs ambitio facit, valde  
me deditum esse velim existimes. valeant haec, & si  
quid est generis eiusmodi: ego in ea cura, quā suscepi, ut  
emēdati edātur sacri libri, mihi esse haerēdū intelligo,  
& eo magis, quod ad res praeclaras, cōmunēq. animo-  
rum vtilitatem, ita Pōtificis voluntas incumbit, ut ex-  
citet studia multorū, eaq. intermitte, aut languescere nō  
sinat. quae si tibi, ut arbitror, iam nota sunt: nō dubito,  
quin me, cessantē in officio litterarū, omni vel negligē-  
tiae, vel obliuionis amicitiae inter nos institutae culpa  
liberes. sin ex me primum haec accipis; aequiorem sal-  
tem in posterū te mihi praebere debebis, & existima-  
re id, quod res est. me tibi ex iis, quos in longinquis ter-  
ris viuentes, similitudine mihi studiorum coniunctos, li-  
benter coepi diligere, praecipuam vni praestare me-  
moriā, atque obseruantiam, nec mei iam in hoc officio  
dissimilem esse posse, quando tu quoque, ut audio, quoti-  
die tui similior es, id est earum virtutum laude praestā-  
tior, quarum fama tibi multos nō mediocri voluntate,  
me

me vero aliquot ab hinc annis plane singulari studio deuinxit. Ac vide, quid verus amor valeat. ego, cum tibi me comparare nulla re audeam, ne vtrumque nostrum videar ignorare, tamen, cuius in te animi sum ipse mihi conscius, in eo te respondere, libenter credo. fert hoc humanitas, postulat consuetudo tua, exigit etiam amicitia nostra, cuius equidem recreor memoria, honor etiam nomine. hac spe fretus, a te peto, ut Ioannem Sarium Zamoscium, qui hanc epistolam cum suis litteris ad te mittet, ita complectaris, ut meam commendationem, quod ille sibi persuasit, valuisse plurimum intellegat. est in familiarissimis, atque intimis Caroli Sigonij: & excellit, & ipso teste Sigonio, moribus, ingenio, omni denique indole virtutis. iam, quae mihi cum Sigonio intercedat necessitudo, quanta studiorum, animorumque coniunctio, quam consentiamus in litteris, aut quā suauiter interdum dissentiamus, ut ego mihi illum semper anteposuerim, ille mihi semper tribuerit plurimū, vtriusque scripta declarant. suscipe igitur, si quid non modo mea, verum etiam Sigonij causa vis. & orna, quātum potes, excultum doctrinis iuuenem, praestantis animi, natum ad patriae suae decus, tui uero mirifice studiosum, atque peramantem. nos enim simul in illo ornabis testimonio benevolentiae tuae, quam cognosci a quam plurimis, & nos aliquid apud te esse, quia vehementer hoc ad nostram laudem pertinet, propterea vehementer cupimus. Vale, & Patricio meo, nisi graue est, salutem meis verbis plurimam.

Romae. XIV. Kal. Oct. MDLXI.

IOAN-

IOANNI. SARIO. ZAMOSCIO.

Patauium.

5

EST, cur gaudeam, capere te fructum aliquem ex  
 ijs litteris, quas ad ornatissimum virum, Petrum Mi-  
 scouii, de te scripserā. quamquam hanc ego iā laetitiā  
 animo praeceperam, quippe qui & Miscouij prae-  
 tem humanitatem cognitam haberem & in te ipso es-  
 se multa, quae amorem concilient, non ignorarē. quod  
 si te nobis, idest alienioribus, tua virtus ita commēdat,  
 vt cupiamus tua causa, quidquid possumus: cur eadē  
 virtus omnia tibi a tuis, nulla cuiusquam commēdatione,  
 nō impetret hoc te quoque existimare, cum intueor  
 studia tua, facile mihi persuadeo; nec dubito, quia, ex  
 quibus artibus manant haec, quae tibi proposita sunt,  
 quaeq. adeptus in summo splendore ac dignitate viues,  
 eae tibi artes cariores quotidie sint, cum praesertim ex-  
 cellere te intelligam industria, doctrina, eloquentia, sic,  
 vt alios tua laude commoueas, exemploq. doceas, ma-  
 le suis rationibus consulere, si quem a sempiternis prae-  
 mijs paucorum annorum labor auertat. Patricius de-  
 nuo cupit Venetijs imprimi sua Fragmēta. in ea remeā  
 operā videtur exposcere, nec mihi volūtas deest: amo  
 enim hominem amore non vulgari: sed, absens quid pos-  
 sim, nō video: nec libēter suscipio, quod si parum succe-  
 dat, amici animus offendatur, & ego illius angar mole-  
 stia. scribā tamen ad eum, cum vacabo. nam nunc oc-  
 cupationibus valde vrgeor. Vale. Romae.

IOAN-

## IOANNI. TURRIANO,

Sermonetam.

6

ET SI eram ualde districtus earum rerum cura, quae ad sacrorum librorum editionem pertinet; cui toto muneri, me esse a Pio IV. Pont. Max. non contemnenda cōdicionē praepositum, credo te audisse: tamē, acceptis litteris tuis, humanissime scriptis, & elegatissime, uicit occupationes meas, nec a me responderi nihil est passa recordatio nostrae ueteris amicitiae, quā a uirtute ortā eadē postea uirtus aluit, atque cōseruauit. Ego te, mi Turriane, quo primum die cognoui, dignissimum duxi, quem omnes homines in oculis ferrent: ita sum delectatus ingenio tuo, ita doctrinā, ita mores probaui. Cōsuetudinem tuā, atque usum inter nos assiduū, cū uehementer expetere, per utriusque rationes consequi nō licuit. nunc, siue casus, siue nostra uoluntas ita tulit, ut ego Romae, tu Sermonetae uiueres; laetor plurimum hac locorum propinquitate, et spero futurū, ut maiores mutuae beneuolentiae fructus. si minus praesentes, litteris saltē consequamur. ego tibi omnia, quae potero, diligenter officio praeſtabo, memoriam quidem, & beneuolentiam, ut debeo, singularem. De tuo statu audieram antea saepe a Laurentio Gambara, proximis autē diebus a familiari tuo, iuene suauissimis moribus ornato, cognoui ea, quae mihi laetitiam attulerunt incredibile: ualere te gratia, & auctoritate a pud Sermonetā Cardinalē omni laude cumulatum, eiusq. fratrem, Bonifacium, Principem, maiorū suorum uirtute simillimū: in

Auditoris

*Auditoris munere numquam te a iure, & aequitate discedere, consequi tamē humanitate, & ingenij praestantia, ut summis, & infimis carus aequae iucundusq. sis: filioliū te habere indole optima, quem patris domestica uirtus ad uerum decus excitabit. Haec de te, ut optabā, quae spero fore perpetua. de me, praeter ea, quae ab alijs accepisti, nihil fere habeo, quod significem. ualeo satis cōmode: filius discit apud me diligēter: nec paenitet, quantū proficiat. uiuimus, mediocri fortuna cōtēti. Vale, & clarissimo Principi, cuius ego parentē, cū uiueret, auū autē pater meus omni obseruantia coluit, salutem plurimam, officiose manum osculatus, meis uerbis dices. Romae, VI. Id. Nou. MDLXI.*

---

A N D R E A E . S I L V I O,  
Venetias .

7

*VIX credas, mi Silui, quam saepe in magnis occupationibus tangar desiderio tui. non enim tuae suauitatis, non ingenij, non etiam pudoris ingenui, quo delector in primis, exemplum facile reperio. moucor etiam promisso illo tuo interpretationis Horatianae, de qua te absentem interdum admonere possum, praesentem quotidie appellarem, ac paene conuicio exigere. quis enim, qui de poetis modo iudicare aliquid possit? uni inter Latinos omnes Horatio, uel acumine ingenij, uel sententiarum grauitate, palmam non tribuit? quis igitur non magnopere tuarum lucubrationum cupiditate capiat? dixeras, uelle te omnia,*  
quae



quae ille a Graecis plurima transtulit, ut suā poesim, tamquam auro purpuram, illustraret, diligenter colligere, oculisq. omnium, ut imitandi ratio pateat, subijcere. totum opus erit egregium: sed hanc maxime partē, in qua non admodū aliorum elaborauit industria, a te homines eruditi uehementer expectant, & augetur expectatio sermonibus meis. Quare uelim, si quid ego apud te sum, uel potius, si tibi ipse carus es, ad urbem te conferas ineunte uere. nusquam certiora, aut maiora bonis artibus proposita sunt praemia. alijs in locis, tamquam peregrina, procul adspicitur uirtus: hic statim colitur, ut domestica complexu excipitur, fouetur sinu. quis autem ipse sibi tam iniquus esse uelit, ut, ubi aliquē possit, atque adeo maximum suorum laborum, & uigiliarum fructum ferre, ibi non & sedem ponere, & perpetuam uitam ducere animū inducat? Exempla ne quaeras: undiq. enim suppetunt. Haec tantū scripsi raptim, in magnis tēporis angustijs, ut intelligeres, me esse memorem amicitiae nostrae, & cum assiduīs distinear curis, de tuis tamen commodis, & ornamentis cogitare. Vale. Romae. Idibus Nou. M D LXI.

---

IOANNI. BAPTISTAE. TITIO,  
Florentiam. 8

CVM, quid ageres, ignorarem, nec iam, ut ingenuē fatear, tui desiderium satis ferrem: quippe tua mihi suauitas, tuum ingenium, tuae litterae saepe occurrunt: amore sum impulsus, ut haec in magnis occupatio-

cupationibus ad te scriberem. Et, ut ordiar a rebus Romanis, id primū cognosce, tranquilla hic esse omnia, nihil turbulēti, nihil aduersi. ciuitas quotidie magis hoc Pōtifice reuiuiscit. ita nō modo ipse excellit, ista, pietate, beneficentia, uerū etiam suos omnes, egregiae illos quidem ad uirtutem indolis, uerumtamen suo etiam exemplo, quales esse debent, tales praestat. quod in magna potestate, rerumq. copia quam non facile cōtingat, utinam ueteribus tantū, non etiā recentibus exemplis cognitum haberemus. Multis locis aedificatur strenue. nam Pontifex, ut praestanti animo est, antiquae illius Romae speciē eximiam, & formam cogitatione, ac mēte complexus, excitari praeclara monumēta, uias restitui ueteres, nouas muniri, aquas etiā a longinquis fontibus impensa maxima in urbem duci iubet. quae cum erūt absoluta, nihil adspectu pulchrius, nihil magnificētius, aut etiam commodius esse poterit. Ego, quamquam tum alijs rebus, tum officio salutādi molestissimo quotidie fere distineor, iucunde tamen satis uiuo: si modo homini, scientiae cupido, sine librorū usu, quo careo perinuitus, iucundi quidquam esse potest. Praela nostra, comparatis iam fere omnibus rebus, quae ad imprimendū pertinent, propediem in officio erunt, & a Cypriani epistolis, quod felix faustumq. sit, initium fiet. De tuo statu exspectabā omnino aliquid ex litteris tuis: idq. postulare uidebatur amicitia nostra: sed, cū ea spes me sefellere, nolui cōmittere, ut uicissim ipse officium meum desiderare posses. Vale, et salue a filio meo, cui raptim haec mane dictavi cum in Vaticanum negotij caussa, properarem. Romae, nonis Dec. MDLXI.

IOAN-

IOANNI TURRITIANO,

Sermonetam.

9

IN magna iucunditate, quam tua mihi attulit epistola, molestiae nonnihil, ac doloris adpersit illa pars, in qua, Bonifacii Caetani nomine, Principis egregij, cuius caussa uelle me omnia, atque etiam debere confiteor, accurate petis, ut ad eius filium liberalibus excolendum disciplinis conferam studium, & industriam meam. quod idem antea cum & saepe, & uehementer peterent Cardinales aliquot, optime de me meriti, inuitus equidem, tamen pernegavi: neque uero ob eam causam, quia, priuatim docere, praesertim in urbe Roma, dignitatem non habere, arbitrantur multi: quod mihi quidem uidetur secus: quod enim scire honestum est, id cur docere turpe sit, non intelligo; sed multo magis, quia publici muneris cura, libenter a me pro communi utilitate suscepta, uacui sane temporis minimum relinquit: & id ipsum, quod relinquitur, iure quodam suo sibi postulant, atque exigunt studia mea. quamquam ab his me saepe, uel salutandae necessitas, uel amicorum auellit interpellatio. ita traducuntur dies. honeste, inquires. fateor. addo etiam, satis iucunde. non enim me *μικρόν ποτ' αὖτις* quendam, abhorrentem a consuetudine hominum, & humanitatis expertem, natura finxit. uerumtamen, cum illa, tibi non ignota, studiorum nostrorum suauitate uoluptatem nullam comparo. quod si nobilissimi



COLAE. ANTONIO. CARACCIOLO

MARCHIONI. VICI.

Neapolim

10

AVVM tuum, Marchionem Vici, virum omni  
laude cumulatum, uita excessisse, amicorum litterae si-  
gnificant. quo e quidem nuncio, primū uehementer sum  
commotus, cum mihi ueniret in mentem doloris tui,  
quem ex illius interitu, conspectu erepto carissimi homi-  
nis, & fructu amisso maximarum uirtutu, quibus in ui-  
ta excelluit, iure suscepisti: deinde, ut me collegi, occur-  
rebāt multa, quam obrem animus meus a maiore ab-  
ductus non mediocri solatio coquiesceret. Quid enim est  
in hac uita exoptandum? uita ipsa dixerit aliquis, num  
quid praeterea? uirtus, & bona existimatio, sine quibus  
ipsum uiuere, sapientibus incundum nō est; amplae for-  
tunae, quas Peripatetici nō neglexerūt; amicitiae, qua-  
rum usus in secundis rebus delectationē, in aduersis uti-  
litatem semper, interdū etiam salutem affert. At haec  
a uo tuo, diuino quodam munere, omnia contigerunt, qui  
& ad ultimam fere senectutem uitā perduxit, & sem-  
piternam laudem, militari scientia ac fortitudine par-  
tam, posteris reliquit; opibus autem non abundauit so-  
lum, uerum etiam optime usus est, amicitias, & cliente-  
las, officijs, & liberalitate quāesitas, coluit diligentissi-  
me. Quae cum ita sint; non tibi dolendum est eius interi-  
tu, quem sciebas natū esse mortalem; sed laetandu po-  
tius, quod ita uixerit, ut minimū ei mors, quae multo-

rum nomina cum corporibus exstinguit, adimere posse uideretur. uiuet enim auus tuus, uiuet, inquam, in hominum memoria, quamdiu probitati, consilio, uirtuti locus erit. atque ille quidem laetari uehementer solebat, cum te nepotem suū, omni decore florentem, heredē sibi futurum cerneret non earum modo rerum, quae fortunae bona dicuntur, sed etiam uirtutis, ac sapientiae, quae neque a fortuna dantur, nec eripiētur umquam. itaque debes eniti, & curare, quod te iam egregie praestare audio, ut eius in te uirtutes agnoscātur; & quam uerae gloriae uiam iam ingressus es, per eam celeri cursu eodem pergas. sic enim breui ad ea, quibus iam, bonis omnibus mirifice fauentibus, ac laetantibus, appropinquas, immortalitatis praemia peruenies. me quidē perpetuo praeconem laudum tuarum, si quid mea uox ualeret fore pollicerer: studio tamen, & conatu, si minus re ipsa licebit, fortasse consequar, ut, quae mea sit erga te obseruatia, quae de tuis uirtutibus opinio, quae tua simul in me merita, homines intelligant.

Vale. Romae. pridie Kal. Mar. M. D. LXII.

IO. ANTONIO. SERONI,

Neapolim.

ET SI non dubito, quin tu, pro tua prudētia, quibus assidue distinear curis, & quae negotiorum onera sustineam, praecclare intelligas: tamē per teasse mihi uideor: nec a me ipso ueniam facile impetro, qui, acceptis litteris tuis, humanitate simul, & ingenio conditis, respōdē-



di-officium ad hanc usque diem protulerim. hac enim me esse mēte, uelim existimes, ut nihil aut a fortuna cōsequi, aut ab industria possim; quod tui similiū amicitij anteponendum putē. itaque, nullius mihi non modo culpat, sed nec erroris conscius, magno tamē in dolore versor. appellasti me prior suauissimis litteris, ornaisti laudibus, amoris nulla significatio est, qua uacauerit epistola tua. quibus in rebus gratiae referendae facultatem nō habeo: studio tamen, & memoria benignitatis tuae, partes meas facile tuebor. quamquā, quod ad laudes attinget, quas in me plena manu cōgessisti: vix possum cōstituere, laetitiae ne plus, an molestiae mihi attulerit iudicium de me tuum. nemo fere amat, nisi de quo bene existimat: cur igitur a quo amari uehemēter cupio, ei me talem rideri, qualis nūc quidem certe non sum, atque utinam aliquando esse possim, non uehemēter gaudeās rursus, cum ad me ipsum cogitationē conuerto, meique uires ingenij cum opinione tua confero, statim illustrat ueritatē ratio, erroremque mihi tuum cum pudore meo, atque etiam, ut uere dicam, non mediocri cum dolore patet facit. quamquā, cur ego errare te credam, qui studio, & doctrina iam pridē es affecutus, ut minime omnium in hoc genere falli possis? nec seruire auribus certe uis, homo ingenuis disciplinis eruditus. quid ergo es? Socratē uidelicet imitaris, & ironia te delectat. nā, quod tua bona minuis, nostra uero si qua sunt, auges; amo equidem in altero modestiam tuam, in altero humanitatē: uerum hoc scito, & patere aequo animo, me de te ipso contra te sentire, persuasum iam elegantia: & subtilitate litterarum tuarum: quas qui legerit,

quam longe per eloquētiæ viam processeris, intelliget. De me autem, utinam sententiam tuā scripta mea nō refellant: quibus ut ingenium non defuerit, quod tu existimas, ego aliter statuo, diligētia certe, quæ subleuare ingenium potuit, in magnis occupationibus, & ualitudinis infirmitate semper defuit. Quare omitte, quæ so-  
 ironiam istā, & aequa lance vtrumque nostrum perpē-  
 de. ita fiet, ut, quæ in me ornamenta contulisti, maxi-  
 mam eorum partem in te transferas. Ego enim, si quis uoluntatem, uel si etiam industriam in me laudet, faci-  
 le patiar, cetera nō agnoscam. te uero, quamquā antea eruditissimi, & in primis acuti iuuenis, Io. Vincentij Pi-  
 nelli testimonio magnopere credebā, tamen, ex una tua epistola, tamquam ab ungue leonē, plane totū cognoui. itaque, cum tibi de ista præstātis ingenij facultate, do-  
 cetrinaeq. copia plurimū gratulor: tum uero, ut tua bo-  
 na noris, id est, ut aliquid litteris mādēs, quod omnis po-  
 steritas in manibus habeat, pro instituta inter nos ami-  
 citia non hortor solū, uerum etiam rogo. Quod reliquum est, licet inter bonos haud ualde necessariam officiij pro-  
 missionem existimē, præsertim in ea necessitudē, quā studiorum similitudo peperit: omnia tamen, quæ præ-  
 stare possum, quæ summa esse cuperē, sed ea tamen, quaecunque sunt, in omnibus tuis rebus, minimis, maxi-  
 mis, aequæ tibi polliceor, ac si iam pridem amare coēpis-  
 semus inter nos. hoc enim, & alijs frui priuilegijs deceo-  
 ras amicitias, quæ a studio uirtutis emanant.

Vale. Romæ. Kal. Mart. MDLXII.

NICASIO. CASLETANO.

Patauium.

**PATAVIUM** te venisse, quae semper urbs officina quaedam est habita doctrinae, laetior equidem communium studiorum causa plurimum. cerno enim iam animo, ubi tu philosophiam cum eloquentia coniunxeris, quantum ornamentum litteris nostris, quantum splendoris accedit: sed mecum actum est incommodius, qui quo tempore nobis, vnius diei tantum intervallo disiunctis, praesentes amicitiae nostrae fructus nullo negotio capere licuisset, quo mihi optatius, aut iucundius esse nihil potuit, tunc abesse a te cogar, & omnem suauitatis, delectationisq. nostrae spem in mutuo litterarum officio reponere. crede mihi, haec ego cura vehementer angor: quippe, cuius imaginem humanitatis, ingenij, eloquentiae iam pridem vidi in epistolis tuis, ac saepe sum animo contemplatus, ea si propius adspicerem, qua laetitia, qua voluptate perfunderer. valeant, si qui aut opes, aut honorum insignia, vel illustrium virorum ambitiosas salutationes tantum aestimant, ut haec bonis, iucundis, sapientibus, idest tui quam similibus amicis anteponant. Accedit ex occupationibus molestia, quibus impediior, quo minus tecum per litteras quam saepissime colloquar, quod ob eam quoque causam ad te scribo, ne mihi vitio vertas, neve obliuione, aut negligentia mea potius, quam negotiorum multitudine, factum suspiceris, quod paullo serius fortasse, quam expectabas, epistolae tuae responderim. nulla enim te magis,

quam deserti officij memoria, crucior. nec tamē ab amicis plus, quam commodum eorum, aut etiam voluntas ferat, vniquam postulo. itaque, amicum nostrum cur excusares de infrequētia litterarum, caussae nihil fuit. quiduis enim potius persuaderi patiar, quam ei me absenti effluxisse ex animo, quē ego praesentē quibus coluerim officijs, quaeque ad eius laudem studia contulerim, optimus ipse testis est. At scribit perquam raro. Fortasse aulicae vitae consuetudo ita fert, fortasse etiā cum uelit, per negotia non licet, uel priuata, uel publica: aut si licet, nostram amicitiam, quae satis per se firmā est, non modo litteris, sed nec ullo prorsus officio putat esse fulciendam. qua ego quoque in sententia sum. & tamen ita me comparauī iam pridem; si quid ab amicis praeter meam expectationem omittitur; id ne accipiam durius, & malim omnia mitiorem in partem interpretari, quam committere, ut sanctissima necessitudinum iura suspicio, plerumq. falsa violare possit. Atq; haec ipsa, nisi graue est, ad eum perscribas uelim: & hoc addas, me, cum primum Romam veni, de meo statu litteras ad eum dedisse: quas a communibus amicis fideli, & certo tabellario commissas, perijsse non arbitror: ab eo tempore noui nihil in meis rebus contigisse, nisi hoc nouum uidetur, mihi cum hoc caelo, cuius multi gravitatem non ferunt, adhuc quidem optime conuenire. quod ei fore iucundissimum, certo scio. Tibi ad Carolum Sigonium, & Michaelē Sophianum, praestantes viros, mihiq. & studijs, & amore coniunctissimos, cur litteris opus esse commendaticijs existimem? quasi non eorum vterque, ut doctrina, sic

etiam

etiam humanitate excellat. & profecto iam tibi ad eorum amicitiam, qua vir bonus & studiosus nemo excluditur, aditum aperuit, nullo intercessere, uirtus tua, illique te cognitum diligunt, tuaque in primis consuetudine delectantur. qua ego interdum cogitatione ita fruor, ut hac etiam specie falli me sinam, quasi ipse uestris deambulationibus, & sermonibus intersim. Ego hic, nisi me noctes aliquando adiunxissent, carnissem prorsus litterulis nostris, quarum suauitate pascor. nunc aequo iam noctibus dierum spatio, vereor, ne non otij quantum vellem relinquatur. Tu quam libenter Patauij sis, quamque diu te futurum putes, quo utaris in philosophia doctore, (nam Genuam, omnium facile principem, rariore iam dentium ordine, minus explanate loqui aiebant) hac si ad me scripseris, & simul, de singulis publice interpretantibus quid sentias; duplicem fructum capiam, & quod ea, quae scire aueo, cognoscam, & quod ex litteris tuis, in quibus vernaculum illum Romani sermonis leporem, & plane Ciceronianam elegantiam mihi uideor agnoscere. Vale. Romae. IV. Id. Mart. MDLXI.

---

## HORATIO. CARDANETO,

Perusiam.

13

DE uirtute recte sentis. ea coniungit absentes, & in eos, quos numquam uidimus, amorem conciliat. quod autem, ut me, quasi aliqua uirtute praeditum, diligeres, adductum te significas: amplector voluntatem

tatem tuam : de amoris causa non disputo. sit ita , vt existimas; vel potius , existimes, quod lubet. nā ego me tibi, quin sim, numquam aperiā, ne de amore in me tuo, quem video esse non vulgarem, aliquid atque adeo multum detrahatur. Ego tibi, primum quod honorifice de me sentias, deinde quod id ipsum elegantissima mihi declarandum epistola putaueris, tantum debeo, quantum intelligo persolui a me vix posse : nam, & si nullum a me officium, aut studium, quod ad tuam laudē, aut rem pertineat, desiderare a me patiar : tamen, quod tu me prior tua sponte ad iungendam inter nos amicitia prouocaueris, par pari referre, vel si omnia tua causa praestem, numquam videbor. Quid, quod ista humanitas, qua me tibi deuinxisti plurimum, ingenij, eloquentiae, doctrinaeque laude cumulat? quae facile apparēt in litteris tuis. itaque dedi statim eas legēdas filio meo: vt exemplo tuo commoueretur, & quasi tua per vestigia ad eandem gloria contenderet. Tibi autem vehementer gratulor, quod tam praeclaram Latine scribendi facultatem sis adeptus, proprio tu quidem naturae munere. verum, nisi accessisset Grifoli mei, viri doctissimi, atque integerrimi, egregia disciplina, & ad disciplinam studium, & industria tua, numquam is fuisses, cui possent inuidere multi, similes esse paucissimi. Roma discessisse Io. Baptistam Titium, probum iuuenem, & in primis eruditum, antea magnopere dolebam, nunc eo minus angor, quod vos vna esse, & colloqui de studijs communibus, ex litteris tuis intellexi : ex quo, non dubito, quin fructus ad vtrumque vt in litteris vterq. excellit, maximi perueniant. Salutem ei meo nomine, si modo adhuc



adhuc istic est, dices; sin discescit, quod tua caussa no-  
lim, litteris adscribes. Vale. Romae. XI. Kal.  
Quinct. MDLXII.

## CHRISTOPHORO. SAXO.

Perusiam.

HORATIVM Cardanetum, licet ignotum mihi  
de facie, tamen, ob eius excellentem doctrinam, & elo-  
quentiam, uehementer diligo is mihi disertissima episto-  
la non uulgarem uirtutis tuae significationem dedit: cu-  
ius testimonio commotus, uel si tua scripta numquã le-  
gisssem, nihilque ex aliorum sermone de tuis optimis in-  
stitutis, ac studijs cognouisssem, tamen ita statuerem, te  
mihi non modo amandum, uerum etiam, quatum in me  
esset, ornandum: si modo ornamenta desiderat uirtus tua,  
quae te ipsum iam pridẽ, istamq. ciuitatẽ illustrat. Sed  
mihi crede, uberius nemo de te, aut honorificetius laqui-  
tur, nemo mihi pluris est, quam Rhetor tuus: cuius fa-  
cultate, & copia facile sum adductus, ut comparem te  
maximis uiris, tuaq. caussa, quae possum, quaeq. etiam  
nõ possum, cupiam. quod si credideris: iure a te fieri sen-  
ties, quod nunc si facis, tua sponte, non meo merito, fa-  
cis, ut me diligas: & expectabis a me eadẽ, quae a fa-  
miliarissimis tuis: quorum pro tua probitate, & erudi-  
tione summa, numerum audio esse quam maximum.  
Tuis oculis restitui cupio, uel quod assiduus librorum  
usus, uel aetas iam ipsa, ad omnem corporis infirmita-  
tem procliuor, ademit. tu tamen, quando animo, ac  
mente

mente vides ea, quae simul cum oculis amitti non possunt, frueri cogitationibus tuis, & forti animo feras hoc quidquid est incommodi. malum enim, aut calamitatē, quo tu vocabulo vsus es, numquā vocabo id, quod a culpa seiunctum esse crediderim. Vale. Romae.

OXAS. OROH9OT21.11

\*

15

CV M tuas litteras legere coepissem, in quibus mihi amantissime, quod ad urbē migrauerim, gratulaberis, primum accusavi tabellariorum incuriam, qui eas tā sero pertulissent: deinde, cū ad clausulam legēdo peruenissem, liberaui culpa tabellarios, de te coepi quaerere, quod etiam nunc quaero, quid cōsiliū tui fuerit, ut, q̄ primis diebus, aut etiā primis mensibus aduentus mei nullam omnino laetitiae tuae significationem dedisses, idē post annum denique, & eo amplius, omissum antea cōsiliū gratulādi repetēdū putaueris. neque enim hāc afferre causam potes, quod eo tempore minus cōmode se haberent Romanae res, nūc autem in eo statu sint, ut gratulatione dignae videantur. nam contra, quae tunc tranquilla satis erant, nūc turbulenta multi putāt: ego tamen, ut opto, sic etiam auguror, & spero: fretus infinita summi Dei clementia, & cōsilijs optimis Pij IV. Pontificis, qui, publicae quieti ut consulat, nullam ipse quietis partem capit, omnesque suas curas intēto semper animo tum in Ecclesiae dignitate, tum in communi salute desigit. At metuebas, ne caeli nobis, praesertim grauioris, obesset insolentia. Est: tamen hunc dissimula.

mulari metum decuit; & ego, amicissimo homine  
 gratulante, bonum omen libenter accepissem. Mo-  
 res hominum fortasse, & consuetudo aulica, & haec  
 prope quotidiana salutandi necessitas occurrebat: me  
 contra, otij cupidum, huius ignarum ambitiosae ob-  
 servantiae, quam hic ueteres incolae humanitatem,  
 nos inquilini solum appellamus, uix putabas haec pro-  
 bare posse, nedum imitari uelle. quod si ita est: paul-  
 lisper, mihi, tuam in me beneuolentiam possum  
 requirere. partes enim uideris eas abiecis-  
 se, tibi imposuerat amicitia nostra: tuum erat, idq. ego  
 sane expectabam, uel praeceptis erudire me, ad hanc  
 disciplinam aptis; uel, si tibi quoque hoc artificij ge-  
 nus incognitum est, hortari saltem, ut Romana stu-  
 dia ne contemnerem, habendamq. loci, ac tempo-  
 ris, quod etiam sapientes probauerunt, rationem  
 putarem. Haec ego, a te omissa, si essem in exi-  
 gendis officijs paullo seuerior, & frid pateretur amor  
 in te meus, iure forsitan exposularem. Sed nihil  
 est tanti: & cupio mihi persuaderi quid uis, potius,  
 quam, quo ipse animo erga te sum, eodem te erga me  
 non esse. ac uide, quam non inique tecum agam,  
 atque adeo quanto aequior in te sim, quam in me-  
 ipsum. ego, si quid in hac scribendi tarditate pec-  
 catum est, saepe id utrique nostrum pariter adscribo,  
 interdum etiam auerto a te culpam, & in me totum  
 transfero. nam, si tu hoc dixeris, non abiecis-  
 se te officium scribendi, sed ignoratio rerum mearum  
 distulisse, expectantem quotidie, ut aliquid de  
 meo statu non ex humanissimi, optimiq. uiri, Pauli

Sacrati, sermone, sed ex meis litteris cognosceres: quid quid enim scripsissem, ad id tuas litteras accommodatum fuisse hoc, inquā, si dixeris, in tuto tua causa est: neque solum excusationem tuā agnoscere cogar, et probare, uerumetiam, quod contra afferam, ad amouendā a me culpam fortasse nō reperiam. itaque absit omnis querela: & si quid offensum in hoc genere a nobis est, uicissim alter alteri largiamur: uerus amor, ac summus, quo tu me, ut opinor, ego certe complexus es, sum, numerari inter nos, aut perpendi officia non finit. quod si fructū requireret amicitia nostra; quis esset uerior consocietia mutuae uoluntatis? sed profecto nō requirit, ipsa q. sibi fructus est, seq. ipsam alit, ac sustinet. atque equidem recordatione ipsa amicorum meorum ita pascor, ut in secundis rebus nihil iucundius, in aduersis hoc saepe maximum solatium inuenerim. Honores autem illi, quos tu sperari a me uis, in quo aduersantur multa, modice me capiunt. quid enim habent, quo melior fiam? quod curandum est unum. aut, si hoc non habent, cur expetendis? cur igitur hac specie falli me patiar, aciemq. mentis, homini a Deo datam, ut a malis bona distinguantur, inani splendore praestlingui? illud optemus potius, ut honesti pulchritudinem, nulla interiecta rerum humanarum nube, contemplari liceat. quod si assequemur, contemnemus ea, quae ceteri mirantur; & in priuata uita, minimo contenti, regum fortunam adaequabimus. Vale. Romae. VI. Id. Octobris. M. D. L. X. I. N.

## MARIO. NIZOLIO,

Parmam.

16

*DVM* aliquid ad te scribere quotidie cogito, & tamen diem e die expecto spe uacui temporis, non modo ut commodius, sed etiam ut uberius possem scribere: scit, ut anteuerteres, humanitas illa tua, quam ego coniunctā pari doctrina, in amore, & in ore semper habui. ac mihi quidē siue ratio ipsa, siue amor in te meus facile persuadet, ut, praereptum abs te officij priorē locū, non solum aequo animo feram, uerum etiam gaudeam. quid enim mihi aut est, aut esse debet optabilius, atque incundius. quam, a quo maxime omnium diligere cupio, eū dare operā, ut id me esse consecutum intelligam? Quod autē eorum librorum, in quibus & figurarum, & argumentandi, amplificandiq. uaria genera complecteris, quasi specimen quoddā ad me mittendum putasti: siue tu id feceris, ut obsequare studio meo, cum id me ualde cupere intelligeres; siue, ut eliceret iudicium meū, quod me uelle tua causā multum, posse aliquid fortasse, hac quidem in re, animū induxisses; utroque nomine est sane, cur te amem, ac tibi debeam plurimū, nec deesse patiari, qualecumque est, uoluntati tuae iudiciū meū. Ego enim, ut uere dicā, istam excellentem ad bene de litteris merendū animi tui propensionem ita probo, ut efferram laudibus: agere autem haec te simul omnia, & implicari tot rebus eodem tempore, quas curare singulis, & conficere permagnū est, aeque probare non possum.

Nec

Nec me fugit, argumentandi, amplificādiq. ratio, praesertim a te tradita, quem asserre fructū possit: sed figurarum uia, natura obscurior, praeceptis ad hāc diē minus cognita, usu certe parū trita, poscere primo loco uidetur lumen aliquod doctrinae tuae, ut ad exoptatam omnibus eloquentiae laudem certum iter aliquando unius industria patefaciat. duo reliqua mox: sunt enim praeclara, planeq. studio tuo digna; interim, hoc unum si ages, primū tibi ipsi laborem ualde minues, sine ulla tamen imminutione laudis tuae; deinde communis desiderij expectationem, ex inneterata iam tuae, uirtutis opinione ortam, explebis aliquāto maturius. quam multi enim sint, qui haec Latinae orationis lumina nōdum uiderint, ac ne esse quidem ulla suspicentur: quam pauci uero, qui, cum ea uideant, imitandi tamen uiam, & rationē ignorent; scis ipse omnium optime, & iudicasti iam ab illo tempore, cū te hac ipsa de re cōfecturum esse artem quandam, eamq. illustraturum unius Ciceronis exemplis professus es. nimium diu debes, mi Nizoli, quod olim petētibz a te tribus familiarissimis tuis, tuaeq. gloriae cupidissimis, Petro Bunello, Paulo Magnulo, mihi tunc adolescentulo, saepe promissisti. nec tamen urgere te, audeo, hominem aetate infirmum, oculis non bene utentem, publico etiam docendi munere districtum: sed meā sententiam de re dicendam putavi: in quo habui rationem in primis ualetudinis tuae, ueritus, ne, cum multa senex admodum susceperis, omnia perferre uix possis: de tempore autem, & si iam indicaui non tam, quid ego, quā quid omnes cuperent, tamen ipse moderaberis ex prudentia tua, & eo  
quidem



quidem animo, vt, in magna expectatione nos quoque  
de tuo cōmodo vehementer laborare, tibi persuadeas.  
Equidem, si me audis, etiā illud suaserim, ne ad fi-  
guras oratorum similia aggregares poetarum loca.  
quorsum enim? cum ab vno Cicerone omnis ver-  
tas, & quasi silua tum rerum, tum verborum sumi  
possit. quod si poetis prodesse vis; hoc quoque separa-  
tim fiat: bene locabitur industria: nec ego aspernor ea  
studia, quae colui adolescens, & quorum ope fateor  
me ad aliquam oratorij numeri scientiam facile perue-  
nisse. nunc elabores velim. & hanc vnam, & sim-  
plicem, omnium, vt ego sentio, maximam, ac difficilli-  
mam eloquentiae partem. quo in genere, siue tu ver-  
borum, siue sententiarum ornamenta quaeras, non vi-  
deo, cur vno Cicerone contentus esse non possis. mihi  
quidem, cum immensas eius opes intentis oculis con-  
templor, egere interdum ipsa paene Graecia videtur:  
certe de nostris, qui ad eandem laudem adspirare po-  
tuerit, neque fuisse antea, neque fore quemquam pu-  
to. Dixi quid sentirem, ingenue pro mea consuetu-  
dine, libenter pro amore in te veterrimo, atque verissi-  
mo, tu quid statuas, vtrum instituta commutes, an vt  
coepisti pergas, pro tua singulari sapientia iudica-  
bis. Commentarios meos in epistolas Ciceronis, quae  
Familiares vocantur, cum a te expectari video, auge-  
ri mihi animos ad scribendum sentio: & quamquam  
tu non instes; admoneri tamen videor, vt absoluiam.  
sed hoc nec sine otio fieri potest, & Romae otium op-  
tare, eius est, qui Romam ipsam ignoret, aut, qui, quod  
accidat vniuersis, in eo sibi praecipuam condicionem

*sperare solus audeat. Sed, quia cessamus inuiti; & quia, quod fuit in opere difficilius, id transactum iam est: enitemur, ut reliqua diu non desiderentur, angustiae temporis obstabunt: at detrudere aliquid somno, & cōferre ad elucubrandū licebit. turpe enim nobis est, qui uersamur in artiū nobilissimarū studiū, antelucana uinci leuiorū opificū industria; praesertim cū illi nihil, praeterea, quae corpori seruiunt, & uetustate corrumpuntur, nos animi fructum cum nominis immortalitate quaeremus.*

*Vale. Romae. IV. Kal. Dec. MDLXII.*

ANDREAE. GOSTINIO,

Cracouiam.

17

*RECTE coniecisti, obrui me plane negotiorū fluctibus. nā, qui antea, cum essem Venetijs, uel infimi ordinis hominibus respondere ad me scribentibus consuefsem; scilicet Andraeae Gostinio, doctissimo, & eloquentissimo uiro, summa apud principes auctoritate, & gratia, & humanissime scribenti, nihil rescribere. tū uero me hominē non esse, minimeq. dignū iis litteris putarē, quibus ab ineunte aetate ita meū studiū dedi, nihil ut antiquius habuerim, nihil omnino duxerim praestantius. Feci tamen in summis occupationibus, ut orationē tuā legerē: de qua sic statuo, scriptam esse grauer, & ornate, sic, ut ex ista provincia, quae nunc egregijs floret ingenijs, tibi cōpares paucos, anteponā. neminem; quo sane nomine uehemēter tibi gratulor, & liberalib. disciplinis,*

disciplinis, quibus ab ista eloquentia quantum ornamenti possit accedere mentem iam prospicio. Perge, mi Gostivi, per eam viam, quae te ad immortalem gloriam ducit. nihil optabilius sapienti, quam ea quaerere, quae uulgus contemnit, eos uitae terminos, quos natura praescripserit, uirtute proferre. quod tu potes, & uelle debes, & ut uelis, ego te, amicitiae causa, nuper inter nos institutae, non solum monco, uerum etiam rogo. De migratione nostra uideo te ex aliorum litteris cognouisse. nunc ex meis hoc scito, amplius, cum hic honestissimorum hominum & beneuolentia, & consuetudine fruor, nec mihi quidquam in mentem uenerit optare, ac petere, quod a summo Pontifice Pio. IV. non facile sim consecutus. angere me tamen, quod studius nostris, quorum quae sit suauitas ipse optime nosti, ita diuellar, ut ex ijs, quae pro communi utilitate non pauca eram exorsus, pertextere nihil liceat. quam iacturam, fortasse re minimam, tamen, ut ad iuuandas bonas artes animi mei propensio est, fero molestissime. Quocirca tibi iam, tuique similibus, qui mihi uoluntate pares, doctrina, & otio praestant, cogor tradere uigiliam meam: idque facio libentissime, qui publici commodi rationem ipsam per se, non cum mea laude coniunctam, plurimum semper fecerim. Ego tibi, si quid operae nauare possim, id totum polliceor, deferor. seruiam libentissime, quantum in me erit, uoluntati, commodisque tuis. Vale, & Petrum Misconium, Andream Patricium, singulares uiros, quibus fortasse excidimus, intermisso litterarum officio rogo te, meis uerbis diligenter saluta. Romae.

FRANCISCO MORANDO,

Veronam.

18

EX omnibus officijs, quae in me plurima cōtulisti, quae cogitare saepe soleo, nullum mihi scito pluris esse, quam quod operā dederis, vt Iulij Iusti, Comit̃s omni laude cumulati, amicitiam cōsequerer. nam etsi antea, testimonio adductus tuo, praestare eū litteris, ingenio, humanitate existimabam: tamen vicit opinionem meā illius epistola, sane ita luculēter scripta, vt ad antiquorū eloquentiam proxime accedat. nō loquor ad gratiā, neque id amicitia nostra, nec natura mea patitur. huic viro, si cum generis nobilitate spectatur virtus, quamquā nihil est ipsa virtute nobilius, qui praeferrī possit, neminem video. itaque illum in oculis fero, ornare etiā laudibus cogito, & meā obseruantiam, si fieri poterit, apud posteros testatam relinquere. tu, si spondideris ei de me, quaecumq. ab homine coniunctissimo exspectari solent, gratissimū feceris. Naugerius, cōtrouersia quadam impeditus, tibi, vt arbitror, non ignota, suā professionem distulit inuitus. nunc nihil obstat, praeter anni tempus, quo minus in viam se det. quantum diuino, si Pontifex Bononiā se conferet, de quo rumor paene rancus factus est, itineris comitem se praebebit: sin minus, circiter Kalēdas Martias, remissione frigoris, discedet. Orationem tuam licere tibi diutius, quam volueras, limare, ac perpolire, nō moleste fero. at obtrectatio laudē minuet: quasi praestare idem, si temporis ad scribendū

tan-

tantundem daretur, quibus posset, tu hoc suspicaris: ego secus. nā boni, & recte intelligentes, ipsam rem acquisitis animis aestimabunt: improbi, & imperiti quid sentiant laborādū non est. alioqui negotiū nobis numquā deerit. De rebus meis, hoc vnum, quo laetari possis, accipe; frui me multorum benevolentia: cetera satis frigent. causam conferamus in tempora: nam ab hominibus libenter culpam auerto. Pontificis quidem praesentem animū ita variae, itaq. graues distrabūt curae, vt ignorare multa cogatur, multa etiā delegare alijs, qui praeter suum negotium nihil curant. Vale filius, & res Romanas cupide tractat, quibus libellum suum de Orthographia non mediocriter locupletauit. Vale.

Vale. Romae. XII. Kal. Febr. M. D. LXII.


# IVLIO. IVSTO

Veronam.

19

FRANCISCVS Morandus, vir sane ita probus, verique cultor, vt neminem vquam fallat; ita ingenio, doctrina, prudentiaque excellens, vt falli ipse non possit, multa mihi Venetjs, cum vna iucundissime vixeremus, de tua singulari scientia, integritate, suauitate morum, & eximia quadam ad omnes artes, nobili viro dignas, propēiones saepe praedicare solitus est. credebam facile tali viro affirmanti, teque amabā vehementer, eius testimonio permotus: sed quanto eadem vidi illustrius, atque apertius in litteris tuis, quas ad me quo longiores, eo gratiores proxime misisti. itaque ad priorem illam voluntatem, quam in te antea

tantam contuleram, vt ad eam accedere nihil posse uideretur, accessio tamen eiusmodi facta est, ut eorū studijs, qui te & summa, et peruetere necessitudine attingunt, facile se aequauerit amor meus. nec uero me afficiunt illa, quae multis prima sunt, familiae dignitas, amplae clientelae, & earum rerum, quas fortuna supeditat, copia. neque omnino hoc de genere nūc disputo. optent, si qui haec non habent; & qui habent, honeste fruantur. sed, esse quaedam hand paullo praestantiora, quae neque extrinsecus affluāt, & semel adscita numquam remoueantur, quis, nisi sanae mentis expers, dubitauit umquam? quae tu, cum illa quoque possideres, a maioribus parta, a praestāte uiro parēre tuo aucta, ita tibi acquirenda existimasti, quasi haec sola tui iuris, ue req. tua propria futura essent, reliqua ad te parū, aut etiam nihil attinerent. in aēte ista sapiētia, istaq. virtute. qui enim, subducta recte uiuendi ratione, corpori se minimū, animo debere plurimum sentit: qui ita factus itaque institutus est, vt imperet ijs rebus, quibus alij seruiunt: uoluptatē nullam amet, ab honesto seiunctā; ipsamq. honesti specie ita contempletur, ut in ea totus haereat: is uitae fructum capit: is honorum vocabula contemnit; quiq. verus honor sit, & vnde manet, quidque vera nobilitas a fucata distet, solus intelligit. Haec te olim uidere, ac sentire adolescentem, cum tibi ipse dux esses in rebus egregijs ita strenuus, itaque certus, ut nec aetas illa, quā plurimos in optimo cursu remorari solita, languidiorē faceret, nec aequalium error a proposita gloria defleceret, iure mirabantur multi: nunc, isto ductum sensu, ista incitatum voluntate, mirabiliter adiuuan-





adiuuante natura, fortuna numquā aduersante, cuius  
etiam commoda, quibus ad nequitiam abutuntur mul-  
ti, ad uirtutis usum conuertisti, peruenisse ad eam lau-  
dem, quo adspirare paucissimis licet, cur miremur? in-  
cendi potius imitandi cupiditate, & commoueri exem-  
plo debemus. equidem, a qua hora legi epistolam tuā,  
qua nescio an quidquam grauius, aut elegantius adhuc  
uiderim, tantū abest, an assentatus mihi sim ob eas lau-  
des, quas in me pleno medio contulisti, ut etiā, si quam  
antea de me ipso opinionem susceperā. quae sane per-  
exigua fuit, plane omnem deposuerim. quod si, se ipsum  
nosse, tanti semper fuit, ut inter saluberrima, huma-  
naeq. uitae necessaria praecepta hoc praecipue ueteres  
illi Apollinis oraculo tribuerent; quantum a te habeo  
beneficium, quas tibi debeo gratias, quod, ut ipse me  
penitus inspicerem, ac mihi posthac essem notior, effeci-  
sti? neque hoc simplex lucrum est, quod, reuocata ad  
ueritatem ratione, coepi me minus diligere: sed accedit  
illud, quod acuisi industriam meam, ut conformarem  
me, quatenus liceret, ad iudicium tuum, &, quibus me  
laudibus ornandum putasti, ijs aliqua saltem ex parte  
respondere possem. quamquam, si tu me, quem ames, di-  
gnum iam existimas: cuius praemii spe euigilem, aut  
quid laborem amplius? uberrimum cepi fructum studio-  
rum meorū: nulla mihi merces amicitia tua praestan-  
tior, nulla carior esse potest: in ea tantum pono, quanti  
uirtutem aestimo, quā certe omnibus rebus antepono.  
Congressum nostrum ita exopto, ut tibi non concedam:  
nec tamen sperare audeo futurū, ut una esse possimur:  
nisi si, qualia saepe multa contingunt, eiusmodi aliquid

praeter spē dies afferat; praesertim publicis rebus ita fluctuantibus, vt mutari multa possint: vtinam iactura leni: quod equidem spero: verūtamen, si qua res orbē conuerterit rationum mearum, lenietur incommodū spē consuetudinis tuae. Morandi quidem nostri, hominis humanissimi, atq. doctissimi, conuietū domestico, quotidianisq. sermonibus non dubito quin perficere. Vale.

Romae, XII. Kal. Feb. MDLXIII.

MARIO GORRADO,

Brundisium.

20

SI mihi omnia plane hic essent secundissima, quod vtinam aliquando contingat; adhuc quidē aduersi nihil est, quod ad rem domesticam & meam, meorumq. ualitudinem pertinet: aliquis tamen in summo gaudio dolori locus esset, quod nec ipse ad te, vt interdum Venetijs solebā, prae occupatione quidquā possum scribere; & simul fructu careo litterarum tuarū suauissimo; quo nihil ferre molestius possum; captus elegātia sermonis tui, eaq. maximi erga me amoris significatione, quae licet minime necessaria sit, si quando tamē in litteris elucet, amanti nihil gratius, nihil iucundius est. quāquā hoc ipso nomine, quod ad me tū raro scribis, cur ego te, mi Mari, non amem magis etiam, quam soleo; si modo id fieri possit? agnosco enim modestiā tuā: agnosco humanitatē. nūquam tu hoc officium, quo absentes colloquimur, & cogitatione saltem coniungimur: quo quidē utriusque nostrum nihil optabilius existimo; intermis-

sum

sum esse patereris, nisi veritus esses, ne mihi diligentia tua, curis assiduus distento, rescribendi onus imponeret. quod si ita est: cessare tamen te, qui vacas, prorsus nolum. mihi uero hoc iuris non arrogo, ne nūquā rescribā, sed hoc, te permittente, sumo, ut incōmodo meo fiat. negligentia me peccare in hoc genere non putato. quod si memoriae meae parū confides, & diu responsum tibi a me deberi non patieris; admonebis, cum videbitur, atque adeo exiges. nūquā mihi in appellando, modo, ut soles, Latine appelles, molestus eris: quin etiam gratiam inibis, quod efficies, cum aliquo soluam lucro, crebro regustandis epistolis tuis, quas lego libentissime. Vale.

---

E I D E M. Brundisium. 21

NOLI, obsecro, secus, quam debes, & quam te dignum est, aut de mea in te voluntate, aut de filij obseruantia suspicari. vnice enim te diligimus, sic plane, ut in eis necessarijs, quibus cum quotidie viuimus, quotisque in oculis pro summis eorum meritis gestamus, Marium Corradum, quem nunquam vidimus, numerare soleamus. si dubitas, testes dabo. testes dico? cum vnus instar omnium esse possit? nam? Petrus Perpinianus, de cuius probitate, & doctrina non tu sentis melius, quam ego, ex multis meis sermonibus, quo tu apud me loco sis, quantumque tibi tribuam, optime coniecit. de filio autem quid putas? an tenero eius animo persuaderi

suaderi quidquam posse, quod a meo iudicio, mea q. consuetudine abhorreat? mihi crede: cum illum egregijs imbui studijs exopto, ut imitari cum laude possit domesticam industriam: tum hoc uolo in primis, & hoc illi praecipio semper, ut amet eos tantum, qui uirtute excellent, & quos amari, ac laudari a me senserit. in quo magnam capio holuptatem, quod eum uideo praecceptis meis locum non relinquere, & in hanc sententiã sua sponte ita propendere, quasi propriam in eo sitã esse laudẽ existimet. itaque sumus erga te pariter animati, nec amicitia tua quidquã carius, aut antiquius habemus: merito id quidem: quid enim te amabilius? quis te uincis humanitate, litteris, eloquentia? nosti uero, nisi me signa fallunt, quae tamen obscura non sunt, quis cupidior, aut etiam studiosior? At nihil ad te litterarum per tot menses. Vis tu nos alieni peccati culpam sustinere? non arbitror te esse tam iniustum; neque hoc humanitas, & cõsuetudo tua fert. accusa eos, quibus id negotij dederas, ut litteras ad nos tuas perferrent: quarum in desiderio diu fuimus, & mirabamur, cum sis inscribendo minime impiger, & cum ad Perpinianum bene longas epistolas mitteres, nos a te, tuos ueteres amicos, ne schedulam quidem, aut litteram accipere. cū praesertim de Inscriptionibus antiquis a filio meo, qui M. Brutum in eo imitatur, quia, quod uult, ualde uult, rogatus esses. Quare nostram causam debes aequam iudicare, & arbitrari id, quod res est, si tuas litteras, aut etiã sine litteris inscriptiones accepissemus, numquam nos commissuros fuisse, ut officium nostrum desiderare posses. nam Palia tuus Aldi mei sitim suis pro-

promissis incendit, re nondum sedavit. Vale. Marcello, fratri tuo, salutem dices meis verbis.

Romae, XV. Kal. Febr. MDLXIV.

\*, EPISCOPO. CREATO. 22.

ET SI, de futuris rebus affirmare, grauitatis, & prudentiae non uidetur: coniecturam enim saepe fallit euentus. & obscuritatis plena sunt omnia: si quis tamē eas persequitur diuinandi vias, quae ab excellentibus & ingenijs, & studijs, a cognita industria, aspectata virtute ducuntur; hunc ego opinionis errore nunquam labi, hunc optimum esse uatem existimo. quae me ratio nouit ante aliquot annos, ut de tua dignitate praedicerē ea, quae partim consecuta iam sunt, partim sic a me exspectantur, quasi longe non absint. quid enim agebāt, & quo spectabāt curae illae tuae, ab ipsa paene pueritia susceptae? quae res, quae spes tibi proposita fuit, cū Reginaldi Poli Cardinalis, innocētia & litteris eximij, cōuberniū, ac domesticam cōsuetudinum expetebas? quid, cū Latetiae, post obitum Poli. Vicomercato, Patauj, Genūae, praestantibus in philosophia viris, operā dabas? quid quā ne sequebare praeter ea, quae qui adipiscuntur, omni honore digni & habentur, & sunt? nos quidem te, amici tui Patauj praeclara studia ita complexū, ut diuelli vix posses, cū & creberrimae propinquo-  
 quorum litterae in patriam euocarent, & praesens frater non modo hortaretur ad reditum, verum precibus etiā peteret, atque obsecraret, vi propemodum extrin-

simus,

\* Secunda haec Rhodolphus alibi inueniatur.

simus, inuiti omnino, quibus carendum te esset, cuius cō-  
suetudine nihil suauius; sed ita duximus expedire tuæ  
laudi; cum intelligeremus, quanto futura esset illustrior  
ingenij tui facultas ab otio litterarum ad res gerēdas  
traducta, praesertim in ista provincia, in qua tibi maio-  
rum tuorum virtus tantum iter ad gloriam reliquisset;  
isto Imperatore, quo nemo bonas artes excipit libera-  
lius; his etiam temporibus, cum Christiana Resp. dome-  
sticis hostibus uexata, ab iis, qui eā doctrina, probitate  
prudētia iuuare plurimum possunt, idest a tui similibus  
opem poscere videatur. Quo circa primū tibi gratulor  
ob actiones illas Tridentinas, in quibus ostendisti sac-  
pe, vt audio, pro communi salute lumen animi, ingeniiq.  
tui, numquam inops a cōsilio in ambiguīs rebus, num-  
quam in maximis ac difficillimis a constantia relictus;  
deinde, verō, quod tātorum meritorū egregie memor op-  
timus & sapientissimus Imperator non solum Quinque-  
ecclesiensi te ornauerit. Episcopatu, qui summis viris  
deferri solitus honor est, verū etiam ad arcanas res ad-  
missum ijs interesse consilijs voluerit, vnde manat cum  
Christi gloria provinciarum salus, vnde proficiuntur  
ea, quae multis re; exemplo omnibus expediunt. om-  
nibus enim vtile illud est, quo Principibus Christianis  
recte imperandi ratio, & emendatae disciplinae  
formula praescribitur. Atque equidem videre iam vi-  
deor, & plane coniectura prospicio, qualis, & quan-  
tus in isto munere, bonorum omnium, beneq. intelli-  
gentium sententia, sis futurus, tum eloquentia qua ex-  
cellis, tum ratione, prudentia, integritate; quae in  
omnibus natura ipsa inchoat, industria perficit in pau-  
cis.



cis. quod nisi ita fore considerem; & nisi tuos ad laudem impetus iam inde ab eo tempore, cū te mihi quasi meis informandum sermonibus tradidisti, probe cognitos haberem: facerem id, quod tu, ut opinor, amori in te meo facile concederes: hortarer te, & precibus etiam agerem, iisdem scilicet, quibus agerem cum filio meo, si isto loco esset; ut assidue cogitares, quam personam gereres, quam grauem, quam illustrem, a quo impositam Principe: qui cum suum de te iudicium beneficio maximo declarauerit, beneficium tamē ipsum significatione iudicij sui vehemēter auxit. quid enim putas esse in rebus humanis optabilius, quam ei nō displicere, qui nisi Deo valde placeret, valdeq. carus esset, incursione, & vi barbararum gentium uastaretur omnia legibus, moribus, hominibus, urbibus denique ipsis extremum impenderet exitium? Multa sunt opinionibus hominum excelsa, atque ampla: quae si quis consequi vult, curas suscipiat, labores perferat, de ipsa interdū vita periclitetur necesse est: haec tibi, mi\*, (meū enim adhuc appello, nec, ut spero, ista mihi te dignitas immutauit) haec, inquam, tibi cogitanda non sunt. nam quid tu non habes, cum hoc habes vnum, ut mores, ingenij, studia tua Ferdinandus Imperator probe? hoc eiusmodi est, ut neque diu solū esse possit, et, si omnia cōsequantur, omnia tamē vnum vincat. Quare isto bono sic frui, quasi fonte & capite bonorum omnium, & quasi omnium maximo. Tuos vero sensus, tuas actiones in omni vita, nō dubito, quin ad immortalis Dei gloriā conferas. sic educatus, sic eruditus es. hanc ego tibi laudem tribuebam adolescenti: nunc, si verear, ut robustior

flor aliter sentias, ac tui te dissimilem praebeas, faciā imprudēter. Retine igitur institutum, & persuade alijs exemplo tuo, verum decus in bene agendi perpetuitate positum esse; nihil opes ad laudē, nihil praefecturas ualere; obsolescere prorsus honorum insignia, nisi splendor virtutis accedat. quod quia te sentire certo scio; propterea tibi ex animo, uereq. gratulor accessione dignitatis tuae; & quamquam uariis distinebar curis, feci tamē libenter, ut hanc ad te, indicem laetitiae meae, testēq. voluptatis, epistolā mitterem. cui si responderis, iucundum tibi fuisse officium meū intelligam; sin minus, molestum tamen fuisse numquam putabo; occupationibus hoc tuis, illud amori tribuam.

Vale. Romae, Kal. Ian. MDLXIV.

DECIO . BRANCALEONI,

Neapolim.

23

NISI tibi nota esset occupatio mea, vererer in prius, ne accusares officium meum, qui litteris tuis, amantissime scriptis, nihil adhuc responderim. Ego, mi Deci, hoc mihi iuris assumo cum amicis, ut, si quid ad eos magnopere non pertinet, a me uero nō satis commodo meo fieri potest, omittam interdum, aut in aliud tēpus reiciam. te vero cur in meis necessarijs non numerem, uel Cambij mei testimonio, qui tuam in me beneuolentiam praedicare solitus est, uel affirmatione tuarum litterarū ex qbus duplicē voluptatē cepi, & quod amari me abs te cognouerim; & quod eum te esse, quem qui non amct,

*amet, hominem non esse contenderim? Nec me putes blandiri velle. sic equidem loquor, ut sentio. Praeclara virtutis fundamenta iecisti: signa video nō obscura, nec dubia tum studij, tū ingenij: nec hortari magis, quam gratulari debeo; cū tu, qua aetate multi ad inanes voluptates defleunt, in ea solidam laudem quaeras, & propemodū ineunte gaudere possis. Nec dubito, quin istam mentem, & quidquid ex ea tibi manat gloriae, vel commodi totum, quantumcumque futurum est, acceptum Deo referre velis. quod si facis; nae tu mihi multo amabilior es; tibiq. ipse optime consulis, cum falsam speciem felicitatis humanae a veri boni possessione distinguis. Vale, & Cambium nostrum, iuuenem eximiae humanitatis, cupidumq. omnium liberalium doctrinarum, saluta meis uerbis.*

*Romae. & IX. Id. Quint. M D L IX.*

E I D E M, Neapolim.

24

*MIRAMVR vterque; tu, quod litteris tuis non responderim; ego, quod eo me nomine appelles, atque officium meum requiras. quid? tu solus ignoras, quibus dislinear curis? quantis rerum oneribus premar? quam numquam vacem? nec tamen deferere officium soleo. numquā id mea vel consuetudo, vel natura pateretur. At non rescripsi. Excusat me litterarum tuarum argumentum. petebas a me scripta mea. quae corrigere cū vellem, otium numquam nactus, comprimenda potius, quā emitrenda, iudicaui: idq. sum arbitratus licere mi-*  
hi

hi per humanitatem tuam. Hoc ipsum, inquires, scripsisse te vellem. Hoc ipsum te quoque suspicari, decuit: & erat amoris; & ego, id te cogitare, aut ad aliam saltē causam referre silentium meum, libenter mihi persuasi. in quo si tu me putas indulgere mihi plus, quā oporteat: assentiar, cum ea sortasse cōdicione, vt te quoque plus a me, quam par sit, exigere fatearis. nam in ijs, quae tua interesse cognouero, nulla, mihi crede, impedit occupatio, quo minus amicitiae nostrae debitum officium praestem. inanes autem litteras vt mittā, vix impetrarem a me ipso, si otio abundarem: quid, cum egeam vel maxime? Equidem in te amando partes ut meae desiderentur, numquam committam. idemq. a te peterē, nisi voluntatis in me tuae testes epistolae tuas, Cambium autem nostrū, quem aequae diligimus, quasi sponsores haberem. Aduentum tuum, de quo spera rursus iniecasti, auide exspecto.

Vale. Romae. IIII, Non. Feb. M D LXV.

ANTONIO. FVRNARIO,

Neapolim,

25

ET aequa petis: & nihil est, quod ego tibi, pro tua praestanti virtute, non libenter tribuam. itaque, licet ijs distinerer curis, quibus respirandi locus nō esset; potius tamen habui nihil, quam vt adirem ad eos, qui cum Indicem correxerint, eiusdē interpretandi scientiā maxime omnium tenent. ij sunt quattuor viri, doctrina, & dignitate non vulgari, humanitate etiam tanta, quātam ego summā cognouerim. quorum vnus, vetere mihi necessitudine

cessitudine coniuictus, eloquentia princeps, Mucius Calinus archiepiscopus Iadrensis, cum litteras tuas legisset; incendi aliqua tui cognoscendi cupiditate uisus est, extulitq. laudibus ingenium tuum, assentiente me. deinde, acturum se cum collegis de tua re diligenter, pollicitus, biduo post ita mihi respondit: si qui sint Astrologiae iudiciariae libri, qui certo aliquid non affirmant, eos legi tuto posse: totamq. hanc esse partem in Indice disertis verbis ita explicatam, ut nihil addendum uideatur: Episcopis providendi ne peccetur, facultatem esse permissam: ijs se nihil praescribere neque uelle, neq; posse: nec dubitandum, quin ii, pro salute animorum, & religionis nostrae comodo, atq; ornameto, egregie administrēt omnia. Haec de negotio tuo: in quo praesititi, quae sunt in me, diligentiam, & fidem: reliqua, pro tua prudentia & aequitate, nisi fallor, a me non requiris. Amicitiam tuam, ut debeo, facio plurimi: idq. ut intelligas elaborabo, & fortasse perficiam. Vale.

Romae. IIX. Id. Quint. MDLXIV.

---

E I D E M, Neapolim, 26

OFFICIUM meum, quod ab optimo erga te animo profectum est, incundum tibi fuisse, uehementer gaudeo. equidem uellem, quantum in me uoluntatis, & studii, tantum esset auctoritatis, & gratiae. nae tu intelligeres, quo apud me locosis, quantumq. ijs, quae uulgo bona appellantur, anteponam ea, quae uere bona sunt. in quo puto non discrepare iudicium tuum a sententia mea. exulto enim uirtute animo

nihil inane placet; recta, & honesta, & cum ipsa uirtute coniuncta prima sunt. Quare uelim ita plane existimes; patere me totum tui similibus, idest, probis, & eruditis hominibus; nihil mihi pluris esse, quam iis operam nauare, eorumq. commodis inseruire: quod ubi contigit, ita laetor, quasi beneficium acceperim, nō dederim. Tu autem, quasi magnū aliquid tua caussa praestiterim, gratias mihi agis; & suauissimam epistolam cōdita rosa dulciorem facis: amanter tu quidem, & benigne: sed & studiorū similitudine, praesertim artium liberalium, quibus uterque nostrū deditus est, contractus amor muneris non desiderat, seipso contentus est: nec mihi quidquā est, aut esse potest te ipso praestantius, & beneuolentia tua: quā si conseruas, omni me afficis beneficiorum genere: & hoc nomine maiores tibi habeo gratias, quā si mihi Adonidis hortos donares. Ego te, ut debeo, in oculis iam fero, licet numquam uiderim.

Vale. Romae. IV. Kal. Sex. MDLXIV.

---

E I D E M, Neapolim.

27

MAGNI amoris indicium, quod scribere ad me uolueris, cum tamen, quod scriberes, nihil esset. argumento scilicet numquam indiget uerus amor. uere autem quis amat, nisi qui, speciem uirtutis intuēs, haeret in ea, unam expetit, cetera stoccifacit? hoc idem qui sentiūt, facile coniunguntur animis. licet longissime distēt. quod opinor, utriusque nostrū contigit. nam studiorū similitudo cōtraxit amicitia nostram, nec vulgarem, ut uideo, sed etiam saepe multorum annorum obsequia, officiaq. pluri-



plurima, & familiaris consuetudo non peperit. quod tu si cogitas, ut ego non mediocri cū uoluptate sepe facio: contentū esse me, & laetari uehemēter uolūtate, ac studio tuo, munera uero prorsus nō esse necessaria existimabis. quamquam amplector equidē officium tuum, & de pastillis aromaticis ago gratias, cū praesertim stomacho languēti utiles admodū experiar. quod uero de muliere dulciaria addidisti; amo diligentia tuam; uel quod eius excellenti opera usus es; cum uulgaris tibi confectura, qui unus est in me amor, nō satisfaceret; uel quod ipsum mihi significandum putaueris. Cymbae tuae secundos uentos exopto: & libenter spero fore, quod uehementer cupio. res tamē ipsa quae sit, quidq. sibi uelit Aquilonaris illa tempestas, plane non assequor. sum. n. aliquanto hebetior, quā tu suspicaris. De minutis uerbis, risi. & consiliū tuum, licet causam ignore, tamen improbare non audeo. nimirum, cauere, sapientis est: & satis cauet, qui non temere credit. quod Epicharmi, poetae Siculi, celebrato uersiculo monemur.

Vale. Romae. XII. Kal. Feb. MDLXV.

## N A T T A E.

NOTVM tibi esse arbitror statum rerum mearū: de quo tamen, & de mea ualitudine, ex familiari tuo, qui has litteras perferet, cognosces. Voluntatem in te meam, atque obseruantia, quae antea fuit, eandē esse, ac semper futurā, tibi persuadeas, utinam re ipsa aliquādo experiaris. habet hoc uirtus, ut laeguescere animos in amore non sinat. te uero quis iam ignorat, cum

paucissimis in omni genere laudis esse conferendū? Per  
ge in cursu laudabilis industriae tuae: quando nec otii  
deest, quod mihi occupationibus eripitur, & praeclara  
habes adiumenta doctrinae, atque ingenij, quae tibi glo-  
riam, nobis fructum afferent. Me uero ut ames amore  
illo tuo singulari, ita cupio, ut nihil magis. Haec scripsi  
raptim, in summa uacui temporis inopia. Vale. III.  
Id. Quint. MDLXIV.

---

PETRO. MAFFAEO,

Genuam.

29

ET otium tuum significas; quod equidem uehemen-  
ter optabam: & Latine scribis: & coralia quoq; polli-  
ceris. nil profecto tuis litteris incundius. hoc enim uerbo  
per uxoris, & filiae ualetudinē iam uti licet. unū requi-  
ro, quod otij rationem prope nullam reddis. at qui me id  
a te, uel si taceā, exspectare tamē, ne dicam exigere, po-  
teras opinari: si modo, te a me diligī, & diligī propter  
studia tua, putas. Iurisconsultus ille adhuc litigat, cum  
damno lucrum quaerens. quem diligat, ignoro: utitur  
quidem per paucis, & amare tenebras uidetur. fortasse  
illi persuasum est, desiderari se posse ab oculis multorū,  
si rarus in publico sit. id populus curat scilicet. Haec de  
illo quod ad me attinet, nō libēter. tua uero cussa scri-  
psi nō inuitus, ne prorsus amicali desiderio tabesceres.  
Venio ad Antonianum, quasi a ruta ad pulegiū; nihil  
enim hoc adolescente amabilius, siue mores; siue doctri-  
nam spectes. Gratulatus ei sum tuo nomine de oratione,  
qua Caesarē in funere laudauit. is tibi uicissim gratula-  
tur

tur de statu rerū tuarum: speratq. fore, vt aliquando te ad nos referas bene nummatū, & fruaris nobiscum simul tranquillo animo litterulis nostris, certo vectigali, tua virtute parito. quod hic, vt sunt tempora, pauci cōsequuntur. nihil autē miserius, homini praeferim liberaliter educato, quā suspensas habere viuendi rationē, & aliunde pēdere, dubia spe, quam saepe fallit euētus. Tu igitur fructe isto otio. & colloca in tuto fortunas tuas: qđ vides facere discipulos tuos. πολλοὶ μαθηταὶ κρείττους διδασκάλων. Camillum Seuerinū doctum iuuenem, & probū, rusticari cum nobili iuvene, optimeq. erga ingenuas artes animato, Io. Baptista Nigro, valde laetor. nō enim dubito, quin multas diei horas iucundissime traducant, animū egregijs de virtute sermonibus oblectātes, corpori tribuētes, quātum satis est. vtrumq. cupio, quod tuo cōmodo fiat, meo nomine saluari. Aldus te, ut debet, amat, salutemq. tibi multam impertit. Vale. Romae. Idibus Sept. M D LXIV.

---

PAVLO. SACRATO,

Ferrariam.

30

MALE sentis de vtroque nostrū, cum de immutata mea erga te uoluntate suspicaris nam & me leuē, atque inconstantem, & te fingis dissimilem tui, id est eum, cuius in amore, cognita iam virtute tua, languere quisquam possit. tu de te ipso vide quid statuas, & quo modo feras iniuriam tuam: ego meam nec dissimulare, nec ferre leuiter possum. nam, cū ab ineunte

aetate ingenium, animumq. meū ijs artibus, & studijs excoluerim, vnde praeclara omnia nascuntur; scilicet egregium industriae meae fructum ferrem, si, quod in quibusdam soleo reprehendere, quodq. ipse sciens numquam feci, in amicitia peccarem, praesertim tua, quae non, vt multae, casu & fortuito contracta, sed expetita a me semper, & pluris aestimata, quam quae vulgo maxima putantur. Obsecro te, istā ne patere suspicionē in animo tuo residere: cogita, quod res est, te mihi esse in oculis: delectari me vehementer memoria officiorū tuorū, & angī nonnumquam, quod habere magis gratiam, quā referre, possim. In pensione exacta, & pecunia permutata agnoui diligentiam tuam, vel amorem potius, quo tu adductus, mea negotia vel minima ita curas, quasi maxima sint, maioreq. cōmodi mei, quā dignitatis, & personae tuae rationem habes. De locatione vero renouanda, totum ad te refero mihi, quidquid egeris, nō modo ratū, sed etiā gratum erit. venditionem quidē temporibus excludi, & priuatorū fortunas nouis vectigalibus exhauriri, non mea magis, quam uestra, causa doleo, quamquam dolorem nostrū lenare debet illa ratio, quod nihil malū sine culpa, item ut cum culpa nihil bonum. Ego me hoc in aduersis didici sustentare solatio. quod ignorari a Christianis, quibus haec sententia praestantissimum in caelo fructum promittit, cum ijs etiam philosophis, qui verae felicitatis vix vmbra viderunt, notissimum fuerit, turpe simul & exitiosum est. Vale. Filius te salutatur, & in primis obseruat.

Romae, XVI. Kal. Dec. M D LXIV.

# EPISTOLARVM

## PAVLLI. MANVTII

### LIBER. SEPTIMVS

CAMILLO. PALAEOTTO.  
Bononiam.



**R**ECTE, & amabiliter cogitas, cum vsu-  
ram mihi sermonis tui, tuaeq. suauitatis,  
ademptam locorum interuallis, restituenda  
quoquo modo litteris existimas: hoc  
Jane nō modo mea peruetus in te, & perpetua, & iam  
ad summū perducta beneuolentia, verum etiam huma-  
nitas illa tua postulat, in qua tibi cōferre possum pau-  
cissimos, neminē certe debeo antepondere. Atque hoc lo-  
co recurrit animus ad initia nostrae necessitudinis, repe-  
titq. secus, & magna cū voluptate contēplatur officia  
tua: quae libēter alijs praedico, tibi non minus libenter  
exponerem, vt hoc ipso me gratū, & memorem intelli-  
geres, nisi me reuocaret pudor tuus, & putarem confi-  
dere te memoriae meae, nec tamen ex petere a me quid  
quā praeter voluntatem. Sed omitto illa vetera, recen-  
tem gratiam praeterire nō possum, quod homo semper  
districtus a publicis rebus, priuatis etiam quae tua be-  
nignitas est, amicorum negotijs tum opera, tum animo  
distentus, epistolam tamen ad me miseris, & bene lon-  
gam, quod ipsum amoris est, et cūni prorsus officio, om-  
niq. lepore, & elegātia refertā. Nam, quod me laudas

non ita desipio, vt velim tecum de veritate contēdere. si te delectat hic error; fruiere quamuis diu, me nec repugnante, nec inuito. sin errare turpe ducis, in eo praesertim genere, in quo te, vel si ego tecū sentire velim, restamē ipsa facile refellet: dic me deditum litteris, dic antiquitatis cupidū imitandae: studium tribue: largire industriam: haec fatebor, & agnosca: de doctrina vero, & eloquentia, quam in me vtramque plena manu congeffisti, etiā atque etiam vide quid sentias. quam enim tu laudē bene, & emendate scribendo consequeris, eandem laudem non bene de scriptis alienis iudicando, vt amittas, committere non debes. Habuit istam gloriam proxima superior aetas; cum florerent illi viri, de quibus nulla posteritas conticescet, Eembi, Sadoleti, Poli, & horum vel aemuli, vel imitatores multi. tunc industriā benignitas excitabat: fructus laborē sequebatur: ad opes, ad honores aditus patebat. nūc obsolescit splendor omnis Romanae linguae, & destituta praemijs migrat ad exterarum nationes eloquentia. Hic tu me vocas ad scribendum, & quasi iam languentē in cursu quantum potes incitas. Obsecro, quid spectemus? vides enim tempora: vides hominū ingenia, ad inuidiam promiora, quam ad aequitatem. dignitatem vero illam, & ea commoda, quae proposita olim erant, nihil est, quod cogitemus. Quo circa sine me cedere tēporibus, & minuere laborem aetate iam ingrauescente: si non concedis, quod interdum cupimus, vt artem omnino desinamus. Ac faceres tu quidem, ut ego sentio, aliquando iustius, si ad communes amicos, Sigonium, & Amaeum in vtrumque doctrina, & ingenio praestantem,

cohor-



cohortationem istam conuerteres. quamquam Sigoniu  
cessare non arbitror: scribit enim non minus alacriter,  
quam egregie. Amasaei autē musas, quaeso, cur pate-  
ris silere? certe illū dixeras accurate quaedā pangere  
in historias Polyby. magnifica res, & gloriosa: cuius  
expectationem ego te auctore iam aliquam apud eru-  
ditos homines commoui. nunc tuae sunt partes. ut illū  
urgeas, efficiasque, ut omnino opus appareat. simul. n.  
& studiosorū utilitati, in qua pater eius, dū vixit, exi-  
mia cū laude fixit omnes curas, & gloriae suae vehe-  
menter consulat. Amulius Cardinalis, optimarū artium  
patronus paene singularis, tua sui memoria ita delecta-  
tur, ut, si cetera desint argumēta, vel ex hoc vno con-  
stet, quo apud illū loco sis. ita q. noli vereri, ne illi ex ani-  
mo effluas. nō enim is est, qui vel temere amet, vel te-  
mere amare desinat. noui iudicium in deligendis homini-  
bus: noui constantiā in tuendis. praeterea fratrem tuum,  
Auditorem Rotae celeberrimū, clarum praestantibus  
in Christianam Remp. meritis, in oculis fert: de te vero  
perhonorifice, & loquitur, & sentit. Cum Vitellio tuis  
verbis de noua dignitate sum gratulatus. egit gratias,  
& laetari officio tuo, velleq. plurimum tua causa vi-  
sus est. Vale, & Sigonio meo, & Amasaeo tuo, vel po-  
tius utrique nostro, salutem a me plurimam.

Romae. XIII. Kal. Ian. M D LXV.

E I D E M, Bononiam.

CARDINALEM habes: fratrem tuum. habes  
igitur, cur & vehementer, & perpetuo gaudeas. diui-  
num

num enim bonum honor est, nō quilibet, sed is tantum, qui vitae innocenter actae, qui summis in Christianam Rem p. meritis, qui rectis denique studijs artibusq. tribuitur. quod quia contigit fratri tuo, cuius animum, ab omni semper ambitione remotum, nō haec virtutis insignia, quae ipsa per se nemo sapiens concupiuit vmq̃a, sed ipsa virtus sua forma ad bene agendū illexit: ideo laetatur omnes boni, & fructū quisque capit ex aliena dignitate: quasi ad oēs pertineat id, quod, si cosdē sensus, easdem actiones imitentur, sperare omnibus licet. quo tibi nomine haud sane paullo plus, quā verbis assequi possum, gratulor: nec vero tibi solum, sed familiae tuae vniuersae; cui proponitur egregiū colendae virtutis exemplum, sic, ut vix iam esse quisquam possit, qui non ad verū decus, atque ad oēs bene audiendi partes excitetur. Ego ipse, qui quidem in tuis esse, & numerari volo, nescio quo modo vehementius, quā antea, cupiditate solidae laudis incendor, atque ita statuo, nō satis esse, in studijs, & in vita me similem esse mei; laborandum, atque enitendum, vt ipse me vincam, & qualem esse decet eum, quem vos diligitis, & in quem officia multa contulistis, talem aliquādo me praebeam. Equidem, si voluntati par facultas esset, nostram amicitia, quae vobis, vt ego sensi, periucunda, mihi, vt omnes intelligunt, perhonorifica semper fuit, libenter ornarem. sed euenit contra, ut ego orner quotidie magis iudicio domus vestro; & hac ipsa, qua vix optari maior vlla potest, recenti vestrae dignitatis accessione simul accedat aliquid ad exstimationem meam, caue enim existimes, aut laetari mediocriter amicos meos, aut mihi a paucis illo

illo ipso die, quo in amplissimum ordinem frater tuus  
 cooptatus est, gratulationem esse factam. eoq. maior,  
 & mea, & aliorum laetitia est, quod fore nemo dubitat,  
 quin hunc honorem, qua uirtute est adeptus, eadem ita  
 gerat frater tuus, ut ex eius industria, doctrina, pro-  
 bitate fructus Christiana Respub. maximos capiat. sic  
 enim vixit ad hanc diem, & in maximis, grauissimisq.  
 rebus ita se exercuit, nihil ut illi iam placere possit,  
 quod a communi bono discrepet, nihil tam difficile,  
 tamve arduum occurrere, quod vel prudentia non asse-  
 quatur, vel cura, studio, scientia non perficiat. Vidit igitur  
 in hoc quoque multum, qui cetera omnia pro sua sin-  
 gulari sapientia prospicit egregie, Pius IV. Pont. Max.  
 cum talem virum, non modo non ambientem, sed nec  
 opinantem, non postulantem quidem certe, in Cardina-  
 lium Collegium, ipso Collegio comprobante, probis om-  
 nibus, & eruditis viris mirifice laetantibus, adsciuit.  
 Nos autem, & quicumque bonis bene cupit, eaq.  
 vult, ac sentit de communire, quae velle, & sentire  
 omnes debemus, diuturnam expetamus, & precamur  
 a Deo fratri tuo vitam: ut cum praestantibus viris,  
 quos habet dignitate pares, voluntate, & studio simi-  
 les, eam vniuersae Ecclesiae, quam tempus, & necessi-  
 tas flagitat, opem afferre possit. quod si acciderit, pu-  
 blica primum causa, deinde etiam nostra laetabimur.  
 futurum autem, ego quidem, permotus diuinatione  
 quadam, non magis opto quam spero. Vale.

Romae, Idibus Mart. M D L X V.

IO. FRANCISCO . COMMENDVNO,  
CARDINALI . CREATO

O DIEM praeclarum, qui perpetuae uoluptatis,  
& laetitiae nobis initium attulit, quarto id. Martias.  
illo enim te die Pontifex Max. a cunctis bonis expetitū,  
cum excellētibus aliquot uiris Cardinalem nominauit .  
Quaerē iam desinamus, uirtuti locū nō esse, quod antea  
multis in ore fuit, nec iniuria: quosdā enim ad summos  
honorū gradus nobilitas, nonnullos opes, alios alia, so-  
la uirtus paucissimos extulit . deleuit hanc maculā, et  
ueterem illam Pontificū sancti simorū consuetudinem  
retentā a paucis, exoptatam diu, Pij IV. nunquā sa-  
tis laudata sapientia renouauit. Quo factō, te quidē pro  
tua nō vulgari prudentiā intelligere arbitror, quae tibi  
partes impositae sint, quasq. res & praesens a te digni-  
tatis, & ante acta tua vita postulet: ego autē hoc tibi vi-  
deor affirmare posse, vnū sensum esse, vnāq. vocē cū  
tibi gratulantis vniuersae honorū Reip, tū vero maxi-  
mas Pontifici gratias agētis, quod tēporibus difficilli-  
mis labantē Ecclesiam tali praesidio fulserit, vltroque  
tibi istū honorem detulerit non petenti, quem studiose  
petentibus nobilissimis uiris denegandū iudicauit. Om-  
nino, quod tu scis optime omnium, nullam mercedem re-  
quirit uirtus, nec ad se ornandā assumit aliquid extrin-  
secus: uerum tamē si duabus rebus, praemio, & poe-  
na, quod sapiētissimi uiri literis mādārūt, salus publica  
continetur: utroq. pariter est laetandū, & ea bonis im-  
pertiri,

pertiri, quae inter homines ducuntur amplissima, & ita improbitatē notari, ne quis exsultet in culpa, & impunitatem licentia consequatur. quod cum ita sit: laetari te quoq; plurimum decet honore tuo, & fructum illum magni facere, quem tamen non appetisti, cum labores grauissimos pro Sedis Apostolicae cōmodo susciperes, cum pericula subires, cum omnes deniq; curas, omnem mentē, operamq; in communi salute collocares. Equidē, ubi te Cardinalem esse declaratum cognoui, exsultavi gaudio, eaq; perfusus uoluptate sum, quam his litteris exprimere mihi nō licet. tu tamen, ut opinor, cogitatione comprehēdes, si quae mea semper in te fuerit primū bene uolentia, deinde etiam, ubi coepit esse tua uirtus illustrior obseruantia, cum animo tuo considerare uolueris. quod ut facias, etiā atque etiam a te peto. Vale.

Romae, XII. Kal. Apr. M D L X V.

---

CHRISTOPHORO. RVRO. 4

PENDEBAM animi, nec satis cōstituere poterā, plusne uoluptatis ex discessu tuo caperem, an molestiae. uoluptatem afferebat illa ratio, quod erudire artibus egregius adolescentem illustri loco natum, quam tu curam iuscepisti, primum, ut ego sentio, dignitatem habet: deinde, fructum ex eo te posse colligere intelligebam, non illum quidem tua cum industria & uirtute conferendum, attamen eum, qui pro malis temporum non omnino contemnendus esse uideatur. quod si otium quaeris, uel ut aggrediare ad scribendum, uel ut ea, quae iam habes instituta, perpolias: isto fortasse

fortasse loco nihil aptius, aut accommodatius ad tua consilia reperiēs. nam in vrbe Roma, etsi nihil obstat, quo minus arbitrato suo quisque viuat, interpellatores tamen quandoq. non desunt, honesti illi quidē, rectisque dediti studijs, interpellatores tamen. Haec erant, quae mihi de te cogitanti laetitiae non parū afferēt. Rursus, cur non dolerem, cum hic te multi, ipse multos diligas, carere nos tua consuetudine, te nostra? tuam vero non vulgare doctrinam, cui quidem ego semper, a quo primum die tua scripta vidi, debitum voce mea testimonium persolui, in hac luce, & celebritate versari, vbi cognita decoretur, quis, qui te vere atque ex animo amet, non vehementer cupiat? Hanc mihi molestiam prope omnem, & ancipitem sane curam eripuit epistola tua. quod enim tu studiis tuis otium exoptare videbaris, eo te istuc iucundissime perfrui, nec urbis desiderio admodum laborare, facile conieci; itaque vide, quam libenter animum meum ad tuam voluntatē accommodē. idem si ad me saepe scripseris; quod ita expeto, si modo fieri tuo cōmodo possit: abesse te laetabor, cum ea tamen spe, ut aliquando nos reuifas, tum scilicet, cum rationes tuae patientur. idem sentit, idem vult Octauius noster, idem etiam Sirlettus Cardinalis: qui uiri? ornamenta, & lumina nostrorum temporum. quibus te esse ac fore semper carissimum, non dubito, quum & tibi persuadeas, & id in magna tuae felicitatis parte ponas. Vale.

Romae, IV. Id. Apr. MDLXV.

\* legi puto auferrent.



CONVENIT inter nos de nota scriptis meis apponenda, quae morā ferre non possint; notae uero signū omisimus. hoc igitur erit, †. Tu si mihi in hac describēda epistola teleritate satisfeceris, quam emendate scribendi studio, politaq. & elegāti litterarum forma satisfacere solitus es: multū addes ad officia in me tua: quae cum augeantur quotidie, augeri tamē uix potest amor in te meus: eo iā peruenit non modo litteris, & ingenio, sed moribus etiā, & probitate tua: quae ego haud paulo pluris, quā omnium rerū scientiam, soleo aestimare. Vale. Ex aedibus nostris. Nonis Ian. MDLXIV.

IOANNI. BAPTISTAE. TITIO  
Florentiam.

ET SI doleo, negotiis te nimium diu a consuetudine abduci studiorum tuorum: tamen hanc in dolore uoluptatem capio, quod tu is es qui adempto librorum usu, doctissimorum hominum assiduo cōgressu, & sermone familiari iacturam hāc ita sarcias, ut minorem fructū ex otio suo multi capiant, quā tu ex negotio tuo. gratulor tamen tibi, quod litibus aliquādo liberatus, redieris ad communes Musas: cum quibus quā iucunde uiuas de me ipso comesturam facio, pascor enim, mihi crede, litteris: cetera omnia uel molesta, uel certe parū grata. Daetus, & Bonananius, si, ut scribis, ita de me sentiunt uebe-

uehementer gaudeo. equidem vtriq. non tuo solū, verū aliorū quoque testimonio permotus, plurimum tribuo. quod vtinam officio declarare aliquo possim: in quo facultas exoptāda, quae nunc quidē abest; animus certe nūquam deerit; sin id minus licebit: tu scilicet, quae tua est humanitas, & in me amor, cū de me ijs omnia polliceris, tum eorū mihi beneuolentia, cuius ipse potissimum auctōr fuisti, conseruabis. debes enim, & vis opinor, vt optimus artifex, per polire opus tuum, & ad exitū perducere. A te, mi Titi, promissa non exigo; ne, quod liberalitatis est, id videar fidei velle tribuere: cū tamen vtriq. confidam pariter, hoc tātum dicam: quod te facturum scripsisti, id si quam primum feceris, fore, ut nō minus de tempore, quam de re tibi gratias agam. Cotta tuus semel & iterum ad me venit, sane delector hominis probitate, moribus, doctrina. amo etiam ut amicum tuum. &, quamquam premor negotijs: quod tū optime scis: cum tamen ire ad me uoluerit, numquam eū excludet occupatio mea. Filius abest, Venetias profectus ante aliquot dies, inde Asulam: quo in opido frater meus, ab omni remotus grauiore cura, tranquillo animo ita sibi uiuit, ut rem domesticam non contemnat.

Vale. Romae, V. Kal. Nou. MDLXV.

MARIO. CORRADO

Neapolim.

7

ET SI nec magis, quam soleo, uacabam; & ad quotidianas occupationes accesserat cura sane gravis, ex  
interitu

interitu suscepta domestici hominis, ad mea negotia ue-  
hemēter apti: feci tamē amore impulsus, quo te ppter  
ingenij, doctrinaeq. praestantiam munifico sum comple-  
xus, ut epistolae tuae responderē: quae mihi voluptatē  
eo maiore attulerat, quod te Neapolim venisse, nec sta-  
tim discessurum, cognoui. saepius enim, & commodius,  
vltro citroq. cursatibus publicis tabellarijs, tu de meo,  
ego de tuo statu audiam. Videre mihi videor, te totum  
in litteris esse. cupio non inanē esse coniecturam. ut ut  
est, hoc equidē spectro delector, & mirabiles industriae  
 tuae fructus exspecto. Ad Latinam verolinguā quod  
attinet, mihi crede, sine caussa laboramus. an illa tibi,  
tot veterū illustrata monumentis, tot etiam recentio-  
rum probata testimonijs, vel nostro, vel cuiusquam  
egere patrocinio videtur? praesidiij satis, atque opum  
in ipsa positum est ad repellendas istorū iniurias: quae  
tamen in ipsos recidunt. nam ei nemo maledicit, qui se  
ipsum inscitiae nō condemnet. quod si Latinae linguae  
species, & pulchritudo, quae vulgi oculis non patet;  
cognosci ab omnibus posset: amores incredibiles, ut il-  
le ait, excitaret sui. me quidem sic affecit, cum tamen  
integrā eius formam nondum nouerim, extrema quae-  
dam lineamenta vix adspexerim, ut reliquas volupta-  
tes contemnam, cum hac, & in hac libenter, & iucun-  
de viuam. qui vero aliter sentiunt, & errare nos existi-  
mant: sexcentis eos argumentis refellas licet: parum  
proficies. quod ego cum iam pridem intellexerim: pau-  
ca quaedam scripsi, ad indicandam sententiam meam:  
nervos esse intendendos, ut in arcem huius caussae in-  
uaderem, non putaui. Stomachari, mi Corrade, iam

desinamus, in aliena culpa: & gratulemur potius ipsi nobis, quod amemus ea, quae praeclara sunt: quae se parantur laboribus maximis; id quod a studio multos deterret; molestū tamen esse non debet, quod gloria cōpensat immortalis. Fragmenta patris mei, quod requiris: apud me nulla sunt; furto ablata, quo ille tempore vita excessit, creditū est. In Sex. Empirico, Palaemone, Aspro, & reliquis, mea tibi diligentia nō deerit. odorabor, sicubi latent; nam in tabernis non exstant: inuentos, noli dubitare, quin eruam. quam vellem filius adesset, qui Venetias profectus est. praestaret aliquid, opinor. haec enim studia tractat nauiter, & grammaticos, de Orthographia cum scriberet, euoluit omnes. Vale. VI. Id. Non. M D LXV.

---

E I D E M, Neapolim.

8

**SUPERIORE** hebdomada pluribus verbis epistolae tuae respondi. heri alteram accepi; in qua petis a me, fecerim ne inscriptionem illā, cuius exemplum ad me misisti: in quo laborem sumpsi non necessariū; id enim ex amico meo, ad quem illā misi, cognoscere omnes possunt. Quod mihi nescio, quos inuidere significas; de inuidia non laboro; si quis maledixerit, fortasse tacitum nō feret. Quod autem ne stultis hominibus gratificer, me mones, in consilio tuo beneuolentiā agnosco: verum tamē neque quos tu stultos vocas, neque quā rē notes, assequi satis possum. nā, si quis grammaticus obtretrat, susq. de q. laborantibus enim insciētia morbo medicinā facere si coner, valde sim stultus; si possim, valde

de sapiens. In exemplo inscriptionis ad me missae verbum desideratur, omissum incuria describentis. nā ubi est, VT. DEBITVM. ET. DOMESTICAE. VIRTVTI ego scripsi, VT. PIETATI. DEBITVM. ET. DOMESTICAE. VIRTVTI. Vale. Romae. XV. Kal. Dec. MDLXIV.

PETRO. PERPINIANO,  
Lugdunum. 9

*AMABAM* antea non vulgariter amorē in metum, cū praesertim suauitates in te essent ingenij multae, rara probitas, doctrina prope singularis: nunc, quā in exhauriendo mandato, quod humanitate tua fretus discedēti tibi dederā, curā, & diligentiam adhibuisti, ea me sic affecit, vt omni te animi mei sensu cōplectar, omnia tibi, quasi iure optimo debita, studia, & officia pollicear. quamquā de amico meo duriora significāt litterae tuae quae si vera sunt: amicū iam nō appello. excellat licet ingenio: valeat industria. ex antiquis monumentis praeclara quaeq. delibauerit: haec inania sunt, nisi cū optima mente, & Christiana pietate iungantur. quod si se respexerit, si cū Ecclesia Catholica, idest cū Deo redierit in gratiā: tūc ego me illi restituā: tollā hominē, & ornabo, quantum in me erit: nullum ei deesse a me officiū patiar, quod ad eius dignitatē, existimationemq. pertineat. Quod scribis, Lugduni meliore iam loco religionem esse, & in eo te operā strenue nauare: non miror, te tui similē esse, praesertim in communi salute:

publicam vero rem quotidie melius ire, contra quā & sperabant nefarij homines, & agebant, vehemēter gaudeo. Rex autem adolescens, ac paene puer, cū in Christi causam tanto animo coeperit incumbere, superare videtur aetatem virtute, & plane is esse, qui maiorum suorum laudibus aliquando respondeat. Posseuius meo cum salutem a me scripseris, hoc addes, memoriā illius nostrae veteris amicitiae mihi esse periucundā, sed longe carius, longeque iucundius, quod omnes ingenij sui vires ad profligandos Apostolicae Sedis hostes felicissime pfundat. gratulor sane optimo iuueni de ista facultate: nec dubito, quin eum semper, quorumque eat, quācumque re aggrediatur, ope sua Deus, et prosequatur, & iuuet. Rouillū praestanti humanitate virum, egregie de religione sentientem, si meo nomine saluta ueris, gratissimū feceris. Vale. Romae XIV. Kal. Dec. M D LXV.

CVM epistolam complicarem, venit ad me, ut solet, officij gratia communis amicus, diligēs obseruator doctrinae tuae. Zerbinus Ritiis. is rogauit, ut salutem tibi suis uerbis adscriberem. quod facio libenter; teque rogo, si tamen hoc patitur humanitas tua, ut ames iuuenem, amore tuo dignum.

---

HORATIO. CARDANETO,

Perusium.

10

QUERERER tecum, si liceret. id est, si pateretur amor in te meus, quod fructu me priuas, & humanitatis, & iudicij: humanitatis, quasi te amantem nō redam,

incm,



mem, quod abest longissime a moribus, & cōsuetudine mea: iudicij, quod beneuolētiam meam ita petis, quasi ego, qui tu uir, quantusq. sis, quae in te suauitas, quae doctrina, quae uirtus, quod omnes iā norunt, solus ignorē. Vbi igitur illa, quae in me plena manu confers? quā quam id quidem amice magis, quam uere: uerum tamē, si tu eum me putas esse, quem littere tuae significāt; in quo, si uis, (uide, quanti te faciam) plus tibi credam, quam mihi; cur minuis auctoritatem testimoniij tui, & paene tuam sententiā in dubium reuocas, cum admonendum me censes, ut eo erga te animo sim, quo si non essem, non modo indoctū, agrestem, inhumanum, sed plane me hominem non putarem? Conor, inquis, extorquere, ut me ames. Non est, mi Cardanete, cur coneris id, quod iā perfecisti: aut extorqueas, quod ego tibi mea spē, & ita libenter quidem tribuo ut etiā, quod amare uidearis amorē meū, ipse mihi gratuler, tibi gratias agam. Quod ais, officio te esse impulsū, ut ad me scriberes, & eodem officio admonitū, ut breuiter scriberes, agnosco modestiam tuam, & probo; cū eo tamen, ut existimare te uelim, uel si creberrimas ad me, longissimasq. miseris epistolas, aequae mihi omnes gratas, & p-iucundas fore. cur enim scriptis tuis nō delecter, quae cū lego, antiqua nō desidero? cū praesertim istā facultatē hodie multi expetant, pauci consequantur. Commentarios meos in familiares, ut uocāt Ciceronis epistolas requiris. si esset otium, propediem absolutos darem. sed ita saepe, nescio quo fato, diuellor a libris, ut interdum mihi Roma displiceat, & agrestem solitudinē urbanae celebritati libenter antepōnam. Illa de imitatione

*sinamus iacere. spissum opus est, & longi temporis, nec fortasse nostrarum uirium: & ut uere dicā, sperare uix audeo, quam animo, & mente formā uidere uideor, eā, quaecunq. est, oratione, & stylo satis explicare posse. Haec scripsi, in leetulo, cum leuiter aegrotarem. Vale.*

*Romae. IV. Non. Ian. MDLXVI.*

IOANNI. CASELIO,

Florentiam.

II

*QVO maior est virorum praestantium, id est tui similitudinem, inopia, eo mihi carior est, & esse debet amicitia tua: quam quidem omnibus officiis, & studiis, quae a summa proficisci beneuolentia possunt, perpetuo colā. quod utinam per valetudinē tuam fieri licuisset, ut Romam peruenires. maiorem fructum, quam qui ex litteris percipitur, qui tamen vulgaris non est, ex familiaris cōsuetudine, mutuoq. sermone, uterq. nostrū capere potuisset. quod quādo nō accidit: ego, quod ad me attinet, ut amoris mutui recordatione desiderium meum leniatur, operam dabo litteris autem ita utar, quātum negotia sinent. quo te contentum esse, neq. in hoc genere plus exigere, quam praestare possim, tua mihi pollicetur humanitas. De philosophia illustrāda, praeclare cogitas; uerū praeclara omnia quā difficilia sint, his praesertim tēporibus non te fugit. sunt enim adhuc, qui, frugibus inuentis, glāde uesci malint. quibus ignosci fortasse ex aliqua parte potest, quod eos pudeat, Quae pueri didicere, senes perdēda fateri; sed, eorū exēplo decipi adole-*  
*lescen-*

lescētes, & inquinata doctrina infici atq. corrūpi, hoc quidem graue malum est, malum inquā, non ferendum. idq. tu iure doles, & ego sic, ut tibi non concedam. Verū haec Principes viderint: qui nisi peccarent in delectu, gymnasia florerent, optimeq. cum litteris, & bene literatis hominibus ageretur. De studijs meis, an de negotijs, aliquid scribam? negotia nihil ad te scilicet, studia vero propemodum iacent, & eo magis, quod valeo parū cōmode. Te ualere, liberatū iam, ut arbitror, diuturno morbo, nō mediocriter gaudeo: reuertētem in patriā amore prosequor: frui optimis studiis, & capere studiorum vberimos fructus ita cupio, ut si communia bona essent. sic enim decet eos existimare, quorum animos & coniunxit uirtutis amor, & retinet. Vale.

Romae. IIX. Id. Ian. MDLXVI.

FERDINANDO. GATVLAE,

Neapolim.

12

SUPERIORIBVS diebus, cum tu me luculento sane carmine salutasses, etsi moleste ferebam, eripi mihi occupationibus facultatem respondendi, tamen nō uerebar, ne tibi de meo erga te animo secus interpretādi occasionem afferret silentium meum, odiosas enim, nec dignas bono uiro suspiciones longe a se repellit ex cultus litteris animus, & liberaliter educatus. nūc vero, cū me praeceptor tuus, homo egregie doctus, & spectatae integritatis, Blasius Monicus, modeste ille quē, tū ut cupiditatē dissimulare nō posset, admonuisset effi-

cū mei: nihil habui potius quā, vt haec ad te, licet iisdē,  
quibus antea, curis distentus, exararē. Ac, de tuis qui-  
dē versibus si quaeris, quid sentiam: prebarem omnia,  
si placeret argumentū. in verbis elegantiam, in senten-  
tijs grauitatem video, quod utrumque, nisi qui excellat  
ingenio, assequi nemo potest: in me autem extollendo  
quid sis secutus, aut quā rem spectaueris, non video. nā  
nec agnosco illa: quae scribis; & si agnoscerem, tamen  
haud libenter legerē: sed opinor tibi haesisse illud, quod  
a veteribus proditum est; Bonū poetam esse non posse,  
qui non obscuris dare lucē, paruis magnitudinem sciat.  
quod si conaris, & si hoc te delectat exercitationis ge-  
nus non improbo; & cū te amē, facile a me impetro ut  
patiar uel abuti te meo nomine ad laudem tuā. neque  
hoc solum, sed illud etiam tribuo amorī in te meo, quod  
tu fortasse nō exspectas, aequo tamē animo, pro tua bo-  
nitate, accipies; vt hortet te, quādo ad ius ciuile studiū,  
curamq. tuam contulisti, vt istam artem, non, vt hodie  
multi, nudam, & inornatam, sed, vt olim veteres illi,  
multiplici rerum scientia, praecipue vero Latinae elo-  
quentiae, quasi dote instructā, & locupletatam velis,  
eloquentiam vero nō ex vno, altero uel libro, sed ex ac-  
curata multorum lectione comparari, cum te Moni-  
cus erudierit, non dubito quin optime noueris. Etiam il-  
lud addo, quod fortasse recentioribus Iurisconsultis ab-  
surdum videbitur, Graecae linguae, unde res petatur,  
sine quibus inane quiddā est, & plane languet eloquē-  
tia, studiū tui partem omnino aliquam esse dandam.  
quae si omnia pauci praestāt: varia excusatio est. alijs  
enim disciplina, alijs ingenium defuit. nonnullos etiam,

cūm

cum ad summam iuris civilis gloriā adspirarent, & forsita peruenire possent, rei domesticae difficultas a praecleara industria ad quaestus necessariū curam detorsit.

Haec si obstare intelligerem studio tuo: frustra cohortationem hanc susciperem, uel potius plane nō suscipere. cogeret enim necessitas, quod uoluntas negaret. nūc te, optimis a puera non modo litteris, uerum etiam praeceptis informatum, praestātem ingenio, nec fortunae muneribus egētem, errare cum multis, & mediocri laude, angustis circumscripta finibus, contentum esse cur sinam? Perge igitur ad gloriam recta uia: obliquas uulgi semitas omitte: quaeq. tibi praeter ceteros a Deo tributa bona possides, iis ita utere, ut ius civile non modo perdiscas, uerum etiā uehemēter ornes. quod si efficies, laetabor: sin minus, hoc tamē tibi nō obscurum, ut opinor studii in te mei testimonium relinquam. Vale.

Romae, IV. Non. Feb. MDLXVI.

# ANTONIO. FURNARIO

Neapolim.

13

EGO tibi non modo praesenti bono, sed futuri etiam spe ualde gratulor. non enim tam ex eo, quod abierit morbus, & quod, ut scribis, conualescere iam incipias, quam quod omnino futurum confido, ut breui pristinam ualitudinem plane recuperes; magnam laetitiam, uoluptatemq. capio. tu modo tua temperantia fac, ut perpetuo gaudeam. quod ita me cupere uelim existimes, ut ex familiaribus tuis nemi-

ni con-

ni concedam. ista enim doctrina cum caremus; & cum affecto corpore, simul ingenium lāguet; angimur qui te diligimus; & quos ex industria tua fructus ferre potest aetas nostra, eos retardari, aut minui, patimur iniquissime. ego ab interitu Pij Quarti uale tudine utor incommoda. Stomachus, calore destitutus, officio concoquendi male fungitur. hoc vitiū si tua citrea depulerint, plurimū sane tibi debebo, & eo magis, quod cetera pharmaca palato non amica, hoc medicinae genus ita suauē est, vt, vel sine morbo gustare nihil malim. itaq; speremus illud quoque, quod longe pluris est, vt stomachus fiat firmitior: interea tibi ago gratias, quamquam id a te non exspectari certo scio, quod me condimento gratissimo delectare volueris. quod profecto, nisi me non vulgariter amares, tibi in mentem nō venisset. In extrema epistola quod mihi Gorgiae Leontii vitā exoptas: hoc quoq; amoris signum: sed malo prosperā, quam diuturnā prospere autem uiuere, est otio & litteris, vacuo curis animo, frui. quod ego assidue meditor, & si quando assequar, purpuras omnes, quaeque purpuratis cara sunt, te fortasse nō improbante, contemnā. Vale.

Romae, IIX. Id. Feb. M D L V I.

---

ANTONIO . MERVLAE

Casertam.

14

**CAVE** putes, aut me suspicari, quod adhorret ab amicitia nostra, oblitum te esse mei, aut commissurum vniquam, vt obliuisci possis. Omnino discessu tuo nihil molestius: quis enim abesse eum, cuius neque consuetudine



tudine quidquam iucundius, neque sermone eruditius,  
nec moribus, & uita sanctius, aequo animo ferre pos-  
sit? Sed rursus, qui te diligunt, qui pro tua uirtute sunt  
plurimi, quorum tamē ego nemini cōcedo, cur tuo com-  
modo maereant? uiuis in parte Italiae nobilissima, hone-  
sta satis condicione, apud illustrē uirum, humanitate,  
litteris, omni denique, ut audio, laude per politum. quae  
sunt eiusmodi, ut ea sequantur multi, assequantur admo-  
dum pauci. At urbe Roma cares. Scilicet, quia Capito-  
liū, vel Amphitheatrū quotidie non adspicis, quae tu,  
hic dū eras, fortasse ne cogitabas quidē, id laborandi in-  
crediderim. Cetera, opinor, nihil ad te. neque enim sitire  
te arbitror honores aut opes: quae qui adipiscuntur, ui-  
des, a tranquilla, & beata uita quam longe distent, qui-  
bus fluctuent curis, quibus assidue miseris urgeantur.  
Reliquum est, ut te pungat, quod nobiscum non sis. quod  
ita leuiter feres, si cogitabis primum illud, ortam ex uir-  
tute beneuolentiam eiusdem uirtutis memoria foueri,  
atque ali, sic, ut nihil p̄terea desideret: deinde, mutuis  
epistolis hoc leniri quadam ex parte desiderium posse:  
postremo, mortalem esse neminem, cui plane secunda  
sint omnia. addo illud, quod solatiū tibi loco debet esse,  
nostros sensus congruere cum tuis: nihil esse nobis opta-  
tius, quam ut simul uiuamus: dolore, quia non liceat, eo  
minus tamen, quia futurum speramus, ut aliquando li-  
ceat. habes egregie animatū erga te Cardinalem Sirle-  
tū: cuius auctoritatem, pro singulari eius integritate, sa-  
pientia, doctrina, maximam esse; non ignoras. Panta-  
gathus de te & amicissime loquitur, & praeclara sen-  
tit. duobus illis, quos tuo nomine salutauī. Statio, Dauā

Zato,

zato, qui te resalutant, scio te in oculis esse, nā de me ipso, nō faciam, ut plura ad te scribam. uellem ita res ferret, ut, quanti te facio, tantum ex officijs meis fructum capere posses. mihi crede, studiis, & rationibus tuis ita consuleretur, ut ad uitam & commode, & satis etiam cum dignitate traducendam nihil deesset, sed uides tēpora, fruamur, mi Merula, litterulis nostris, directo in Deum animo: ceteris rebus *πᾶλλα χαίρειν*. Rotae nostro, non minus ingenio, quam nobilitate praestanti, poetae optimo, & cum ueteribus conferendo, salutem, obsecro te, meis uerbis, si quando ad illum scribes. Vale.  
Romae, XIV. Kal. Quinct. MDLXVI.

---

MARIO. CORRADO,

Neapolim.

13

FACILE poteras e silentio nostro de tuo negotio cōiecturam facere: nisi si tacere nos existimas, uel quia non amemus, uel quia parui pendendum id credamus, de quo te uehemēter laborare, epistolarum tuarum crebritas ostendit, in quo uideo te otium nostrum scilicet e tuo metiri. nam Statio nostro a scriptione publicarū litterarū respirare numquam licet. ego autem quibus rebus urgear, quam numquam uacem, nosse te opinabar e Ciuiuo, aut etiam ex alijs: quoniā quidē Status meae uitae is est, ut ignorari uix possit. Sed, ut ad prima redeam, ueteres illi grammatici nondum Romae sunt: si afferentur, eos ad te mittam. tu uelim significes, ubi sis futurus. nam istic, si recte uerba tua interpretor, non uideris,

desis admodum libenter esse. Huc te vocarem, nisi mul-  
ti discederent. optimum tamen, qualem aetas nostra  
non vidit, Pontificem habemus, qui si diu vixerit, quod  
a Deo precari non desinimus, spes est magna, haec, quae  
fluunt, posse contineri. Vale.

Romae, VI. Kal. Sext. M D LXVI.

OCTAVIO. SANMARCO,

Patauium. 16

QVOD mihi iam antea filius meus, tui amantissi-  
mus, nō obscure significauerat, id multo nunc ostendit  
illustrius epistola tua, ita te colere bonas artes, ut parē  
tis tui, summi viri, laudibus non modo respondere, verū  
antecellere etiam aliquādo possis. Concurrunt multa,  
cum hanc omnino coniecturā faciā, primum instru-  
menta naturae, ingenium, memoria, valetudo; quae si  
absint, ad magnas res, magnopereq. expetēdas adspira-  
re prorsus non licet; deinde studium, exercitatio, indu-  
stria; quibus ita teris, quasi illa non habeas naturae bo-  
na, quibus in primis abundas, & quasi a te ipso petas  
omnia. Adde, quod Patauium te contulisti, quam vr-  
bem? Athenas alteras: ubi cum praestantes viri multi  
magnarum doctrinarum scientiam profiteantur, vnum  
tamen in primis, quem ego semper plurimi feci, Panci-  
rolum tibi audlendum, colendumq. delegisti. cuius  
consilij, mihi crede, maiorem in dies fructum, volu-  
ptatemq. capies. Nam de Io. Vincentij Pinelli con-  
suetudine nihil dico. non enim dubito, quin ipse iam  
per-

perspexeris, quae sint in illo iuvene virtutes, quae probitas, quae eruditio, quae humanitas: vt omni dignissimus honore sit, qui tamen ab omni honorũ cupiditate, sola virtute contentus, longissime distat. Hanc facultatẽ, non ego te, vt vrgeas, adhortor; sed gratulor potius, & tibi, & patri tuo, quod ita viuas, vt omnes a te omnia summa expectet; mihi vero plurimũ gaudeo, quod, cum te ipso sit nihil amabilius, tu tamen amicitiam meam, quasi magni pretij rem, tibi expetendã putasti. quod vt facile consequeris, ita velim euenire, vt officijs te ita colere possim, vt benevolentiae in te meae parem, idest maximam, vtilitatem percipias. Vale.

Romae. III. Id. Sext. MDLXVI.

---

FRANCISCO. MANCINO,  
Perusium. 17

MIHI vero numquam venit in mentem diffidere memoriae tuae. a quo enim diligere me, nõ solum cupio, verum etiã libenter mihi persuadeo, cur ei me effluere ex animo credam? quod sine summo dolore facere non possem. At scripsi ad Cardanetũ. Non equidem ob eã causam vt promissi te admoneret, sed vt pecuniã a bibliopola exactam tibi numeraret. quod opinor factũ. Officium litterarum, a te praetermissum, cũ excusas, facis, vt officiũ tuum magis desiderem. amo enim mirabiliter ingenij tui excellentẽ imaginem, egregie in epistolis expressam, itaque, carere me hac uoluptate, nõ facile patior. nec tamen plus oneris tibi impono, quã per  
studia

*studia tua licet; cū praesertim facere te in doctrina magnos processus intelligam ad scribendum ita te hortor, ut a libris non auocē. quod si vtrumque potes; ut certe potes: noui enim industriā, & facultatem tuam; oblecta nos tuis interdū litteris; & ad illa maiora simul incumbe; ut augeas domesticā rem: & dignitatem, omni re praestantiorē, consequaris. Vale. Aldus tibi salutem dicit, vehementerq. tua sui mēmōria delectatur.*

*Romae, 1 K. Kal. Sept. M D L X V I.*

IOANNI. CASELLIO,

Florentiam.

18

*CVM a discessu tuo nihil omnino de te, neque ex tuis, neque ex aliorū litteris, cognouissem; habere te iter in patriā facile suspicabar. nūc video, te in Etrusca regione consedis; amoena illa quidē, & ad vitā dos calores, quos hic pertulimus grauissimos, admodū apta; verum tamen, id si consilio fecisti, gaudeo; sin morbo coactus, ita doleo, ut amicitia nostra, & studiorum tuorum iactura, postulat. Quod ais, cogitare te domesticos labores, & in ea tamen cogitatione nonnihil pungi, recordatione veterum molestiarum: omi Caseli, ullum ne tu locum putas esse, in quo aduersi nihil occurrat? in quo ex voluntate fluant omnia? inuidia tamen, quae tui similes, idest praestanti praeditos ingenio viros, saepe rexat, ad extremū, ut scopulo fluctus, ita virtute frāgitur. qua spe te decet, ut hominem sapientem, vindicare animū ob omni cura, ut fructum capias excellentis do-*  
*Etrinae*

*Etrinae tuae; qua nisi te ipsum iuuas, cū alijs prodesse consueueris, et cetera industria. Amicū tuū, inuenē egregijs moribus ornatū, libenter cognoui: longiorem cum eo sermonē habere, per negotia non licuit. Vale. Haec scripsi raptim. Romae. III. Idus. Oct. M D L X V I.*

## Z E R B I N O . R I T I O

19

*QVANTVM* mihi, filioq. meo, tui amantissimo, doloris, ac molestiae, discedens reliqueras: cum tua nobis consuetudo admodum iucunda, industria etiam perutilis interdum esset: tantum solatii, & voluptatis vtrique nostrū attulit epistola tua: quamquam, quod tu seribis, te tuis ciuibus esse carissimū, id ipsum fore putaramus. quis enim ita ex pers humanitatis, aut ita barbaris moribus esse potest, quem tua probitas, et uirtus ad amorem tuū non alliciat? quis autem ab ijs te diligere miretur, qui futurum intelligunt, vt maiores quotidie fructus ex ingenio, doctrina, diligentia tua, percipiant? quo tibi nomine, mi Zerbine, vehementer gratulor. nā, vt optabilius nihil est, quā amari a bonis viris, praesertim in patria: sic nihil in rebus humanis praestantius, quam de patria bene mereri, & quasi parenti optimo gratiam aliquam referre. hanc tu nactus occasionem, contemne reliqua: & hoc unum age, in quo summa tibi & gratia, & gloria posita est. In hanc sententiā plura scriberem, nisi tuos iam sensus, & praeclaram animi tui ad honesta omnia propensionem, egregie cognitā haberem. Venio ad alterā partem, quā nec omittere possū, nec sine gemitu, & lacrymis attingere. Decessit, alienissimo



nissimo tempore, cum ad eum, salutaris doctrinae dog-  
 mata de loco superiore ostendentem, omnis omnium  
 concursus fieret, cum haereticae factionis insidias pa-  
 tesceret, impetum frangeret, tela retunderet, decessit  
 iamque, florente adhuc aetate, nimis immatura mor-  
 te, summo ingenio vir, incredibili scientiae copia, ma-  
 xima iam apud omnes bene sentientes existimatione,  
 & auctoritate, Perpinianus noster. quamquam no-  
 stra quidem haec iactura tota, nostra calamitas est:  
 ille caelo fruitur, & caelestium animorum conspectu,  
 circumfluens rebus ijs, quas, inclusus adhuc mortali  
 corpore, animo tamen saepe foras emergente, contem-  
 plabatur. veruntamen, sublato ex oculis amico, &  
 ex hac luce erepto, recenti adhuc vulnere doleamus,  
 necesse est; ratio fortasse medebitur, aut dies: memo-  
 riam quidem tanti viri mihi nulla dies adimet. Quod  
 hortaris, ut edam Commentarios: currentem incitas:  
 sed adhuc quaedam aduersantur: quae tamen, spero  
 fore, ne diutius impediunt. Etiam in Patris Gramma-  
 tica, tibi ut satisfiat, operam dabo. Vale Aldus tibi  
 multam salutem. Vale iterum, mi optime Zerbine,  
 & patriae, ac Musis, tranquillo otio, viue. Romae,  
 III. non. Dec. M D L X V I.

IAM ad te scripseram, cum ecce bellaria tua: quae  
 mihi pergrata sunt: sed, mihi crede, amorem istum in  
 me tuum bellarijs omnibus antepono. etenim illa pala-  
 tum, hic animum non vulgariter oblectat. Catechis-  
 mum ad te mitto. Commentarios meos tua caussa ali-  
 quanto citius emit tam.

## VIDO . GVALTERIO

Narniam.

20

ANTEA, cum tu ad me, pro nostra amicitia, de  
 Narniensi conditione retulisses: & si non satis cōstitue-  
 re poterā, quid tibi agendum censerē, auctor tamē po-  
 tius erā, vt urbem Romam ne relinqueres: non tā pro-  
 pter haec vestigia antiquitatis, quorum adspectu mi-  
 re fruuntur homines eruditi: quam quod esse te in ocu-  
 lis videbam nobilibus viris, quorum auctoritas, et gra-  
 tia rationibus tuis prodesse vebemēter posset. nunc au-  
 tem, cum te istic admodum libenter esse, florere ci-  
 uium optimorum beneuolentia, excellentibus ingenio  
 discipulis abundare, significes; non tu quidem efficis  
 adhuc, vt, abesse te gaudeam; assequeris tamen illud  
 vt aliquanto minus doleam. quod si alteris litteris, id  
 quod equidem tua caussa in primis opto, eadē cōfirma-  
 ueris: prorsus à dolore ad laetitiam transferas; & cum  
 ex tuis commodis voluptatem maximam captā, tum  
 istam valde amabo ciuitatem, quae te tā honorifice ac-  
 cepcrit, quae tuam industriā, virtutem, probitatē libe-  
 ralissime cōplectatur. cuius amoris, & officij, certo scio  
 te non esse commissurum, vt eam vniquam paeniteat.  
 non enim aut in tua disciplina mendum, aut in vita la-  
 bem, aut in moribus agreste quidquā, vel inhumanum,  
 unquā videbit. quae quo sunt, hac aetate, in ijs, qui in-  
 uentutem egregijs litteris excolendam, ac moderādā  
 suscipiunt, rariora: eo plus honoris, utilitatisq. tā prae-  
 clara uirtus postulat, quamquam tu quidē, si praestā-  
 tiam

tiam animi tui bene cogitam habeo, mercedē meritorum tuorum maiore nullam statues, quam eorum, quibus cum vis, beneuolentiam: & illud tamen credes, eum, qui diligatur, necesse esse, ut rebus omnibus abundet, quae non modo ad fructum domesticum, & ad subsidia vitae necessaria, sed ad speciē quoque, ac dignitatē, pertineant. Intende igitur omnes nervos, ut ijs, qui te amant, amabiliorē te quotidie praebeas; & quam Spartā nactus es, eam non modo tueare, verum etiam cum primis ornes. Quod ut scriberē, amor impulit, non quia te, iam pridem ad omnem laudem, patris exēplo, atque doctrina, institutum, consuetudine postea cōfirmatum, vel mea cohortatione, vel cuiusquam egerē praeceptis existimem. Vale.

Romae, VII. Id. Dec. MDLXVI.

---

M V C I O . C A L I N O

E P I S C O P O . I N T E R A M N A E

Interamnam.

21

ARCHIEPISCOPVM praestare Episcopo dignitate, nemo nescit: bonis tamen viris, cum te, omisso Iadrēsi Archiepiscopatu, Episcopū Interamnae esse factum auditum esset, visa res est in primis gratulatione digna. nā, quod ad dignitatē attinet. Italiā cum Illyrico cōferētes, nihil imminutum putabamus. quod ad cōmoda, additum aliquid potius, quā detractum. Iam illud, licere tibi interdum ad Urbem, nobis ad te, cum velimus, excurrere, quanti aestimādum? nā neq. te amicis tuis prorsus carere, tua suauitas patitur;

neque nobis quidquam molestius, quam adspēctus & sermonis tui sitim diutius ferre. Quōcirca ego quidem statim, audita re, laetatus animo sum: litteris gratulari cū maxime uellem, negotijs tamen impeditus, officiū ueteri nostrae necessitudini debitū praetermisi. in quo me tamen, cū meae cōsciū erga te perpetue obseruantiae, tū tuae memor humanitatis, facile culpa libero. atq. etiā (uide, quid mihi de tua benignitate pollicear) sperare audeo futurum, ut qui a me diliguntur, eos amicitia tua ne excludas. neq. tamē hoc in multis ambitiose petā: tantū deligā, quos tibi non tā mea commendatio, quā ipsorum optima studia, cōciliare possint. in his excellit in primis, iuuenis bene moratus, ijs perpolitus litteris, quae nos pueritia delectarūt, Iulius Iacobonius. uiuit coniunctissime cū filio meo, ut fere aetate, & studiorū similitudine, iunguntur: me uero, quod multis in rebus intellexerim, sicut alterum parētē, obseruat, et diligit: itaq. uideo illi debere oīa, quae possum: nec sane ullū eius uel adiūuādi, uel ornādi, locū praetermitto: sed ex omnibus officijs nullū ei uideo gratius, aut iucundius praestari a me posse, quam si per me cōsequatur, ut auditum ad te habeat, a te cognoscatur, numeretur in tuis. quod etsi, nō dubito, quin facile impetrē: noui. n. tuā *φιλαρδπονίαν*: noui ēt, quo ipse loco apud te sim: tamen ita peto, quasi agatur existimatio mea. sic enim statuo cum te tua uirtus, nullo fortunae p̄sidio, in ista dignitate collocarit, ualde ad existimationē meā pertinere, hoc si percrebescat, me abs te tantum amari, quantum & optaui semper, & mihi persuaasi. Vale. Romae, Idib. Dec. MDLXVI.

ANTO-

ANTONIO. FURNARIO.

Neapolim. 22

IT A mihi, quae opto, contingant: ut de tua uale-  
dine valde sum sollicitus: nec lenabitur dolor meus, ni-  
si cū te nō solum periculo, sed prorsus cūni molestia li-  
beratum cognouerō, quod utinam breui fiat. cur aut id  
futurum non sperem, cum te, diffidentē humanis reme-  
dijs, ad pias preces uideam esse conuersum? me quidē  
ex aduersis rebus haec una saepe ratio, iā cūni spe de-  
stitutum, eripuit. De fortunis meis detraxit aliquid su-  
perior annus, hic sortasse dānum sarciet: sin aliter eue-  
niet, aequo tamē animo feremus minnente sensum do-  
loris cōsuetudine, & cupiditatē aetate. De munusculo  
quī tibi uenit in mētē aegrotanti? magni hoc amoris  
signum, itaq; sic tibi ago gratias, tanquā dere amplis-  
sima: quandoquidem nihil mihi pluris est, quam ama-  
ri a te, quē praeter ceteros amabilem uirtus facit. Sto-  
macho certe meo, quod antea scripserā, nihil gratius  
hoc genere medicamenti. Vale.

Romae. Kal. Feb. M D L X V I I.

CAMILLO. PALAEOTTO

Bononiam. 23

A quo primum die, Paleotte optime, mihi cogni-  
tus es, duxi te semper in eorum numero, qui nostra

hac aetate antiquae uirtutis imaginem referunt, esse  
 reponendum. nā & bonos & praestantes uiros amas,  
 omniq̃ studio complecteris: & ipse, quae artes amo-  
 re cōciliant, ijs ita excellis, ut uicissim te omnes amēt,  
 nec minorem ex ingenio, doctrina q̃ tua, quā ex huma-  
 nitate, & liberalitate fructum capiant. equidē in meis  
 secundis rebus id maxime numero, quod olim tua mihi  
 benignitas aditū aperuerit ad amicitiam tuā: illud do-  
 lere saepe cogor, quod ita fortuna tulerit, ut disiuncti  
 uiueremus, & eriperetur utrique nostrum suauitas il-  
 la, quae sine dubio, cū una sumus, longe maior est, quā  
 cum aut ego tuas, aut ipse meas epistolas legis. adde  
 quod tibi perquam raro scribendi occasio, mihi ne fa-  
 cultas quidē datur ita, qui est in litteris fructus, eo ē  
 prope caremus. quo tamen in genere tuam diligentia,  
 uel humanitatem potius incredibilem agnosco: qui nul-  
 lum huius officij locum praetermittis: ut proxime, cū  
 de Amulij Cardinalis incolumitate cognosces, fecisti  
 peramanter, quod & mihi, qui illum uirum in oculis  
 fero, unumq̃ praecipue colo, per litteras gratulandū,  
 & significandum existimasti laetitiam tuā. Sed ego in-  
 cissim tibi, & bonis omnibus eo cōseruato, cui praeter  
 cetera uirtus placet, uehementer gratulor. nam, si quid  
 illi nunc humanitus accidisset; suo fortasse tempore,  
 cum nec aetati parum, & gloriae plurimū uixerit, no-  
 stro certe, et uniuersae bonorum Reip. alicuiusmo deces-  
 sisset. Vides profecto, nec dubito, quin idem sentire ui-  
 deas excellenti uirtute, ac sapientia Cardinalem, fra-  
 tre tuum, pares esse Amulio nostro dignitate nō pau-  
 cos, opibus etiam, & ijs rebus, quas elargiri fortuna so-  
 let,



let, superiores multos: at illa si perpendimus, quae sūt animi ingenijq. bona, idest quae vere bona sunt, doctrinam studio, prudentiam vsu rerum maximarum partam, praeterea benignitatem, probitatem, religionē; quam non multi sint, quos ei conferre possimus, opinor intelligis. iure igitur, illo grauiter aegrotante, ita maerebamus, quasi cum illius salutē nostra salus in discrimen adducta videtur: & nunc, eodem incolumi, tum sua quisque causa, tū bono publico omnes laetamur. In quo non dubitabam equidem, quin tuus sensus cum meo sensu conuerteret: verum tamen egregiae testē voluntatis epistolā tuam legi perlibenter. vidi enim amorem in me tuum, & studium simul erga Christianam Remp. prope singulare, nam de Amulti morbo ita sollicitus eras, vt eodem tempore & dolor meus, & publica iactura tibi ante oculos esset. itaque non putavi committendum, vt ipsum celare de litteris tuis. ostendit: legit iucundissime: nec tacuit de tua laude; mihiq. vt salutē tibi eius verbis adscribere, ac sua tibi studia prorsus omnia pollicerer, ita mandauit, vt vultu & verbis plane animum exprimeret. Ego de te, quae soleo, summam esse tuam in illū obseruantiam: optatius tibi nihil esse, quam vt, si quid eius causa praestare possis, vtatur opera, cura q. tua. addidi quaedā de vetustate necessitudinis nostrae, de tuis etiā in me officijs: vt sciret, cū tu de meis cōmodis maxime semper laboraueris, cupere me nō mediocriter, vt, a quibus ipse diligor, vīdem te pari beneuolentia cōplectantur. Vale, & Cardinali optimo, fratri tuo, salutem dic meo nomine plurimam. Romae, VII. Id. Mar. M D L X V I I.

IOANNI. CASELIO,

Florentiam.

24

OMNINO erat talis epistola mea: quam ut acciperet, numquam ad me rediit is, qui tuas litteras attulerat: uerumtamen eā ad te mittendam, putavi, ne tibi in aliquam fortasse neglecti officij suspicionē uenirem. eius exemplum hoc est.

Epistola, de qua hic mentio fit, legitur sexta ante hāc.

QVOD me amicis crebro aues, praeferim hominibus uirtute praeditis, pbenignē facis. utinā praestare aliquid uel tua, uel eorū causa possim, nos n̄ quae uestra bonitas & humanitas est, animo fortasse cōtēti estis: ego, qui meus erga liberaliū doctrinarū studiosos amor est, nisi animum officia probent, cōtētus esse uix possum. Vale. Romae. XVI. Kal. Apr. MDLXVII.

PETRO. PERPINIANO

Lugdunum.

25

CVR ego tibi excusē silentium meum? Odi ista uulgaria: nec tu is es, qui uel amicis duriorē te pbeas, uel quibus ego negotijs, quantā & quam assiduam a me operam exigentibus, distinear, ignores. ac, si uelis amabiliter, et uere cogitare ita credes: nulla me magis a fici uoluptate, quā cū tuas epistolas lego: rursus si quis

quis est, qui ab officio discedat inuitus, eū esse me. quare  
 ut ego tibi ingenio, eruditione, industria comparare me  
 non ausim: ita, quibus maxime rebus amicitia colitur,  
 humanitate, officio, obseruantia, neque te mihi, neque  
 quēquam ante pono. hoc te cupio credere. quod si impe-  
 tro, simul illud impetro, ut omni me praeteriti, tū futu-  
 ri tēporis culpa, si fortasse rarius ad te scripsero, plane  
 liberes. quamquam nunc quidē, tuis ut rescriberē litte-  
 ris, abieci omnia, uictus beneficio tuo. beneficium enim  
 certē, non mediocre nescio quod, sed quātum esse potest  
 maximū, a te habeo, quod mihi amicum dederis Iaco-  
 bum Rodericum Falconium, prudentissimū, & optimū  
 uiri filium, ipsum ūs litteris ac moribus ornatū, ut,  
 cum me uel negotia, uel ipsa iam aetas ab amicorum  
 consuetudine remoueat, hoc tamē iuvene quotidie fere  
 utar iucundissime. ac saepe de te sermo, illo libenter  
 praeclara tua facinora pro Christi gloria narrāte, me  
 libentius audiente. certamus enim, ut uideo, amore er-  
 ga te, sic, ut alter ab altero uinci interdū gaudcat, inter-  
 dum aegre ferat. ita non plane nobis totus abes. quod  
 enim oculis eripitur, assequimur animo memoria, men-  
 tione tui, tuarumque uirtutem quam creberrima. tu con-  
 tra si parem gratiam refrirre uis, alterum Falconium  
 reperi: si modo similem probitate, ingenio, obseruantia  
 in utrumque nostrum reperies. Sed opto te felicem es-  
 se, & similem reperire: ut, de nobis cogitantes nomini-  
 quam, et colloquentes, officium amicitiae debitum per-  
 soluatis. De tragoedia, mire sum laetatus, praesertim  
 agente Falconio. De animi tui constantia, tibi gratulor.  
 Deo gratias ago, à quo ista manāt. tibi. n. certe, et fortis-  
 simo

simo cuique, nisi diuina vis affuisset, praesenti discrimine, in tanta gladiatorum licentia, animus concidisset.  
 \* bonam mentem opto. cuius enim ingenium, & dolore audiam. Sed quid est, quod etiam de Turnebo, tali viro, utinam falso rumore, dissipatur, auersum a salute periisset? o magnum malum, nec re magis, quam exemplo. nam plebs imperita, licentiae cupida, si peccat; minus mirum: doctos viros, rectis antea sensibus euntes, offendere, & labi, matura iam aetate, quis non ingemiscat? Filius te salutat. tu meis verbis eruditum in primis, & probum adolescentem, Iosephum Scaligerum, si est Lutetiae, salutes velim. Val. Romae.

# EPISTOLARVM

PAVLLI. MANVTII

LIBER. OCTAVVS

PIO. IV

PONTIFEX. MAX.



VID anteā de litteris. ac bonis artibus  
existimaueris, Pie IV. Pontifex Max.  
quam semper fueris, hodieq. sis ad eas ex  
citādas, ornādasq. praeclare animatus:  
Et omnes iam pridē norunt, Et ego superiore anno sum  
expertus: cum eo me consilio Romā euocasti, ut sacros  
praeicipue libros, ab haereticorū nefaria peste vindica  
tos, ederem quam liceret emendatissime, Et in hac ele  
gantioris olim doctrinae parente, atque altrice, nunc  
diuinorū institutorū custodi, ac praeside Vrbe perpe  
tuū meae uitae domiciliū collocarem. cum ista mente,  
istāq. ad bene agendum propensione summā potesta  
tē coniunxit Deus, non solū ut impendentes Reip. Chri  
stianae calamitates auerteres: quod a te curari egre  
gie, atque effici omnes fatētur: uerū etiā ut publica cu  
ra oculos interdū conuerteres ad priuatorū incommo  
da, eaq. cum uideres, opem offerres nō pro cuiusque li  
bidine, sed pro iudicio, ac sapientia tua. haec me cogita  
tio, diu uerentē, ne appellare litteris Maximum Chri  
sti Vicariū, excubantē animo semper pro Christianae  
Reip.

Reip. salute, impudentiae posset adscribi, ab ancipiti  
 cōsilio ad certā sapientiā reuocauit, effecitq. vt ea scri-  
 bere audeam, quae ne corā agerem, maiestate tua pri-  
 mū, deinde etiam pudore quodam meo sum deterritus.  
 Totum hoc imprimendi munus, quod mihi a te manda-  
 tum pro mea fide curo, duas habet partes, publicam  
 vnā, quae ad communem animorum vtilitatē perti-  
 net, ut e sacris libris maculae omnes eluantur; alteram  
 priuatā, vt ea mihi interim suppetant, quae si absint,  
 metum, & cum meis agatur incommodius. Quod ad  
 priorem attinet, facere arroganter, si tibi tantam rem,  
 qua nescio an vlla magis hoc quidem tempore omni-  
 bus expediat, studeā commendare: cum quattuor spe-  
 ctatae virtutis, & innocentiae Cardinalium, quos huic  
 negotij praefecisti, singularis prudentia nihil deesse pa-  
 tiatur. quare hanc partem, cui nondū tua liberalitas de-  
 fuit, nec, vt spero, vñquā deerit, omitto non inuitus: de  
 me ipso, si quidem tua permittat humanitas, (quid au-  
 tem ea non permittat?) attingam pauca. Ego, cum ad  
 Urbem venis, licet a Pio I V. recte, & laudabiliter vi-  
 uendo, sperari posse omnia intelligerem; tamen efferri  
 me cupiditate non sum passus, nec sitiui honores: nec  
 auri, argentiq. splendore sum captus: id scilicet vñquā  
 spectavi maxime, vt beneuolentia tua, in qua pono om-  
 nia, perpetuo fruerer, eaq. me, quantum consequi stu-  
 dio, quantum industria liceret, non indignum praebe-  
 rem. domesticis rebus, quas negligere prorsus, qui pater  
 est, non potest, amare nimium, qui se Christianum esse  
 meminit, non debet, satis consultum putabam honora-  
 rio illo animo, quod a tua benignitate impetrarā: nec  
 dubitare,



dubitare, tamē poteram, si quid praeterea meae rationes exigent, quin id haurire possem ex eodem fonte, ad quem aditus ambitiose petentibus vix pateret unquam, moderata cupientibus praeccludi numquam soleret. sic annus abiit: nec mihi nouam interea cupiditatem dies attulit; quae etiam admonet, quo propius ad huius peregrinationis, quae vocatur uita: finē accedimus, eo minus de uiatico laborandū, itaq. mutatū nihil est in consilijs meis; animus, quos antea sibi fines p̄scripserat, iisdē se cōtinet, ultra nihil appetit: sed corporis alia quaedā ratio est: aetas iā ingrauescens quasi extra ordinem multa desiderat: multa etiam, praesertim in laboribus, ac studijs, ualetudo requirit imbecilior: q̄ si negligā, ingrate mihi uidear agere cum Deo, a quo acceptum uitae munus magni facere, ac tueri diligenter debemus. quid caritas liberorum meorum, quibz in me vno sunt omnia? ea me appellat, nec patitur obliuisci, quid naturae debeam, & mihi me ipsum eo nomine commendat, quod in mea salute multorū salus, fortunaeq. nituntur. Quae cum ita sint; & cum his causis, quas commemorauī, magnopere confidam; tamen ita statuo, maiorem commodi mei spem in tua praestanti bonitate mihi esse reponendam. quare nihil desinio, neque mihi certum beneficij nomen peto: quod qui faciūt ignorant scilicet a quo petant, et in angustum reuocāt, quae latissime patet, benignitatem tuam. ego rationes meas Principi maximo, & ad beneficentiam nato, commendare me intelligo, nihil me postulare praecipuum decet. unum illud indicare satis est, fulciri oportere subsidio aliquo fortunas meas: quod ipsum

sum tamen voluntati, arbitrioq. tuo totum permittatur. mihi quidē, si quid a tua liberalitate proficiſcatur, quidquid ſit, aeque gratum futurum eſt, ac ſi me omni beneficiorum genere cumulaffes.

CAROLO . BORROMAEIO  
CARDINALI. 2

NON patitur benignitas, aut conſuetudo tua, vt appellandus a me ſis de eo, quod ſemel & iterū humaniſſime promiſiſti; & ego is ſim, qui, quod ſemel petij, licet ad cōſtituēdas fortunas meas valde pertineat, impetrare cupiā, non exprimere. veruntamen nō ſum veritus, nē tibi moleſtiā afferret iterata petitio. hominis praefertim ſtudioſiſſimi, & de tua laude quātū imbecilitas mea praefare poſſit, aſſidue cogitātis. Optabile eſt, vt, qui optima cupiunt, iſdē vel omnia poſſint, vel apud eos, qui poſſunt, auctoritate, & gratia plurimū valeāt. tibi vtrumq. contigiſſe, non ſtulti homines arbitrantur. nam & natura propenſus es ad ea, quae praeclara ſunt: & haec ipſa propēſio, ſingulari ingenio, et vīrtute cōiuncta, ita tibi amorē cōciliauit ſapiētiſſimi Pōtificis, auunculi tui, vt cū omni te munere dignum ducat, tum vero libenter, trāſlata in te grauiſſimorū negotiorū parte, releuetur. amplectere igitur pro tua ſumma prudentia, vel retine potius, quā amplexus iam es, occaſionē diuinius datam. eripuit iam benemerendi conſuetudinē temporis iniquitas. eam ſi reſtituiſ, quod facere coepiſti, & facies: iſdē, quibus maiores

iores tui, gradibus in caelum adscēdes, relicta familiae  
 tuae gloria, quā nulla dies extinguat. Ego autem, si per  
 te consequor, id quod in tua manu situm est, ut Romae  
 libenter uiuā: uix enim libenter, ubi parum commode,  
 quisquam uiuit: dabo operā, & fortasse efficiam, ne sit  
 obscurum beneficium tuum: memoria quidem, & uo-  
 luntate, si re ipsa minus potero, ingrati animi culpam  
 uitabo. Vale.

Romae. IV. Kal. Nou.

# SCRIPTIT. HANC.

A. PRINCIPE. ROGATVS

*HONESTA* res, iucundaq. in primis, Nuptiae  
 putantur: nec immerito. nihil enim ad generis humani  
 perpetuitatē Natura magis postulat, quā ut feminis  
 iungantur mares: nec ea coniunctione quidquā nō mo-  
 do commodius, uerum etiā dulcius esse potest. habere se-  
 cundis rebus mulierē laetitiae sociam, laetitiam auget:  
 aduersis pariter merentem, solatiū genus est, iam, quae  
 ad cultum ad uictum, uitamq. pertinent, ea cum uxor  
 ministrat, aut curat, quantā iucunditatem habent? Re-  
 ges equidem ipsos nō arbitror e suis regnis tantā uolu-  
 ptatem capere, quantum fidelis coniugis cōsuetudo, &  
 coniunctus assert. Quae tibi, optime \*, ex tuis ueteri-  
 bus nuptijs probe cognita cum essent; propterea factū  
 opinor, ut secundas appetieris, & eandem omnino sua-  
 uitatem regustare uolueris. Hoc tuum consilium, pro  
 suo quisque sensu, uarie homines interpretantur. laetari  
 multos

multos video, vt in re optima; quosdam admirari, vt parum expectata; dolere nonnullos, vt aduersa. mihi, in hac opinionum, & sententiarum varietate, animus vehementer in dubio est. laetitiam à me poscere videtur amor in te meus, ortus ex memoria praeceptorum tuorum, quibus me puerum ad omnem verae laudis cupiditatem excitasti: sed idem amor ante oculos ea proponit, quae cum cogito, tantum abest, vt lactari possim, vt dolore etiam afficiar; neque id tua magis caussa, quam publica. nam, etsi, quod tibi placuit, idem ut perpetuo placeat, atque expediat, vehementer opto: tamen, cum aetatem tuam considero, quae iam ad senectutem vergit, interdum vereri cogor, ne aliter eueniat. sua cuiq. aetati studia Natura tribuit. quae iuuentus amat, respuit senectus. contra, senectutem oblectant, quae fastidit iuuentus. tu tamen, homo iam fere sexagenarius, adulto iam paene filio, nouum coniugium probasti: quoq. uagis miremur, non aequalem, aut aetate proximam, verum adolescentulam duxisti: utrum voluptatis, an procreationis caussa, praeter te nemo nouit. voluptatis quidem suspitione, pro mea in te beneuolentia, libenter te libero: sed, alij, quorum iudicium amor non impedit, de ista re quid sentiant, ipse videris. At procreatio liberorum optanda. Quis hoc improbat? aut quis aliter sentit? veruntamen temporibus multa distinguuntur: nec idem semper omnibus licet: nec eadem semper omnes decent. Quo de genere si pluribus tecum agam, & illud usurpem, quod Apollini tribuit antiquitas, Cognosce te ipsum; ignorare videar utrumque nostrum,

Et, quod aiunt, Sus Minervam crudire velle. tu enim is  
 es, qui haec ipsa mihi olim puero cantabas : quae mi-  
 hi nunc insita penitus in animo haerent, nec eueli um-  
 quam sinam : tum quia praeclara, tum quod a te tra-  
 dita, quem vnice diligo. Recognosco igitur doctrinam  
 tuam : Et cum illa, quae tractandis veterum monu-  
 mentis obseruasti, in memoriam redegeris, tum cogi-  
 ta, quam iure mirentur nonnulli, aut etiam doleant,  
 te, talem virum, ista aetate, ista existimatione, viuo  
 Et incolumi optimae spei fido, cum ipse te adspicere,  
 cum valetudini tuae parcere, cum iuuentutem ab im-  
 moderata libidine tuis monitis remocare ad continen-  
 tiam deberes, tum puellae amore captum, eius com-  
 plexum, Et consuetudinem sic optasse, non modo ut  
 hominum de te opinionem, aut filij commoda parui  
 faceres, verum ut ipsa vitae tuae nouo vitae genere pe-  
 riculum sterneres. quis enim nescit, quod veteres qui-  
 dam Philosophi memoriae prodiderunt, Veneris usum  
 prodesse numquam, obesse autem saepissime? Quod si  
 quis in dubium uocet, id negari certe non potest, Sene-  
 scentibus, deficiente natura, nulla re, magis, quam  
 concubitu, vires minui. quod a te ignorari, qui tam  
 multa nosti, turpe est. aut, si non tu quidem hoc igno-  
 ras, sed rationem libido uicit, quis te audiat, ita excu-  
 santem? hoc quidem est augere culpam, non minuire.  
 Atque haec, tua causa, nos angunt : quid, publica?  
 tanto magis, quanto aequilibris est, de multis, quam  
 de paucis, laborare. nam, cum tuo iudicio, tuaque  
 scientia, in omni causarum genere uteremur; cum  
 tuae lucubrationes ciuile ius, eximia tua cum laude

illustrarent; cum omnes lites, ac contentiones, aequitate, & sapientia tua dirimeres: optandum erat, ut huius boni, quonullum in Ciuitate praestantius, diuturna ad modum usura frueremur. nunc a te, nouae coniugis illecebris irretito, non modo lucubrationem ullam homines non expectant, sed uerentur etiā, ne maiorem diei partem, nedum nocturnas horas, domesticis oblectationibus tribuas. interim praeclarae illae frigeunt actiones tuae. minus libenter audies disceptantes: non tā attente, quae dijudicanda erunt, considerabis: non facile quemquam admittes: non saepe prodibis in publicum: non, ut antea, tui copiam facies: denique, cum antea ita uiueres, ut Reip. natus uiderere, nunc te, ad priuata studia conuersum, negligere communia, nemo est, qui aequo animo ferre possit. quae si alios cura tangit: qua me affici molestia, quo angere dolore, par est? non enim is ego sum, qui meas partes, aut ignorem, aut negligam. meum est, Ciuium otio, saluti, tranquillitati-que, consulere: meum, praestare, aut conari saltem, ut, quos potestati, fideiq. meae Deus commisit, aequo iure omnes regantur, nullius iniuriae pateant, nihil, contra leges, agant, nihil, praeter leges, timeant. Huius praeclari muneris cum ego te, pro tua praestanti, mihi iam pridem cognita, uirtute, ministrum, participem-que, delegissem, gratulabar, & mihi, & ciuibus meis, non mediocriter; mihi, quod magna laboris parte me leuaret industria tua; Ciuibus, quod omnes, te iudice, libenter vterentur, optime de tua, non solum doctrina, uerum etiam probitate, sentientes. nunc sic officia, studiaq. illa intermittis; si languidius ea curas, quae



ad Populi fortunas pertinent, quaeq. ego curari a te diligentissime, & velui in primis, & putavi; vereor, ne quotidie v oculis exaudias hominum, te accusantium, quod a pristina caussa desciveris, & a virilibus institutis ad molliem quandam, inanemq. voluptatem, deflexeris. Erunt etiam fortasse nonnulli, qui me, non adductum iudicio, sed amore lapsam, tantas res tuae fidei, constantiaeque, non satis prudenter commississe dicant. quibus ego quid respondeam, quoniam ipse non satis dispicio, tu, qui uides acutius, doce me. equidem nihil malo, quam, & te tui quam simillimum esse, & me mei iudicij numquam paenitere. quod si secus euenerit; errasse me, cum aliquo existimationis meae damno, facile patiar; tuo cum dedecore, feram iniquissime, addito praesertim meorum Ciuum dolore, qui te in oculis iure ferunt, nec ad spectu carere tuo possunt, nec sermone, & consilio priuari. Quae propterea ad te scribo, ut intelligas, quantam animo curam suslineam, quanta tua res agatur; & ideo operam des, & ut & me sollicitudine, & te infamiae periculo, aut certe hominum sermone, liberes. Scribo autem serius, quia pendebam animi, nec satis, quo tecum uterer officij genere, constabat. gratularer? at contra sentiebam. dolerem? at male ominari visus essem, in ea praesertim re, in qua tibi, uel si damnum aliquod res publica faciat, secunda tamen omnia sic exopto, ut in hoc studio fere tecum certem, alios quidem omnes facile vincam. Vale, & ita frui domesticis bonis, ut publica ne negligas. qua de re non mea quidem ulla suspicio, sed vereri me nonnumquam cogit dubitatio multorum: quam cupio falsam, et inanem esse.

PAVLLO.STEMPOVIO,

Neapolim.

4

ETSI iam litteras tuas, a Gorscio remissas, acceperam: tamen hunc ex earum tarditate cepi fructum, quod tu, dum te ita purgas, quasi ea res ad officium tuum pertineat, & longiorem scribis epistolā, & in eo me tibi haud mediocriter obstringis, significatione quadam amoris, & iudicij de me tui. Ego, Stempoui, cum omnes homines, ab ineunte adolescentia, in quibus aliqua virtutis elucere signa perspicerem, colui, quantum in me fuit: tum vero nationis vestrae probitatem, modestiā, & propensa in primis ad liberales doctrinas ingenia, mirifice semper dilexi. itaque, cum ad me tuos de Rep. libros Gorscius attulisset; petissetque, tuo nomine, si quando vacarem, ut eos legerem; lectis, exponerem, quid sentirem: facile impetravit; non modo, quia facultatem ineundae a Polonis gratiae non libenter amitto; sed etiam, quia multorum sermone cognita mihi virtus, & humanitas tua ita me incederat, ut vehementer expeterem amicitiam tuam. proppor-  
tune igitur accidit, quod ego minime cogitabam, ut scripta tua ad me mitteres: sed valde contra meam voluntatem, quod ea tam cito repetieris. opes enim ingenij, doctrinaeq. tuae, quibus frui diu volebam quasi praeteriens adspexi, intellexi tamen id, quod Gorscio significavi, pernoluisse te, nequaquam remisso animo, omnes omnium libros, egregia quaeq. tum veteris, tum recentis

centis historiae delibasse; nec eo contentum, addidisse rebus ordinem ornamentis Latinae linguae, quantum argumenti ratio ferret, usum esse. nunc, si aures, ut scribis, industriam tuam; & id cogitas, ut cum opus absolueris, ac perpolieris, iterum ad me mittas: gaudeo, & fruo animo. Spe futurae voluptatis, quam legendo antea degustavi, nunc haurire, si per te, licebit, uberius cupio. Nam, corrigendi partes, quas mihi videris imponere, si accipiam, faciam impudenter: quid enim in tuis scriptis eiusmodi est, quod equus iudex damnare possit? sin autem recussem, culpam inhumanitatis extimesco, & vereor, ne tu me, cui minime omnium displicere velim, rusticum quidam esse hominem, agrestemque suspiceris. hoc igitur arbitrato tuo: ego, quod in me est, desiderari abs te non patiar officium meum. Vale.

Romae, XIIIX. Kal. Quint. MDLXVII.

PERGRATVS mihi fuit aduentus Persei; tum, quod ipsum diligo, amici mei filium, ingenio, & moribus ornatum; tum, quod benevolentiam in me tuam humanissimo sermone exposuit. agerem gratias, id si benignitas tua pateretur, & nisi referre malle studio, officio, observantia: quod ut assequar, operam dabo.

---

EIDEM, Neapolim.

BELLARIA, de quibus antea scripseras, heri vesperi, per familiarem suum, ad me misit, egregiae vir humanitatis, amicus meus, Georgius Ticinius. sa-

ne nihil gratius, hoc praesertim aestu: sed, quae so, cur  
 tam multa? sunt enim uascula viginti quattuor: nae tu  
 IV. aut V I. si nosse imbecillitatem Stomachi mei, per  
 totam aestatē, satis esse duxisses. agnosco igitur conium-  
 Etam amore liberalitatem. ille enim, vt mitteres, admo-  
 nuit; haec, ne pauca mitteres. in quo illud te cupio cre-  
 dere; quamquā haec sint suauissima, me tamen frui li-  
 bentius memoria tui, laetariq. potius, quod me dignum  
 putaueris, quē tu muneribus afficeres, quam si me om-  
 nium numerū copia cumulaesses, quare peto a te, mihi  
 ut conserues amorem tuum; a meq. expectes ea, quae,  
 qui uehementer amat, praestare consuevit. Vale.  
 Romae, III. Kal. Quint. M D LVII.

---

VINCENTIO . MACARIO,  
 Scylacaeum. 6

LITTERIS tuis, humanissime, & ornatissime  
 scriptis, nec respondere multum possum, cum distringar  
 negotijs; nec nihil debeo, cum, in officio non respondere,  
 turpe sit. Scylacaei te sustinere munus erudiendae iuue-  
 tutis, valde laetor. amo enim Gerondae mei patriā, cu-  
 ius mihi memoriam nulla dies ex animo delebit: qui si  
 uiueret, non dubito, quin mecum esset; iisdemq. studijs,  
 eodem uitae genere, frueremur. Frāciscum, fratrē tuū,  
 nostri memorem esse, gratum in primis est. equidem &  
 illū, & te simul, ita diligo, cum utrumque excellere lit-  
 teris, ac moribus, intelligam, vt, si quid aut honoris, aut  
 cōmodi vestri gratia praestare possim, in eo curā om-  
 nem.

nem, operā, industriam, collocare cupiam. Quod ad mutatam scribendi rationem attinet, hūc tibi scrupulum Filij mei liber eximet, quem, de Orthographia scriptū, edidit anno superiore. Vale. Haec scripsi raptim, animo alia cogitante: quod velim ignoscas.

Romae. XIIX. Kal. Quint. M D LXVII.

IO. FRANCISCO . CREMONAE,  
Ferrariam. 7

ANTEA sollicitus eram facta rei familiaris iactura; quod acciderat, quorundam hominum, incuria, dicam, an socordia? nūc autem, quod amissa recuperaverim, laetor equidem, sed ita, vt dolore simul cogar, quod amicis meis aliena culpa molestiae tantum attulerit. te enim, vir optime, atque doctissime, quamquam ignotum mihi de facie, tamen amicum, appellare non dubitem. nam, cur aut eum nō amē, aut ab eo me amari non putem, cui cum Paulo Sacrato, omnib. mihi officijs coniunctissimo, summam intercedere necessitudinem intelligo? Quod si studiorum, ac morum similitudo amicitiam contrahit: cur nō animis coniungamur, quāquam locorum intervallis disiūcti? Iam illud, quod tu; fraterq. tuus *Alfonsus*, virtute tibi, & probitate similimus, operā dedistis, idq. auctoritate studio, diligentia consecuti estis, vt mea domestica supellex, ad alienae manus per errorem trāsdūcta, ab iniusto possessore vindicaretur, cum eiusmodi est, vt vestrā erga me uoluntatem, & singularem quandam ad bene merendum propensio-

pensionem ostendat; tam ita me afficit, itaq. vtrique obstringit, ut omnia, me debere uestra causa existimem. vtinam ea fortuna essem, vt aequare animum officijs posse. profecto uel humanitate uestra, uel amore meo, nihil esset illustrius. sed, quia tam infirmum, aut tam humile esse neminem constat, qui, si ad aliquam res studia sua conferat, non aliquid, atque adeo multum praestet: fore non despero, ut merita meritis aliquando compensentur, & quantum vos in me re ad exitum perducenda laborastis; tantum me, de gratia referenda, cogitasse omnes intelligant. sin voluntati facultas de fuerit, peto a vobis, ut me tamen frui sinatis amore uestro: quo mihi carius, aut antiquius, esse nihil potest. Vale, & Alfonso fratri salutem a me plurimam.

Romae, I V. Kal. Quint. MDLXVII.

CLAUDIO. STRAMBONIO

Camerinum.

8

DELECTOR non parum memoria nostri tua: sed, eam iis declarari epistolis, quibus nihil elegantius, nihil suauius esse possit id uero est, quod maximopere gaudeam. quamquam, utri potius, tibi, an Falconio nostro, inueni humanissimo, atque doctissimo, de hoc officio gratias agam, interdum subdubito ille enim, ut eloquentia ualet, paene mihi persuasit, sua cohortatione te esse adductum, ut scriberes. quod ei si credere, suscepta a me opinionem humanitatis, & amoris in me tui, cogerer deponere. Quid igitur faciam? quod Academici solent: asensum



sensum sustinebo: ne, si Falconio non credam, eius fidē, cui multum tribuo, in dubium reuocē; si credam, detraxisse aliquid uidear de beneuolentia erga me tua; quo mihi molestius esse nihil possit. Quod si te impediunt negotia: hoc ipsum scribi heres. ego enim ab amicis non plus exigo, quam praestare possint. neque tamen amicitias metiri soleo crebritate litterarum. fidem, & officium, semel expertus, eadem, si res postulauerit, exspecto; sin aliter euenerit, leui culpa non condemno; & facio perinuitus, ut amari me non putē. Quare tuis occupationibus ignosco, quod, a discessu tuo, rarius ad me scripseris: tu quoque, uelim, habeas rationem negotij mei; quo sic urgeor, ut respirandi facultas non detur.

## MARIO. CORRADO

Salernum.

9

ETSI mihi tui litteris nihil solet esse iucundius: quas tamē prid. Id. Sep: ad me misisti, legi perinuitus. sic. n. ad me scribis, quasi de mea erga te beneuolentia dubites. Ego, mi Mari, a quo primū tēpore certā uitae meae rationē institui, semper id spectavi maxime, ut, quos semel diligere coepissem, eos non solum sponte nulla te offenderem, verum etiam accepta interdū iniuria, maioribus complecterer officiis. hoc institutum cum mihi ad hunc diē placuerit: fore non opinor ut posthac umquā displiceat. quod si tu secus existimas; & si me vulgari quadā regula metiris, uel quia sensus meos, cū longe a me uixeris, ignoras; uel quia, nonnullorum ho-

minum

minum perfidiam expertus, de reliquis idem facile suspicaris: libenter equidem tibi istum si possem, errorem eriperem sin id mihi per te minus licet, me tamen in te amando fides, & constantia mea delectabit, vberemque satis ex ipsa conscientia fructum capiam. Tuas partes in amicitia quae sint, ego tibi, excellentis ingenij, ac doctrinae, viro, non praescribam: tantum illud dicam, quo tu nunc mecum genere litterarum vsus es, id mihi parum ad conglutinandos animos aptum videri. aut enim haeret aliqua in me culpa, & eam tu notas, ac reprehendis, quod quale sit, non equidem intelligo; nec vero possum intelligere, cum nihil sit: aut culpam tu nullam in me vides & coniectura tamē aliqua ducis ad suspicandum. certe enim suspicari te nescio quid verba illa tua significāt: Ego a te solum amari cupio: oro te, et obsecro, nihil aliud aut vulgare de me existimes: actum; a me tecum haecenus vere, & amanter. Quid? an ego aliquid commisi, ut de mea in te voluntate secus iudicare posses? aut ego te umquam accusavi, quasi minus vere, aut minus amanter mecum egeris? Nisi si, quia litteris tuis, homo, sexcentis curis implicatus, non illico responderim, propterea uel me tibi credis immutatum, uel id agis, ut ego te mihi subiratum putem. Ego autem si essem ad mutationem, vel natura, vel consuetudine, proclivior; tamen ita de studiis tuis, ita de ingenio, & eruditione, ita de moribus, & integritate sentio, ut, nisi mihi sincere iudicandi facultatem casus aliquis adimat, immutari tibi nullo modo possim. At creberrimae tuae litterae, meae rariores. Diuersa ratio est: nec, si tu id facis, quod si omitteres, fortasse peccares; &, quia non  
omittis,

omittis, agnosco, & amo vehementer amorem in me  
 tuum; ideo sequitur, ut, quia non ego idem facio, &  
 istā officiū partē, districtus negotijs, praetermitto, lan-  
 guere me iure putes in studio tui, et in amore illo, quem  
 cum pepererit tua uirtus, noli dubitare, quin eadē alat,  
 atque cōseruet. Familiares tuos, cum ad me uenerunt,  
 & quoties uenerunt, accepi, quantum in me fuit, huma-  
 nissime; neminem exclusit, aut excludet. vñ quā occu-  
 patio mea. vix enim credas, quam de te libenter, aut lo-  
 quar, aut audiā. Quare, quod ais, ne cui posī hac, qui si-  
 ne tuis litteris ad me adeat, velim credere: id e quidem  
 scripsisse te nollem. cur enim, si quis ex petit amicitiam  
 meam, & eā se consequi facilius putat, si te ornet lau-  
 dibus, te q. sibi, in optima studiorum via, ducem fuisse  
 dicat; quod video multos, cū quadam ambitione, prae-  
 dicare: cur, inquam, hac me uoluptate priuas, ut ei non  
 credam, qui narrat ea, quae libenter audio? Patere igitur,  
 amicos tuos, cum ijdem amici mei esse uolunt, adire  
 ad me arbitrato suo, & quamquam testimonio careāt  
 litterarum tuarum, mihi tamen, ipsa tantum tui nomi-  
 nis appellatione, commendari. Vale.

Romae. X. Kal. Oct. M D L X V I I.

---

FRANCISCO. PLANTEDIO,  
 Neapolim. 10

VERE dicā, Plantedi: magnopere sum delectatus  
 ijs laudibus. quibus me, cum de Ludouici Ariosti poe-  
 mate meam sententiam exquirere cogitasses, orandum  
 existi-

existimasti; neque uero, quod ipsa laude admodum capi-  
 piar: me enim quotidie magis, ab ambitione, cum ra-  
 tio, tum iam aetas remouet: sed quod amoris in me  
 tui, ut ego interpretor, index laudatio est. amari au-  
 tē ab eo uiro, qui excellat iis artibus, quas in omni aeta-  
 te diligenter colui, quaeq. rebus omnibus antecellunt,  
 cur non gaudeam? Amplector igitur istam uoluntatē,  
 & habeo gratiā, non modo, quod ita de me sentias,  
 verum etiam, quod eos, qui contra sentiant, Obtrecta-  
 tores, & Inuiduos; uoces: cum quibus tamen, opti-  
 me Plantedi, pugnare te, mea caussa, nolim. nam, si  
 laudem quacrā: tu mihi multorū vnus instar sis, cuius  
 doctrinam, & eloquentiam in scriptis uideo; probita-  
 tem, & mores de multis audio. Sin, quod vera est, ipsa  
 me sola uirtus afficit, cetera parui pendo: sinamus,  
 placere sibi vnumquemque & in sua sententia trium-  
 phare: nos institutum retineamus, & in hoc siue, ut isti  
 volunt errore, siue, ut ego iam pridem statui, veritatis  
 amore ac studio pergamus, Epistola tua, & versus,  
 redolere mihi pariter antiquitatē videntur. quo tibi no-  
 mine, vehemēter gratulor. quibus enim contingat, ut  
 in vtraque facultate, excellent, paucissimos in omni ae-  
 tate fuisse non ignoras. De Ariostli poemate, hic quo-  
 que sunt, qui disputent, in vtramque partem; cum alij  
 iuum iudicium ad Aristotelis praeepta referant; &  
 quibus quem discedere intelligunt, eum statim e poeta-  
 rum numero extrahendum censent: alij vero, siue res,  
 siue verba spectentur, Ariosto tantum tribuant, non  
 modo ut eum ad ceteros poetas aggregent; verum etiā  
 cum illis poetarum principibus conferendum statuāt.

Mihi

Mihi non tantum otij suppetit, vel vt hoc totum, quidquid est, considerem, vel vt meam sententiam litteris exponam. Vale. Romae, nonis Sept. MDLXVII.

ANTONIO. MERVLAE,  
Casertam.

II

NIHIL mihi gratius, aut iucundius ijs versibus accidere potuit, quos a Berardino Rota, praestante viro, de me conscriptos, ad me antea misisti. quo sane munere ne viderer indignus, cupivi statim paria paribus, & vt assequerer, elaboravi: sed, cum non procederet, indignantibus Musis, quasi eas per tot annos, conuersus ad alia studia, neglexissem, distuli rem, consilium non abieci. non enim fore desperabam, vt aliquid aliquando, tamquam e quercu, exculperem, quod summus poeta cum videret, si minus ingenium probaret, id quod equidem sperare numquam ausim, animum saltem, referendae gratiae cupidum, diligeret. Sed ecce tibi ista, difficultatibus ita multis implicata. Breuiarij mutatio, nihil vt laboriosius, aut molestius, umquam senserim. necdum tamen eo loci res est, ut ea, quae fluctuant, recedisse uideam. quo maiore uersor in solitudine, non solum, quia careo litterulis nostris, in quibus antea vivebam, sed etiam, quia, seiunctus ab amicis, vereor interdum, ne quis, mearum ignarus occupationem, exsuisse me putet ueterem humanitatem, & officij curam, quae mihi olim prima fuit, penitus abieciisse. Quare, te rogo, pro eo, quantum me amas,

*& quantum te amari a me scis, des operā, ne quid Rota de me suspicetur durius. nōsti meos mores: nōsti animū: quem si alia fortasse labes inficit, certe, ad amicorum obseruantiam, & ad tuendam officij religionem, quod attinet, purus est. De tuo statu, cū nihil scripseris arbitror esse, vt volumus: Vale, & Rotae salutem.*

*Romae, Kal. Nou. MDLXVII.*

# IACOB O. FALCONIO,

*Bononiam.*

15

*O ME credulum, qui te iturum in Hispaniam putauerim: quod cum te affirmare non desineres, Maximus tamen noster perpetuo negabat. nimirū ille adolescens quiddā occultius, quod ego hebetior non uiderem assequeretur ingenio. nec me tamen hoc tecū queri putes: quin potius errore meo delector, & me delusum esse, gaudeo. nam si tam longe discessisses: primum veritus essem, ne serius ad nos, deinde etiam, ne cum illo Hispaniensi fastu, oblitus humanitatis tuae, redires. nunc, mutato consilio, cum Bononiae confederis: non dubito, quin te ciuitas omnium humanissima, qualē dimissimus, talem nobis, ac melioribus etiam, si fieri possit, et litteris, & moribus excultum, remittat. De Sigonij consuetudine, valde tibi gratulor. cole istū virum, Falconi, quem habemus in Italia, non solum doctrina, rerum etiam probitate paene singularem. Vale, & Iacobo Boncompagno salutem a me plurimam.*

*Romae, VI. Nou. MDLXVII.*

IO.



IOANNI. BAPTISTAE. ARCVTIO,  
Neapolim. 13

*ET bene te sentire de studijs meis, deq. laborib. illis, quos, iam a prima adolescētia, patris adductus exēplo, ad restituendam antiquitatem contuli, & me etiā diligi a te, video. quod cum vtrumque mihi gratissimū esse, tum a me tibi parem in utroque gratiā referri, velim existimes. nam, cum epistolam tuam legissem; valere te ingenio, praeſtare litteris facile iudicavi; & ad iudiciū accessit beneuolentia, nec ea vulgaris, sed quantam virtus & studiorū similitudo gignit. quare, persuasum hoc tibi, planeq. exploratū esse cupio, quaecumq. a vetere necessitudine exspectari officia solent, ea tibi a me, si qua tui dabitur facultas ornādi, praesto semp futura. De Ariosto, lis, & cōtentio nō placet: antiqua me delectāt, ea q. tracto; vtinam tam feliciter, quam laboriose. si quis in eo suā industriam locat, ut ipse excellat, consiliū probo; aliena qui tantum iudicat, eum ego, vel si recte iudicet, non libenter tamen imitabor. Vale.*

Romae, V. Id. Nou. MD LXVII.

ANTONIO. FVRNARIO,  
Neapolim. 14

*UTRVMQVE laetor, & fortunis tuis aliquid esse additum, & amoris erga me plurimum. at multi contra,*

tra vel dignitate, vel commodis aucti, contemnūt uetere  
 res amicos, & officio multā salutem dicunt. quod hic  
 nos experimur quotidie. Quod me annuo munere affi-  
 cis: agnosco humanitatē tuā. quod vero, id te tribuere  
 virtuti meae, dicis: maiore etiā me ornas munere. noli  
 autē arbitrari, tam desipere me, ut disputare tecū ve-  
 lim, & quaerere, vere ne sentias, an secus. facio nō inni-  
 tus, ut iudiciū tuum cum mea laude cōiunctum tuear,  
 ac probem. De anno, quem Scalarem vocant, ne tanti  
 Firmicus, & qui cum eo sentiunt, apud te sit, ut animi  
 tranquillitatem amittas. quae enim impendent, si sunt  
 eiusmodi, ut euitare prudentia possint: spero fore, nihil  
 ut te laedant. sin ea fixa sunt: praeripere molestiā, &  
 angī frustra, certe non oportet. Ego valetudine vtor sa-  
 tis commoda, re familiari, si spectentur labores mei, pa-  
 rum copiosa; si ratio temporum, satis ampla. Vale.

Romae. XVI. Kal. Febr. M D LXIIX.

---

N I C A S I O . C A S L E T A N O ,  
 Patauium.

15

OPT. AB. AM, ut emergeres ex eo vitae genere:  
 quod neque studijs, neque fortunis tuis aptū videbam,  
 angebar tamen, eripi nobis fructū suauitatis, & doctri-  
 nae tuae, hac praesertim proborū, atque crudi totū ho-  
 minū, idest tui similitum, caritate. nunc, ex tuis litteris  
 cum intelligam, ordiri te nouum quoddā vitae genus;  
 medicorum antiquorū libros euoluere coepisse, ne post-  
 hac, inani spe ductus, aliunde perdeas; frui nō modo fa-  
 miliaritate, sed conuietū etiam, ac domo praestatiissimi  
 inuentis,

iuuenis, Io. Vincentij Pinelli : abstergo prorsus illā ex animo molestiā, quā discessus mihi tuus reliquerat, teque istic esse, ubi otio, libris, doctōribus abūdes, et eā, quae maxime ingenium adiuuat, quā paene hic amiseras, animi tranquillitatē nō desideres, vehementer, gaudeo. De eprigrāmate, Sammarcus agit gratias: vt referat, nō expecto. cupedias tamē si habebo, ita nō contēnā, vt vos omnes amē. quid enim quisque praeslitterit, non ignoro. Vale, & Pinello, Sammarco, Andreae Siluio, qui me olim diligere uidebatur, multam salutē. Romae. pridie Kal. Febr. MDLIX.

CHRISTOPHORO  
BARONI. LOBCOVICZIO.

NIMIVM agis mecū liberaliter, cum tu mihi principis viri filius, homini priuatae fortunae, nullo meo prouocatus officio, tuā beneuolentiā sponte defers. quod ego beneficiū tanti facio, nihil vt anteponā. cum enim ita vitā instituerē; ut uiuorū nobiliū amicitias expeterē: tum eā nobilitatē praecipue colui; quae licet aliquid extrinsecus assumat, maxime tamē a se ipsa pēdet, ac praesenti uirtute decoratur. quā tibi placere sentiētiā video, & dare operā, vt, quod maxime probas, id maxime cōsequaris. itaq. sic uelim tibi persuadeas, nihil omnino mihi uel carius esse posse, uel incūdius amicitia tua: nō eo solum nomine, quod illi sis admodū loco natus, quod patrē habeas, qui Bohemiae cū sūmā potestate praesit, qui oī honore, omniq. laude floreat: sed multo magis, quod & audio, & ex tuis lit-

teris conijcio defixū te esse in praeſtantibus curis, & ea quaerere, unde verū decus, vera nobilitas, emanat. ita fiet, ut quantum ad ſplēdorē domeſticū ſua uirtute addidit pater tuus, tantū ipſe ad paternū decus, volū tate nunc ſimilimus, uirtute aliquando praeſtanti- or, adiungas. Incūbe igitur, clariffime adoleſcens (iā enim, ne abs te in amore vincar, laborare me aequum eſt de gloria tua) incumbe, obſecro, & huc omnes neruos, om- nē indiſtriā confer, vt ornamenta referas in patriā, quae tua propria ſint, quaeque tibi nulla vmq̃a fortu- nae, vis, nulla mutatio tēporū auferre poſſit. Quae re- cohortatio nec longior eſſe debet, cū te tua ſponte pro- penſum ſatis eſſe ad omnē laudē intelligā; nec omittē- da tamē fuit cū hoc apud te vellē relinquere, quando aliud praeſtare tua cauſſa uix poſſum, teſtimonium amoris, & obſeruantiae erga te meae Vale.

Romae. IV. non. Feb. MDLXIIX.

## PETROMISCOVIO 17

EX iſis rebus, quarū memoria delector, nulla ma- gis recreor, quā conſcientia obſeruatiae erga te meae, & opinione amoris in me tui. inde fit, & optē tibi ſe- cundiffima omnia, & cum optata cōtingūt, vehemen- ter gaudeā. quamquam quis non gaudeat, cum debita uirtuti praemia tribuuntur? cū excellit honore auctori- tate, opibus, qui excellit ingenio, indiſtria, probitate? itaq. cum tibi Epiſcopatū Plocenſem eſſe demādatū cognouiſſem; gratulatus ſum tibi primū pro amicitia noſtra, meoq. in te ſtudio ſingulari: deinde bonis artibus quibus

quibus ex tua dignitate tantū ornamentū, tantū splendoris accessit. Hoc exemplo, quis fore iam dubitet, quā omnes non modo in Polonia tua, verum in longinquis etiā nationibus, quo tuorum meritorū fama peruenierit, ad excellentē verae gloriæ cupiditatē excitentur? equidē, cū audio, quæ partim ab alijs, partim a probo & prudente viro, tuarū laudū praecone, Metello Venturiello assidue narrantur, ita cōmoueor, non equidē vt adspicem, quo peruenire non licet: (non enim me tibi ulla re confero) verū vt in praestantibus doctrinarum studijs, vnde fluxit amplitudo tua, languere nullo modo possim. atque etiā adducor in illam spem, fore prorsus, vt excellentibus ingenijs, quibus abundat in primis patria tua, auctoritas, gratia, opesq. tuæ pateāt, sic vt ad magnas res, magnopereq. expetendas, tuo potissimū patrocinio nitātur. ita nascetur ex virtute virtus, & propagabūtur illa, quibus a turpi otio ad laudabilē industriā, ab iniuria ad aequitatē, a feritate & discidio, ad societātē, & cōiectū humana vita conuertitur. cuius tāti boni vt auctor esse velis; iā. n. posses, satis cōstat: ne rogādus qdē es, cū hoc a te tua dignitas, et anteaetæ vitæ rō quasi suo iure postulet. Vale.

Romae. Id. Feb. MDLXIX.

---

FEDERICO. VIVALDO,  
Neapolim. 18

MAGNVM humanitatis, magnū amoris argumentū, non solum ad me scribere, quem numquam, vt opinor, de faciē noueris, verum etiā, quæ tua sunt, om-

ne nihil gratius, hoc praesertim aestu: sed, quae so, cur tam multa? sunt enim uascula viginti quattuor: nae tu IV. aut VI. si nosses imbecillitatem Stomachi mei, per totam aestatē, satis esse duxisses. agnosco igitur conium-  
 Etam amore liberalitatem. ille enim, vt mitteres, admonuit; haec, ne pauca mitteres. in quo illud te cupio credere; quamquā haec sint suauissima, me tamen frui libentius memoria tui, laetariq. potius, quod me dignum putaueris, quē tu muneribus afficeres, quam si me omnium numerū copia cumulaesses, quare peto a te, mihi ut conserues amorem tuum; a meq. expectes ea, quae, qui uehementer amat, praestare consueuit. Vale.  
 Romae, III. Kal. Quint. M. D. LVII.

---

VINCENTIO. MACARIO,  
 Scylacaeum. 6

LITTERIS tuis, humanissime, & ornatissime scriptis, nec respondere multum possum, cum distringar negotijs; nec nihil debeo, cum, in officio non respondere, turpe sit. Scylacaei te sustinere munus erudiendae iuuentutis, valde laetor. amo enim Gerondae mei patriā, cuius mihi memoriam nulla dies ex animo delebit: qui si uiueret, non dubito, quin mecum esset; iisdemq. studijs, eodem uitae genere, frueremur. Frāciscum, patrē tuū, nostri memorem esse, gratum in primis est. equidem & illū, & te simul, ita diligo, cum utrumque excellere literis, ac moribus, intelligam, vt, si quid aut honoris, aut cōmodi vestri gratia praestare possim, in eo curā omnem.



nem, operā, industriam, collocare cupiam. Quod ad mutatam scribendi rationem attinet, hūc tibi scrupulum Filij mei liber eximet, quem, de Orthographia scriptū, edidit anno superiore. Vale. Haec scripsi raptim, animo alia cogitante: quod velim ignoscas.

Romae. XIIIX. Kal. Quinti. M D LXVII.

IO. FRANCISCO . CREMONAE,  
Ferrariam. 7

ANTEA sollicitus eram facta rei familiaris iactura; quod acciderat, quorundam hominum, incuria, dicam, an socordia? nūc autem, quod amissa recuperaverim, laetor equidem, sed ita, vt dolore simul cogar, quod amicis meis aliena culpa molestiae tantum attulerit. te enim, vir optime, atque doctissime, quamquam ignotum mihi de facie, tamen amicum, appellare non dubitem. nam, cur aut eum nō amē, aut ab eo me amari non putem, cui cum Paulo Sacrato, omnib. mihi officijs coniunctissimo, summam intercedere necessitudinem intelligo? Quod si studiorum, ac morum similitudo amicitiam contrahit: cur nō animis coniungamur, quāquam locorum intervallis disiuncti? Iam illud, quod tu; fraterq. tuus Alfonso, virtute tibi, & probitate similimus, operā dedistis, idq. auctoritate studio, diligentia consecuti estis, vt mea domestica supellex, ad alienas manus per errorem trāsducta, ab iniusto possessore vindicaretur, cum eiusmodi est, vt vestrā erga me uoluntatem, & singularem quandam ad bene mercendum propensio-

pensionem ostendat; tam ita me afficit, itaq. vtrique obstringit, ut omnia, me debere uestra caussa existimem. vtinam ea fortuna essem, vt aequare animum officijs posse. profecto uel humanitate uestra, vel amore meo, nihil esset illustrius. sed, quia tam infirmum, aut tam humile esse neminem constat, qui, si ad aliquam res studia sua conferat, non aliquid, atque adeo multum praestet: fore non despero, ut merita meritis aliquando compensentur, & quantum vos in me a re ad exitum perducenda laborastis; tantum me, de gratia referenda, cogitasse omnes intelligant. sin voluntati facultas de fuerit, peto a vobis, ut me tamen frui sinatis amore vestro: quo mihi carius, aut antiquius, esse nihil potest. Vale, & Alfonso fratri salutem a me plurimam.

Romae, I V. Kal. Quint. MDLXVII.

CLAUDIO. STRAMBONIO

Camerinum.

8

DELECTOR non parum memoria nostri tua: sed, eam iis declarari e pistolis, quibus nihil elegantius, nihil suauius esse possit id vero est, quod maximopere gauderam. quamquam, vtri potius, tibi, an Falconio nostro, iuueni humanissimo, atque doctissimo, de hoc officio gratias agam, interdum subdubito ille enim, ut eloquentia valet, paene mihi persuasit, sua cohortatione te esse adductum, vt scriberes. quod ei si credere, suscepta a me opinionem humanitatis, & amoris in me tui, cogerer deponere. Quid igitur faciam? quod Academici solent: assensum

*sensum sustinebo: ne, si Falconio non credam, eius fidē, cui multum tribuo, in dubium reuocē; si credam, detra- xisse aliquid uidear de beneuolentia erga me tua; quo mihi molestius esse nihil possit. Quod si te impediunt ne- gotia: hoc ipsum scri heres. ego enim ab amicis non plus exigo, quam praestare possint. neque tamen amicitias metiri soleo crebritate litterarum. fidem, & officium, semel expertus, eadem, si res postulauerit, exspecto; sin aliter euenerit, leui culpa non condemno; & facio per- inuitus, ut amari me non putē. Quare tuis occupationi- bus ignosco, quod, a discessu tuo, rarius ad me scripse- ris: tu quoque, uelim, habeas rationem negotij mei; quo sic vrgeor, ut respirandi facultas non detur.*

## MARIO. CORRADO

Salernum.

9

*ET SI mihi tui litteris nihil solet esse iucundius: quas tamē prid. Id. Sep: ad me misisti, legi perinuitus. sic. n. ad me scribis, quasi de mea erga te beneuolentia dubi- tes. Ego, mi Mari, a quo primū tēpore certā uitae meae rationē institui, semper id spectauī maxime, ut, quos se- mel diligere coepissem, eos non solum sponte nulla te of- fenderem, verum etiam accepta interdū iniuria, ma- ioribus complecterer officiis. hoc institutum cum mihi ad hunc diē placuerit: fore non opinor ut posthac im- quā displiceat. quod si tu secus existimas; & si me vul- gari quadā regula metiris, uel quia sensus meos, cū lon- ge a me uixeris, ignoras; uel quia, nonnullorum ho- minum*

minum perfidiam expertus, de reliquis idem facile suspicaris: libenter equidem tibi istum si possem, errorem eriperem sin id mihi per te minus licet, me tamen in te amando fides, & constantia mea delectabit, vberemque satis ex ipsa conscientia fructum capiam. Tuae partes in amicitia quae sint, ego tibi, excellentis ingenij, ac doctrinae, viro, non praescribam: tantum illud dicam, quo tu nunc mecum genere litterarum vsus es, id mihi parum ad conglutinandos animos aptum videri. aut enim haeret aliqua in me culpa, & eam tu notas, ac reprehendis, quod quale sit, non equidem intelligo; nec vero possum intelligere, cum nihil sit: aut culpam tu nullam in me vides & coniectura tamē aliqua duceris ad suspicandum. certe enim suspicari te nescio quid uerba illa tua significāt: Ego a te solum amari cupio: oro te, et obsecro, nihil aliud aut vulgare de me existimes: actum; a me tecum haecenus vere, & amanter. Quid? an ego aliquid commisi, vt de mea in te voluntate secus iudicare posses? aut ego te vnumquam accusaui, quasi minus vere, aut minus amanter mecum egeris? Nisi si, quia litteris tuis, homo, sexcentis curis implicatus, non illico responderim, propterea uel me tibi credis immutatum, uel id agis, ut ego te mihi subiratum putem. Ego autem si essem ad mutationem, vel natura, vel consuetudine, procliuior; tamen ita de studijs tuis, ita de ingenio, & eruditione, ita de moribus, & integritate sentio, vt, nisi mihi sincere iudicandi facultatem casus aliquis adimat, immutari tibi nullomodo possim. At creberrimae tuae litterae, meae rariores. Diuersa ratio est: nec, si tu id facis, quod si omitteres, fortasse peccares; &, quia non  
omittis,

omittis, agnosco, & amo vehementer amorem in me  
 tuum; ideo sequitur, vt, quia non ego idem facio, &  
 istā officij partē, districtus negotijs, praetermitto, lan-  
 guere me iure putes in studio tui, et in amore illo, quem  
 cum pepererit tua uirtus, noli dubitare, quin eadē alat,  
 atque cōseruet. Familiares tuos, cum ad me uenerunt,  
 & quoties uenerunt, accepi, quantum in me fuit, huma-  
 nissime; neminem exclusit, aut excludet vī quā occu-  
 patio mea. vix enim credas, quam de te libenter, aut lo-  
 quar, aut audiā. Quare, quod ais, ne cui posthac, qui si-  
 ne tuis litteris ad me adeat, velim credere: id equidem  
 scripsisse te nollem. cur enim, si quis ex petit amicitiam  
 meam, & eā se consequi facilius putat, si te ornet lau-  
 dibus, teq. sibi, in optima studiorum via, ducem fuisse  
 dicat; quod video multos, cū quadam ambitione, prae-  
 dicare: cur, inquam, hac me uoluptate priuas, ut ei non  
 credam, qui narrat ea, quae libenter audio? Patere igitur,  
 amicos tuos, cum iſdem amici mei esse uolunt, adire  
 ad me arbitrato suo, & quamquam testimonio careāt  
 litterarum tuarum, mihi tamen, ipsa tantum tui nomi-  
 nis appellatione, commendari. Vale.

Romae. X. Kal. Oct. M D LXVII.

---

FRANCISCO. PLANTEDIO,  
 Neapolim. 10

VERE dicā, Plantedi: magnopere sum delectatus  
 ijs laudibus, quibus me, cum de Ludouici Ariosti poe-  
 mate meam sententiam exquirere cogitasses, orandum  
 existi-

existimaſti; neque uero, quod ipſa laude admodum capi-  
 piar: me enim quotidie magis, ab ambitione, cum ra-  
 tio, tum iam aetas remouet: ſed quod amoris in me  
 tui, ut ego interpretor, index laudatio eſt. amari au-  
 tē ab eo uiro, qui excellat iis artibus, quas in omni aeta-  
 te diligenter colui, quaeq. rebus omnibus antecellunt,  
 cur non gaudeam? Amplector igitur iſtam uoluntatē,  
 & habeo gratiā, non modo, quod ita de me ſentias,  
 verum etiam, quod eos, qui contra ſentiant, Obreſta-  
 tores, & Inuiduos ſuoces: cum quibus tamen, opti-  
 me Plantedi, pugnare te, mea cauſſa, nolim. nam, ſi  
 laudem quacūq. tu mihi multorū vnus inſtar ſis, cuius  
 doctrinam, & eloquentiam in ſcriptis uideo; probita-  
 tem, & mores de multis audio. Sin, quod uera eſt, ipſa  
 me ſola uirtus afficit; cetera parui pendo: ſinamus,  
 placere ſibi vnumquemque & in ſua ſententia trium-  
 phare: nos inſtitutum retineamus, & in hoc ſine, ut iſſi  
 uolunt errore, ſiue, ut ego iam pridem ſtatui, ueritatis  
 amore ac ſtudio pergamus, Epiſtola tua, & reſus,  
 redolere mihi pariter antiquitatē uidentur. quo tibi no-  
 mine, uehemēter gratulor. quibus enim contingat, ut  
 in vtraque facultate, excellent, pauciſſimos in omni ae-  
 tate fuiſſe non ignoras. De Arioſti poemate, hic quo-  
 que ſunt, qui diſputent, in vtramque partem; cum alij  
 ſuum iudicium ad Ariſtotelis praecepta referant; &  
 quibus quem diſcedere intelligunt, eum ſtatim e poeta-  
 rum numero extrahendum cenſent: alij uero, ſiue res,  
 ſiue uerba ſpectentur, Arioſto tantum tribuant, non  
 modo ut eum ad ceteros poetas aggregent; uerum etiā  
 cum illis poetarum principibus conſerendum ſtatuant.

Mibi



Mihi non tantum otij suppetit, vel vt hoc totum, quid-  
quid est, considerem, vel vt meam sententiam litteris  
exponam. Vale. Romae, nonis Sept. MDLXVII.

ANTONIO. MERVLAE,  
Casertam. II

NIHIL mihi gratius, aut iucundius ijs versibus  
accidere potuit, quos a Berardino Rota, praestante vi-  
ro, de me conscriptos, ad me antea misisti. quo sane mi-  
nere ne viderer indignus, cupiui statim paria paribus,  
& vt assequerer, elaboravi: sed, cum non procederet,  
indignantibus Musis, quasi eas per tot annos, conuer-  
sus ad alia studia, neglexissem, distuli rem, consilium  
non abieci. non enim fore desperabam, vt aliquid ali-  
quando, tamquam e quercu, exculperem, quod sum-  
mus poeta cum videret, si minus ingenium probaret,  
id quod e quidem sperare numquam ausim, animum sal-  
tem, referendae gratiae cupidum, diligeret. Sed ecce  
tibi ista, difficultatibus ita multis implicata. Breuiarii  
mutatio, nihil vt laboriosius, aut molestius, umquam  
senserim. necdum tamen eo loci res est, ut ea, quae flu-  
ctuant, recedisse uideam. quo maiore uersor in solici-  
tudine, non solum, quia careo litterulis nostris, in qui-  
bus antea vivebam, sed etiam, quia, seiunctus ab a-  
micis, vereor interdum, ne quis, mearum ignarus oc-  
cupationem, exsuisse me putet ueterem humanitatem,  
& officij curam, quae mihi olim prima fuit, penitus  
abieciisse. Quare, terogo, pro eo, quantum me amas,

& quantum te amari a me scis, des operā, ne quid Rota de me suspicetur durius. nosti meos mores: nosti animū: quem si alia fortasse labes inficit, certe, ad amicorum obseruantiam, & ad tuendam officij religionem, quod attinet, purus est. De tuo statu, cū nihil scripseris arbitror esse, vt volumus: Vale, & Rotae salutem.

Romae, Kal. Nou. M D L X V I I.

I A C O B O . F A L C O N I O,

Bononiam.

15

O ME credulum, qui te iturum in Hispaniam putauerim: quod cum te affirmare non desineres, Maximus tamen noster perpetuo negabat. nimirū ille adolescens quiddā occultius, quod ego hebetior non uiderem assequeretur ingenio. nec me tamen hoc tecū queri putes: quin potius errore meo delector, & me delusum esse, gaudeo. nam si tam longe discessisses: primum veritus essem, ne serius ad nos, deinde etiam, ne cum illo Hispaniensi fastu, oblitus humanitatis tuae, redires. nunc, mutato consilio, cum Bononiae confederis: non dubito, quin te ciuitas omnium humanissima, qualē dimissimus, talem nobis, ac melioribus etiam, si fieri possit, et litteris, & moribus excultum, remittat. De Sigonij consuetudine, valde tibi gratulor. cole istū virum, Falconi, quem habemus in Italia, non solum doctrina, verum etiam probitate paene singularem. Vale, & Iacobo Boncompagno salutem a me plurimam.

Romae, VI. Non. M D L X V I I.

IOANNI. BAPTISTAE. ARCVTIO,  
Neapolim.

13

*ET* bene te sentire de studijs meis, deq. laborib. illis, quos iam a prima adolescētia, patris adductus exēplo, ad restituendam antiquitatem contuli, & me etiā diligī a te, video. quod cum vtrumque mihi gratissimū esse, tum a me tibi parem in utroque gratiā referri, velim existimes. nam, cum epistolam tuam legissem; valere te ingenio, praeſtare litteris facile iudicavi; & ad iudiciū acceſſit beneuolentia, nec ea vulgaris, sed quantam virtus & studiorū similitudo gignit. quare, persuasum hoc tibi, planeq. exploratū esse cupio, quaecumq. a vetere necessitudine exspectari officia solent, ea tibi a me, si qua tui dabitur facultas ornādi, praesto simp. futura. De Ariosto, lis, & cōtentio nō placet: antiqua me delectāt, ea q. tracto; vtinam tam feliciter, quam laboriose. si quis in eo suā industriam locat, ut ipse excellat, consiliū probo; aliena qui tantum iudicat, eum ego, vel si recte iudicet, non libenter tamen imitabor. Vale.

Romae, V. Id. Nou. MD LXVII.

ANTONIO. FVRNARIO,  
Neapolim.

14

*UTRVMQVE* laetor, & fortunīs tuis aliquid esse additum, & amorī erga me plurimum. at multi contra,

tra vel dignitate, vel commodis aucti, contemnūt uetere  
 res amicos, & officio multā salutem dicunt. quod hic  
 nos experimur quotidie. Quod me annuo munere affi-  
 cis: agnosco humanitatē tuā. quod vero, id te tribuere  
 virtuti meae, dicis: maiore etiā me ornas munere. noli  
 autē arbitrari, tam desipere me, vt disputare tecū ve-  
 lim, & quaerere, vere ne sentias, an secus. facio nō inui-  
 tus, vt iudiciū tuum cum mea laude cōiunctum tuear,  
 ac probem. De anno, quem Scalarem vocant, ne tanti  
 Firmicus, & qui cum eo sentiunt, apud te sit, vt animi  
 tranquillitatem amittas. quae enim impendent, si sunt  
 eiusmodi, vt euitare prudentia possint: spero fore, nihil  
 vt te laedant. sin ea fixa sunt: praeripere molestiā, &  
 angī frustra, certe non oportet. Ego valetudine vtor sa-  
 tis commoda, re familiari. si spectentur labores mei, pa-  
 rum copiosa; si ratio temporum, satis ampla. Vale.

Romae. XVI. Kal. Febr. M D LXIX.

N I C A S I O . C A S L E T A N O ,  
 Patauium.

15

OPT. AB. AM, vt emergeres ex eo vitae genere:  
 quod neque studijs, neque fortunis tuis aptū videbam,  
 angebar tamen, eripi nobis fructū suauitatis, & doctri-  
 nae tuae, hac praesertim proborū, atque erudi totū ho-  
 minū, idest tui similitum, caritate. nunc, ex tuis litteris  
 cum intelligam, ordiri te nouum quoddā vitae genus;  
 medicorum antiquorū libros euoluere coepisse, ne post-  
 hac, inani spe ductus, aliunde perdeas; frui nō modo fa-  
 miliaritate, sed conuictu etiam, ac domo praestantissimi  
 inuentis,

iuuenis, Io. Vincentij Pinelli : abstergo prorsus illā ex animo molestiā, quā discessus mihi tuus reliquerat, teque istic esse, ubi otio, libris, doctōribus abūdes, et eā, quae maxime ingenium adiuvat, quā paene hic amiseras, animi tranquillitatē nō desideres, vehementer gaudeo. De eprigramate, Sammarcus agit gratias: vt referat, nō expecto. cupedias tamē si habebo, ita nō contēnā, vt vos omnes amē. quid enim quisque praestiterit, non ignoro. Vale, & Pinello, Sammarco, Andreae Siluio, qui me olim diligere uidebatur, multam salutē. Romae. pridie Kal. Febr. MDLIX.

C H R I S T O P H O R O  
BARONI. LOBCOVICZIO.

NIMIVM agis mecū liberaliter, cum tu mihi principis viri filius, homini priuatae fortunae, nullo meo prouocatus officio, tuā beneuolentiā sponte desers. quod ego beneficiū tanti facio, nihil vt anteponā. cum enim ita vitā instituerē; ut uirorū nobiliū amicitias expeterē: tum eā nobilitatē praecipue colui; quae licet aliquid extrinsecus assumat, maxime tamē a se ipsa pēdet, ac praesenti uirtute decoratur. quā tibi placere sentiētiā video, & dare operā, vt, quod maxime probas, id maxime cōsequaris. itaq. sic velim tibi persuadeas, nihil omnino mihi vel carius esse posse, vel iucundius amicitia tua: nō eo solum nomine, quod illi stris sis admodū loco natus, quod patrē habeas, qui Bohemiae cū sūma potestate praesit, qui oī honore, omniq. laude floreat: sed multo magis, quod & audio, & ex tuis lit-

teris conijcio defixū te esse in praeſtantibus curis, & ea quaerere, unde verū decus, vera nobilitas, emanat. ita fiet, ut quantum ad ſplēdorē domesticū ſua uirtute addidit pater tuus, tantū ipſe ad paternū decus, uolūtate nunc ſimilimus, uirtute aliquando praeſtanti-  
 or, adiungas. Incūbe igitur, clariffime adoleſcens (iā enim, ne abſ te in amore vincar, laborare me aequum eſt de gloria tua) incumbe, obſecro, & huc omnes neruos, om-  
 nē indiſtriā confer, vt ornamenta referas in patriā, quae tua propria ſint, quaeque tibi nulla vmq̃a fortu-  
 nae, vis, nulla mutatio tēporū auferre poſſit. Quae  
 cohortatio nec longior eſſe debet, cū te tua ſponte pro-  
 penſum ſatis eſſe ad omnē laudē intelligā; nec omittē-  
 da tamē fuit cū hoc apud te vellē relinquere, quando  
 aliud praeſtare tua cauſſa uix poſſum, teſtimonium  
 amoris, & obſeruantiae erga te meae Vale.

Romae. IV. non. Feb. MDLXIIX.

## PETROMISCOVIO 17

EX ijs rebus, quarū memoria delector, nulla ma-  
 gis recreor, quā conſcientia obſeruatiae erga te meae,  
 & opinione amoris in me tui. inde fit, & optē tibi ſe-  
 cundiffima omnia, & cum optata cōtingūt, vehemen-  
 ter gaudeā. quamquam quis non gaudeat, cum debita  
 uirtuti praemia tribuuntur? cū excellit honore auctori-  
 tate, opibus, qui excellit ingenio, indiſtria, probitate?  
 itaq. cum tibi Episcopatū Plocenſem eſſe demādatū  
 cognouiſſem; gratulatus ſum tibi primū pro amicitia  
 noſtra, meoq. in te ſtudio ſingulari: deinde bonis artibus  
 ut

quibus



quibus ex tua dignitate tantū ornamenti, tantū splendoris accessit. Hoc exemplo, quis fore iam dubitet, quā omnes non modo in Polonia tua, verum in longinquis etiā nationibus, quo tuorum meritorū fama peruenierit, ad excellentē verae gloriæ cupiditatē excitentur? equidē, cū audio, quæ partim ab alijs, partim a probō & prudente viro, tuarū laudū praecone, Metello Ventirello assidue narrantur, ita cōmoueor, non equidē vt adspicm, quo peruenire non licet: (non enim me tibi ulla re conferō) verū vt in praestantibus doctrinarum studijs, vnde fluxit amplitudo tua, languere nullo modo possim. atque etiā adducor in illam spem, fore prorsus, vt excellentibus ingenijs, quibus abundat in primis patria tua, auctoritas, gratia, opesq. tuæ pateāt, sic vt ad magnas res, magnopereq. expetendas, tuo potissimū patrocinio nitātur ita nascetur ex uirtute virtus, & propagabūtur illa, quibus a turpi otio ad laudabilē industriā, ab iniuria ad acquitatē, a feritate & discidio, ad societātē, & cōiectū humana vita conuertitur. cuius tāti boni vt auctor esse velissim. posse te, satis cōstat: ne rogādus qdē es, cū hoc a te tua dignitas, et anteaetæ vitæ rō quasi suo iure postulet. Vale.

Romae. Id. Feb. MDLXIX.

---

FEDERICO. VIVALDO,  
Neapolim. 18

MAGNVM humanitatis, magnū amoris argumentū, non solum ad me scribere, quem numquam, vt opinor, de facie noueris, veriam etiā, quæ tua sunt, om-

nia mihi perliberaliter offerre, ac polliceri, Ego, mi uin-  
 ualde, uolūtate sum cōtētus: cetera nō desidero. amari  
 enim cupio: pdesse uero amicis malo, quā debere. itaq.  
 licet amicitia nunc primū inter nos exoritur, tamē sic  
 uelim existimes, quae res ad existimationē, aut ad com-  
 modum tuum pertinebūt, in ijs rebus me esse operā da-  
 turū, ut familiaribus tuis uetustate quidem, & opibus,  
 officio tamen concedam nemini. nam, si, amantē non re-  
 damare, turpe est: multo magis eū, qui ingenio, doctrina,  
 multis denique, ut audio, suauitatibus ingenij ita floret,  
 ut eius amicitia, qui recte sapiat, in rebus ualde expe-  
 tendis numerandam p̄tet. Quod ob eā causam scribo,  
 ut intelligas, cū tibi me gratias agere, tum gratulari mi-  
 hi plurimū de beneuolentia tua: de qua si umquam cō-  
 misero, ut aliquid mea culpa detrabatur, hominum me  
 non putabo. Vale. Ro. XV. Kal. Mar. M D LXIIX.

## P A V L L O . L V P O . 19

ET SI cum tuum erga me non mediocre studiū fa-  
 cile mihi antea cognitū, atq. perspectum, tum mea in te  
 singularis beneuolētia postulare uidebatur, ut uiserem  
 te quā creberrime, tertium iam mēsem difficili morbo  
 laborantē: tamen id non feci nō equidem obliuione tui  
 quē fero in oculis ob egregios mores, optimamq. indo-  
 lem; sed partim ualeitudine, qua, propter nimis longam  
 uerni tēporis intemperiem, incommodiore adhuc utor:  
 partim ēt occupatione molestissima, qua ita dislineor,  
 ut pedē ex aedibus efferre perquam raro liceat. Quod  
 reliquū fuit; quotiescumque uidi (uidi autem fere quo-  
 tidie)

tidie) familiarem tuum, mei studiosissimū, probum iu-  
 uenem, & eruditum, Iulium Iacobonium, cuius tu con-  
 suetudini, atq. cōsilijs, quidquid aut in litteris, aut i mo-  
 ribus ad hāc diem profecisti, acceptū referre solitus es;  
 quā saepe de tuo statu quaesierim, quā sollicitus de tua  
 salute fuerim, optimus ipse testis est. quod utinā, quan-  
 tū doloris ex tuo periculo suscepi, tantū opis ad te sub-  
 leuandū afferre potuissē. nā tu nunc, plane integer,  
 & saluus, nullā pristinae ualitudinis partem deside-  
 rans, nobiscū esses, ut interdum solebas, nosq. tuo lepo-  
 re, tua uenustate, tu nostra consuetudine, nostra etiā, si  
 qua est, hilaritate fruereris. quod tamē breui futurū ita  
 spero, ut ualde tibi primū, deinde etiam nobis gratuler.  
 nō enim dubito, quin statim repetas ea studia, quae nō  
 uulgari cū laude traētabas; quaeq. te (libet enim au-  
 gurari, quod opto) ad summas opes, summamq. dignita-  
 tē, fauēte praesertim, atque adiuvante patrono omnīū  
 bonarū artīū, omni uirtute praedito, Cardinali Alcia-  
 to, aliquando extollent. nihil est enim, ut exēplis, & an-  
 tiquis, & recētibus erudiamur, quod hominū studia ad  
 utilitates nostras magis alliciat, quā uirtus: nihil magis  
 & humana nobis omnia subiicit, & aditū ad caelestia  
 patefacit. Quare, cū tibi nec istrumēta naturae desint,  
 quorū expertes multi optima uoluntate, studio flagrā-  
 ti, nihil tamen, uel mediocri laude dignū praestare po-  
 tuerūt; neque uero ex ijs rebus ulla requiras, quae si  
 absint, praeclarae saepe cursus impeditur industriae:  
 debes animū in spem optimā erigere, omniq. cura ad re-  
 cuperandā ualitudinē incumbere. medicos habes, qui  
 locū in ciuitate principē obtinent: mater assidet aegro-

to, curat, exsequitur omnia: amicorum nec salutatio-  
 nes, nec officia desunt: haec speramus fore salutaria: sed,  
 mihi crede, medicina praestantior in te ipso, idest in cō-  
 stantia, prudentia, temperantia tua, reposita est. Consu-  
 le igitur, quantum potes, & saluti, & gloriae, & parentis  
 etiam vitae: quam filij iacentis ad spectus exanimat:  
 amicis vero tuis, maerore adempto, veterē iucunditatē  
 aliquando restitue. Quod si, expertus omnia remedia,  
 placere Deo senseris, ut haec humana relinquant; quae  
 quam caduca sint, quam numquam firma, quā saepe  
 exitiosa, profecto vides; agnosce tuam felicitatem, ad  
 eamq. propera laetissimo animo, relictis erroribus, qui-  
 bus ij, qui hac diutius compage corporis includuntur,  
 falsa rerum inanum specie decepti, ita saepe implican-  
 tur, ut numquam ad veri boni cognitionem perveniāt.  
 nos quidem, qui, te isto vexari morbo, patimur iniquissi-  
 me, ydem, si contigerit, ut in ista aetate, istis moribus,  
 ista mente, nondum terrena cōtagione deprauatus, aut  
 mortiferi criminis labe pollutus, hanc miserrimam vi-  
 tam cum illa bonis omnibus circumfluente permutes;  
 laetabimur & exitu optato molestiarum tuarum, &  
 initia beatæ vitae, ad quam adspirare paucissimis li-  
 cet. Vale. XIII. Kal. May. M. D. LXIIX.

---

AVGVSTINO. ANGELELLO,

Fabrianum.

20

NLSI tibi, quae nunc meae vitae ratio sit, qui-  
 busq. curis, & negotijs distinear, satis cognitum crede-  
 rem;

rem: sane afficerer magna molestia, quod tibi, viro optimo, atque in primis erudito, praeterea, quod res ipsa declarat, mei amantissimo, deesse videretur officium meum. sed profecto si me putas ab ineunte aetate ijs artibus, ac studijs non mediocriter esse delectatum, quibus ad humanitatem animus excolitur: aequiorem te mihi esse oportet, nec suspicari, quia rarius ad te scribam, non video me tibi, quas debeo, gratias habere, nec diligere, & amplecti diligentiam, industriamque tuam, quam, quotidie locas in antiquitate colligenda: cuius ego maiorem officij partem libenter acceptam refero benevolentiae erga me tuae. Nec tamen superuacaneam operam suscipias, cum praesertim otio non abundes: hoc velim scias, omnes me cum veteres, tum etiam proxime Auximi effossas inscriptiones, in quibus hae quoque duae sunt, quas ad me misisti, ante duos menses accepisse a Io. Francisco Gallo, ciue Auximate: & quod tu scripsisti, F. POLLVCI ille, L. I. POLLVCI. quod tu, TVRCIVS. C. F. ille TVRCIVS. C. F. S. quod Sergiae tribus nomen sortasse fuit. nam & infra video, C. F. SER. nisi si, SER. N. idest Seruij nepos, legendum. quod ut diligenter inspicias, mihiq. significes, valde rogo. Filius abest, Venetias anno superiore cum matre negotij causa profectus. Vale.

Romae. nonis Apr. M D L X I I X.

## IACOB O. FALCONIO,

Pifas.

21

ET SI tuis litteris magnopere delector, in quibus  
 & amorē erga me singularem, & ingenij tui praestan-  
 tiam facile perspicio: & tamen, ut hoc nostrae neces-  
 situdinis officium persoluas, auocari a studijs tuis, aut  
 etiam ab amicorum sermonibus, minime uelim. scis  
 meam consuetudinem. neminem diligo, quem non pro-  
 bē: quem porro coepi diligere, tantum abest, ut exi-  
 gam ab eo plus, quam praestare possit, ut etiam, si quid  
 peccauerit, remittam. quis enim est, qui leges amici-  
 tiae perpetuo seruet? quamquam te quidem ab hoc nu-  
 mero non minus uere, quam libenter, segrego. noui tuā  
 constantiā, noui curam, atque industriam, in quacum-  
 que re amor eluceat. quae quorariora sunt, eo magis  
 hic te desidero: nec desiderii ferrem, nisi cogitarem, eo  
 te consilio discessisse, ut auctus uirtute ad nos redeas.  
 quod ut assequaris, ita cupio, ut parenti tuo cōcedam,  
 praeterea nemini. Ioannem Riccium Politianum, illu-  
 striam uirtute adolescentem, qui aliquando mecum in  
 tuis aedibus, inuitatu parentis tui, uiri optimi, cēna-  
 tus est, audio Pifas breui, studiorum causa, uenturum.  
 eum uelim roges, ut me diligat, quando ego singulari  
 sum in illum beneuolentia, sic, ut te acmulum uix  
 patiar. Salutabis meo nomine exquisitae doctrinae  
 uirum, poetam summum, Petrum Angelum Bar-  
 gaeum, qui Latinam, & Graecam linguam islic pu-  
 blico



blico munere maxima sua cum laude profitetur. Vale.  
Romae, X. Kal. Iun. M D LXIIX.

## IO. ANTONIO. VVLPIO. 22

VIX credas, quam me delectauerint inscriptiones a te missae: non solū, quia disertae, ac perelegātes; uerū etiā, quia gratiae ineundae ab amplissimo uiro, singulārī uirtute ornato, Thoma Altimaro, oblatā occasione auidissime sum complexus. nā, quod inde natum est argumentū epistolae tuae, ita scriptae, ut summum ingenium, summum etiā erga me amorem ostendat: hoc ipsum apud me quanti esse putas? equidē, si qua est huius uitae felicitas, maiorē eius partem in hominū eruditione, & probitate excellentiū, idest tui similiū, amicitia constituo. Quare cum tibi maximas ago gratias, qđ ad me scripseris, quodq. mihi haud paullo plus, quā agnoscere debeā, tribuere uidearis, quippe cum ea referas ad iudiciū meum, quorum ego te, si arbitriū meires esset, Aristarchū libenter statuerem: tum uero sic uelim existimes, si quis est, qui tuae laudi faueat, qui tuā praestātē doctrinā in ore habeat, qui deniq. tua causa summa omnia & cupiat, et curet, eū esse me, daturūq. operā, ut animum aliquando res ipsa declaret. De inscriptionibus indicani Sāctae Senerinae Archiepiscopo, quas probarem maxime: nullam tamen, ut uere dicam, improbare audeo; cum aliquid in unaquaque uideam excellere. Vale, & Altimaro salutem a me plurimam. Romae. Kal. Iun. M D LXIIX.

VICEN.

## VINCENTIO . RICCIO,

A . S P E

23

MITTO, quae petis, omnia, praeter vnā Petrarchae paginam: quam ego, primū a pueris nostris, deinde a me ipso diligentissime quaesitam, ne inter fragmenta quidē reperire potui. Atticanis epistolis etsi adhuc mihi opus erat, tamē quādo ita vis, & ego tibi tua petenti neque negare possum, neque volo, remitto tibi eas per eundē tabellariū, qui has litteras ad te perferet. Mihi quidē animus iste tuus gratissimus semper erit. uerumtamen, mi Vincenti, si curabis, ut mihi de eodem volumine in aliquot dies cōmodare possis, impones operi praeclaro velut artifex egregius ultimam manū. nā ego non nisi libros quinque cum meo libro contuleram, reliquam partem vt absoluerē aliquando possim, non petam a te pluribus verbis, ne videar beneuolentiae tuae diffidere. Vides cupiditatē nostrā. Tu statues in hac re, qđ sit ex fide tua primū, deinde ēt ex voluntate mea. Ego te, & Peregrinum nostrū, & Hieronymū etiam in oculis fero. Venetijs. V I I. Kal. Iun.

E I D E M,

24

HENDECASTYLLABVM carmen quod nos iā amice salutasti, multis causis legi perlibēter, primū, quod tuum erat, deinde, quod elegans, & ornatū, postremo,

postremo, quod in illo mihi significabas memoriā tuam nostrae necessitudinis, & beneuolentiae. itaque nō possum non tibi uehementer gratulari, mihiq. plurimū gaudere; tibi, qui tā egregie bonis in litteris profeceris; mihi, qui talem, ac tam amabilē nactus sim amicū. Deus igitur faxit, vt in hac animorū coniunctione ad extremū vsque vitae cursum perseueremus, et, quae summi amoris vterque fundamenta iecimus, ea non solū cōfirmemus, uerum etiā augeamus. sic enim habeto, qui propter egregias animi, ingenijq. tui suauitates uehementer te diligant, esse quamplurimos; qui mihi sint in te amādo pares, esse vel paucos, vel fortasse neminē. Sed haec satis. Illud curabis, vt erudito iuueni, Cornelio Diuo, salutem meis verbis annūcies plurimam. Bene Vale. MDXXXI. pridie non. Sext.

## E I D E M.

25

VIDE, quanti mihi sis, quantumq. te diligam: vbi primū ex balneis reuerti, e uestigio ad scribendum conuolauī. quod ideo ad te scribo, quia nō eius generis meae litterae sunt, vt ex illis aliquid possis cognoscere, quod aut nostra intersit, aut te scire necesse sit. vnū est illud, quod velim, te intelligere, nobis Dei beneficio pristinā salutē si non penitus, certe magna ex parte resitutam. De meis studijs, propter diuturnā valetudinis infirmitatē, prope iam actum uidetur. ego tamē, ut spero, quid quid omissum est temporis, breuiter sarciam. Tu quid pereris, quid parias, uehementer scire cupio. non enim

is es, qui patiaris tuum ingenium longo otio torpescere. idq. cum praestas, non modo tibi vtilitatem cum laude quaeris, sed etiam tuis omnibus, & amicis, & propinquis, laetitiam atque gaudium affers. Bene Vale.  
M D XXXI. XV. Kal. Sept.

---

E I D E M.

26

LEGI tuas litteras, perbreues quidem illas, sed tamen ualde mihi gratas. Laetaris, quod cōualuerim; ego contra, quod te reppererim tam belle ualentem. De Cornelio quod scribis, nō legi semel, sed bis & saepius. habeo enim illum conuenire. tu, si libebit, eris mihi comes in homine uisendo.

M D XXXI. XII. Kal. Sept.

---

E I D E M.

27

MVLTIS, & ijs quidem maximis argumentis declaras mihi in dies tuum erga me amorem nō confirmari solum, sed etiam augeri uehementer. Quod enim tam ex animo delectaris nostra cōsuetudine, quod tam frequenter nos uisis, quod tā crebro litteras mittis, cui dubium esse possit, hoc ex nimia quadā in me beneuolentia proficisci? Quare ferreus omnino sim, & humanitatis penitus expers, nisi te ualde amem, & obseruem, qui nos, nullo nostro erga te merito, & ames, & beneficijs ita tibi obstrigas, ut unde pares referamus gratias, nullus

nullus iā relinquatur locus. Gratae igitur tuae litterae, eoq. magis, quod intellexi te Pataniū cogitare; unde sperē te pro singulari tua prudentia, & in bonas artes propensione, amplissimam & famam, & celebritatē nominis ad tuos relaturum. Quod autē ad Graecas litteras animū appuleris, hoc tuum consilium & probo uehementer, & feliciter Deū Opt. Max. fortunae uolo. crede enim mihi, nihil poteras praeclarius cogitare, quam cū Latinis Graeca coniungere. Sed quoniam nostram epistolam, si longior exstitisset, futuram tibi gratiorem significas: sic habeto, mi Vincenti, nos prolixius ad te nos scribere, quod neque prolixiores epistolas, quibus cōfirmetur, amicitia nostra uidetur desiderare, neque mehercule ualde est, quod scribā, quod aut nostra intersit, aut te scire oporteat. Nisi fortasse uelis me scribere, in Italiā Gallos aduētare, & Venetijs uisam esse cometam Sextili mēse, & similia, quae minime te fugiunt. Quod si uiderim te longitudine capi, dūmodo tibi satisfaciam, inanes potius, quam nullas, ad te litteras dabo. Vale. pridie Idus Sept. M D XXXI.

---

E I D E M.

28

ET litteras, & libellum accepi, de quibus tibi gratias ago. neque uero mihi erat ignota diligentia tua, quam antea nobis, cum Venetijs uiueres, id est cum in humaniora studia mecum incumberes, multis quidem argumentis declaraueras. Peregrinus, & ceteri communes amici salutabuntur a me diligenter, ubi primum

num eos offendā. Tu fac existimes, nihil esse, quod ab homine amicissimo proficisci possit, quod ego nō velim te a nobis exspectare. fecit humanitas tua, quā mihi Patavij tā egregie significasti, ut ad antiquū amorē erga te meū addiderim etiā cumulū quendā beneuolētiæ prope singularē. amavi enim semper, & amorū voluntatē hominum, quae mihi rerum omnium antiquissima est, itaque, cōtubernalibus tuis, & lectissimis uiris, Augustino, Bartholomeo, & Ioanni cū salutem dixeris, addes etiam, omne meum studium, & officiū ijs paratū esse, ac semper fore. quod ut aliquando tu cum illis experiare, dabo operam, quantū erit in me sitū. Paullus Papiensis per me uobis omnibus salutem adscribi uoluit, seq. constanter asserit perpetuo comitatī uestrae deuinctū in primis fore. Si Bonamicus redierit, si mihi significabis, gratissimum feceris. Vale.

Venetijs. Id. Sept. MDXXXI.

✠ *crit in m. s. l. m.*

XXXV E I D E M.

29

POSTQVAM mihi renunciatum est, te Patavium, adipiscendae philosophiae gratia, cōcessisse, plurimū sane uoluptatis animo cepi, & hoc tuum consilium etiam atque etiam tacitus mecū ipse laudavi. facit enim amor erga te meus, ut existimē, quidquid tibi conducatur, id mihi etiam expedire. atque tu, cū in tāta hominum luce, in tanta doctissimorum virorū frequentia uiuas, nō dubito; quin bonarum omnium disciplinarum, & laudatarum artium cognitionem breui sis cōse-



secuturus: noui ego ingenium tuū: noui impetus ad laudē. itaque non adhortaber te ad eas artes quibus ab ipsa pueritiā deditus semper maxime fuisti. quid sit ante acta aetate tua dignū, quite mores, quod institutū vitae deceat, tu uidebis. Ego illud tantū tibi ante oculos ponam, ut cogites, in ea te urbe nunc agere, quae liberalium omnium doctrinarum hodie ueluti domicilium habeatur, & a qua inanem quemquam redire, turpissimum sit. atque hoc satis esse arbitror ad excitandum te ad honestas disciplinas. quamquam ne hoc quidem ideo tibi propono, quod voluntati, aut prudentiae tuae diffidam, sed ut potius amorī erga te meo, qui me ad scribendum impulit, satisfaciā. quod tu cū legeris, eo uelim accipias animo, quo nos & cogitauimus, & scripsimus. Cornelium Diuum, Peregrinū Benzonum, Nicolaum Sonicam, & Hieronymum Ricciū Muranensem, communes amicos, meo nomine si salutabis, erit mihi uehementer gratum. Tu fac ualeas, & me ut instituisi, diligas. MDXXXI.

EPISTOLARVM  
PAVLLI. MANVTII  
LIBER. NONVS

NICOLA O. CAETANO  
CARDINALI. I



GO uero fratris tui, Principis optimi, filios, praestanti ingenio adollescentes, & libenter sum complexus; & perfecta singulari probitate, atque ad bonas artes promotione, quotidie magis utrumque diligo. Sed, ut, illorum praeclara ad uirtutē indole, pro mea erga familiā uestrā peruenire, perpetuaq. obseruantia, uehemēter laetor: sic, ad excolenda eorū ingenia quod attinet, nec mihi uacui tēporis esse quantum res exigit, nec facultatē, quae uoluntatē aequare possit, non mediocriter angor. quamquā illis, ut uideo, quae aliunde petuntur, intra domesticos parietes abūde omnia suppetunt. ut enim reliqua omittā, cum in tuam uitam intuetur, cum tuos mores, tua instituta, tua studia, contēplatur, nullam praeterea disciplinā, nullius uocem, aut praecepta desiderant. ueruntamē si quādo acciderit, ut ab ijs occupationibus, quarū cōcursu paene abruor, respirare liceat, deesse uestrae cupiditati non patiar industriam meam. quod ut enitar, hortātur quidē multa, nihil tamē magis, quā epistola tua, quae me cū sermonis elegātia, tū significatione amoris, & iudiciij de me tui

*x puto legend: Et perspecta &* sic

sic affecit, ut nihil unquam senserim iucundius,  
 Vale. X. Kal. Apr. MDLXIX.

PAVLLO. MANVTIO,

S. P. D.

2

SVPERIORIBVS proximis diebus sumpsi  
 mihi quiddam nō alienum, ut arbitror, ab officio meo,  
 neque tibi aduersum, cū optimo affixio tuiq. amanti ssi-  
 mo, quae te ratio impulisset, ut de optimo Imperatore  
 Maximiliano, Domino meo, vere recteq. cogitata, &  
 ad Sambucum nostrum per scripta, ex libro epistolarū  
 tuarum tolleres, & bene culta euerteres, exquirere non  
 dubitavi. Magnum enim atque grane aliquid fuisse,  
 quod te ipsum quasi ad cuius laudes amplificādas illa,  
 quae diuulgaueras, pertinebant, inuenterit, statuebam,  
 & quin hoc cum iniuria, quae capiti Reip. Christianae  
 fieret coniunctum esset, dubitare non poteram. Itaque  
 cum te, propter excellentem omnium liberalium doctri-  
 narum cognitionem, animo meo egregie carum habeā,  
 & tibi aliquid a maleuolis instillatum, quominus in re-  
 cta sententia maneres, putem, erigere te, atque confir-  
 mare rursum meis litteris volui. Spero autem, ac po-  
 tius cōfido, te pro singulari tua humanitate, et probita-  
 te in optimā hoc accepturum partem, ac maiorem mi-  
 hi, cui Caesar intime est notus, fidem habiturum, quam  
 hominibus Imperatoris opt. & inuiciss. tuisq. laudibus  
 inimicis, meq. dubitatione, & cura, quam ista mutatio-  
 ne, cuius nulla uera ratio excogitari potest, nobis inie-  
 cisti, leuaturum. Id ut facias, & hanc meam curiosi-

Ec tatem

fitatem (licet hoc nomen in initio ponatur) ab omni maleuolentia disiunctissimā, ac potius cum summa erga te beneuolētia, fideque quam integerrimā Caesareae Maiestati quoad vixero praestabo, coniunctā esse tibi persuadeas, in maiorem modum peto. Bene Vale. Viennae. ex aula Caesarea. IX Kal. Iun. MDLXIX.

Ioannes Crato a Craßtheim,

S. Caes. Maiest. Cons. & Medicus  
intimus.

IOANNI. CRATONI,

Viennam.

3

SI quis est, uir praestantissime, qui cōstantiā delectetur; & quam semel cōsiliū uiam ac rationem est ingressus, in ea libenter pergat, is ego sum, et eum esse me nō mediocriter gaudeo. Sed, ut te non fugit, singulari doctrina ac sapientia uirū, in hominum uoluntatibus nihil esse perpetuum necesse est: nec uidetur in aliquam culpā incidere, aut male de se ipso consulere, si quis ita uitā instituit, ut eius cōsilia ratio temporum moderetur, ac regat. Ego olim in illa mea ad Sambucū epistola, quid cogitarem, declarandū putauī. nam, etsi de studiis meis humiliter admodum sentire, nec satis fore sperarem, ut ex ingenio meo quidquā de promerem, quod si ad Maximilianum, Regem tunc Romanorum inclytum, nunc Imperatorem, mitteretur, aditum mihi ad eius beneuolentiā patefaceret: sua su tamen amicorum, assiduisq. sermonibus, in eam mentem impellebar, ut  
maximo

maximo Principi, erga liberales oēs disciplinas egregio animo, notā esse cuperem industriam meam. nunc mutata mea ratio est. Romā euocatus a Pontifice, sic impediō negotijs, sic a studijs auellor, ut quae de litteris nostris opinio fuit, si modo ullā umquā fuit, ea nihil dignum, in summa temporis inopia, praestari a me posse confidā, porro quod pollicebar, cum posse perfici sperabā, id, spe sublata, cur pollicear, non video. nisi si, quod a mea non solū natura, verum etiam consuetudine, semper abfuit, eos imitari velim, qui maiorē ex inani quadā ostentatione, quam ex ipsa veritate, voluptatem capiunt. Nā quod vereri te ostendis, ne maleuolorum opera, & artificio factum sit, ut pristina sententia discederē, patere, obsecro, persuaderi tibi primum, id quod res est, mutationem fecisse me voluntatis, non iudicij: deinde, illa ipsa mutatione voluntatis, quam nulla temeritas attulit, sed ab initio necessitas expressit, nihil animo meo molestius, nihil acerbius accidere potuisse. quid enim? an ego ita hebeti sum ingenio, ut, quibus virtutibus tanta Maiestas ornata sit, non intelligam; vel ita improbo, ut, quae laudes tātis virtutibus debeantur, non confitear? istam calumniā, opinor, neque qui studia mea, neq. qui mores nouerit, in me cōferet. In quo tamē, ut ingenue fatear, est quod me mordeat. qui enim alios, homo minime fallax, ex ingenio meo antea metiebar, nunc demū, quasi admonitus officio litterarū tuarum, incipio suspicari, posse aliquē, quod a me ratione, ut arbitror, optima factū est, id, aut ignoratione consilij mei, aut suae fortasse naturae, uitio, deteriorē in partem interpretari. neque, huic

malo quae mederi ratio queat, dispicio, nec possum, in optima animi conscientia, non aliquam tamen ex aliena suspitione molestiam trahere. Tibi quidem, Crato optime, cum & me verbis exquisitis in epistola tua elegantissima, ac plane omnium, quas adhuc legerim, prudentissima, laudaueris, et ea simul scripseris, quae profecto, nisi me valde diligeres, & nisi de mea existimatione ac laude laborares, tibi numquam in mentem venire potuissent, quas gratias debeam, facile video: quas agere possim, non reperio. quod tamen in me est, ut meritum tuum perpetua memoria colam, & singulari te ipsum amore complectar, quod virtuti quoque tuae, omnibus notissimae, libenter tribuo, id si omittam, nefario me scelere deinctum putabo. Vale Romae, Idibus Sept. M D LXIX.

---

E I D E M, Viennam.

4

ET serius, quam tu fortasse expectabas, & breuius omnino, quam vterque nostrum vellet, ad te scribo. id accidit valetudinis incommodo, non obliuione tui ad quem quotidie mentem refero, & ea sane voluptate, qua maior esse nulla possit. quod si corporibus animi mederetur: facile sanaret hunc morbum, quo quinctum iam mensem laboro, iucundissima recordatio humanitatis, & beneuolentiae erga me tuae. alluari tamen videor, dum de te cogito, tecumque quasi loquor. calores expecto, valetudini meae semper utiles. nam hiems, & veris inconstancia, cum hiemali prope frigore, male me  
 vehe-



vehementer habuit. Si valebo, exspecta epistolam bene longam. interim ama me, ut facis. Vale.

Romae. Kal. Maij. MDLXX.

LABOR ABAM eodem, quo antea, morbo, et quidem aliquanto etiam grauius. ita Dei uoluntas fert. nec satis constat inter medicos, qui sit exitus futurus: meus animus, ut ingenue tibi fatear, aberrat a bona spe, quippe aetate ingrauescente, ualetudine perimbecilla, morbo plurimorum mensium. Tero pro nostra necessitudine, si quid mihi acciderit humanitus, filium meum Aldum, qui uiuit Venetijs, tuis officijs, tuaq. humanitate complectaris. Ego, si diutius uita fruar, nullum, mihi crede, erga te amicisimi, atque obseruantissimi hominis officium praetermittam. Haec quoque aliena manu: nam meae uim penitus omnem ademit morbus. uide, qui sim, mi Crato. Vale, & posthac Venetias, quo me breui conferrere cogito ad oratorem uestrum litteras mittes. is mihi eas reddendas curabit, & quamquam fieri potest, ut inde me Patauium, ualetudinis curandae gratia, conferam, tamen discedens mandabo meis, ut litteras mihi tuas eo mittant.

---

E I D E M, Viennam.

5

NUNC demum exoriri mihi videor, & quasi post multam noctem lucem adipisci, reuersus post annos decem in patriam ab urbe Roma, unde me, laborem nullum pro publica re, communiq. comodo recusantem, grauis morbus ac diuturnus extruxit. Grati-

lantur amici, amplexantur, laetitiā oculis, vultu, sermone declarāt. Hoc mihi iucundissimum est: sed, in hac iucunditate, angor saepe intimis sensibus, dū recordor, quid iacturae, quādiu Romae uixi studia mea fecerint: de quibus, quamquam intelligo non eū, esse me, qui magna praestare possim, uerumtamen minima fortasse nō erat expectatio. Ire, inquires, nō oportuit. Certe, si diuinare licuisset. verū, si res adhuc integra ponatur, eundi consilium qui reprehendat, fortasse nemo sit. Laborabam domesticis incommodis, fratrum meorum culpa: nec spes erat emergendi, nisi noua consilia caperentur. Vocabar a Pōtifice Max. quo nihil uideri poterat honorificētius: fructū autē quis non expectaret? Cohortabantur amplissimi uiri, quorū erga me singularem beneuolentiā multis rebus antea perspexeram. laeta denique, copiosa, ampla ab omnibus omnia promittebātur. quid agerem? credidi, & speraui: ut fere sumus omnes homines hoc ingenio, ut ea, quae cupimus, libēter quoque speremus. quamquā hoc leuius, quod spem fefellerit euentus: non tā enim abundare, quam nō egere, grātū est: illud per quam graue, quod per peti saepe multa sum coactus, indecora prorsus, indigna q. studijs nostris, aetate nostra, existimatione ante. parta. In quo tamē occurrit ea consolatio, quod, in illo vitae durissimo genere, multa ferendo, multa simul didici, quae profecto me numquam neque libri, neque vlla doctrina, neque dies ipsa docere potuisset. Nūc, singulari diuino munere patriā adepti, redibimus ad illa praeclara studia, vnde discedere nō oportuit; omniq. prorsus cura uacui, nullo cuiusquā imperio, exclusis etiam, si licebit, interpellatoribus;

ribus; si nō licebit, rure abditi, salubri aliquo, et amce-  
 no loco, fruemur, liberrimo otio, litterulis nostris; ope-  
 ramq. dabimus, quantū in nobis erit, vt, quod amissum  
 est antea temporis, non id quidem totum, (qui enim fie-  
 ri potest?) nonnulla tamen ex parte sarciatur, & ali-  
 quem adhuc ex industria nostra fructum posteritas ca-  
 piat. Valetudine modo vtamur cōmoda, qua nunc om-  
 nino caremus, erepta laboribus illis, animiq. curis, quae  
 nimium omnino graues, nimium diuturnae fuerunt. Fe-  
 bris discessit post nouem tandem mēses: sed inedia, mor-  
 bo, maerore, ad horribilem prope maciē redacti sumus:  
 quodq. miseriū etiam est, aluum purgare, nisi accedās  
 extrinsecus adiūmēta, numquam licet. Huic ariditati  
 asininū lac prodesse in primis posse, neq. huic remedio  
 vllum praestare, inter omnes medicos conuenit. In cibo  
 sicca omnia damnāt, humida probāt, praesertim quae  
 facilia sint ad concoquendū. Pono magnam spem in co-  
 rū consilijs, maiorem tamen in animi tranquillitate, in  
 adspēctū meorū, in caeli patrij salubritate. denique ad  
 omnipotētem Deum omnia refero. quidquid acciderit,  
 eius voluntati libenter acquiescam. Hacc de statu no-  
 stro: vtinā quotidie laetiora. quod futurum spero, & sa-  
 ne tua quoque caussa cupio. necesse est enim, quem val-  
 de ames, (sic enim mihi iam persuasi) de eo valde te  
 sollicitum esse. Ad illam superiorem epistolam, Romae  
 scriptā pluribus verbis, exspecto, quid respōdeas. Vale.  
 Venetijs X Kal. Nou. M D LXX.

## BOTVITO. NERICIO,

Senas.

6

VELLEM, vt, quam libenter eos homines cōple-  
 ctor, quorū in sermone, & in moribus aliqua signa uir-  
 tutis, & integritatis elucent, tā saepe accideret, ut eos  
 colere officijs, ornare uerbis, aliqua demū uel tueri, uel  
 augere facultate possem. pfecto animus meus, cui mul-  
 tis rebus fortuna defuit, & tibi, & alijs tui similibus lō-  
 ge pateret illustrius. hanc tu fortasse uoluntatem meā,  
 nullo quidē adhuc insigni merito declarata, Spectas,  
 cū mihi gratias agis, quod te, cum Romae esses, huma-  
 niter acceperim. & in summa mea occupatione, num-  
 quam tamen aditu, numquā sermōne exclusim. quae  
 tu p tua bonitate magni beneficij loco ducis, ego, si quis  
 ea praestet, non tā laudādum, quam, si omittat, uitupe-  
 randū puto. Quod uero de scriptis meis ita sentis, ut ea  
 cū uehementer ipse probes, tum a tua sententia non di-  
 screpare cōe iudicium dicas: istam quidē opinionē tan-  
 ti aestimo, quāti aestimari debet ea laus, quam, erudito-  
 rū ac sapiētium uiuorum consensu, & approbatione ni-  
 xā inuidia aut maleuolentia labefactare non queat. ue-  
 rum tamē, qui me probe norim, mereri saepe cogor, ne te  
 quidē amor, multos fortasse fallat auctoritas tua. ac, si  
 me audies, cui debes in ea re, quae ad me ipsum p̄tinet,  
 obsequi nō inuitus, parum per moderabere post hac iudi-  
 cium de me tuum: ne, dum existimationi meae nimium  
 fludes, tuā in discrimen adducas. Sunt. n. quaedam pe-

stes hominū. quibus aliena laus ita molesta est, ut, quid  
 quid alijs addatur, sibi detractum putent, & omnē de-  
 trahendi obtrectādi ue locum sic arripiāt, ut ex aliena  
 ignominia sibi laudem quaerere uideātur. De mutatio-  
 ne illa, quā feci in epistola ad Sambucum, & pruden-  
 ter, & amanter iudicas. scripsi, cum impedimēto nihil  
 fore uidebatur, quo minus id, quod cogitabā, ad exitum  
 perducere, induxi, cum propter assidua negotia studijs  
 meis ita diffiderem, quasi nihil ne mediocriter quidem  
 eruditis auribus, non modo Imperatore Maximiliano  
 dignum, afferre iam possent. utriusque consilij causam  
 ad Cratonem perscripsi. spero fore, ut meum factum,  
 quo parum aequis animis nonnullos iudicare, litterae  
 tuae significant, uir optimus ac prudentissimus non im-  
 probet. quod si euenerit, tanti hominis auctoritate su-  
 stentatus, non equidem dicam, quid alijs sentiant, non la-  
 borabo, sed certe multo minus, cum praesertim te quo-  
 que, florentem ingenij, probitatis, doctrinae fama, tui iu-  
 dicij testimonio mihi non defuturum intelligam. Vale.  
 Romae. XIIIX. Kal. Oct. MD LXIX.

---

AVGVSTINO . ANGELELLO,

Fabrianum.

7

NEC filius adest, profectus Venetias cum matre  
 ante aliquot dies: nec mihi a granioribus curis tantum  
 spatij relinquitur, ut binis tuis litteris pluribus uerbis  
 respondere possim. hoc tantum habeto, delectari me ue-  
 hementer diligentia tua, qua te uti uideo tum in de-  
 scribenda, tum in mittenda ad nos antiquitate. gratias  
 agerem,

agerem, si hoc vno contentus officio essem, aut hoc a te  
 crederem exspectari. In Orthographiae libro, cū rursus  
 edetur, aut in eo, qui apparatur, veterū Inscriptionū,  
 carere te tua laude non patiar. ita nostra consuetudo  
 fert: ita postulat, & amor in nos tuus. Reliqua, cum ua-  
 cabimur, si modo id assequemur vnumquam: quod sane  
 non tam nostra, quam aliorum causa cupimus. Vale.  
 Romae. VII. Id. Maij. M D LXVII.

---

E I D E M, Fabrianum. 8

DE inscriptionibus ad me missis, noli exspectare  
 dum tibi gratias agam. nam neque id patitur amicitia  
 nostra; & officium tuum, saepius iteratum, gratiarum  
 actionem requirere iam non videtur. Quod ad meos Cō-  
 mentarios attinet, velim hanc moram aequo animo fe-  
 ras. quotidie enim aliquid additur, aut mutatur. ita, si  
 quam facit in tempora iacturam eam tibi resarciam.  
 equidem istam amo cupiditatem scriptorum meorum:  
 in qua te socios habere multos intelligo. utinam otium  
 contingat, ut eam explere aliquando possim. Vale.  
 Romae. IV. non. Sept. M D LXVII.

---

E I D E M, Fabrianum. 9

PVTO te ab Onuphrio Gilio, tui amantiſſimo, cer-  
 tiorem non ſemel eſſe factū inualetudinis meae; qua no-  
 num iā mēſem ita laboro, ut neque ratione uictus, neq.  
 ullo remedij genere adhuc quidem allenari potuerim.  
 itaque



itaque misere iaceo, spe iā destitutus omni, praeter eā, quam in caeli mutatione multi ponēdam arbitrantur. quorū ego libenter accedo sententiae. exire propter nimios calores nondum licuit. Sed ego exeundi consilium ita cepi, ut Urbē plane relinquam, & ad patrios lares, et dulcia incunabula remigrem. in quo Pontifex, ut est insigni praeditus humanitate, facilē, per benignumq. se praebuit. Si quaeris, laetior, an tristior discedam: nō facile dixerim. ita multa occurrunt, quae animū ac voluntatē huc illuc distrahāt. propensior tamē in hanc partem sum, ut post annos decem, aetate ingrauescēte, vrgēte praesertim difficili morbo, ad patriae complexum recurram: cuius adspēctus, non dubito, quin mihi amissam molestissimis curis hilaritatē restituat. quā si quis afflictae ualeitudini haud paullo magis, quā oriētalia quaeuis pharmaca, prodesse dixerit, opinor nō errabit. Eamus igitur dijs bene iuuātibz, et redeamus aliquādo ad illa studia, vnde discedere pia culū fuit. quod utinam per ualeitudinem liceat. nā per negotia certe licebit. ita res meas cōstitui: ita, quae dissipata erant in domesticis rationibus, collegi, atque cōtraxi: ita denique, quod accipi quasi dictū arroganter nolim, humana omnia propemodū coepi contemnere. De discessu igitur fixum consilium est: de die nondum statui: sed, ut hiemales imbres, tēpestatesq. uitentur, ante Kal. Oct. cogitamus. Onuphrius hic remanet, meo sane cum dolore: non solum enim eius opera utebar in studijs, uerū etiam cōuiētū, sermone, probitate, ingenio ita fruebar, ut hāc iacturam sarcire me posse uix umquam putem. non deerūt omnino, quibus utar: sed, praeter operam, alia desidero.

dero. hoc adolescente nihil aptius ad naturam meā. Te, mi Augustine, quamquam longe disiunctus, tamen prorsus non carebo. quae enim tua est humanitas, qui tuus in me amor, scribes interdum ad me. ego autem, licet otium & litteras, si ualebo, ita amplecti cogitem, ut diuelli me nō facile patiar, tamen a te, viro optimo, nostri, quod facile perspexerim, cupidissimo, atq. amātissimo, nō cōmittam, ut in hoc genere prorsus requiri possit officium meum. Vale. Kal. Sept. MD LXX.

---

HERCVLI. CIOFANO,

Sulmonem.

10

NON possum non amare uehementer industriam tuam, qua te uti uideo in emendando gentili tuo, poeta summo. perge, ut coepisti: nā & gloriæ tuæ consulēs, & alios ad eandem laudē excitabis. Victor ad Aemernios a. uidet, quam, Victor Iolciacos: accedente praesertim antiqui libri testimonio. Regius autem, inania captans, ueritatē quae crebat in tenebris. Tu longe certiora sequeris, itaque tibi libenter assentior. Vale. Romae, XIII. Kal. Apr. MD LXIX.

---

EIDEM,

Sulmonem.

11

INSCRIPTIONES illae nihil habent, quod oblectationē aut doctrinam legētibz afferre possit. quod si similes occurrerunt, inanē laborem suscipere te nolo. De Ouidij loco, ad tuam sententiā opinionem meam adscribas, licet. Regius ille saepe allucinatus. tu si pges,

vt

ut coepisti, poetam ingeniosum, ciuem tuum, a mendarum labe, non mediocriter tua cum laude, vindicabis. Vale. Romae. Pridie Kal. Sext. M D LXIX.

M. ANTONIO . CIOFANO,  
Sulmonem.

12

EXCVSAREM tibi tarditatem litterarum mearū, nisi Hercules frater tuus, quae meae vitae ratio sit, quā assiduus quā varijs impedita negotijs, optimus testis esset, atq. ego illi, cum me rogaret, ut aliquid tibi rescriberē, deesse mihi dixerā nō modo otium, sed etiā argumentum, nā de paracleto, sane mirabar non probari tibi sententiā parētis mei, praesertim quae rationibus optimis niteretur. cetera vero in tuis litteris erāt eiusmodi, ut a te nō negotij, sed animi causa scripta uideretur. quod si mihi haec imposita condicio sit, ut eorū omnium, qui quotidie nō modo ex Italia uniuersa, verum ex Trāsalpinis quoq. gētibus ad me scribūt, rescribere litteris necesse sit, inique mecum agatur, & prorsus inhumane. cuius. n. otij est, cuius etiā ingenij, tot epistolis posse respondere Latino praesertim sermone, in quo mihi, propter eā, quā nōnulli de scriptis meis opinionē habēt, nō licet esse negligētis? At officij praetermissi graue esse culpā dices. Si simplex officium agitur, iure dices, sin eneniat, ut cōcurrāt officia duo; certe, posse alterum omitti sine culpā, & minori maius anteponi, aut fateberis, aut in graue ipse culpā incides. magnā enī, nisi distinguātur officia, rerum oīum humanarum perturbationem sequi necesse est. Simili, ut opinor, in loco mea

caussa

caussa versatur. Cū enim sacris, qui ad Christianae Rep. salutem pertinent, & corrigendis, & edendis, cum salutationi virorū honestissimorum, qui frequentant aedes meas, cum etiā studijs nostris, vel vt instituta absoluā, vel vt absoluta perpoliā, danda opera est; scilicet eius tēporis, atque eius operae partē, rebus grauissimis detractā, ad inanes epistolas transferā. inanes appello, quia uideo multos, cū scribēdis causam aut per quā leuē, aut etiā nullā habeant, ideo tamen scribere, vt nēas litteras eliceāt. quod nisi statim assequuntur, indignantur, & maiorē suae voluntatis, quā occupationis meae, rationē habēt. Ab horū numero libēter te, mi Ciofane, seiungā. non enim dubito, quin me diligas, vel tua spōte, propter cōmunia studia vel imitatione iuuenis optimi, atq. eruditi, Herculis fratris tui. a quibus autē diligi me puto, de ijs vt bene sentiā, non atq. a me soleo impetrare, atque vtinā, quam propenso erga vtrumq. vestrum animo sum, tā facile vobis animum insigni aliquo merito probare possim. quod equidē enitar: & si contigerit, vehementer laetabor: sin minus, vos tamē amplecti voluntatē meā, aeq. contentos esse, & humanum in primis, et aequum est. Vale. Romae. XII. Kal. Dec. MDLXIX.

---

IOANNI. CASELIO,

Florentiam.

13

AEQVE, vt video, laetamur, tu mea erga te, ego tua in me beneuolētia, quae si orta est ab opinione virtutis,

tutis, ut certe est; non dubito, quin perpetua sit. tu enim quas artes a puero colere coepisti, in ijs quotidie magis ut excellas, operā dabis: ego te, inani fortasse conatu, (nam aduersantur multa) studio tamen, & uoluntate, quantum licebit, imitabor. Nericiū tuum quis non amet? mihi crede, tuarum litterarum testimonio, aut commendatione non eget. me equidem ita sibi deuinxit officio suo, non modo ut omnia quae possum, sed etiam quae non possum, eius causa cupiam. iam de eius ingenio, doctrina, eloquentia quid ego tibi, cui notior est, quam mihi? praedicabo igitur alijs: uel quod amor impellit; uel quod, ornare uirtutem, nostrae consuetudinis est. Vale, mi Caseli. nosq. ut facis, ama.  
 Romae. XII. Kal. Oct. M D LXIX.

---

FRANCISCO. PLANTEDIO,  
 Manfredoniam. 14

---

ET serius, quā tu exspectabas, & breuius fortasse, quam uterque nostrum uellet, respondeo litteris tuis. quamquā, cū tibi nota esset occupatio mea, erat humanitatis, & prudentiae tuae, silentiū meum in bonā partē accipere, & amici hominis commodo consultum uelle: cum praesertim, iudiciū meū de tuis uersibus cur expetas, causa nulla sit. tu. n. hoc in genere ita es uersatus, ut excellas: ego saluere Musas iussi ante aliquot annos, nec poetas iā conor attingere: aut, si interdū, ut oblectē me potius, quam ut imiter. quod si tu meum iudiciū anteponis tuo, quod ego ne cōparo quidem: errare

rare te facile patiar, neque committam, vt meam frustra sententiam exquiras. Mihi quidem ea, quae scripsisti ad Rotam, vatem aetatis nostrae celeberrimum, ualde probantur. habent leporem, nec tamen gravitate carent. totum poema (sic enim videor appellare posse) luminibus ingenij, doctrinae q. distinguitur. Sic perge: sic ibis ad astra, praesertim oratoria quoque facultate, vt uideo, non mediocriter instructus. Commentarium meum in epist. Fam. dederam amico describendū: sed eius operam casus nescio quis interpellauit: edetur aliquando vel hic, si licebit, vel certe Venetijs: quod minime vellem absente me. post discessum tuum addidi non pauca, quaedam perpoliui. Cupio salutari a te reterem patronum meū, omni laude praestantem, Cardinalem Comensem, cuius erga me officia, dum uiuam, animo ac memoria tuebor, praedicare numquam desinam. Vale. Romae. VII. Kal. Oct. MDLXIX.

---

I A C O B O . G O R S C I O,

Cracouiam. 15

PARTICVLAM literarum tuarū, in qua scribis ad amicum tuum, audisse te, exclusum esse Roma Paulum Manutium, (haec enim ipsa uerba ponis) legi sine molestia. qui enim rumor nec si verus esset valde afficeret animū meum, subsidia sibi ad oēs casus ex optima cōscientia quaerentē; is cum sit falsus, & inanis, quid est cur me tangat? Equidem, si scire vix, qui sit meus hac tota de re sensus, inclusus potius mihi uideor esse,



esse, quā exclusus. a quo enim die Romam veni. exeun-  
 di facultas. quam saepe valetudinis, interdum animi  
 etiam causa optaueram, data numquam est: non quin  
 ijs hominibus, qui tanti apud me sunt, vt eorum volun-  
 tatem nūtumq. quasi legem obseruem, vtar facillimis:  
 sed commissum fidei, diligentiae, industriae meae nego-  
 tium eiusmodi est, vt absente me iacturam patiatur.  
 quod si priuata mea res ageretur, negligere fortasse:  
 nunc, vt scire te arbitror, totum hoc munus ad Sedis  
 Apostolicæ dignitatem pertinet, pro qua si accideret  
 vt vitā profundere opus esset, praeclare mecum actum  
 putarē. Hoc meum studium placere bonis viris. & ip-  
 si in primis Pio Pont. Max. nihil omnino probāti, nisi  
 quod ad summi Dei gloriam, communemq. salutem re-  
 feratur, ita laetor, vt ceterorum opiniones, et iudicia cō-  
 temnā. quid enim laborem, quid de me sentiant, aut lo-  
 quantur ij, qui ne sincere iudicare possint, liuore impe-  
 diuntur, aut maleuolētia, fortasse etiā hominem in salu-  
 berrima tollēdae prauitatis haereticae cura diu noctu-  
 que versantē, nō labori, nō valetudini parcentē, parum  
 aequis oculis adspiciunt? sexcentas enim artes, quibus  
 causa publica ledatur, quotidie ueterator ille magnus,  
 generis humani sempiternus hostis, excogitat. Sed nomi-  
 ni meo, quantū volunt, isti detrahant: me tamen, vt ab  
 optimorum consiliorum cursu, rectissimāq. mente deducant,  
 numquā assequuntur. Te quidem ista mi Gorsci,  
 quae aut a leuissimis hominibus temere, aut ab impro-  
 bissimis callide disseminantur, si putē credere, ignorare  
 uidear & prudētiam, & bonitatem tuam: vt ingenue  
 tamē tecum agam; post illa verba. Exclusum esse Ro-

ma Paullum Manutium, optavi signum aliquod vel iudicij, vel saltē amoris in me tui: iudicij, ut hoc adderes: Quod verisimile non videtur: aut etiā, Quod de tali viro vix crediderim: amoris, hoc, aut simile: Quod cupio esse falsum: Quod si verū est, doleo. Haec tu si sic scripsisses, cum amicitiae nostrae, tum constantiae quoque tuae satisfacisses: illa quidē ipsa verba, quae subacerbā nōnullis videri fortasse possint, cōdimento quasi aliquo mitigasses. Vtraque est a te omīssa significatio: & quamquā vtraque mihi aequē grata futura esset, quippe qui a bonis eruditissq. viris, idēst a tui similibus, non minus probari, quam diligi velim: tamē nescio quo modo fit, vt amori te nihil dedisse, aliquātō molestius ferā. Qua de re scripsi ad te libere, pro mea cōsuetudine: neque tamen dubito, quin tu hoc ipsum, quod scripsi, pro tua humanitate aequi boniq. facias. Nam de statu rerum mearum mihi ipsi, auctori satis bono, velim credas, nō modo Romae esse me, verum etiā libenter esse, existimatione integra, re familiari aucta potius, quam imminuta. Vale. Romae. VI. Kal. Oct. MDLXIX.

---

IOANNI. BAPTISTAE. OLIVO,  
Afulani.

16

ETSI, cum haec scripsi, non satis commode valebam, dedi tamen operam, humanitate coactus litterarum tuarum, vt aliquid rescriberem. Laetor periucundam tibi esse recordationem ueteris amicitiae, consuetudinisq. nostrae: sed maioris laetitiae causam afferūt officia tua, quibus uxorem meam primum, graui morbo

bo affectam, deinde filium, nō minus graviter laboran-  
tem, assidue coluisti. Vtinam, quā debere me fateor,  
aliquādo referre gratiam possim: habebo quidem meri-  
to tuo parem, quādiu vita cōtigerit. De statu rerum  
tuarum, ex Laelio Gauardo, probo iuvene, mihiq. suis  
moribus, & sua virtute carissimo, cognovi ea, quae ve-  
hementer optabam; diligi te, & coli a bonis, honestisq.  
ciuibus; opera, opeq. tua multos adiuuari; augeri quo-  
tidie opinionē probitatis, & doctrinae tuae. quo tibi no-  
mine plurimum gratulor: quaeq. tam praeclarae indu-  
striae, tam propensae ad cōmunem salutem voluntati,  
praemia debentur, ea non dubito, quin tibi nunc qui-  
dem homines, olim vero Deus opt. Max. vberissima per-  
soluat. Vale, & uxori, filioque, quorum in salute sita  
mea salus est, humanitatem, & diligentiam. si nondum  
cōualuerunt, eandem praesta: a me vero, quaecumque  
ad commodum, laudemq. tuam pertinere intelligam,  
omitti posse nolim existimes: si quid ignorabo, admoni-  
tus a te vincam officijs meis opinionem tuam.

Romae. pridie Kal. Oct. M D LXIX.

---

PRO. COLLEGIO. CANONICORVM

S. P E T R I.

S. R. Magdalenae, & Leonorae Austriae,  
sororibus Spiram. 17.

**BENE** agendi ratio maxime discitur eorum exē-  
plo, quorum actiones generis nobilitas, aut splendor  
dignitatis illustrat. propterea neque optabilius quid-



*Studium nec tibi defuisset; nec defuturum umquam,  
 velim existimes. non est enim meum, minimeq. decere  
 arbitror, cum humaniora semper studia praecipue co-  
 luerim, nunc committere, ut humanitatis officia de-  
 siderare a me quisquam iure possit. Adde meam erga  
 doctos homines, in quibus excellere te video, beneuo-  
 lentiam, adde non mediocrem obseruantiam erga ciui-  
 tatem uestram; quae me olim adolescentem omni libe-  
 ralitatis genere complexa, immemorem, aut ingratiū,  
 in ijs praesertim rebus, quas ad eius amplitudinem, &  
 gloriam spectare intellexero, profecto numquam sen-  
 tiet. nec vero dici potest, quam ualde gaudeam, quod  
 eniteris, atque elaboras, ut eius antiqua nobilitas,  
 aeternis ingenij tui prodita monumentis, ab omni po-  
 steritate cognoscatur. nae tu iam nunc ista voluntate  
 magnam laudem consequeris: quid futurum putas,  
 cum uoluntati res ipsa responderit? honestis consilijs  
 Deus, hominesq. fauent: honestius autem nihil; aut  
 praestantius, quam de patria bene mereri. Urge  
 igitur, & illustra, quantum in te est, gentiles tuos.  
 quod eo tibi magis curae debet esse, quia memoriam pu-  
 blicam, uetustate iam deficientem, ab interitu uindi-  
 care non potes, quin priuatam simul tui nominis me-  
 moriam immortalitati commendes. In hoc argumen-  
 to quid efficere, & praestare ipse possim, non equidem  
 intelligo: uerumtamen, si quid possum, & si assequar  
 aut legendo, aut cogitando, totum illud, quidquid  
 erit, & quantumcumque erit, prolixè tibi, per libera-  
 liq. animo, & polliceor, & defero. Nam illa, quae re-  
 quiris, eiusmodi sunt, ut uel historiae ueteris testimo-*

mo, vel ipsa etiam coniectura explicari facile possint. Si enim Caesarem, cum vtrique Galliae praeesset, in citeriore, conuentuum agendorum caussa, saepe hibernasse concedimus; id quod ambigere non licet: quis dubitet, quin Rauennae, quo nullum in ea prouinciae parte nobilius opidum inuenio, conuentum egerit? De foedere, ne hoc quidem video cur in dubium vocetur: vrbs enim Cisalpinae Galliae Rauenna fuit: at Galli foederati. Locum Ciceronis in oratione pro Balbo, suffragante, vt verba tua declarant, vetere libro, ita legere: P. Caesium, virum bonum, qui vixit, Raennatem, foederato ex populo. Ut primum patria, deinde patriae condicio ostendatur. nam si legamus, Qui vixit Rauennae foederato ex populo: foederati populi nomen, id est P. Caesij patria, ignorabitur. in quo repugnat Ciceronis consuetudo. neminem enim ciuitate Romana donatum appellat quin patriam simul nominet. Q. Iubium, seu, Q. Iunium, cur non placeat, eadem ratione adducor. nam si hunc Raennatem esse dicemus: P. Caesio quid fiet? an solus patria carebit? Dixi, quid sentirem, rogatus a te; nec mihi tamen arrogare tantum ausim, vt meum iudicium anteponam tuo. In amore, atque etiam in ijs officijs, quae amori debentur, me abs te vinci numquam patiar. Vale. Romae. Kal. Febr. M D LXX.



## CLAVDIO. STRAMBONIO,

Romam.

19

FATEBOR ingenue, ut & consuetudo mea, & amicitia nostra postulat, putavi te, pro tua prudentia, & aequitate, amore erga te meo contētum esse, amoris fructum, & officia requirere numquam putavi; cum praesertim, si quis est, quem distringant curae non quotidianae tantum, sed etiam permolestae, is ego sim. quod tu cum scias, & mecum tamē sic agas, quasi nescias: quid suspicer? me abs te nō amari? siquidem, quos amamus, eorum commodolibēter consulimus. odi istam rationē: errare malo cum tanta uoluptate, quātam opinio mihi affert beneuolētiaē tuae, quam id cogitare, quod si credam, iniucunde uiuam. quid enim profecerunt studia mea, illa, illa, quae tu dilaudare interdum solitus es, aut quid egi tātis vigilijs pro communi utilitate susceptis, siquidem hoc nō sum assecutus, ut, quibus laborem minuit labor meus, ab ijs mihi merces beneuolētiaē nulla persoluator. ac uelim credas, nō me tamen, si quid mihi hoc nomine debetur, id ab omnib. exigere. instar omnium pauci futuri sunt; & in hoc ipso paucorum numero in primis esse te, uehemēter cupio. amo enim tuos mores: ingenium plurimi facio. studia laudare numquā desino. possum autē, ex ista mēte quae virtutum uertitas aliquando futura sit, facile diuinare. & hac equidem spe, si verum scire vis, iacturam illam, quam interitus Iulij Poggiani Romanae litterae fecerunt, aliquāto le-

uius fero. nam, si contexes extrema cum primis, teq. ipse, ut soles, ad summā eloquētiæ laudē incitabis: non dubito, quin paucis annis Latinae linguae amissam prope dignitatem restituas. quod eo facilius fore uideo, quia tu, non cōtentus inani uerborum sonitu, quo delectatur multi, prudentiam simul ex iure ciuili, rerumq. maximarum scientiā ex philosophiae fontibus hauriendam indicas. Quibus causis adductus egregius ille uir omni praeditus ingenij suauitate, Castilionens Cardinalis, quē tu nobis, in tanta similium uirorum paenuria, ereptum iure doles ita te ferebat in oculis, ut nemini concederet, qui tui amantior esse posset. Sed illum iā lugere desinamus. quid enim lacrumae proficiūt? aut etiā, (si ueritatē cōsulimus: quod facere debemus) qui ab ijs malis, quibus referta est hominum uita, hac praesertim aetate, ad aeternas beatissimorum sedes migrauerit, cur eum lugendū putemus? Haec igitur, quae praeter nostram uoluntatem accidunt, ad summi Dei uoluntatem referamus. ita fiet, ut ea uel modice doceamus, uel ne dolenda quidem existimemus. Vale.

Romae. IIX. id. Maij. M D LXIX.

---

PAVLO. TACHONO,

Vibonem.

20

DELECTATVS sum litteris tuis. non quia me ornant laudibus, sed quia beneuolentiā erga me tuam declarant. amari enim ab eo uiro, de quo bona omnia boni omnes praedicant, & optabile in primis est, & multorum diuitijs, atque opibus anteponendum. Quare hoc ego nomine mihi gratulor. iudicio autem

tem de me tuo, et si uix fieri posse arbitror, ut respondere possit industria mea, tamē, siue recte sentis, gaudeo: siue erras, error quoq. tuus, ut uere dicā, mihi periucundus est. Locus Ciceronis, de quo meā sententiā exquiris, totus, ut arbitror, a cōiectura pēdet. itaq. destitutus hīstoriae testimonio, affirmare nihil ausim. quod si tu, ubi obscura ueritas est, uerisimilia non contemnis: fortasse non improbas quod scripsi in meis Cōmētarijs, dixisse Ciceronem, Abutor coronis, quia, cū olitorem calficari uellet, qui sibi interdum coronarum munuscula miserat, abuti coronis, id est, malā ei gratiā referre uidebatur. Haec, ut dixi, e cōiectura, tu, si quid habes certius, imperti: & uale. Romae. XV. Kal. Apr. M D LXIX.

---

IO. BAPTISTAE. IANVARIO,  
Vibonem. 21

NEC mea ualetudo, graui iam quattuor fere mensium afflicta morbo, permittit, ut multa: nec humanitas, ut nihil omnino litteris tuis amantissime scriptis, respondeam. quamquam si quis est, cui liceat hoc officium sine culpa praetermittere, aut is ego sum, aut prorsus nemo. obruor enim epistolarum numero, quae quotidie mihi ab ignotis hominibus, ex longinquis regionibus, non necessario plerumque mittuntur argumento. Ego autem neque hoc inanium, & ambitiosarum litterarum genere natura delector: & si uelim id suscipere, ut unus omnibus respondeam, quid me laboriosius, aut etiam quid stultius esse possit? cum praesertim ualitudine utar infirma, negotijs autem curisq. urgear

vrgeat eiusmodi, quae vel firmissimam defatigare ac  
 frangere omnino possint. Ergo habenda mibiratio est,  
 quae nō habetur ab alijs, cum occupationis meae, tum  
 etiā salutis. quod si hominibus mei amātissimis in men-  
 tē veniret, aequis animis meam causam perpendere-  
 rēt, nō opus meum ex otio suo metiretur, ita ad me scribe-  
 rēt, vt rescribēdi necessitatem non imponderent. Duo ge-  
 nera excipio, vel qui scribūt ijs de rebus, quae ipsorum  
 vehementer intersint, quibus deesse, cōtra officium est,  
 vel si qui sunt, qui, quacumq. de rescribāt, ita diserte lo-  
 quuntur, ita ornate, vt eorum virtus, & eloquentia, nō  
 modo quae possum, sed ea quodq. quae nō possum, postu-  
 lare a me suo quodam iure, atq. exigere videatur. Hoc  
 te in genere, Ianuari doctissime, constituo tu enim quam-  
 quam ad ea indaganda, & perscrutanda, quibus inuē-  
 tis, rerum obscurissimarū vis & natura patet, assidue  
 totus incūbas; & in hoc studio ita verseris, vt omnino  
 cū paucis excellas: tamen, quasi hac vna laude nō con-  
 tentus, ita colis, itaq. tenes Latinā linguam, vt oratio-  
 ne tua nihil purius, elegantius, illustrius esse videatur.  
 quod si cuperē laudari, de quo laborant multi, ego quo-  
 tidie minus minusq. curo, a nullo, mihi crede, mallet,  
 quam a te. sed, cum hanc in me cupiditatē siue aetas,  
 siue valetudo, siue ratio exstinxerit: ita non moueor ijs  
 laudibus, quas tu amplissimas in me cōtulisti, quasi ni-  
 hil ad me ptineāt, aut quasi sensu prorsus omni careā:  
 amore quidē tuo, vnde laudes istae manant, (sic enim  
 interpretor) mirabiliter delector, eumq. vt eadē, quae  
 peperit, perpetuo alat, atq. augeat humanitas tua, ve-  
 hemēter opto. ego enim, nō modo, vt parētis beneuolen-  
 tiam

tiam praestem, verum etiam ne genus vllum obseruantiae, studij, officij, quod ad te ornandum attineat, praetermittam, pro virili mea parte operam dabo. De versibus, iocari te facile patior, & in ludicro argumento ingenij praestantiam ostendere. Sed noli a me expectare, vt paria paribus. te enim, vt alumnus suum, perpetuumq. cultorem, amplexantur Musae: me, qui, salute iam pridem illis dicta, ad oratores me contuli, nunc, si quando ad eas tonor accedere, vt alienum, ac transfugam, a se repellunt. Vale.

Romae. Idibus Aug. M D LXX.

---

ANTONIO. FVRNARIO,  
Neapolim: 21

ET valemus, & satis iucunde vivimus, re domestica ita iam constituta, vt adolescēti filio, quem vnicum habemus, cogitandum de virtute potius, quam de fortuna videatur. nam, quod ad me attinet, hanc habeo senectuti gratiam, vt pauca iam requiram; vel quod ad illa longe meliora properamus. non enim longe abesse videtur ille portus, quo peruchi cupimus ex diuturna tempestate, vel quod stultum putamus, ea quaerere cum labore, quae nec si adipiscare, molestiae finis est. quod te quoque, ex cultum litteris hominē, sentire arbitror: & hoc equidē nomine cum te diligo vehementius, tunc diligi a te cupio. Memoria nostri tua, muneribus declarata suauissimis, periuicunda nobis est. Vale.

Romae. XII. Kal. Febr. M D LXIX.

E I D E M, Neapolim.

14

*QV*AE solet ex carissimis, iucundissimis q. rebus  
 percipi voluptas, eā ipsam ex epistola tua cepisse me,  
 prorsus velim tibi persuadeas. hoc adeo inde pspicies,  
 quod, in magna valetudinis aduersae molestia, defati-  
 gato etiā curis animo, cōmittendum tamen nō putavi,  
 ut amicitiae nostrae, & humanitati erga me tuae debi-  
 tum rescribēdi officium non persoluerem. Probari a te  
 mea scripta, at q. etiā laudibus ornari, siue tu id iudicio  
 tribuas, siue amoris largiaris, aequē gaudeo. nā, si e stu-  
 dijs meis fructum aliquem exspecto; quis vberior, aut  
 praestātor laudatiōe doctissimi uiri? in literis ita utor,  
 vt praeter eas ipsas nihil cogitem, quod his tēporibus  
 facere prope necesse: amari tamen a te, quem qui non  
 amat, hominem nix puto, in primis optabile est. Ac de  
 isto quidem tā illustri, aut opinionis, aut uoluntatis testi-  
 monio mihi uehementer, ut debeo, gratulor: tibi vero  
 gratias agerem, si te putarem hoc officij genere delecta-  
 ri: quod certe tua bonitas respuit: aut si ego is essem,  
 qui, officio deuinctus aliquo, libentius in agendis, quam  
 in referendis gratijs operam collocarem. De tuo statu,  
 si est, ut uolumus, & si nihil anno superiore accidit in-  
 cōmode, bene est, de meo, quem uicissim tibi pro mutuo  
 inter nos animo curae esse non ignoro, satis multa me  
 scripsisse exilimabo, si hoc vnū scripsero, languere me  
 quotidie magis in earū rerū cupiditate, quas mirabar  
 antea. aetas hoc fortasse fastidiū parit, uerum tamē ra-  
 tione potius assequi mihi uideor, vt ita sentiā. quid enī  
 appetam,



appetam, cum nec sciam, quid vtile futurum sit, nec iā  
 vsura possit esse diuturna? appropinquat enim dies,  
 qui nos ex immensa errorum caligine ereptos, in aeter-  
 na veritatis luce constituet. quae me quidem cogitatio  
 nec secundis rebus laetari, nec nimis angī patitur ad-  
 uersis. Munusculum, quod ad me singulis annis cum  
 pulcherrima epistola mittere non desinis, pensio quae-  
 dam amoris est: quae ego te, amore ipso contentus, ea  
 condicione libero, ne scribere tamen desinas. aequiore  
 enim animo omnibus muneribus, quam suauitate tua-  
 rum epistolarum, carere possum. Vale.

Romae. XIIIX. Kal. Febr. M D LXX.

---

E I D E M, Neapolim.

23

NON patiar ignorare te, quod gratū, & periuncun-  
 dum tibi fore arbitror, viuere me nūc in patria, & pla-  
 ne viuere. fruor enim rebus ijs, sine quibus vita prorsus  
 nulla est, propinquis, amicis, libris, ipsa demum liberta-  
 te, qua nihil est carius. nā Romae, tātum aberat, ut otio-  
 soliceret vīquā esse, vt negotiorum assiduis quasi flu-  
 etibus obruerer. Lōgius a te absum: quid refert? ne Ro-  
 mae quidē cum essem, fore speraui, vt vīquā te vide-  
 rē: cū aetas vtriusq; valetudo, vitae genus peregrinari  
 nos non sineret. habet autē hoc amor a virtute ortus ut  
 absentes coniungātur animis, et sit inter eos, recordatio-  
 ne mutuae voluntatis, & beneuolētiaē, tanta suauitas,  
 quātam vix, aut ne vix quidem vlla potest asferre cō-  
 suetudo. at plerique homines quotidiana fere salutatio-  
 ne, colloctione, familiaritate, beneficijs etiam, at que

muneribus, ali, & conseruari amicitiam putant: nisi haec adsint, deficere, & exstingui. Stulte nam, si ab honesto manat amicitia: nulla re indiget, ipsa se sua sponte, suisq. viribus, tuetur, ac sustinet, sin aliunde oritur; infirma semper, inops, inconstansq. sit, necesse est: a fortunae varietate pendeat; multis vitijs, & mutationibus, laboret. Ergo nos a vulgo recte dissentimus, & a vulgi cōsuetudine nostra ratio in primis abhorret: cum amemus inter nos amore singulari, nec tamen inter nos officia multa intercesserint, aut alter alterum de facie norit: quod multo minus, ob longinquitatem locorum, in posterum continget: & voluntatis tamen aut ego tuae mutationem, aut tu meae, non est, cur extimescas. Cupio te valere, & interdum, si vacabis, ad me scribere. Ego commodius, quam Romae, valeo: quid mirum? qui tranquillissimo animo viuam, & valetudinem, ab omni occupatione longe remotus, praecipue curem. desiderari autem litteras a te meas non patiar, si placere tibi sensero officium meum. Vale. Ex opido, Plebe Sacci: quo me saepe conferam, valetudinis, animiq. gratia: addo illud, ne studia colenti, quibus carui diutius, quam vellem, interpellatores molesti sint.

III. non. Nou. M D LXX.

# EPISTOLARVM

## PAVLLI. MANVTII

### LIBER. DECIMVS

AMPLISSIMO. CARDINALI

IOANNI. MORONO

I



**U**RPE est praescribere sapienti, quid agat  
 & quo modo agat: neque ego id umquam  
 commiserim: neque ideo aut consuetudi-  
 nis, aut naturae meae: uerum tamen excu-  
 sandus fortasse uidear, si uel a mea maxima re, quae  
 nunc agitur, uel ab humanitate tua, quā omnes norunt  
 & praedicāt, persuaderi me patiar, ut agā paullo libe-  
 rius, quod sentio, & quae cum animo meo sum medita-  
 tus, eadē nunc, ex promam, nihil dissimulans, nullo ue-  
 ritatem artificio tegens. Ego, uir praestātissime, quoad  
 putauī, te, uti pollicitus eras, acturum esse cum Pōt. de  
 causa mea, laetabar uehemēter, & in hac aduersa ua-  
 letudine, quae mihi omnē abstulisse iucunditatem uide-  
 batur, aliqua tamē uoluptate perfruebar. sperabā enim  
 fore, ut auctoritas tua, prudētia, eloquētia, praesertim  
 in optima causa, facile impetraret ab aequissimo ac  
 benignissimo principe nō immoderatū aliquid, aut eius-  
 modi, quod inuidiā excitare posset. non enim ego ita ef-  
 ferri cupiditate soleo; quid igitur? annuam tantum ordi-  
 narij stipendij solutionem: ut, quemadmodum Pius  
 Quartus Pōtifex, immortalī memoria dignus, uenien-  
 tem

tem ad Vrbe insigni viatico donauerat; sic Pius Quin-  
 tus, omni virtute ac laude praestans ab Vrbe disce-  
 dētem non modo simili, sed maiore etiā munere prose-  
 queretur. in quo ratio uidebatur habēda aetatis meae,  
 habenda valetudinis, habenda etiam meritorum meo-  
 rum. quamquam de meritis, ita me Deus amet, loquor  
 non libenter: aduersatur enim modestia mea: sed hoc  
 verbum expressit ab inuito dolor, & eorum temporum  
 memoria, cum in meū nomen inuehebantur multi, alie-  
 na conferētes in me, mea mihi detrahentes. Hoc igitur  
 alloquendi Pontificis, & cum eo statuēdi, consilio tuo,  
 quasi rebus meis nulla iam tempestas immineret, &  
 quasi iam in portu navigarem, ita laetabar. Postea ve-  
 ro quam de Mariano Victorio, summae probitatis, ra-  
 rae doctrinae, excellentis industriae viro, cognoui, afflu-  
 rum te esse de negotio meo in eo conuentu, qui primus  
 habebitur eorum Cardinalium, quibus alendorum in  
 Vrbe studiorum, moderandiq. Gymnasij publice de-  
 mandata cura est, plane sum admiratus mutationem  
 consilij: & ut ingenue fatear, quemadmodum natura  
 mea fert, nec bonitas tua recusat, ex alta quadam spe  
 turbatus concidit, afflictusq. iacet animus meus. equi-  
 dē ijs Cardinalibus tantum tribuo, quātum eorū sum-  
 ma virtus, ac dignitas postulat, aequae omnes diligo, ae-  
 que colo: sed ad eos certe nullam arbitror negotij mei  
 partem attinere. A Pontifice sum Romam accersit-  
 tus: a Pontifice discedendi facultatem peto. si pote-  
 stas quaeritur: vnus est summa. si liberalitas: vnus  
 vnico verbo pollicetur, & praestat. si dignitas: quae  
 maior est, quam, a Pontifice vocatum esse, a Pontifice  
 cum

cum benignitate dimittit? Haec mea consilia sunt: quibus tamen, ut debeo, anteponam tua. satis enim exploratum habeo, nihil te cogitasse sine summa ratione, nihil acturum sine summa prudentia, & mihi, parum in usu rerum uersato, obscura multa sunt: tu tamquam Lynceus uides omnia, probatus per totam aetatem actionibus, & curis. unde salus publica minime dubio bonorum omnium testimonio manauit. Ego me semel, non temere, aut repentina quadam uoluntate impulsus, sed explorata ratione, certoque iudicio adductus, in clientelam tuam tradidi: me, liberosque meos tuae potissimum fidei, beneuolentiaeque commisi. eadem, mihi perpetuo mens, eadem, quoad uiuam, in te uno sita spes erit, tu me ornandum, augendum, tuendum suscepisti: saepe uidi pro uarietate rerum mearum, & laetitiam, & sollicitudinem tuam: nunc tamquam bonus artifex tuum ut per polias opus ac perficias oportet. expedi, obsecro, me hac molestia: uel potius, hoc me periculo libera. uides enim, cum Romano caelo minime iam conuenire mihi posse: adductam esse in extremum fere discrimen salutem meam: autumnum aduentare, cuius uarietatem, & inconstantiam, hic si permanfero, mea certe nequaquam feret imbecillitas. Venetias multis nominibus cogito. idque mihi primum est & praeter cetera optandum: sed, si uel per Pontificem, quod non opinor, uel per quotidianam febrem, quod magis me tuo, patriam, longo terrarum ac maris interuallo disiunctam, petere non licebit: deponam uoluntatem meam, suscipiam eam quam necessitas afferet. accedam ad Sabinos colles: quos florere audio regionis amoenitate, caeli temperie

omnium rerum, quas hominum victus, cultusq. desiderat, vbertate. Interea me tibi totum, salutemq. meam quam suppliciter possum commendans, ac tradens, negotij administrandi rationem singularituae sapientiae permitto. Vale. V. Kal. Sept. M D LXX.

AMPLISSIMO. CARDINALI,

GVLIELMO. SIRLETTO

2

AVGERI tua vetera erga me merita recentibus officijs, nec miror, & vehementer gaudeo. quamquã veteribus contentus esse poteram: erãt enim eiusmodi, ut addi nihil posse videretur; sed tamẽ, vt video, tua nunc quidẽ ad ea permultum addidit humanitas. & quamquam neque tua, neque collegarum tuorum, Moroni, & Cornelij, de viatico mihi impetrando summa cõtentio quidquã profecerit: aeque tamen vobis omnibus debeo, ac si profecisset plurimũ. est enim animi liberaliter instituti, spectare uolũtatem in primis; minime quidem rem contemnere, potiore tamen ipsa re voluntatẽ ducere. sane optimi Pontificis angustias temporum difficultas excusat: verum tamen in grauescenti hominem aetate, non solum infirma, sed etiam aegra valetudine, imparatum a re domestica, cum filia nubili, ab Vrbe Roma, cuius nomen omnia pollicetur, post decem annorum labores, suis sumptibus in patriã redire, ijs fortasse, qui haec solẽt animaduertere, admirationẽ aliquam pariet. Et, quamquam ea, quae bonis artibus debẽtur, ratio temporum impediat, vt etiam liberalissimorum

Principum



*Principum voluntas in optimo benemerendi cursu retardetur; me tamen a litteris nulla res abducet, si modo assequi otium licebit. satis cum vulgo insanimus: ambigua certis, turbulenta tranquillis, inania solidis praeferentes. aetas, & praeteritii aetura temporis admonet, ut resipiscamus, quodq. reliquum est vitae, vivamus nobis ipsis, bonis artibus, Deo potissimum, a quo uno, si quid aut ingenij, aut doctrinae in nobis est, cum acceperimus: ad eiusdem unius gloriâ omnes ingenij, doctrinaeq. fructus referre in primis aequum est. Vale, & tibi persuade, neminem esse, vel umquam fore, qui tuam praestantem virtutem aut magis amet, aut libentius praedicet. Cardinalem Carasam, iuvenem natum ad immortalem gloriam, exemplum antiquae probitatis, cuius humanitati, qua me semper est complexus, debere me plurimum fateor, nisi graue est, meo nomine salutabis. VII. Kal. Oct. M D LXX.*

---

E I D E M, Romam. 3

*QV ID QV ID* tuli, dum in patriam reuertor, suave est: tuli autem aspera, grauia, difficilia, sanequam multa; & eo magis, quod asperitates omnes aegra valetudo, & corporis imbecillitas, vehementer augebat.

*Quae dum ferrem, haec mecum loquebatur animus: Sustine, praeteritorum memoria, futurorum spe; & cogita, quas turbas reliqueris, quibus laboribus emergeris, quam tranquillitatem, quam quietem, petas. In patriâ tendis, refertam bonis omnibus. ibi te comple-*

xu excipiet dulcissima coniux, languentem fouebit, infirmum reficiet, afflictum subleuabit: nullum obsequij, studijq. munus abesse patietur. Erat haec duris in rebus optima consolatio. Itaque laetus nonnumquā erā, in dolore, ac molestia comitum meorū, nunc, affectus ea, quae speraui, in unam curam incumbo, ut perditā ualitudinem restitueram. diuturnitate morbi, & inedia, corpus iam, & uires amiseram. accessere itineris incommoda, quibus ita cōsumptus humor omnis est, ut nimia siccitate uitae periculum impendeat. in reuocanda potissimum τῆς κοιλίας εὐλυσια medici laborant; quam si assequor, conualuisse mihi prorsus uidebor. dici non potest, quo desiderio teneor studiorum nostrorum. quasi ceruus ad fontem, si per ualitudinem licebit sitibundus accurrā. tua mihi cōsuetudo, tua uirtus ante oculos erit: quam imitari non desinam; & eo quidem animo, ut in ipsa imitatione magnam felicitatis meae partem statuam. assequi enim, quod optimum, atque perfectissimū est, non cuius contingit: uelle tamen, & conari, non mediocri dignū laude ducitur. Cupio conseruari ueterem amorem in me tuū, meritis quidem a me nullis, perpetua tamē cultum obseruantia. quam eandem semper, aut etiā, si modo ad eam accedere potest, quod ego non arbitror, maiorem fore tibi confirmo. Vale.

MATTHAEO. SENAREGAE,  
Genuam.

4

IAM prorsus de uelluto spem abieceram, (utar enim noto uerbo: nam ueteres aliter loquebantur) nisi tu,

si tu, rursus ut eam susciperem, tuis proximis litteris  
 effecisses. expectabo igitur, & quidem brevi, (sic enim  
 vis) aduentum propinqui tui, quem, arbitror, in itinere  
 philosophos ambulantes imitari. nam tribus mensibus  
 non modo Genua, sed ab ultima Lusitania facile ad vr-  
 bē peruenire potuit. Verum ego fortasse calumnior: &  
 illi morā, homini industrio, & agenti strenue suam rem,  
 negotia diuturnitatem, quam opinabatur, Florentiae,  
 vel Senis iniecerunt. sic enim existimo: reliqua fere per  
 iocū. Simiolus, ut video, tibi quoque molestus est. duci  
 enim te vides fictis verbis: nihil cohortatione, nihil ad-  
 monitione profici: quidquid dicat, inane esse. itaque  
 molestia te affici, necesse est, vel mea causa, vel quia  
 rei te mouet indignitas. ac vereor, ne semper eodem lo-  
 co simus, nisi tu des operā, ut ei per aliquem tuorum iu-  
 diciū intentetur, & a lictore publico vocatus ad iudi-  
 cē serio rē agi sentiant. Artes hominis praedixit, quo  
 turpius est falli, & sinere eum diutius tibi verba dare.  
 quare si me amas, quacumque via potes, vrge, & con-  
 tende omnibus nervis: quamquam haec quidē res tuis  
 nervis digna non videtur: sed contende tamē mea caus-  
 sa, ut euomat aliquando quidquid debet. quod si acci-  
 derit, atque adeo cū acciderit: cur enim dubitem, quin  
 diligentia tua fructum pariat? non dicam, tibi agā gra-  
 tias: non enim pateris: sed, tibi acceptū referā, ut alia  
 multa. quae si obliuiscar, hominem me esse non putem.  
 Vale, vale iterum, mi suauissime Matthace; tibiq. per-  
 suade. me nulla magis in re, quam in tuis litteris, in  
 amore, in studijs, officijsq. erga me conquirere.

Romae. XIIII. Kal. Oct. M D LXX.

ANDREAE. ANTONINO,  
Ostianum.

5

NISI me ualde amares, quod multis argumentis intellexi, subirasce te mihi crederem, quod litteris tuis amantissime scriptis nihil umquam responderim. sed si, cur officio defuerim, audias; non dubito, quin omni me prorsus, & inhumanitatis, & negligentiae suspicione liberandum putes. A quo enim tempore Roma discessisti. nullo difficultatis incommodiq. genere, nulla fere dixerim miseria negotia nostra caruerunt. ex ea sollicitudine, ac laboris assiduitate incidi in morbum, cuius primum ui deterritus, deinde etiam diuturnitate defessus, tentatis prope rebus omnibus, cum neque periculi, neque molestiae finem uiderem, cepi consilium in patriam reuertendi: extremoq. Septembri mense, dissuadentibus medicis, & amicis, aeger, in uiam me dedi. Pisaurum usque morbus ingrauescere uisus est. ad spectum maris, quasi iam in oculis diu expetita patria esset, propinqui boni spe, animus corpori medicinam fecit. febris abiit, antequam Pisauro solueremus. ita Venetias, refecti cibo, paullo firmiores appulimus. malum illud remanet, ut inueteratis morbis fere contingit, quod alio sumus ita sicca, itaque restricta, nullo prorsus ut cibi genere molliri, soluique possit. quod si perpetuum esset, quid miserius? sed, ne perpetuum sit, curabimus, & cauebimus, quibuscumque rebus poterit, his primum, quae sunt in nobis ipsis, quiete corporis, hilaritate animi, ratione victus: tum ipsa  
etiam,

etiam ; quae a medicorum scientia , consilioq. profici-  
scentur . Habes, id quod optasse te arbitror , de statu  
meo tu, si placet, uicissim aliquid de tuo . cum enim de  
te , tuisq. rationibus certior fieri pro nostra necessitu-  
dine maiorem in modum cupio : tum sermone littera-  
rum tuarum purissimo, atque elegantissimo , mirifice  
delector . Vale . Venetijs.

FRANCISCO . MORANDO,  
Veronam . 6

QVAE me caussae, minime natura procliuem ad  
nova consilia, nunc impulerint, ut negotium illud Roma-  
num, quod Pius Pontifex Max. decem abhinc annis  
honorifico quingentorum scutatorum stipendio mihi de-  
mandauerat, reijciendum putarim, non facile est scri-  
bere: uelim quidē existimes, eiusmodi esse, ut aliter sta-  
tuere meis rationibus alienissimū fuerit. Illud certe fie-  
ri non poterat, ut cū illo mihi amplius caelo cōueniret.  
Quod experiri, cōstātiae caussa, dū cupio, parū ab fuit,  
quin ipsius caeli adspēctum, usumq. perdiderim. Ne cū  
igitur consiliū capiendum necessario fuit, si modo mihi  
carus esse uellem, si salutis, quam omnes antiquissimā  
habent, rationē ducere, si denique uitae munus, a Deo  
datum eousque tueri, & custodire, quoad ille ipse, qui  
dedit, arbitrato suo repeteret. Veni domum. hic uero  
me summa quies, & domestica commoda, maximeq.  
fidelissimae, atque amantissimae coniugis cura tanta,  
quanta potest esse maxima, plane recreauit. Febris

abijt, nec tamen valemus. morbi enim reliquiae super-  
sunt, magis prope timendae, quā morbus ipse. qui enim  
valere possum, aut etiā quid non timeam, cum attenua-  
tū, exsiccātūq. corpus naturali munere fungi sua spon-  
te numquam possit? quæ res neque molestiae parū ha-  
bet, & si inueterauerit, periculo non vacat. Hoc igitur  
malum nisi depulero, valere me non dicam. Studia no-  
stra, remissa occupationibus, retenta tamē animo, attin-  
gere nondū audeo, ne stomacho, vnde fluxit omne ma-  
lū, prae propera cupiditas obsit. Sed heus, mi Morande,  
quando te complectar? quando adspecta, sermoneq.  
fruar tuo? tu ne ad nos, an ego ad te prior? Ego scilicet  
ad te. Ire enim, cū per anni tēpus licebit, ad Gauderina  
balnea decretū est: quae quater antea sumpsi, nec um-  
quam sine fructu; nunc eo sumā diligentius, quod maio-  
rem aetas, morbiq. grauitas, ac diuturnitas cautionē  
postulat. inde excurrā ad te, ut te videam, te comple-  
ctar, tecū sim. De cydonite illa, exquisito artificio con-  
fecta, qua carui tot annos, interrupto locorū interuallis  
officij tui cursu, nisi tua sponte ad consuetudinē redieris  
appellabo te quasi meo, quod a iure, sic tamen, ut i psum-  
ius e tua fluxisse benignitate cōfitear. Vale, mi suauissi-  
me Morande, nosq. ut solebas, ama. Venetijs.

CAMILLO. PALAEOTTO,

Bononiam.

7

PVTASTI ne umquam fore, ut ego me Roma-  
narum occupationum e vinculis eximerem? certe fa-  
ctum



Etum uides. nec mihi uenit in mentē eius cōsiliū paenite-  
 re: quin quotidie magis gratulor, quod illa reliquerim,  
 haec sim adeptus; quod ab omni cura liber otio suar  
 honestissimo, quod ea nūc denique studia recalere mihi  
 liceat, a quibus disiūctus tot annos uixi, uel potius pla-  
 ne nō uixi. quae enim mihi potest esse uita sine litteris?  
 ualeat ambitio, & fucatus opū splendor. nihil est, quod  
 cū suauissima librorum consuetudine conferri iure pos-  
 sit. qua mente cū essem, commisi tamen, ut aliter sen-  
 sisse uidear, cū sententiam numquam mutauerim. nam  
 ad urbem Romā eo quidē consilio sum profectus, do-  
 mesticis ut rationibus consulerem; simul tamen id spe-  
 ctans, ne delicias meas, optimarum studia doctrina-  
 rum, prorsus desererem. aliter cecidit. quis me accu-  
 set inconstantiae? uicit meam uoluntatem potestas eo-  
 rum. quibus, ut aequum est, non minus libenter, quam  
 necessario, parui. sed mitto praeterita. quasi enim, ea  
 dum attingo, uulneribus obductam prope cicatricem  
 renouo. Hinc me propinqui, familiares, noti pariter  
 atque ignoti redeuntē excepere uoluptate summa. Ur-  
 bem priuatis aedificijs elegantiore, & publicis operi-  
 bus magnificentiore, quam reliqueram, inueni. prae-  
 terea, quamquam ardente bello, florentem ut in sum-  
 ma pace rebus omnibus. quae uel ad usum corporis. uel  
 ad animi delectationem pertinent. quo dolere interdū,  
 ac paene mihi succensere cogor, qui tot bonis, tanta  
 tranquillitate, tanto etiam nobilium uiuorum erga me  
 amore tamdiu me carere sim passus: lucri tamen id  
 factum est, quod, nisi hinc discessissem, diuque absuis-  
 sem, haec ipsa profecto, quibus nunc ex intervallo re-  
 cuperatis

cuperatis iucundissime fruor, numquam omnino, quanti essent, intelligere potuissem. itaque est, cur immortalī Deo gratias agam, habeamq. maximas, quod mihi occasione grauiſſimi morbi, missionis a Pontifice petendae, ipsiq. Pontifici concedendae mentem attulerit. alioquin nec satis decorum putaſſem, nec vñquam omnino commisiſſem, ut ante pactam diem negotium publicum, Urbemq. relinquerem. In discessu commoda quaedam sperabantur; nec defuit intercedentium dignitas, auctoritas, gratia: ratio temporum est aduersata, Pontifice, natura liberalissimo, Turcicum bellum, & praesentis futuriq. sumptus necessitatem excusante. mirum id uideri nonnullis. ego, qui prope modum id, quod accidit, opinione iam perceperam, non sum commotus, ipsoq. missionis impetratae munere contentus, cetera non dixerim equidem contemnens, sed certe non maximi pendens, otij cupidus nihilo laetior discessi. Nunc habeo cum ualetudine negotium. eius enim morbi, quo me scis, Romae dum essem, nec parum diu, nec leuiter laborasse, molestae admodum reliquiae sunt. sed ut spero, sublatis iam causis, quae morbum & peperant, & alebant, sedulitate, ac fidei meorum cura, adiuvante etiam huius caeli, quod in lucem editus primum hausi, benignitate, breui omnino conualeſcam. Tu interea fac ne officium desiderem litterarum tuarum. Vale. Venerijs.

EIDEM,

E I D E M, Bononiam.

8

**N**AE ego istam villulam vehementer amo, quae te festum urbanis curis leuat, reficitq. secessu, & otio incundissimo: ubi te colligis, animūq. transfers ad contemplationem pulcherrimarū rerum: quid agas, quid cures, lex nulla praescribit: scribis, aut legis, arbitratus tuo: modo aprica deambulatione, modo prospectu collium, quandoque aperto puroq. caelo gaudes. nimirum hoc est vivere; & ista solitudine, isto vitae genere, nihil beatius. cur ego tam longe absum, cur negotiis impedior ijs, a quibus quo magis ut disiungar, diuellarq; operā do, eo me distringunt, retinentq. magis. mihi crede, si rerum domesticarū soluta ratio esset, aduolarem ad te statim, in ipsam inquam villulā recta me conferre, ut tua consuetudine, tuis sermonibus, tuo conuictu fruerer: te denique discedere, custos remanere, pomarij praefectus, villicus plane tuus. quod si accideret, ut istic exulare perpetuo cogerer, modo te interdum socio, modo cū libellis, praeclare mecū actū putarem, multā salutem urbibus, multam honoribus, in quibus ceteri insaniunt, libenter dicerem. quid enim exspectem amplius? didici iam, & magna mercede sum expertus, quam inania sint illa, quae, communi deceptus errore, praeclara duxerā. magnae urbes magnas occupationes, ne dicam miseras, habent. si quem delectat ambitio: si quis augendae rei familiaris cura tēgitur: si sententiā in curia dicere, aut a multis in foro salutare, inter summa ponit: urbem amet: me quidem posthac aemulum.

lum, riualemq. non habebit vñquam. aetas nostra, mi  
Camille, ad otium vergit. vides, quam fluxa sint omnia :  
quam facile hunc & illum, florentes opibus, florentes  
aetate, repentina mors auferat, vt hoc ipsum, quod spa-  
tij nobis relinquitur, totum in lucro deputandum esse vi-  
deatur. ac fieri quidem potest, vt diu viuamus: sed, ob-  
secro, quid erit, cur nos diu vixisse laetemur, inter dome-  
sticas curas, inter hominum fraudes, infidelitates, insi-  
dias, addo etiã publicas calamitates, quibus anguntur  
boni viri, quales nos & esse, & haberi volumus? Am-  
plectamur igitur studia nostra: remota ab arbitris lo-  
ca, amoena, salubria, quaeramus: vulgi stultitias, inepti-  
asq. uitemus: animos excolamus, vt eas fruges ferat,  
quas nec caeli calamitas corrumpat, nec malus vici-  
nus furto subtrahat, nec belli saeuientis impetus deu-  
stet. In hac sententia te esse, & idem probari vtrique  
nostrum, litterae tuae, non minus eleganter, quam pru-  
denter, scriptae significant. Sed impedita, propter do-  
mesticas difficultates, mea ratio est, tua longe facilior,  
& expeditior. nihil enim obstat, quo minus id, quod vis  
exsequi, & praestare possis: ego voluntate, & cogita-  
tione pascor: ab ipsa re quam longe absim, intelligo.  
Nec tamen parum profeci, quod ab vrbe Roma disces-  
si. ibi enim ne spes quidem erat otij: hic saepe vaco, nec  
tempus perire sino: sed, quod otij perpetuitate careo, idē-  
tidē interpellantibus aut hominibus, aut negotiis, &  
quod angustia nimis vtor domesticare, iō fit, ut conari,  
& instituire multa possim, absolvere et perficere, prae-  
sertim quod expectationi respondeat, nihil fere possim.  
Habenda est etiã ratio valetudinis: quam vercor, ne in  
longum

longum tempus afflixerit Romanum caelum, dicam, an negotium? an utrumque potius: quod ita esse reor. Sed, si ualebo, si rem familiarem ita constituam, ut absentis animum nihil pungat: imitabor, quantum in me erit, consuetudinem tuam, expertemq. culpaе uoluptatem quaeram. & quod te quoque facturum esse, uel potius iam facere coepisse uideo, in litteris, in colenda pietate, in summi Dei, summiq. boni amore, & cupiditate conquiescam. Vale.

Venetijs. Idib. Dec. M D LXX.

E I D E M, Bononiam.

9

NIHIL gratius oleis, uel carum magnitudine, uel condimenti suauitate, uel ipso amore tuo, qui te, ut miteres, admonuit. Hispanis honorem tribuunt nobilium mensae, quia magnitudine ceteris antecellunt, mihi nescio quo modo subinsulsae uidentur. tuae nec magnitudinem desiderant, & carnis habent multum, & praestanti sapore commendantur. quare non οἷον, sed praeclare collocatur industria tua in oleario colendo. in quo multa consequeris. tibi, post urbanas curas, uoluptatem quaeris: domesticam rem inuas; quamquam te quidem hoc arbitror in minimis ponere: amicos muneribus afficis: in quibus me non postremum locum obtinere, ita laetor, ut hac una saepe cogitatione in magnis molestijs non mediocri solatium inuenerim. Frucere, mi Camille, ista uoluptate, qua nihil honestius; isto industriae genere, quo nec libera-

beralius, nec nobilius quidquam esse potest. Scis enim, quid de sapientissimis uiris proditū memoriae sit: agrestem eos vitā, expertem deliciarum, ab omni luxu, atque ab illa bonorum morum corruptrice copia remotā victu cultuq. simplici contentam, urbanae praetulisse; agro bene culto, & ipsa largo sinu suas opes effundente natura, nihil vidisse libentius. Quid magni Reges? nō ne sua manu satas pulcherrimas arbores, apto ad speciem ordine, iucundaq. descriptione dispositas, exterarum nationum legatis gloriae caussa ostentabant? Hoc qui student imitari, quis eos iure reprehendat? Utinam fundus meus aut abesset propius, aut ea saltem regione esset, ubi caeli grauitas minime timenda videretur. mihi crede, olearia ego quoque instituerem, rusticis me oblectarem operibus, valetudini simul animoq. consulerem. quod aliqua tamen vt ratione consequar, quocumque loco, quacumque regione operam dabo. Nam hic diu commorandi spem auferunt multa, sed maxime frigoris iniuria, & vinorum austeritas: quae, tenui corpore, imbecillo stomacho, ferre vix possum, vel plane nullo modo possum. itaque de migratione cogitandum. Vale. Venetijs. Kal. Ian. M D LXX.

---

FRANCISCO . CICEREIO,  
Mediolanum, 10

QUAM vereor, optime ac doctissime Cicerei, quia serius epistolae tuae respondeo, ne quid suspicere de me durius; quod certe non debes. quo enim tempore mihi  
Romae



Romae reddita est, graui morbo laborabam: neque cō-  
ualui, nisi post multos menses, nec in Vrbe, sed in pa-  
triam reuersus. nam valetudini meae caelum illud, quo  
vsus eram antea perbenigno, aduersari, & obesse ita  
coeperat, diutius vt ferre non pōssē. itaque fuit em-  
nino, vt vitae consulerem, ab vrbe discedendum. in quo  
summi Pontificis clementiam, & facilitatem lauda-  
bo numquam satis: qui, de languore meo certior fa-  
ctus, cum adhuc muneris mei susceptaeq. provinciae  
menses non pauci superessent, abeundi tamen potesta-  
tem petenti aequissimo animo concessit. quam quidem  
eius benignitatem tanti aestimo, quanti suā quisque vi-  
tam, & incolumitatē aestimare debet. viuere enim diu  
me posse, aut recte saltē, & firmiter vīquam valere, si  
permanerem vbi coeperā aegrotare, febris praesertim  
adhuc vrgente quotidiana, plane desperabam. Haec si  
tu nōlli: nō dubito, quā purgatus tibi satis superq. sim.  
id enim aequitas, & earum artium, quas magna cum  
laude profiteris, humanitas postulat. Sin autē de sta-  
tu meo nihil accepisti: mirari te fortasse nō nihil decuit.  
male tamen de me, quasi officium negligere, aut in-  
humanitatis vitio laborare, quem scires ab homine  
omnium officiosissimo, atque humanissimo, Oētiano  
Ferrario, diligere, existimare non oportuit. inter diuersa  
enim studia, dissimiles ve mores, amicitia nō oritur; aut  
si oritur, nō diu certe conseruatur. similem sibi quisque  
ad amandū deligit in quo errare se non putat: sed, si er-  
rat, iudiciū iudicio meliore corrigit, dissuta, non discissa,  
vt a sapientibus praecipitur, amicitia. At mihi cū Fer-  
rario triginta iam annos, eoq. amplius, arētissima in-  
tercedit

tercedit neceſſitudo. quo primum die mihi cognitus eſt, ingenium, & futurae doctriinae principia perſpexi; poſtea mores in cōſuetudine probaui: inde ortus eſt vtrumque amor: qui ne umquam deficeret, alereturq. potius, & ad ſummum perduceretur, ille ſuae virtutis, ego meae meritis in illum obſeruantiae, praeflitimus. Hoc argumento, tu vide quid tibi ſentiendum de me putes; ego, cum Ferrario, tali uiro, cuius non minus ita, quam ſcientia, bonis omnibus, recteque intelligentibus probatur, placare me video, ipſe mihi diſplicere non poſſum. Nam quod vna cum eo Bartholomeum Caprā, Hannibalemque Cruceium in caelum ſers: plane tecū ſentio, vel tu mecum potius. multi enim ſunt anni, cum, & hominum proborum, atque cruditorum celebri ſermone cōmotus, & Ferrarij teſtimonio quo quid grauius ē impulſus, vtrumque coepi diligere. Capram, iam tum audiebam, praeter ius ciuile, dignam que nobili viro multarum litterarum ſcientiam, inſigni quadam erga bonos omnes, praefertim liberalium diſciplinarum amore ſagittantes, liberalitate excellere, quae laus eo pluris in priuato ciue debet aeſtimari, quo minus hodie in ijs, qui beati propter opes putantur, ideſt in principibus ipſis agnoſcitur, Cruceij humanitatē expertus ſaepe ſum in rebus meis: doctriinā e ſcriptis eius non vulgare, praefantē eloquentiā duxi, Quis igitur dubitet, (nam te quidem vix arbitror) quin aſſerere illud apud me ualeat, quod tu lepide, uereq. induxiſti; ſi tibi cum ijs uiris, quos ego uehementer amo, uehementerq. colo, optime conuenit, ſequi omnino, ut mihi quoque tecum optime conueniat. ſed, mihi crede, his argumen-

zisiā non eget virtus tua: quam probauit, largita tibi sua iura, ciuitas omnium nobilissima: probauit, mandato tibi publice docendi munere senatus ille, cuius ad sapientiā & iustitiā, quasi ad sacram anchoram, rebus aduersis, aut dubijs, omnes confugiūt: probauit denique suoteslimonio, suaque commendatione, tres illi viri omni prorsus laude cumulati. Quae cum specto mecumque cogito, munus hoc amoris tui delatum ad me per litteras, & eas litteras, quibus vt nihil humanius, ita nihil possit esse ornatius, quātum sit, intelligo. in quo tuendo, augendoque rebus ijs, quae significatiōnem habere poterunt voluntatis meae cum tua laude coniunctam, partes meae non desiderabuntur. tu relin existimes, quod tibi nunc libenter promitto, multo facturum esse me opportuno tempore libentius. id si credis: & si vt ēdum tibi statues in omni tua re studijs, officijs, facultatibusque meis, & eo quidem animo, tāquam ea tibi non recentis, aut dubiae, sed reuerentissimae, & multorum annorum usu confirmatae beneuolētiaē iure debeantur: erit hoc alterum humanitatis tuae nō vulgare munus: quo me tibi deuinctum perpetuo fore polliceor. Vale.

Ex opido Plebe Sacci. VII. Id. Nou. MDLXX.

---

OCTAVIANO. FERRARIO

Mediolanum.

11

MI Ferrari, si me tantum amas, quantum profecto amas: gratulari te mihi aequum est, quod exopta-

Hb

tae

tae diu patriae compos denique factus post annos decē tenui fortuna cōtentus ita viuo, vt regū opes honoresq. contemnam: carebam otio, studijs, rebus multis ad meam naturam aptis: quae mihi nunc omnia Dei benignitas restituit: ijsque fruor eo suauius, quo fit v-sus desiderij dilīnitate iucundior: Si quid praeterca nō tam de meo, quam de meorum statu scire uis: vt sere, qui amant, curiosi sunt omnes: haec accipe. vxor, & filius in urbe, commoda vterque valetudine, illa rem domesticam, hic officinam, emendatorumque librorum curam administrat egregie. mihi, taedio diutinae commorationis urbanae, rusticari vehementer placet. quo primum afflictāe diuturno morbo valetudini consulimus, & imbecillo corpori vires addimus: deinde, quasi quibusdā exsolutus vinculis, libere vagatur, & voluptate pascitur animus honestissime. nullis hic angimur curis, nullis implicamur negotijs: licet id, quod antea numquam licuit, prorsus nihil agere, si volumus: & quod licet, saepe volumus. nam vehi curru, opida inuisere propinqua, amicorū villulas obire, conuiuari etiā interdum, suauissimisque epulas condire sermonibus. hoc ipsum voco nihil agere. quāquam, qui, valetudine parum firma, operam dat, vt suauiter, iucunde, & honeste simul viuat, is profecto nihil agere mihi nō videtur. Sed in hoc tamē vitae genere libros, cōmunes delicias nostras, abiecisse me penitus, nolim existimēs. nobiscum ubique sunt, comites nunquam molesti, loquentes, silentes, cum volumus, quo ad volumus. & quamquam veteris morbi reliquiae quaedam supersunt, & vires adhuc lāguēt: quiddā tamen aggredi sum ausus:

de diuturnitate

quod

quod si, ut spero, absoluam; & si sit principia dare se uideatur, ita procedet industria, uel a te probabitur; (à te cum dico, qui subtiliter, & sincere iudicant, simul omnes intelligo. tu enim is es, quem nec opinio fallat, nec uoluntas a ueritate detorqueat) uel, quin me putes omnis experte ingenii, nec de mea, nec de cuiusquam omnino facultate statuere, & existimare quidquam posse non recuso. Locus ipse me, uacuis interpellatoribus, & haec uiuendi arbitratu meo, rerum omnium dulcissima, optata antea potius, quam sperata libertas inuitauit, ut ordiret id, quod, nisi sedē hic statuo, aut certe, nisi in hoc secessu, & in hac paene solitudine (nam si cum urbe conferatur, quamquam celebre satis opidum, solitudo tamen quaedam uideri possit) maiorem anni partē consumpsero, uereor, ne fero admodum, fortasse etiam pertexere numquam liceat, opus est nec temporis, uel laboris exigui. tempus hic, ut uideo, deesse non potest: laborem cōmunis utilitatis gratia nūquā adducar ut fugiam: interim tamen, superiore periculo admonitus, operae curaeque plus in ualetudinē, quam in studia, cōferam. Vale. Ex opido Plebe Sacci. VI. Id. Nou. MDLXX

## HENRICO ET CAMILLO

CAETANIS, FRATRIBVS

Bonifacij Principis filijs.,

Romam.

12

LAETARI vos arbitror, nobilissimi adoleſcentes, pro veſtra erga me beneuolentia, meo in patriam reditu, minime dubitantes, quin tranquille viam, vacet ijs moleſtijs, quibus in vrbe Roma carere vix poteram. fruam ijs ſtudijs, cum quibus voluptatē nullam cōfero. nam de fructu, quem poſteritas capere poſſit ex industria mea, nihil dico. conatus equidem a puero ſū, idq. mihi propoſitū in omni vita fuit, vt omnibus meo labore prodeſſem: vtrum autem, quod ſequebar, aſſequi licuerit, ad meum iudicium non reuoco: viderint ij, qui noſtra legent. ego mihi tenere nihil arrogo, nec aſſentor libenter, aut ita gloriola ducor, vt falſae opinionis errore, quod video multis contingere, oblectari me ſinam. quod ſi nihil alijs prodeſſe poſſum: bene tamen mereor de me ipſo, dum ea lego, quibus curae ſedātur, diſſipatusque perturbationibus animus colligitur, & ab admiratione rerū inaniū ad vere ſolidaeque felicitatis cupiditatē traducitur. hoc bono Romae carebā, quia carebā litteris, & otio, moleſtiſſimis implicatus occupationibus, quarū ipſa nunc recordatione commoueor. itaq. cū opinari & credere nonnullos audio, eo me cōſilio ab vrbe diſceſſiſſe, vt, recuperata valetudine, redire, ita ſtatuo, vel eos ignorare, quā inſeliciter mecū

aſſum



actum sit, quam diu Romae vixi, vel in illo quingentorum scutorum stipendio tantum ponere, vt easdem subire molestias cum eodem expediat euolumento. qui si naturā moresque meos teneret, profecto longe aliter sentirent. non enim aut stipendium illud, aut vlla me lucri cupiditas Romam perduxit: quamquam haec priuatae sortis homo non contempsit: sed spe sum allectus prope certa, vitae cū dignitate traducendae, fruendi nonnumquam studijs meis, amicorum cōsuetudine, voluptatibus etiam homine ingenuo, & liberaliter educato non indignis. quā contra ceciderit, vos optime nollis. nunc, vel si stipendio vocarer multo maiore, sic insanirem, vt meam quietem, diuino mihi munere post annos decem restitutam, mea studia, ipsam denique valetudinem villo pretio venderem? tum vero, si eadē illa contingerent, iure plecterer; nemo excusatione aut venia dignum duceret: nemo querentem audiret, nemo opem ferret imploranti: ad auaritiae culpam, & immodicā habendi libidinem conuerterentur omnia. Praestat igitur sapere, id est, quam alij fortunā admirantur, eam contemnere, paucis ac quiescere, & iisdē contentum esse, quibus ipsa contenta natura est: quae, dum vitae arceantur incommoda, & alimenta suppetant necessaria, praeterea nihil desiderat. Iā aetas, & valetudo, haec admodū infirma, illa quotidie magis ingrauescēs, admonēt me, cupiditate ne prouehar longius, vela cito contrahā, & impendētes futurae vitae procellas extimescā. itaque facio non inuitus, vt, cū huius peregrinationis exitus haud lōge distet, non tā de via, quae minima restat, quā de exitu ipso, qui principiū afferet aeter-

nae vitae, cogitem, atque elaborem. Haec ideo collegi, ne quando uos, aut aliquis potius uestri dissimilis (nā id quidem a prudentia uestra expectandum non uidetur) displicere mihi consilium meum suspicari posset, quod in patriam uenerim. quod utinam biennio maturius fecissem, non incidissem in eum morbum, quo ualitudinē in perpetuū fere perdidī; rationes hic domesticae minus iacturae fecissent: studia fortasse mea fructū studiosis aliquem tulissent. Vna tamen ex hoc naufragio tabula me delectat, quod opinione fruer amoris in me uestri; quod ex disciplina, praeceptisque meis maximum uos in carnia, quae ad eloquentiam ducit, fecisse progressum intelligo; quod, perspecta denique indole, voluntate, industria uestra, augurari facile possū de futura gloria: nec locum iam habet adhortatio: curritis enim uestra spē, quo patrui Cardinalis dignitas, & uirtus, quo parentis integritas, & sapientia, quo auita decora, & maiorum nomen immortale uocat.

Valete. Venetijs, IX. Xal. Dec. M D L X X.

---

I O. C A S E L I O. A D

arcem Sucriniam.

VENISSEM Romā ante duos menses, difficili diuturnoque coactus morbo. reliqui melius omnino mihi nunc est: necdum tamen ita ualeo, ut intermissa officia repetere audeam. libros parce attingo, amicorum literis, nisi graue sit argumentum, aut breuiter admodum, aut prorsus nihil respondeo: negotia reliqua, ut ualere

uallere ipse possum, uallere iussi. ea re nec scripsi ad te antea; & in posterum, ne quid oneris mihi imponas, quod infirma ferre ualetudo nequeat, a te peto. familia res tuos, nobiles adolefcētes, Joachimum Bassenitium, & Nicolaum Rascium, uerbis perhumaniter acceperunt non inuuo: quia nec ipsi rogant; & mihi, quid eorum causa praestare possim, ipsis non rogantibus, in mentem non uenit. modesti sunt omnes. & morum elegantia praediti. ingenio, & litteris, cum a te diligantur, tuaque consuetudine sint usi, non dubito, quin pro aetate excellent. ac sapienter quidem eos facere iudico, quod apud nos aliquandiu sibi uiuendum statuunt. praeclaram enim indolem, materiemque uirtutis haud mediocriter caelum Italicū adiuuabit. quod eo magis laetor, quia redundabit ad te. aliquid ex eorum summa laude; cū uel alumni fuerint disciplinae tuae, uel tuis hortatibus consilijsque in Italiam, quasi ad mercatum bonarum artium, se contulerint. mihi autem, caue putes, gratius quidquam esse posse, aut curari a me libentius, quam quod ad existimationem pertinere tuam intelligam. id adeo cum praestanti doctrinae tuae, studijsque ad communem utilitatem spectantibus, tum summae erga me, perspectae iam satis atque cognitae, beneuolentiae debere mihi uideor. Vale. *Venerijs. XII. Kal. Ian.*

MDLXX.

## HORATIO. CARDANETO

Perusium.

14

GRATV LOR tibi mi Cardanete, nec sane magis  
 ex animo gratulari possum, quod nobilissimorum ado-  
 lescentum, Henrici, & Camilli Cactanorum; fratrum,  
 auctus amicitia sis, melior omnino reperiri ratio nulla  
 poterat, qua ferrē aequius eorum me consuetudine ca-  
 rere, quā quod vtantur tua, te enim vel studiorū simili-  
 tudine, vel animorū coniunctione, vel mutuis etiam offi-  
 cijs quasi me alterum esse putō. qua modestia sint, qua  
 gravitate, qua prudentia, quā a communibus ingenijs  
 differant, quā a deprauatis huius saeculi moribus ab-  
 horreāt; quia breui admodum ipse intelliges, nihil dicā.  
 auguratus quidē antea sum, si diuturna vtriq. vita cō-  
 tingerit: quod in tanta bonitate, tā propensis ad ueram  
 laudem studijs, ab immortalī Deo sperandum uidetur:  
 nullam esse gloriam tantam, quam non facile cōsequā-  
 tur, nullos honores, qui non eorum virtutibus vltro de-  
 ferantur. Terogō, pro eo quanti me facis, conseras in  
 eos quidquid poteris officij, studij, obseruantiae, quod-  
 que fasere cū omnibus qui te norunt, solitus es, id tibi  
 cū ipsis praecipue faciendū putes, vt iis pateant opes  
 ingenij, eloquentiae, doctrinae tuae. De meo statu, quid  
 quid possim scribere, ut nideo cognitū iā habes. in eo  
 tamen erras, vel potius errare te coegit aliorū sermo,  
 quod me bene nummatū in patriam rediisse putas. de-  
 cem enim annorum laboribus vix tria scutatorū mil-  
 lia,

lia, id est quantum ad filiam collocandam requiratur, colligere potuimus. ita mihi nullae pecuniae, nullū ue-  
 stigal, praeter ueterē frugalitatem, quo uestigal nullū  
 est uerius, animū paucis contentum, relinquitur. qua-  
 re gratulari te mihi uelim, non quod abūdem, quod fal-  
 sum est, sed quod tranquilla mente uiuam, quod in stu-  
 dijs quantū ualeitudinis ratio permittit, quod cū meis,  
 quod denique nullis implicatus negotijs, sed in summo  
 otio, summa quiete, summa libertate, quae sunt omnib.  
 diuitijs, recte intelligentium iudicio anteponenda. Va-  
 le, & Illustrissimis Caetanīs salutem dices a me pluri-  
 mam. Venetijs XVII. Kal. Ian. MDLXX.

## ANTONIO. ROLANDO

Patauitum.

15

AD HVC languebam ex uetere morbo: & filio  
 non leuiter aegrotante, erā sane perturbator: commit-  
 tere tamen nolui, ut epistolae tuae, insigni praesertim  
 Homericā magniloquentia, & beneuolentiae notis er-  
 ga me tuae, nihil omnino responderem. Quod petis, ut  
 orationem tuam corrigam: primum id quidem necesse  
 non est; cū scriptor sis luculentus, iudicioq. excellas:  
 deinde uero tantū ab re mea mihi otij non est, alienū  
 ut possim legere. aut. n. non vaco: aut, si quid temporis  
 cōcēditur, ad ea, quae inchoata, rudiaq. iam pridem ha-  
 beo, absoluenta, et perpolienda totum consero. quare a  
 te peto, ut habeas rationem et ualeitudinis, & occupa-  
 tionis meae. Ego, postea quam in patriam reuerti, nego-  
 tio-

tiorum magnitudine defatigatus, aetate etiam admonitus, & Venusii Poetae uersu, Solue senescentem mature sanus equum, mihi & Musis duntaxat uiuere constitui. nullas suscipio curas, nisi quas rerum domesticarum necessitas imponit. nouas amicitias non expeto; heteribus colendis operam non do: cum uxore, liberisq; suauissimam uitam duco. hic enim dies, ut ille ait, alios mores, aliã uitam postulat. amicorum copia quid praeter molestiam habeat, non uideo. si quis aliter sentit, arbitratui ipse suo uiuat; ego malo mihi sapere, quam alijs. De uxore a te ducta, de susceptis liberis, ualde tibi gratulor. nam, etsi onus alendae familiae, durissimis temporibus, magna rerum omnium caritate, perquam graue esse non ignoro: te tamen, uirum bonum, peritũ optimarum artium, tua uirtus ex omnibus incommodis, ac difficultatibus eripiet: aderitque Deus, cuius eximia benignitas praeclaris conatibus & optimis studijs deesse numquam solet. Vale.

Venetis. x. Kal. Ian. M D L X X.



EPISTOLARVM  
PAVLLI. MANVTII  
LIBER. VNDECIMVS.

ILLVSTRIS. ET. EXCELLENTIS.

I V V E N I ,

IACOBO. BONCOMPAGNO



*OT. A sententia est. a sapientissimo viro  
litterarum prodita monumentis, muta-  
tione temporum, euētu vario, per omnes  
aetates comprobata, cum Principū mo-  
ribus, atq. inslitutis, priuatorū hominū sen-  
sus, & studia congruere. est. n. ita more cōparatū, vt  
in eorum, qui imperant, vitam ij, qui parent, veluti in  
speculum intuentes, dicta simul & facta diligenter ani-  
maduertant. inde oritur cupiditas imitandi; inde fit, ut  
aut virtutes emanent, aut vitia deriuentur. itaque,  
GREGORIO XIII. cui tu sanguine coniun-  
ctissimus virtute carissimus es, in illa proxima caelo  
sede, incredibili Cardinalium omnium consensu, in  
quo perspicua diuini numinis voluntas apparuit, collo-  
cato, speciem quandam, & imaginem rerum omnium  
laudādarum quasi post tenebras exorta luce vidimus.  
& cum ad urbem quotidie tot mortales, praesertim  
qui nobili arte aliqua excellant, suae quisq. spei fanēs,  
tam cupide confluant, nemo dubitat, quin, cum ille*

antea

antea semper ita vixerit, ut ingenuarum disciplinarū studia reb. omnibus praeferret, rectum & honestū sic amaret, vt nihil ambitioni, nihil gratiae tribueret ad aequitatem, & religionē omnia referret; eadē ei nunc prima sint, eadem studia colentes amplectatur, ornet honoribus, opibus augeat, maxima potestate cū optima mente coniuncta. Ille pacem, & concordia Christia-  
 norum Principium tuebitur: ille praeclaram in perdē do communi hoste conspirationem fouebit: illi publica salus; Sedis Apostolicae dignitas; summi Dei gloria, a qua numquam oculos deflexit, erit antiquissima. In iu-  
 stitia uero, cuius omnes partes nouit, plerasq. cum lau-  
 de exercuit, prorsus eum nihil fallet: non ex aliena pen-  
 debit opinione: non alienis consilijs auferetur: quae saepe labes, graui ciuitatum damno, bonos etiam Principes infecit: ipse disceptator, & index res & priuatas pro sua sapientia, suoque sensu moderabitur, ac reget.  
 Quid artes illae nostrae, quibus ad humanitatem in-  
 formamur, quae fessos curis animos leuant. nec tamen  
 utilitatem a uoluptate seiungunt, non eae nunc, nimirū  
 diu cum oblanguerint, spe quadam recreatae, oculos  
 tollere uidentur? cumque nouo Principe, ad liberales  
 omnes artes maxime propenso, vehementer laetentur,  
 tum uero in te, IACOBE Illustrissime, spem suam in  
 primis locatā habent, à te opē exspectant, tibi se suā-  
 que dignitatem, fatali quadam temporum calamitate  
 eadēptā, supplices commendant. non negabis opinor,  
 bene de te merentibus patrociniū tuum, & ad cetera,  
 quae in te elucēt, ornamenta, cum ingenij, atq; doctri-  
 nae, tum uero cius modestiae, qua te tam secundis reb.

admi.

admirabilē praebuisti, addes hoc, quoniam illius  
 esse potest, ut litterarum causam suscipias, reliqua tā  
 quam inania contempnas: quāq. tibi antea laudē apud  
 multos, versatus in celeberrimis Italiae gymnasiis, nō  
 obscura voluntatis egregiae significatione peperisti, eius  
 augendae cum facultas hoc tempore diuinitus tributa  
 maxima sit, non cōmittes, ut ipse tibi aliquādo, et glo-  
 riae tuae defuisse uidearis. Quae si cogitas, summa sa-  
 pientia est; si perficis, summa felicitas, nā ipsum, uelle,  
 q̄s in laude ponat, nisi, quod uelis, res ipsa declarat? se-  
 licem porro non ego quemquam duxerim, qui sibi lice-  
 re putat, quidquid libet; sed qui, cū in magna ptate sit,  
 licere tamen sibi nihil uult, nisi quod ueritas, & rō ipsa  
 praescribat. sensus aut hic multitudinis est, ut abūda-  
 re quamplurimis rebus, optabile in primis existimet. re-  
 cte uero uti, neque optāt multi, & soli sapientes norūt.  
 Ac mihi quidem, cum ad tuam superiorem uitam ani-  
 mum refero, haec ipsa, quae laudo, quae tuū nomen im-  
 mortalitati cōmēdare possūt, eadē te sentire, eadē cogi-  
 tare, & uelle, tuaq. sponte satis ad uerum decus inflā-  
 matum esse, minime dubitandū uidetur: eoq. breuius ad  
 te scribo, ne superuacanea legas, distentus magnarum  
 rerum curis: scribendum tamē aliquid hoc tēpore sum  
 arbitratus, ut, cū omnes tecū gratulationis officio fun-  
 gantur, omnes tibi nauare operam & studiū uelint, ego  
 quoq; meam in te singularem obseruantiam, priuatim  
 nihil spectans, tuae studio laudis incensus, & nobilium  
 disciplinarum amore flagrans, officio testatam aliquo  
 relinquerem. Vale. X. Kal. Quint. MDLXXII.

## CAMILLO. PALAEOTTO

Bononiam,

*RAECLARA* sane amicitiae lex de similitudine  
 animorum in vtraque fortuna: quae si seruaretur, ni-  
 hil esset humana vita iucundius. sed, quod tu sentis, &  
 quod ego tecum, siue munus hoc naturae fuerit, siue  
 earum artium, quibus ab ineunte aetate operam dedi-  
 mus, in eo, quam pauci sint, qui nos imitentur, tu pro-  
 fecto pro tua prudentia animaduertis, ego pro mea te-  
 nuitate saepe sum expertus. equidē nulla re magis lae-  
 tor, quam opinione amoris in me tui: cui nisi ex omni  
 parte responderem, hominem me non putarem. amo au-  
 tem te non ob illa, quae tibi possunt communia cū mul-  
 tis, quod vnus ex amplissimo *XL. virum* collegio sis;  
 quod propinquitatibus, clientelis, opibusque valeas;  
 denique, quod fratrem habeas Cardinalem, & eū Car-  
 dinalem, quem non dignitas magis, quam virtus illu-  
 strat: sed ob ea, quae tua propria sunt; quod ab ado-  
 lescentia ita uixisti, ut senilem in te prudentiam ne-  
 mo requireret. quid ortus clarissima gente, maiorem  
 tamen ex te ipso nobilitatem quaeris; quod ad omnem  
 uirtutem libero uiro dignam, praecipue vero ad libera-  
 litatem propensus, excipis, & complecteris omni offi-  
 ciorum genere, quicumque se studiorum gratia Bono-  
 niam conferunt, &, quo quisque magis uirtute, indu-  
 striâ, probitate uidetur excellere, eo maior ac praestan-  
 tior in eum tua benignitas elucet. ita fit, ut ad libera-  
 lium

lūi disciplinarum studia plurimos quidem inueterata  
 iam Bononiensis gymnasij gloria ex uniuersoterrarum  
 orbe, multos tamen tui quoque nominis fama pelliciat.  
 Haec ego cum alijs potius, quam tecum: nunc erupit  
 amoris ris, quae me, nihil minus ab initio cogitantem,  
 prope inuitum ea scribere coegi, quae tu cum libenter  
 agas, non libenter tamen audis. occasionem autem non  
 ostendēdae solum beneuolentiae meae, sed iudicij quo-  
 que declarandi non leuem sane tu dedisti, cum in ma-  
 ximis occupationib. in summa nouae affinitatis laeti-  
 tia non modo de me absente cogitasti, quo contentus  
 esse debui, sed effudisti in me suauissimis litteris par-  
 tem laetitiae tuae, affecistiq. me voluptate tanta, quā-  
 tam animus meus capere potest maximam. Ac de isto  
 quidem officio tibi nunc, ut debeo, gratias ago, habe-  
 re nunquam desinam: de ipsa uero re, quam significas,  
 ita gratulor, ut, quae mentis exprimere meae sensum  
 queant, uerba prorsus nulla suppetant: ista enim affi-  
 nitate, ad ueram familiam oculos conuerto, omnia ui-  
 deo plena dignitatis, plena sapientiae, plena uirtutis.  
 cum uero utriusque decora copulantur; tale quiddam  
 existit, quod cum intueor, haud facile, quid conferre  
 possim, reperio. Quare debes expectare omnia incun-  
 dissima. suboles exorietur, approbante immortali Deo,  
 digna parentibus, auis, maioribus, unde mirabiles  
 Christiana Resp. Et in primis ipsa patria fructus ca-  
 piat. Quod ut ita sit, pro meo erga te singulari studio  
 non minus opto, quam si ad me ipsum, liberosque meos  
 eadem illa pertinerent. Tu me uelim ames mutuo, Si-  
 goniumque meum, Et Amasaenum salutes. Vale, Ego,  
 quam-

quamquam caelum mutauerim, nondum tamen satis recte valeo.

Ex Plebe Sacci. XVI. Kal. Maij. MDLXXI.

E I D E M, Bononiam.

3

VALDE accidit non sane contra voluntatem, sed certe praeter opinionem meam, vt Mediolani consisterem. sic sunt humana. consilia nostra plerumq. ratio, casus interdum, & fortuna moderatur. Ego Genuā ea potissimum caussa petebam, vt villulis pulcherrimis incūdo placidi maris adspectu, & quod in primis ualetudo mea requirit, verno caelo hieme summa frueretnā Venetijs hieme superiore, cū & cubiculo clauderer angusto, et camino assidue vterer luculento, parū tamen abfuit, quin me vis frigoris absumpserit. Scis, quae mea tenuitas, quae sit imbecillitas. nec aetate, vt arbitror, ignoras. quotidie labuntur vires, & eo magis, quod ea, quae mihi ab adolescentia rerum omnium antiquissima fuerunt, & a quibus ne nunc quidē, aetate ingrauescenti, diuelli possum, studia calorem illum, quo alimur, exhauriunt. Haec de frigore: audi nūc, quae supersunt incommoda. Exercitationibus dū utor, confirmari me sentio: at ijs uti Venetijs, praesertim sub dio, vel ob angustias uiarum, vel ob infinitam prope ciuium, peregrinorumque frequentiam non licet. huc illuc impellimur: saepius alieno motu, quam nostro, mouemur: uix vt interdum, ac ne uix quidem, si lubrica via est, consistendi facultas detur. De vinis quid loquar? diurna



diurna me consuetudo Romanis, omnium facile primis,  
 assuefecerat. similia nō quarebam, sed quæ prorsus dis-  
 similia non essent: periit omnis industria. Carnis mira-  
 pænuria uitulinam quidem, quæ differat à bubula, re-  
 perire, felicitatis est. Excellunt uiri nobiles benignita-  
 te, uirtute, sapientia: neque ego eorum amicitia, & con-  
 suetudine exclusus umquam sum, appetitus etiam a  
 multis: quod in iis rebus numero, quarum memoria  
 non mediocriter oblector: sed nescio quomodo fit ata-  
 tis fortasse uitio, ut quædam res, quibus olim pascebar,  
 quotidie magis ex animo dilabantur, mihi uni, mi Cam-  
 mille, iam cupio uiuere, dum uiuo, sic tamen, ut, me  
 ceteris etiam uixisset, aliquando intelligatur. Habes cur  
 Venetijs non sim: quo spectem, & ubi esse uelim, ac re-  
 liquæ uitæ domicilium collocare, sane nondum constat,  
 amœnitatem, & salubritatem sequor. vtraque Genuæ  
 est, vtraque ut audio, Regij, quo peramanter inuitor:  
 & suburbanum mihi suum, magnifice extructum,  
 eleganter ornatum, uir primarius, integritate, doctri-  
 naque excellens, Horatius Malagutius, summi Pontifi-  
 cis cubicularius, semel & iterum detulit. mihi tamen  
 ocellus. Italiæ, Benatensis ora, Asulano meo, unde  
 multa suppetent, satis propinqua, vehemēter arridet.  
 eo me conuertit animus: eo referunt pedes: ibi denique  
 cum rusticis malina, rustico pane more, quam alibi  
 cum per urbanis in magna non modò lautitia; verum  
 etiam copia, vitam agere. Interea sum in hac urbe, &  
 ut video, diutius ero, quam putabam: nō tam quia pro-  
 pter anni tempus discedere vix iam licet; cū & imbres  
 assidui vias corruerint, & ego is sim, qui uel lenissi-

mis frangar incommodis; quam quia duorum virorū,  
 omnilande ac virtute circumfluentium, Bartholomaei  
 Caprae, hospitis mei, & Octauiani Ferrarij, veterri-  
 ma mihi necessitudine coniunctissimi, singulari doctri-  
 na, humanitate beneuolentia perfruo. otij quidem ha-  
 beo quod tu fortasse vix credas, in urbe amplissima,  
 omniumq. celeberrima, non minus, quam optabā, plus  
 profecto, quam sperare ausus essem. itaq. studia calent.  
 quod cum dico, simul illud dico, Mediolani me perliben-  
 ter esse. nam cum studijs, & litteris nullum vitae ge-  
 nus, ne si Croesi quidem addantur diuitiae, permuta-  
 uerim. De valetudine si quaeris: ea sum, qua soleo, idest  
 non admodum firma: me tamen cum domestica quie-  
 te, tum definita quadam victus ratione, aliqua etiam  
 animi tranquillitate tucor atque sustento. Vale.  
 Mediolani. Kal. Non. MDLXXI.

E I D E M,

Bononiam,

4

OLEAS Mediolanum vsque? mirus amor, & sin-  
 gularis humanitas. Sed vide, quid acciderit. venit in  
 mentem Simonettae tuo, vt est homo perelegantis in  
 genij, munus tuum cum suo munere cōiungere, & sub  
 amari saporis oleas, quo ipso gratae sunt, alio tamē sa-  
 pore gratiores efficere. itaque misit ad me scite admo-  
 dum condita cotocea; & qui attulit, cum mihi tuo no-  
 mine salutem dixisset, addidit illud, quod Simonetta le-  
 pide cōiecerat, de olearū sapore tēperādo. Est igitur cur  
 vtriq. vestrū pares agā gratias: nisi si paullo fortasse  
 maio-

maiores tibi debentur, cuius occasione liberalitatis alia videtur exorta liberalitas. quamquā Simonetta iam antea sane uel plurimū debeam, quod humanitati suae tantum tribuisset, ut ad me, vir nobilitate praeſtans, & senatorij muneris honore insignis, domū veneret, horasque mecum aliquot suauissimo sermone cōsumeret. quo quidem in genere, si mihi non dicā per studia, quae licet periucunda, volūtatis, tamen, arbitrijq. mei sunt, sed per valetudinem, cui seruire necesse est, liceret: ita me officio vitīcū nō paterer: quemadmodum animi certe voluntate non vincor. Ego propter frigoris magnitudinē domo pedem efferre adhuc nō audeo. itaq. paucis vtor. Capra hospes meus, & Ferrarius, ille quotidie, p̄sertim vespertinis horis, hic, quantum ei vel a philosophiae studio, vel ab amicorum negotijs vacat, tantum fere mecū est. horum virtus, humanitasq. facit, ut & paucos, & pauca desiderem. et omnino, si studiorū similitudo si officia, si mores beneuolentiā gignunt: multos amore completi, non illo vulgari, sed eo, qui excellit, id est qui inter nos est; quam non facile sit, opinor uides. nam, quod in epistola tua, grauissime, atq. ornatissime scripta, speras posse fieri, ut a Simonetta tantū diligar, quantū vel ille a te, vel tu ab illo diligeris, addo etiam, quantū ego me a te diligī pro tuis maximis officijs iam pridem mihi persuadeo: id quae ratione possit euenire, cū aut in eū intuear, aut ipse me perdendo, non equidē intelligo. diuersa studia sunt: consuetudo nō intercessit: vitae ratio dissimillima. illum publica negotia, summarumq. rerū cura distinet: ego humiliterarū otio delector. ille, ad amplitudinē natus, curat ea, q̄ speciem, &

*Spem litem habeant; ego, si quies animi datur, si colere licet eas artes, quibus a primis temporibus ætatis meum omne studium, operamq. dedi, cetera prope contemno, quærenda certe magno cū labore non arbitror. denique illi celebritas, mihi, ut fatear id quod est, solitudo, vehementer placet. Faciam igitur, quod officij mei esse duco, & quod a me dignitas hominis, ac virtus nō modo postulat, verum etiam exigit, ut eum omni tēpore, quamquam absens longe q. disiunctus, animo diligenter obseruem, memoria colam, ijs etiā ornem laudibus, quibus ille suis maioribus ut respondeat, sic enititur, ut assequatur. quod eum scire tuis litteris, & persuasum habere, si cognouero: summo me, ac singulari affectum abs te esse munere iudicabo. Vale.*

*Mediolani, Kal. Febr. MDLXXII.*

---

*E I D E M, Bononiam.*

*Quid est, cur sperem assequi me posse tua merita officijs meis? par in utroque voluntas; id enim iuvat credere: sed condicio longe dispar. tibi enim ad me ornandum vna cum uoluntate suppetunt reliqua, auctoritas, dignitas, virtus: mihi ad gratiam referendam, præter voluntatem, nihil prope relinquitur; itaque, tu me magis ut diligas, quam ego te, numquam concedam: idem, officiū residere plus apud te, semper fatebor. dissimulem? nihil me ingratus. negem? facile refellar. testes erant antea meritōrū tuorum, egregiaq. cuiusdam voluntatis erga me sane quam plurimi; nūc accessit, qui pro sexcentis vnus est, vir amplissimus*

*Scipio*

Scipio Simonetta: qui, quod me amet, quod aliquid esse putet, quod etiā in sermonibus laudet, magnam in eo sane benignitatē hominis agnosco; sed tibi quoque tribuo: cuius ille iudicium quanti faciat, quo primum die sum eum allocutus, haud obscure perspexi. Quod scire vis de mea ualitudine, quā tibi summae curae esse vehementer gaudeo: tātum abest, ut optima fruār, ut ab optima absim aliquanto etiā longius, quā a deterri-  
ma. ac si mihi mediū quiddam cōtingat, praeclare me cum agi putē sed, id ut optare potius liceat, quam spe-  
rare, aetas facit, & valetudo. studia mitto: à quibus diuelli non queo. nihil me magis, quam scire, delectat. ita scribo, ut ad alios industriae meae fructum perueni-  
re cupiā: sed, mihi crede, plerumque fit, ut, quo diligē-  
tius in hac cura uersor, eo plura ipse discam, quā alios doceā. De amicitia si tibi scrupulus molestus est, euo-  
let eum aut Aristoteles, aut Cicero noster: quos tu cū  
magistros habeas, miror sane, cur ad me quidquā refe-  
ras. nam ego me vel scire nihil puto, quod tu nescias:  
vel si quid scio, ab illis didicisse confiteor. hoc tantum  
dicā idque tua caussa mi Camille, quādo te hoc de ge-  
nere libenter uideo disputare: si quis perfectā illā ami-  
citiā, cum ex duobus animis tamquā vnus fit, ut affi-  
ciantur pariter in vtraque fortuna, ut nihil iucundū,  
nihil triste separatim, communia sint omnia; hoc, in-  
quam, genus amicitiae si quis cogitet, & ea, quae legū-  
tur in libris, inter homines quaeret, eum frustra labo-  
rare. est enim amicitiae, ut reliquarū rerum omnium  
idaea quaedam & species absoluta: cuius praestan-  
tiam mente comprehendere, & ingenio consequi for-

tasse licet, exempla certe sub oculos non cadunt. haec ego ita sentio: tu si quid contra, doce me. Vale.  
Mediolani Idibus Mart. MDLXXII.

E I D E M,

Bononiam.

6

AGRI vestri, siquidem, ut scribis, imbribus, irrigari coepit sunt, meliore, quam nostri, qui adhuc ualde sitiunt, caeli munere fruuntur. de uindemia tamē. quod ad bonitatē firmitatemq. uinorum attinet, bene speratur: de copia, fore certum est, ut non abundemus. Ego, non expectatis imbribus, iam sarcinulas collegeram, ut in uiam me darem: nihil enim erat potius, quā ut demū redirem, eoq. itinere te uiderem, & uillulam tuam, utroque autem fruerer, quamdiu per anni tempus liceret; sed uicit consilium meum Cardinalium uoluntas: quorum opera est effectum, ut GREGORIUS XIII. Pont. Max. qui tamē sua sponte liberales disciplinas miro quodā studio amplectitur, fouet, alit, honorifico me stipendio retinēdum putauerit. Hic igitur cogimur consistere, libenter, ut Romae, in summa celebritate, & amicorum copia; inuiti, ut a te disiecti, cuius consuetudine non semel, aut iterum, sed perpetuo aestiuis mensibus, amoena regione, iucundo otio, cum communibus musis frui cogitabamus. hoc tamen quidquid est incommodi, non illud quidem penitus, sed aliqua saltē ex parte quātum scilicet per utriusque occupationes licebit, litterarum commodo sarcietur. Vale.

Romae. VII. Id. Sept. MDLXXII.

HIE



HIERONYMO. CAPRAE  
Mediolanum.

7

QUOD ad me Camilli Palaeotti, uir nobilissimi, meq. amantissimi, litteras misisti, ualde gratum: quod uero cum ijs etiam tuas, easq. Latine scriptas, & ita quidem, ut Romanam illā ueterem elegantiā redoleāt, multo etiam gratius. nam ut, Mediolani cum essem, interdū sermone tuo summa cū uoluptate fruebar: sic, adempta mihi nunc tui sermonis usura, totam spem huius mitigandae molestiae tuis in litteris repono. quāquam hoc in genere ita moderabor meae cupiditati, ne tibi plus oneris imponā, quā uel occupationes tuę, uel studia patiantur; cum praesertim eadē scribendi lege pariter utrumque nostrum teneri acqui sit: ut, cū tibi caueam, mihi quoque, multis curis implicato, cauere simul uidear. quid igitur faciā? nimirum id, quod unum relinquitur, ut ex amoris in me tui memoria solatium capiam, ea fruar, in ea te absentiē intuear, alloquar, amplectar, & si deceptata re falli me sinam errore periucundo. atque haec quidem in perferendo tui desiderio satis commoda ratio est, illa perdifficilis, remunerandi officia tua, quae cum libenter, & saepe cogitē, egregieque partes in eo meas animo expleā, nisi tamen id tibi re ipsa aliquādo persuadeā, non bene me cū actum existimabo. Extremum illud est, quod a te uehementer peto, ut, quantum mea caussa uis, quē uelle arbitror quantum cupio, tantum studij ponas in tuenda

mihî beneuolentia, cum qua thesauros non permutaue-  
rim, virorum illustrium, sapientissimorum senatorum,  
Scipionis Simonette; Ludonici Macentii, Hieronymi  
Montij: quorum erga me singularem humanitatem, se-  
mel atque iterum salutationis officio perspectam, nul-  
la umquam apud me debuit obliuio. Aldus filius te sa-  
lutat, amicitiamque tuam, vt debet, plurimi facit.  
tu salutem viro optimo, multisque virtutibus orna-  
to, Hannibali Cruceio, dices meo nomine.

Vale.

Venetijs. IIX. Kal. Maij. MDLXXII.

HANNIBALI. CRUCEIO

Mediolanum.

8

INFIRMO adhuc corpore ob recentem morbum  
nec mente, vt vere dicam, satis tranquilla, feci tamē,  
vt haec ad te exararem, amore impulsus, quo te sum  
complexus ante multos annos: cui tu, ne quid addi iā  
possit, humanitate tua probitate, virtute perfec-  
sti. Ille igitur amor, qui me ad scribendum impulit,  
idem purgationem tuam, quod me non salutasses in  
discessu, vt indignam vtroque nostrum plane respuit.  
Ego de te, totūque valetudine quam saepe quae-  
sierim, Ferrarius noster optimus testis est: atque  
ille de te ea, quae volebam scilicet, de filia paullo du-  
riora; quae comprobata euentu, teque aetate ingra-  
uescente tam graui percussū esse vulnere, ut debeo  
vehementer doleri ac mihi quidem parte: esse meas

venien-

ueniēdi ad te, ut hominis amantissimi officio fungerer, saepe tūc in mentem uenit, sed cum opem tibi a me afferri nullam posse, molestiam uero fortasse aliquam posse, intelligerē, essem praeterea, ut soleo, imbecillior, tenui me, inuitus equidem, sed tamen tenui. tu certe, cum iaceres, aut confirmato corpore nondum esses, ad me ut uenires, expectare non debui. non enim is ego sum, qui plus amicis oneris imponā, quam quantū ipse suscipiā. Ego mihi largior, & hoc in primam amicitiae parte pono, ne quē colā ambitiosius, ne saepe domū eā, ne tēpus inani sermone conterā, ne deducendi, aut reducendi laborem, & molestiā capiam. Quae si mihi concedi uolo; cur ea tibi, uel alijs eripiam? At et purgas te de superiori tempore, quod sex amplius mē sibus, idest quamdiu Mediolani mihi esse contigit, ter, aut quater ad me ueneris. Id quidem satis ab Hannibale Cruceio fuit, homine publicis muneribus assidue distento, domesticis etiam tricis impedito, quae nobis, qui, liberos habere, & patres familias appellari, pulchrum putauimus, negligendae non sunt. Sed, ut haec omittam, atque huius generis alia, quae tibi cum multis communia esse possunt, & ut attingam eam, quae uel tua propria sunt, uel certe comunia cum paucis: nullum ne munus, nullum ne priuilegium habet uirtus? ea uero habet, & quidem maximum, ne uulgis legibus teneatur, ut sui iuris arbitriūque sit, ut se ipsa fruatur, ut otio interdum, & solitudine gaudeat. sint igitur uisitationes uoluntariae, sint gratae semper, & iucundae, ideo tamen rare, quia perquam raro necessariae. faceffant haec à nobis uulgaria, mi Crucei, in  
qui.

quibus non modo officium, uerum etiam laudem quidam locant: ego inepta, uilia, putida censeo, minime digna iis artibus, studijsq. quae colimus. uiget, & uigebit ipsa per se, externam opem contemnens, suis fulta uiribus, necessitudo nostra. absentes, praesentes iidem erimus: & multa etiam, quibus praesentes saepe carent, animorū coniunctione, studiorumq. similitudine cōsequemur. cur enim, quod ipse tibi de me polliceor, & quod libenter praestabo id a te, uiro optimo, omniūq. humanissimo, non expectē? Vale, & Ferrario meo salutē. Venetijs, idibus Maij. MDLXXII.

## IOANNI. CRATONI

Viennam.

9

QV. A primum hora in patriam redii, unde menses aliquot absueram & uoletudinis, & otij causa, quae sui statim de filio, Ecquid Crato nosceret? Valet, inquit, & nos amat: deinde, quid tu ad illū de me, quā saepe, quā amāter, quid ille ad te scripsisset, pluribus uerbis exposuit. uix credas, & cum salua hic omnia compererim, & eam nurum, quam uolebam, aetate, moribus, forma, quantus tamen ex litterarum tuarum humanitate laetitiae cumulus accesserit, quamquam, cum mihi iam antea & natura, & cōsuetudo tua nota sit, peccare mihi uidear, & graui admodū scelere obstringi, si, quod ab utraq; abhorreat, & quod utraque indignum sit, suspicari me umquam patiar. Nec uero, me quidem id, quod mihi boni contigit, agnoscere, lāguere  
autem

autē in gratia referēda, uelim existimes. refero enim,  
mi Grato, referamque dum uiuam: at quibus rebus?  
iis, quibus te contentū fore scio, memoria, amore, obser-  
uantia. nā reliqua neque tua dignitas, neque fortuna  
exspectat: neque is ego sum, quī possim paria paribus,  
aut qui officium potius in compēsanda re, quā in eme-  
tienda uoluntate positū putem. in quo illam capio uo-  
luptatē, quod filius meus, quem studijs mihi & institu-  
tis per simile esse fortuna uelim paullo meliore, te in  
oculis fert, laudare non desinit, sicut alterū parentē ob-  
seruat, & colit. is excusat silētium suum: habet enim,  
non modo quod assidue agat, uerum etiam quod liben-  
ter agat in nouis nuptijs: quae si quid parient, uel dicā  
etiam ominis causa, quod parient, id tibi, aut qui tuo  
nomine agat, sacro lauacro suscipiendum defertur: ut  
amicitia nostra, tuis instituta non uulgaribus officijs,  
nostris ad hāc diē studiis egregie culta, religionē quan-  
dā assequatur, quae labē ab ea culpāque prorsus om-  
nē perpetuo remoueat. Mediolani abditus in litteras  
uixi, si quacris, quo studiorū genere: ex planādis Cicero-  
nis orationibus: quod mihi propositum fuit ante mul-  
tos annos. nunc dandi sunt dies tū amicis, tum etiā ne-  
gotijs. Commentarios in epistolae, quae familiares uo-  
cantur, conuitio iā prope efflagitatos, debere studiosis  
diutius uix possum. id nunc cogito, ad quem mittātur.  
an ad eū, qui me ornauit ea dignitate, cum qua nullas  
opes cōfero: tu statue; ad te enim refero, cui uel prudē-  
tia, uel amore erga nos quē anteponā, habeo neminē.

Vale. Venetijs. XI. Kal. Maij. MDLXXII.

## HENRICO. ET. CAMILLO

CAETANIS

Perusiam.

10

ACCIDIT incommode, vt, quo ego tempore ad urbem veni, negotij quidem caussa. sed maxime studio nostrae consuetudinis ex interuallo regustādae, vos eodem fere Perusiam ex urbe disceſſeritis. quamquam cur ita loquor? recte vos, & sapienter fecistis, istā salubritatē secuti, urbe relicta anni tempore difficillimo. quo pro mea in vos singulari beneuolentia, sane vehementer laetor. mecū autē actum est incōmodius, qui vestro adſpectu, vestro sermone caream, ex quo summam voluptatem spe, & cōgitatione praeceperam. at potest hoc sarciri litteris. qui potest? habent enim litterae suauitatem, sed, ut ego sentio; minime cū ea, qua praesentes fruimur, cōferendā: vel quod in familiari sermonē arripere licet argumentū ex quacūque re, quae gratissima libertas est: vel quod in voce, oculis, vultu est quiddā, quod amemus magis. nō modo quā in litterarū notis, sed saepe etiam, quam in rebus ipsis, quae litteris explicātur. quo molestius careo sermonibus uestris, qui praesertim fore suspicer, vt circiter id. Sep fractis iam hic caloribus, quibus maiores nōtinimus, cum filia, quā ante biennium aegra valetudine discedens in coenobio sacrarū virginū reliqueram, in patriā reuertar. hoc si euenerit, spe mea frustratus, fortunam accusabo. vos quidē animō cōplectēs, dū de vestro erga me amore, dum de moribus, dū de uirtute cogitabo: quod  
mibi



*mibi nec ipsa fortuna, nec ulla dies umquam eripiet:  
facile, ut spero, consequar, ut, quasi officium meum ex  
aliqua parte persoluerim, ita dolor, & desiderium ex  
aliqua saltem parte leniatur. Valete.*

*Romæ. VI. Kal. Sext. MDLXXII.*

---

CAMILLO. CAETTANO

Perusiam.

14

*Diligentiam literarum uerus amor non desiderat.  
itaq. quod per biennium nec ego ad te, nec tu ad me  
quidquam scripseris, utrumque nostrum libenter omni  
culpa libero. te quidem etiam uehementer laudo, quod  
a iure civili, in quo perdiscendo totus es, ab ijs artibus,  
unde manat decus, officij minime necessarij causa desle-  
tendum non putas. nam, quod ad me attinet, uixi cū  
ueteribus musis, fortasse parū utiliter, sed tamen uixi.  
quamquam quid utilius, quā recte ualere? id ego pere-  
grinatione, et libero quodam uitæ genere, si minus quā  
optabam, at certe plusquam sperabā, sum affecutus.  
videras hic me diu languentem, uidi ego sæpe dolorem  
tuum: quo quidem amoris argumento ita sum latatus,  
ut medicinam præstantiorem nullam senserim. nūc be-  
neficium illud tuum, fratrisq. tui Hærici, omni laude, q̃  
cadere in adolescentem possit, ornati, tueor, ut æquum  
est, & tuebor memoria sempiterna: officijs etiā gratū  
fore me dicere, si modo uestra uel fortuna, uel uirtus of-  
ficium a mea tenuitate ullum expectaret. De Antonio  
Persio scripsi ad filiū diligēter. nō dubito, quin, ubi o-  
pus esse intelliget, eo curā, operā, industriam suam om-  
nem*

nem conferat, neque id magis, vt mihi obsequatur, quam vt a vobis gratiam ineat, atque adeo, vt hominem excellenti virtute praeditum eo sibi conciliet officio, vnde in homines quam plurimos, & multas aetates haud minima diffundetur & propagabitur utilitas. Vale, & salutem fratri plurimam.

Romæ. v. Id. Quinct. M D LXXII.

## HORATIO. CARDANETO

Perusiam.

12

Cum ante aliquot annos excellere te cognouerim ijs artibus, quas qui non diligit, hominem vix puto; & cum ad hanc laudem ornamenta morum, probitatis, humanitatis, id quod paucis admodum cōtigit, addideris: quid est, quod malim, quam sic amari abs te, vt me tibi parem animū reddere, teq mihi carissimum esse tibi persuadeas? amoris autē signa cum a te multa sint, hoc eiusmodi est, vt eo maxime delecter, quod me Perusiam inuitas, et quasi de uetere nomine appellas. ais enim promississe me, nec pmissum soluisse nae tu bona memoria es, quā tamen amor in me tuus aluit, & confirmauit. at mihi id exciderat, vel quia tunc ratione temporis consilium mutare sum coactus: vel quia leues culpas uerus amor facile dissimulat. nunc in sūma tibi obsequēdi voluntate vide qd obsistat. ego, si cū vno altero ue puero iter habere, expeditus nullo negotio excurrere ad te. qd autē incundius, quā Caetanis meis, tibiq. non modoid optanti, sed etiā exigenti dies aliquot dare? sed

re? sed exiguo comitatu, cum filiam virginem ducam, tot diernam viam conficere quam honestum sit, tute cogita. Accedit illa molestia, quod duas lecticas, diurna mercede conductas, quaternis scilicet scutatis in die, ultra praescriptum a lecticarijs tempus remorari nō licebit. brevis enim mora ferri posset: sed in uestra consuetudine, vestrisq. sermonibus, addo etiam in lauta, nobiliq. ciuitate, biduum hora esset. Habes meam causam: quam, non video, cur nō probes. nam, quod ad animi voluntatem attinet, tu ut cupidior mei vidēdi sis; quam ego tui numquam concesserim. Vale.

Romae. Id. Sext. MDLXXII.

---

M. ANTONIO. CIOFANO

Sulmonam.

13

VASCVLO aereo, quod ad me Hercules frater tuus heri attulit, nihil amabilius, neque id usu magis ipso quā operis elegantia. equidē, Salmonēses homines valere ingenio, satis antea cognouerā, hoc artificij genere ceteris hominibus antecellere, vix umquā putassem. nūc perspecta industria, illos laudo, te de isto munere vehemēter amo. Nos hic fracti caloribus maximis, languemus, ego in primis, tenni admodū & infirma valetudine. itaq. ingenium, artemq. si tamē ingenij, aut artis aliquid in me est, nō, ut solebā, in litteras, & studia, sed anni tempore coactus in unam valetudinis curam confero: & si quid proficio, quae doctrina praestātor? vos isti, nisi me fallit poeta uester, gelidas undas, easq. vberrimas, habetis. nimirum istuc est viuere, si cui caelum

lum eiusmodi contingat, ut hieme te peat, æstate refrigeretur. quod si utrumque non licet, uel alterutrius optio detur ordinem naturæ non equidem contemno, uerum tamen æstiuam temperiem, nec ut arbitror, iniuria, longe prætulero. nam frigoris acerbitas cæcino luculento, pellita ueste, cibi etiam ratione mitigatur: caloris leuanda molestia, pauci sunt, qui sine periculo remedium inueniant. est igitur, cur tibi gratuler, cui contigerit id, non modo. quod ego pluris facio, sed fortasse etiā quod re uera pluris est. ego si dignus amore tuo, dignus etiā dolore sum, cuius ad naturalem imbecilitatē uix ferenda robustioribus æstus incommoditas accesserit. Vale. Romæ. v. Kal. Sext. M D LXXII.

---

HORATIO. MORONO.

14

Epistola tua, sermonum tuorum simillima, quam me affecerit, qua uoluptate perfuderit, quem ad meā superiorem erga te uoluntatem cumulum addiderit, nec mihi uerbis explicare, nec tibi mente consequi facile sit. o miram prudentiam, suauitatem, elegantiam: equidem antea te nō uulgariter amabā, uel quod Ioanni Morono Cardinali, præstantissimo uiro, cuius in me exstāt merita quamplurima, popinquus esses, uel quod ore sermone, moribus modestiam singularem præteferres. nunc uero, cum ex epistola tua, quā longe per eloquentiæ rectissimam uiam ingenio, studio, industria processeris, intellexerim, neque solum, qui nunc es uerum etiam, qui futurus aliquādo sis, conijcere potuerim: ita sum amore incensus, nihil ut umquam senserim ardentius.

mus. & quamquam haec adolescentiae tuae tã praeclara principia gratulationem potius, quã cohortationem, requirant: in eam tamen partẽ nescio quo modo libentius delabor, vt te hortor, adrogẽ, ne contentus cõmuni laude sis, ne mediocribus acquiescas, ne praestantiã naturae tuae languere vinqũã sinas. sed eam ita exerceas, vt quod adhuc fecisti, & quod facturũ te esse non dubito, aetatem semper virtute vincas. in eo si putabis omnia summa esse collocata: mihi crede, omnia summa ad te confluent. quaeritur enim cũ labore virtus: ea vero sine labore omnia cõsequitur: qđ qui ignorant, aut qui aliter sentiunt, nihil habẽt in vita firmũ, nihil stabile, dubia semper fortuna vacillant, nulla re perpetuo fruuntur. Vides autem, opinor, non eũ te esse, cui liceat vtrũ vis. nam obscuro loco nati si dignũ laude nihil praestãt vitio non datur; domesticis enim latebris desidia tegitur: a nobilibus autẽ quasi debita res exigitur virtus: eam si habẽt, vere nobiles dicuntur: si secus, illa ipsa a maioribus accepta nobilitas dedecus & culpã auget. te familiae tuae claritas ad gloriã vocat: tibi rectũ atque expeditũ iter ostendit: deflectere te, aut offendere nusquã patitur. quae tamen proponenda tibi ne sint, effecisse iam videris, totus addictus liberalibus disciplinis, totus incumbens ad ea, vnde verũ decus, & vera nobilitas exoritur: vt, qui tua studia plane nouerit, is tecũ gratulatione potius, quã ego omiseram, quam cohortatione, vtendum esse iure putet. A me tamen quae dicta sunt, sic in bonam partẽ accipies, si prius, eũ esse me, tibi persuaaseris, qui tuae laudi, tuisq. studijs libentissime seruiat. hoc enim si cre-

des, res ipsa te profecto uumquā faller. Vale. XIX.  
Kal. Sept. MDLXXII.

## ANTONIO. FVRNARIO

Napolim.

15

QVOD felix, faustumq. sit, iterum Romae sum, id  
mihi, non dicā inuito. (quis enim inuitus, honesta prae-  
sertim condicione, Romae sit?) sed certe nec opinanti  
cōtigisse, uelim credas. nam, cum, post obitum PII V.  
Pont. Max. quo sedente nescio quo meo fato secundis  
vti uentis haud satis mihi umquam licuit, eo consilio  
ad urbem uenissem, ut nubilē iam filiam, quā hic, biē-  
nio ante aeger discedens in coenobio celeberrimo, sa-  
cris commendatam virginibus, reliqueram in patriam  
ad nuptias reducerē, exceptus incredibili omnium lae-  
titia, praecibus amicorum, suasu Cardinalium, iussu  
GREGORII XIIII. Pont. Max. cuius ex mente  
propter sanctitatem, ac sapiētiam, honesta omnia, uti-  
lia, salutaria proficiuntur, sedem hic statuere, & re-  
deundi consilium abiicere sum coactus. quod tibi, mei  
amantissimo, qui me olim discedente doluisti, significan-  
dum putaui. uidere enim mihi videor tuum uultum, cū  
haec leges. utinam tu quoque uideres animum meū,  
dū haec scribo. tua laetitia mihi laetitiam affert; in amo-  
re pari, qui tuus est sensus, idem & est, & esse debet,  
meus. mutuae voluntatis fructus nō apparet; quid tū?  
non ij sumus, qui amicitiam utilitate metiamur: iā pri-  
dem erudiui animum, & docui, uulgaria quaedam cō-  
temnere, in bonis, doctisq. uiris fortunam non quaerere.  
sola uirtute, quae nulla re indiget, nullā extra se appe-  
tit,



tit, contentum esse. in quo tuos sensus meis cū sensibus congruere, neque dubito, & uehementer gaudeo. Vale.

Romae. XII. Kal. Octob. M D LXXII.

---

MARTINO. BERZEVICAE.

Patauium.

16

EGO vero & postremis Cratonis litteris respondi, contra quā tu existimas; & illius epistolam, tum quia testis, esset amicitiae nostrae, tum quod ita scripta, ut ad elegantiam parum, ad prudentiam certe nihil posset accedere, vna meis imprimendā curauī. quod tamē antea familiaribus meis, uehementer petētibus, excluderā. nunc id ei submolestum fuisse, indicāt litterae tuae. in quo summā eius modestiam agnosco. meae quidem cogitationes, praeter illius laudem, nihil spectant. quod si aliter ei persuasum crederem, uitam mihi acerbam putarem. nemo est, cui me magis debere & confitear, & gaudeam. Volumen epistolarum mearum, cum valetudinis causa ab urbe discederem, dedi negotiū filio, ut ad eum mitteret. nec mandatū neglexit. amat enim, obseruatq. Cratonem, pro suis erga nos officijs, aequae prope modum, ac me ipsum. Quod ais, Patauij cum essem, adire te ad me, nisi Pinello duce, ausum non esse; cum tamen Romae perhumaniter a me esses acceptus: id equidem valde sum miratus. tibi tua uirtus adiutū facile patefecit ad amicitia meam. utinam is sim, qui praestare aliquid tua causa possim. ambigere te non paterer de animo erga te meo. Filius te salutat. Vale.

Venetijs, XII. Kal. Sext. M D LXXI.

EPISTOLARVM  
PAVLLI . MANVTII  
LIBER . DVODECIMVS.

CAMILLO . PALAEOTTO

Bononiam .



**N** tu? litteras ego sine nomine, praesertim ad te, quem tanti facio, quanti fortasse neminem? equidem erratum meum vix agnosco. itaq. peto a te, vt mihi litteras illas remittas: quo simul intelligā, de emblemate quid scripserim: si modo is ego sum: qui aliquid scripserim. valde enim hoc quoque perturbor. Quod ais me rursus in bellum: dominare, quaeso, melius. ego enim quietē, ego otium, ego studia mea & vrbi, & vrbis rebus antepono. sed si & vrbe, & simul studijs meis frui licet: quis erit tam inquis rerum aestimator, qui mihi nō concedat? otij quidem adhuc, quantum optaui semper, tantum conceditur. negotium sponte nullū suscipiam. imponetur: feram, quoad licebit, idest quoad instituti mei ratio permittet. nihil enim malo, quā posteris prodesse. in eo mihi diuitiae, in eo sunt omnia. quod si non assequor id quod propositum est: me tamen ipsum, conari, & velle, delectat. vtinam consuetudine tua ne carem: nam, cā si caderet, in caelo essem. voluntas utrique nostrum eadem fuit, facultas defuit. Vale.

Roma. XII Kal. Oct. M D LXXII.

EI.

E I D E M, Bononiam.

2.

AGNOVI erratum amanuensis: in quo tamē sub  
 accuso negligentiam meam. nam si, scribere, est officiū:  
 omnes officiū partes cōplecti, eius est, qui cum vehe-  
 menter amet, tum etiam amare vehementer debeat.  
 eū autē esse me si profitear, & prædicem: quod utrū-  
 que facio, faciamq. dum viuam: non est, cur me quidā  
 quā dare auribus, aut gratiae causa fingere, quisquā  
 putet. tu enim is es, cuius in me ornando studiū eiusmo-  
 di semper fuit, vt non modo quantū possim, sed plus ēt.  
 quā possim, tua debere causa mihi videar. ideo fit, vt, si  
 quid in minimis etiam rebus aut omittam, aut cōmit-  
 tā, sceleris prope loco ponam. tu autē cum dissimulas,  
 mihiq. ignoscis; ingenium simul & humanitatē decla-  
 ras: nec me tamen culpa, curā ve liberas. ego enim, cū  
 tibi de ista facilitate agā gratias, ipse tamen mihi non  
 ignosco, aut eatenus ignosco, vt aliquo dolore non ca-  
 reā. Villula tua, nō est, cur a me quidquā exspectet, cū  
 in te ipso sit, quod aliunde quaeris. atq. illa quidē, vt ar-  
 bitror tecū, si posset, ita loqueretur. Ego te sessum vr-  
 banis curis recreo; ego otii, ego tibi valetudinem resti-  
 tuo. a me fruges, a me poma, a me ēt auiculas & pala-  
 to gratas, & stomacho vtilis, habes. deniq. aut, hic dū  
 es, viuīs, aut numquā viuīs. nunc tu me orna, quod po-  
 tes. noli pati me ad quemquam confugere, aut cuiquā  
 debere, nisi tibi, cui libēter debeo. Has voces, mi Camil-  
 le, quas tacita videtur emitte, noli contemnere: re-

fer aliquam gratiam bene merenti: vt, quid tu illi, quid illa tibi, debeat, omnes intelligent. quam enim tu vnus optime nosti, quis, nisi tu vnus, de ea optime loquetur. Vale. Rome, XIII. Kal. Dec. M D LXXII.

E I D E M,

Bononiam.

3.

DE oleis quid exspectas? eadem, quae antea, ad spectu pulchrae, sapore per quam gratae. pleniores etiā, quam anno superiore, caeli ne munere, an tuo delectu visae sunt. agere gratias, si tua ferret humanitas, & nisi iam inter nos, pro uetere amicitia, ac familiaritate, putidum id esse videretur. tuam quidem industriam, quod eas tua manu seueris, atque alueris, nec admirari satis, nec laudare possum. quod uero eius industriae fructu ad amicos et absentes peruenire vis, & quod in eome numero locas: vtrique nostrum acque gratulor. nam de nomine, oleae ne poma sint, in quo tu mihi, suscepta grammatici persona, quasi litem intedis, ipso a te munere dolentius non contendam. quamquam, si nuxes & amygdalae quae ipsae quoque oleum efficiunt, poma sint; quod, opinor, non negabis; cur oleas inter poma referri non liceat, haud equidem intelligo. sin tu de earum nobilitate laborans, ut fere suum opus amat omnis artifex, fruges appellari mauis: indulgebo non inuitus: ne te mihi, tamquam tuis muneribus detrahenti, subratu liberalitatis tuae cum aliquo fortasse meo dāno paeniteat. Vale. non. Ian. M D LXXIII.

E I D E M, Bononiam.

4

*QV*AE mihi res maximae curae fuit, & i qua meas  
 omnes cogitationes, omniaq. studia fixeram, & locarā  
 ea cum ex animi sententia, diuino fauente numine, suc-  
 cesserim litteris tibi, mei amantissimo, significandū pu-  
 tati. Vnicam filiā, inter sacras virgines educatā, non  
 habetē ingenio, nec paucis, nisi me fallit amor, virtuti-  
 bus instructā, iuueni optimo satis honesti loci, hand po-  
 stremi ordinis in iure ciuili, addo etiam, quod hodie po-  
 tissimū requiritur, a fortunae bonis nō imparato, meis  
 reclamantibus, de sententia tamen fidelium amicorū  
 despondi. hoc tu meū consiliū, pro uetere nostra ne-  
 cessitudine, tuaque aequitate, non dubito quin & pro-  
 bes, & omnibus optimis prosequare. equidē onūs Aet-  
 na grauius deposuisse mihi uideor: speroque fore, ut,  
 quod reliquū est uitae, uacuo curis animo trāquille de-  
 gā. Quaeris, ubi Romae, si per ualeitudinē licebit. nā hic  
 me fere tota meū actum est non optime, communi ta-  
 mē pituitae morbo, quo robustiores etiam laborarunt,  
 alij sine periculo, alij sic, ut decesserint, in quibus fuit is  
 cuius obitu dolendū est maxime, poetica laude insignis,  
 Amaltheus. mihi eadem, quae antea, uictus ratio me-  
 dicina fuit, necdum audeo institutum mutare propter  
 anni tēpus. inaequale, in publicū, nisi necessaria re co-  
 actus nūquā prodeo, domesticis me finibus teneo: & cū  
 libellis, idest cum amoribus, & deliciis meis, iucundissi-  
 me uiuo. Orationem pro Archia cum meo commentu-  
 riolo scire cupio an acceperis. absolui iā in reliquas om-

nes duabus exceptis, pro Ligario, & Deiotaro: quam bene, alij iudicabunt, magno certe cū labore, opera nūquā, nisi per morbū, intermissa. Quidam etiam explanare sum aggressus: & ut se principia dederunt, videor aliquid praestare posse. assentor mihi fortasse: nā sua quisque amat: verumtamen hic omnes, praesertim qui litteris excellere, putantur, initium, quod ad te mitto, valde probant. Cardinalem, fratrem tuum, veteris exemplum innocentiae, columnen sanctae sedis Apostolicae, salutari a te meis verbis, magis opere cupio. Vale. Romae, XII. Kal. Martij. M D LXXIII.

---

E I D E M, Bononiam.

SIC tu par pari. ego de filia mea paullo ante collocata, nunc tu de tua significas. cuius rei quae tua laetitia sit, meus me sensus admonet. equidē cum ea voluntate, quam cepi superioribus diebus, quam spero diuturnā fore, prorsus nihil confero. & quia te pariter affectum existimo, mirabiliter gaudeo. postulat enim noster amor, ego secundis ut rebus tuis aequae laetar, ac meis, tu meis ~~ma~~issim aequae laeteris ac tuis. Cozadi-  
na familia vel doctrina, & sapientia, vel honoribus, & rebus gestis praeclari nominis est. generi tui pateris & fuit in omni vita, & nunc quidem is maxime est, cui praeferrī nemo integritate, ingenio, dignitate, conferri possint admodum pauci. filius adolescens, ex omnia te, tali viro, iuuentute probatus, atque electus, nō dubito, quin & parentis, & maiorum suorum laudibus egre-



egregie respondeat. Quo circa tibi, ut debeo, de ista cōiunctione uehementer gratulor: eamq̃ Deum opt. max, ita fortunare uolo, ut maiorem quotidie tui cōsiliū fructū, uoluptatemque capias. Quod autem, abiecta rerū urbanarum cura, otium, & solitudinem cogitas: ignosce, non assentior. tu ne, cum auctoritate ualeas, uirtute excellas; cū ita factus a natura sis, ita liberalius disciplinis institutus, ut prodesse patriae, laborantibus amicis opem ferre, familiam tuam, illam quidem satis claram, adhuc tamen illustrare possis; tu haec deferres omnia, ut uni tibi uiuas? obsecro, quis probabit? vel dicam etiam, te permittente, quis non improbat? ego sane, qui te natum rebus maximis iam pridem intellexerim, si feceris id, quod significas ut salutem curiae, foro, negotijs dicas, probabo fortasse ominis causa, & tibi cupiā, quidquid agas, ex animi sententia succedere; sensibus tamen quin agar intimis, impetrare a me non potero. quid ceteri, quid sentient? quid eloquentur? nam, etsi genus illud vitae, quod ordinis, totū cum uirtute coniunctum, reprehendi posse non uidetur: tibi tamen, ut opinor, multo minus, quam alijs, pro tua superiore vita, beneq. de omnibus merendū praeclara consuetudine, conceditur. At ego me litteris totum tradidi. id enim obijcies. Diuersa, mi Camille, ratio est. ego enim, quod praeclare posse uideor, homo a rebus gerendis alienus, valetudinis incommodae, non magni animi, id libenter unum ago & quidem in urbe Roma, quod tu miraris, ut in deserta solitudine, interpellante nemine. quod beneficium optatum antea potius, quā speratum, nunc a Pontefice optimo, ac libe-

niam fieri quotidie mitiora sentio; aliquam in dolore voluptatē capio: cum praesertim prope anniuersarius hostis uoletudinis meae iam abierit autumnus. Oleis tuis, quibus me, quocunque loco sim, carere nō pateris, in quo tuam beneuolentiam agnosco, fruor cum filia, et genero simul enim uiuimus, & plane uiuimus. ego autem parce, quia nondum firmus, offensiones etiam minimas extimesco, illi comedēt libertus, quia recte ualent, nec in cibis plus nimis ue diiudicant. De me ipso dixi: de rebus meis quod te scriberem, noui nihil erat. Omnia fere sunt eadem, quae antea, hilara satis, & prospera. ampla non dixerim, ne mētiar. quamquam hoc uulgi more loquor. nam si ampla sunt ea, quibus maiora non expetimus: amplissimis opibus fruor. nihil enim deest, quod natura desideret: quod autem natura non desiderat, abesse facile patior. Vale.

Roma, Idib. Dec. MDLXXIII.

ANTONIO. FURNARIO

Napolim.

7

VALDE sum laetatus laetitia tua, humanissimis, ornatissimis litteris expressa. amoris. n. index est. amari autem a te, quo nihil amabilius. siue probitas siue doctrina cogitetur, quis tanti nō aestimet, quāti ea, quae summa sunt? nec uero, quāquā uolūtatis erga te meae nullus adhuc quidem fructus exstat, a me tibi gratiā non referri, debes existimare. nam et si disuncti satis longe sumus, & congregiendi, colloquēdiq. facultatem interual-

terualla locorum impediunt, meus tamen in te animus est, de te saepe cogitat, de te etiam; nec mediocri voluptate, secū ipse nonnumquā ipse loquitur. & si tu, amare, & colere, officium esse putas; officia tibi mea numquam deesse, testis ipse mihi sum. Citrea, quae mittis, eo mihi gratiora sunt, quod, ut mitteres, non te magis institū tui memoria, quā amor admonuit. quod autem addis, eis stomachum imbecillum confirmari: cupio verum esse, idq; mihi persuaderi facile patior: quandoquidem & hoc medicinae genere nihil suauius: & stomacho si valerē, hac fere valetudine, praesertim iam senior, contentus esse possem. nam, ut robustioribus me conferam, optare non debeo: cum id mihi natura semper, nunc etiam aetas deneget. Vale.

Romae, IV. non. Oct. M D LXXII.

---

E I D E M, Neapolim. 8

VIX credas, & memoria nostri tua quam delecter & eas, quas mittis, epistolae, quibus ipsa memoria declaratur quā libenter legam. Ego enim hoc mihi primū ab ipsa natura videor accepisse, ut amari uellem a tui similibus: qui quidē hodie (ne assentari me putes: a quo vitio longe absum) quam pauci sint, qui recte iudicant, meū omnes intelligūt. accessit ratio, quae voluntatem auxit, atque in hanc partem quasi propendentem impulit. hoc mihi bonum, idest amicitia tua, cum, tuā mihi ultro detulerit humanitas: quam à me putas felicitatē praeferrī? atq; adeo cur nō in hoc ipso felicitatē esse maximā existimem? Est igitur, cur &  
ipse

ipse mihi gratuler, & tibi gratias agam. quorū alterū perpetuo a me fit: alterū vt fiat, a tua singulari benignitate nō conceditur. Munusculo tuo, cū hac inter nos minime necessaria sint: quippe omnibus muneribus mutua praeſtat beneuolētia: nihil tamen gratius. Vale.

Romae. XVII. Kal. Febr. M D LXXIII.

---

E I D E M, Neapolim.

9

AMABO te mi Furnari, quid tibi in mentem uerte? an tu me uis muneribus obruere? ego enim illa scripseram, non ut peterem, sed ut admonerem, spectans uidelicet illud tempus, quod adhuc quidem longe distat. amoris haec nimirum interpretato fuit. amor autē errare non potest: aut, si errat, gratificandi uoluntatē secutus, & bene merendi studio ductus, quis tam insipiens aut rerum tam iniquus aestimator est, qui non cū laude potius, quam reprehensione dignum ducat? Cotonea sane ipsa, tam celeriter abs te missa, mihi accidisse perquam grata, nec possum negare, nec debeo. utar ijs, ut consueui, post cibum, libenter, ut egregie conditis, utiliter, ut remedio pituita laborantibus aptissimo. O te amicum optimum! tantum nec immo etiam medicū suauē, qui curat simul & delectat. qualem qui reperit, si cum in oculis non fert, cum humanitatem ignorat prorsus, tum sua ipse diligere commoda non uidetur. Vale.

Romae; III. Kal. Febr. M D LXXIII.

MEDICOS omnes de conditis Cotoneis audio sentire melius, quam de citreis. itaque posthac, quando tu, ut uideo, tuum institutum retinere uis, nec ego

con-

contra disputo, illa malim propter ualetudinem, sic ta-  
men, ut pura sint, non cum aromatibus, & sicciora den-  
sa, quam tremulo coacta gelu.

## I O . C R A T O N I

Viennam.

10

EPISTOLAM tuam, a te datam XVII. Kal.  
Nou. accepi VII. Kal. Dec. eo sane gratiorem, quo  
minus hoc tēpore expectatam. noui enim, quā uacūus  
nunquam sis, non tam a tuo munere, quam ab amicorū  
negotijs, quae ita suscipis, ut sustineas, donec ad exitū  
perferantur. scripsisti igitur amore impulsus, et omnia  
vicit humanitas tua. quo tibi nomine debere me multū  
dicerem, nisi tantum iam deberē, quantum persolvere  
vix possim. Romā quā causā adductus uenerim, scrip-  
sit, opinor, ad te filius: quae retinuerit, a me cognosce.  
atq. hoc primū, quod tibi pro tua in me singulari bene-  
uolentia maxime uoluptati fore non dubito: incredibili  
sum exceptus hominū laetitia. Pontifex ipse, praecla-  
re in optimas artes animatus, cognito aduētū meo, lae-  
ti animi signa ostendit, negotiumq. Cardinalibus dedit,  
ut ita mecū demāssione agerēt, ne discedere paterētur.  
noli quaerere, quā sim laetatus, non quo libēter abesse  
a meis, quibus mihi dulcius in uita nihil est, aut quo pen-  
derē ab aulicis honoribus, qui ne iuuenem quidē moue-  
rant umquam, ne nunc senē. sed ut homines, obliti supe-  
riorū tēporum, eundē in urbe Roma, qui sēper fuit, uir-  
tuti locū esse perspicerēt. parui rogātibus, cognita prae-  
sertim

sertim Pontificis uoluntate. stipendium satis per se tenue in quo meam facilitatem nonnulli reprehendunt, cū libertate & otio maximum uidetur. nihil oneris imponitur. litteris, ut in solitudine, frui licet, & ut respero licebit. vnū, aut alterū Cardinalem his in mense, terue suminum, uel quia me diligunt, uel quia uirtute excellent, salutare consueui. Caelum idem experior, quod antea, humidum, graue, inaequale: nec tamen ualeo deterius, quā in patria; uel quia, quod te uirum doctissimā non fugit, hilaritas animi corpori medicinā facit; uel quia me domesticae tricae sollicitum non habent; uel fortasse etiam propter uina, quae sunt hic ex omni genere optima. pituita carere iam non possum. sexagenarius laborem scribendi, aut legendi fere numquā intermittens. Vereor, si longior epistola sit, ne tibi molestiā afferam: nisi si haec ipsa tibi molestia maior est, quod excusatione tecum utar. A te igitur peto, ut, quemcūque Caesar oratorem in demortui locum Romam mittet, ei me de meliore nota cōmendes. dicerē significationē amoris in me tui commendationē fore omnium grauissimam; cum nemo sit, quin facile diligat quem diligere te sentiat: sed ego ne tibi praescribā, homini omnium, quos in uita nouerim, humanissimo, & prudentissimo? Vale. Romae, Kal. Dec. M D LXXII.

---

IO. SARIO ZAMOSCIO 11

MULTORVM mensium aduersa ualetudine vexatus, omni prorsus carebam legendi, scribendique facultate. quod eo mihi in primis, nomine permolestum est,

2 D ut respero 2



est, quia multis ad mē scribentibus, respondere sine uacuitudinis incommodo uix possum. nam, & si depulsa quis est morbi; pristinas tamen uires desidero, & capitis infirmitas non modo litterarū, sed prope sermonis usum adimit quotidiani. Dabis igitur mi Zamosci ueniam homini tui amantissimo qui te pro ingenij doctrinaeque praestantia summis ornare laudibus numquā desinit, si ad tuā elegantissimam epistolā hoc unum rescribo, rescribere me tibi pluribus uerbis hoc quidem tempore non licere. nam, cum licebit persuade tibi, non esse me cōmissurum ut debitum humanitati, amicitiaeque nostrae officium non persoluam. interim haec pauca, ut recenti morbo, uacillantibus litterulis. Vale.

Rom. non. Dec. M D LXXIII.

---

VBERTO. FOLIETAE.

12

ET SI tu is es, cuius ingenium & virtus neq. meū neq. cuiusquam omnino testimonium desideret: me tamē uel amore in te meus, uel ipsa ueritas adduxit, ut ex stare uellem de tuis Elogijs iudicium meum, non tā apud te, qui te ipsum egregie nosti, quam apud omnes gentes, atque adeo apud ipsam posteritatem, quae de studijs ingenijsque nostris, expers amoris & odij, pro cuiusque merito sententiā feret. Ego enim tua scripta & legerā ante multos annos, & ita probaram, ut ex ijs, qui tunc excellere putabantur, tibi neminem anteferreminunc, ut uere dicā, non ut gratiae causa tuis auribus largiri qdā uelim, haec de tuis Liguribus, illustris, et diligēs, et ornata cōmemoratio ita mihi placuit

ut

11 depulsa. is est morbi

ut, qui conferri tecum hoc in genere possit, prorsus nominem esse iudicauerim. nā ex uniuersa Italia, aut ex multis prouincijs multarū virtutum exempla colligere, id quod ex veteribus multi, ex recentioribus non nulli fecerunt, haud sane magni negotij videtur esse: ex vna vero ciuitate, & ex vna satis angusta regione tāquā ex vberissimo fonte multos haurire, qui vitae sanctitate, qui militari gloria, qui reipublicae administrandae scientia, qui solertia & inuestigandi nouarū rerum, nouarumque gentium studio, qui etiam litteris & eloquentia floruerint, hodieque florent, admirandum quiddam est, & immortalī laude dignissimum. in qua cogitatione dum versor, non tam equidem patriae tuae gratulor, quod eos cines tulerit, qui tantas res gererent, aut qui insigni aliqua laude inter ceteros emerent, quam quod tu incredibili quodam erga tuos amore incensus, ad eorum memoriam ab interitu vindicandam ingenium artemque contuleris. viuunt enim nomina, consumptis corporibus, excellenti scriptorum industria: & si praeconem virtus inuenit, elucet; eo si caret, obscuratur, & exstinguitur. Quo circa uel iis ipsis, qui ornati a te sunt quorum hodie nonnulli sua gloria uiui perfruuntur, vel eorum posteris tanti debet esse manus, officiumque tuum, quanti semper a fortibus ac sapientibus uiris aestimatum nominis aeternitatem videmus, qui eam non modo laboribus, ac periculis, verum etiam vita; ac sanguine quaerendam putarunt. Et, ut aliquid de meo sensu, cum alumnū disciplinae meae, praestanti virum ingenio, natum maximis rebus, ornatae dicendi, scribendique fa-

cultate, siue latina Lingua, siue communis Italica spectetur, nemini prorsus aetate nostra concedentem, proprij Elogij laude decorasti, etsi debitum in eo uirtuti praemium persoluisti, me tamen, pro mea in illum singulari beneuolentia qua voluptate laetitiaq. affeceris, quo tibi beneficio deuinxeris, nec mihi uerbis exprimere nec tibi cogitatione consequi facillimū sit. Ac tu quidem materiam cepisti nobilem, & praeclaram: sed, ut ea speciosior, & iucundior, & ut ita dicam, se ipsa maior sit, eloquentiae tuae praestantia consequeris. omitto reliqua, ne sim nimius: nam sua quidque laude dignum est: sed in principijs tam multis tantam varietatem, tam splendidam, tam elegantem quis non admiretur, aut quis uidit umquam? in ceteris enim Elogiorum partibus tui numquam nō similis, idest grauis, & sublimis, & ornatus, in hac uero tantus es, ut in illis certare cum alijs, in hac te ipsum uincere uoluisset uidearis. Maeste uir ingenio, atq. uirtute, optime de patria merite, cui tot cines, tot heroes, tot Principes, communi factorum lege ereptos, vel temporis iniuriam timentes, restituis, atque conseruas. nunc illa te suae studiosum dignitatis, publici cupidum commodi, uereque suum alumnum agnoscit: nunc amplectitur absentem: nunc incolumem, florentem, beatum exoptat. quae tibi merces una pietatis in illam perpetuae praestantissima uidetur. Vale.

Romae, ex aedi. pride Kal. Dec. M D LX XII.

## CAESARI. ORLANDO 13

Nihil abest a natura mea longius, quam uel assentari, quod sui commodi spe plerique faciunt; uel inanibus uerbis tempus conterere; quod eius est, qui minime sua bonū nouit, quiq. seipsum sibi, & suis, tum etiā ciuibus vniuersis, & patriae natum obliuiscitur. Ego, mi Caesar, cum vtrumque nostrum aequae lance perpendo, cur ipse tibi assenter, caussam video esse nullā. tu enim tua uirtute, ego mea fortuna contentus uiuo. si quis didicit esse blandus, ut alterum capiat: eius artificio locus apud te non est. ego autem, si assentatio mercedem spectat, aut emolumentum aliquod aucupatur, nihil habeo, quod a te expectem, aut quod petam praestantius beneuolentia tua. at eam adeptus iam sum; adeptamq. tanti facio, ut nihil antepoſnam. amari enim ab homine excellētis ingenij, summae probitatis, cogitationes curasq. suas omnes ad vnā virtutem referente, iurisconsulto denique eruditissimo, non ex recēti barbariſe, sed ad illam doctrinae veteris elegantiam exculto; amari, inquam, ab te, tali uiro, & frui beneuolentia tua, ipsum per se optabile est. cum vero ab eadem beneuolētia multa mihi quotidie commoda nascantur: quid est, quod me tibi debere non confitear? mitto reliqua illud omnium maximum nec meminisse, nec praedicare umquam desinam, quod mihi nō solum bibliotheca tua, omni prope referta librorum genere, sed ea, qua excellis, doctrina ita patet, ut, si quem

ex his commentarijs, quos in Ciceronis orationes diu noctuque texo, posteritas fructum colliget, eum tibi ex aliqua parte acceptū referre debeat. Sunt enim quaedam, amissis duodecim tabulis, omni paene formularum, responforum, edictorum exstincta memoria, ita complicata, & inuoluta, vt, nisi singularis iurisconsulti scientia, vsu cōfirmata, aucta ingenio, adhibeatur, explicari, & euolui vix, aut ne vix quidem interdū possint. Agerem tibi gratias de isto munere, si uel tua pateretur humanitas; vel ego is essem, q̄ bene de me merenti verbis potius, quā re, satisfactum esse vellem. memoria tuebor officia tua, donec illucescat ille dies, ut referre gratiam licet, quod si assequar: non dubito, quin tu, quē tibi hominē adiunxeris, cum intelligas, tua praestanti liberalitate, beneque agendi consuetudine uehementer laetere. Haec interim, cum de officio meo cogitarē facere non potui, quin ad te scriberem: quamquā & a studijs meis inuitus auellerer; &, vt vere dicā, non me tuus tantum, sed meus etiam pudor ab hoc argumenti genere, quod totū ad tuā laudē pertinet, haud mediocriter auocaret. Vale. ex aedibus, Prid. non. Dec. M D LXXII.

---

MAXIMO ZABRERAE.

14

Si quis est, qui tuam humanitatem, tuosque mores & probe norit, & laudare loco numquam desinat: eum esse me uelim existimes, veruntamen, cum ego diutius, quam studia fortasse tua patiebantur, eo, quem superiore mihi aestate commodaueras, libro sim vsus,

non-

nonnumquam mihi, ne tu durius id acceperis, venit in  
 mentem suspicari. adire ad me solebas: nec in officio tuo  
 mediocre beneficium: erat quippe tua suauitate exhi-  
 larabar: delectabar ingenio: doctrina etiam, in qua mē-  
 tiar si tibi quemquam ex aequalibus tuis antepōnā,  
 nōnihil interdum & leuabatur labor meus, & adiua-  
 batur industria. haec nisi restituis: nimium a te grauis  
 errato meo, si modo erratum esse vis, poena constitui-  
 tur. Lōge, inquis, habitas. Fateor: nec tamen ultra mil-  
 le passus. at cū memini, ad tēplum diui Petri, ut es re-  
 ligioni deditus, maximeque pius, vitāre quotidie sole-  
 res. praeclara consuetudo: quae si manet, incommodū  
 nihil mea causa susciperes nō enim deniae sunt aedes  
 meae: ab arce sancti Angeli recta euntibus ad basili-  
 cam beati Petri propemodum occurrunt: sin autem  
 intermissa est, & te sanctae Mariae templum, quam  
 Minervae vocant, magis tenet: impetrare tamen de-  
 bet amor in te meus, nō dicam, ut quotidie una simus,  
 sed certe, ut adspēctū me, & sermone tuo, semel in mē-  
 se frui sinas. Haec mi Maxime ita uelim accipias, ut  
 si te delectant, serio: si quid offendunt, ioco dicta cre-  
 das. ego enim cum eo sum ingenio, ut incommodare ue-  
 lim nemini: tum eo erga te animo, ut tibi multo minus,  
 quā ceteris. amo scilicet, uti debeo. studia tua: occupa-  
 tiones noui: breuitatem dierum uideo, addita praefer-  
 rim tēpestas, ventis, frigoribus, imbribus infesta; Ga-  
 briel frater tuus, omni laude ornatus adolescēs, de quo,  
 ita uiuam, ut saepe cogito, ut ualeat, quid agat, quam  
 spem reditū afferat, siue vehemēter uelim: ad quem  
 cum litteras mittes, ita cupio salutem adscribas meis



verbis, ut amari se a me non mediocriter intelligat.  
 Vale. Ex aedibus. pridie Id. Ian. M D LXXIII.

M. ANTONIO. CIOFANO

Sulmonem. 15

LAETARI te, quod Romam venerim, valeam-  
 que post itineris laborem satis commode, cum etiam at-  
 que etiam gaudeam, minime tamen miror. Facit hoc  
 amor in me tuus, illo primum tempore, quo in ita inter  
 nos amicitia est, mihi nō obscure perspectus, quotidie  
 postea ijs illustrior officijs, quae si patiar ex animo meo  
 deleri, peccasse mihi ualde uidear. At gratiam non re-  
 fero. Non arbitror te id spectare; quae tua humani-  
 tas est. nec ego quidem ex eo molestiam capio, qui mi-  
 hi sim conscius voluntatis in te meae, & si qua tui da-  
 bitur ornandi facultas, eam praetermittere non cogi-  
 tē. Hercule quidem, fratrem tuum, tibi & probitate et  
 uirtute simillimum, dum hic ero, omni officiorum gene-  
 re complectar. Laudibus ijs, quas in me confers, non  
 quod is sim, qui gloriola capiar, sed quod eae quoque  
 ab amore proficiuntur, magnopere delector. Vale.

Romae. V. Kal. Quint. M D LXXII.

AVGVSTINO. ANGELELLO

Fabrianum. 16

PERSVADE tibi, nihil mihi gratius, aut iucundius  
 esse posse litteris tuis, & quia pure in primis, ornate  
 que

que loquuntur, & quod amorem in me tuum, perspectū illum quidem a me antea, clarioribus tamen argumentis quotidie magis ostendunt. Inscriptiones nisi ad filiū. is te tuo merito amat, & gaudet muneribus tuis. mihi sane quas proxime misisti, valde probatur. Onuphrius ad te scripserat meo nomine, ut mitteres ad nos ea, quae nos olim ad te misimus. tu nihil dū respondes. quid putamus? humanitatē, & diligentiam tuam non requirā est enim utraq. mihi probe cognita. quid ergo est? occupationibus distinueris; quae tamē adimere tibi nostri memoriā non debent, quemadmodū nec ipse in magnis curis, & negotijs tui possum obliuisci, quamquam litteris tuis interdum non respondeā. quod si tu deteriore in partem non accipis, facis quod amicitia nostra dignum est. Vale.

VII. Kal. Iun. MDLXXII.

---

BRANCONDIO. OPHIDANO 17

EST omnibus a communi parente natura tributū ut amari velint a sui similibus, & in animorum societate & coniunctione multū ponāt. Ego autem, quorū eminet uirtus, & quibus in ipsis ea sunt, quae praecipuū quēdā amorem concilient, eorū amicitia nihil optabilius, nihil esse praestantius, existimo. atque ego te, vel hominum sermone, uel tuis litteris, ornatissime scriptis, adductus, in horū numerum libenter aggrego. mihi autē uel maxime gratulor, quod ita te sentire uideo de studijs meis, ut mihi tātum largiāre, quantū si agno-

scam, aut ipse me parum nosse, aut, quos mea mihi fi-  
nes modestia praescribit, eos praeterire longe uidear.  
nec tamen contra tuam benignitatem disputo: potius  
eā amplector, atq; amo. quod si res tulerit, ut referre  
gratias possim, in his praesertim rebus, quae ad tuā  
laudem pertineant: dabo operam, ut eo te esse apud  
me loco, quem tua uirtus postulat, intelligas. & in ma-  
gna tui amantissimorum hominum copia me tamen eo-  
rum nemini concedere. Vale.

Romae, pridie non. Nou. MDLXXII.

inoffus. & Lector. iurisdictione. 114  
cunus. pidi

O Vili, quipendit, expansis clementari  
al. digne. eruditus  
Boy. Be. Comptis. e. Schol. 114

Grate V. Kal. Jun. 1856.

PAVLLI·MANVTII

PRAEFATIONES

— QVIBVS·LIBRI

AD·ILLVSTRES·VIROS

AVT·AD·AMICOS

M I S S I

COMMENDANTVR.

PAVELLI MANITII

TRAVESTIONIS

QUIRISTIA

AD ILLASTRE. VITO

ART. AD. A. 1862

1862

COMMEMORATIVA

A D. M A T T H A E V M  
SENAREGAM. AMBROSII

F I L I V M

IN. EPISTOLAS. CICERONIS  
QVAE. FAMILIARES  
VOCANTVR



*V* O ne, Matthae Senarega, an meo dicam  
felici contigisse fato, vt, relicto Louaniensi  
celeberrimo gymnasio, quo, tamquam ad  
mercatum bonarum artium, virtutis &  
eloquentiae comparandae caussa, concesseras, Ve-  
netias te hoc potissimum nomine contuleris, quod no-  
stri, vt ipse dicere solitus es, vidēdi & cognoscendi mi-  
ra quaedam te cupiditas incenderat? tu quidem, si tuū  
sensum attendo, vis me hoc tribuere fortunae tuae. nā,  
quod ita euenerit, non modo vt ad amicitiam, & cōsue-  
tudinem, uerum etiam ad conuictum, & contuberniū  
meum tibi aditus pateat: in eo quasi tibi quiddam  
expetendū contigerit, ipse tibi gratulari plurimū soli-  
fus es. de quo, non est meū statuere, uere ne sentias, an  
secus. at illud meū est, paucis ostendere, cur tu contra  
mibi carissimus, iucūdisq. sis, et, quod nūc in meis  
aedibus mecū habites. mecūq. uinas, in eo ego quoq.  
meae felicitatis aliquid agnoscam. nā, si tu ita de me  
sentis honorifice, quod iudicio mouearis: aequū est mi-  
hi a te concedi, vt ego de te non minus uere, quā tu de  
me, iudicare possim. sin istam tibi de me opinionē pepe-  
rit



rit humanitas: me quoque non solum natura, sed ipsa iam ratio docuit, praeclarum esse humanitate excellere. itaque do me libenter iam eam partem, ut homines officijs colam, laudibus exornē, re, si opus est, pro mea tenuitate sustentem. Sed mehercule ego de te, mi Mattheae, a vero animi mei sensu iudico: nihil me gratia, nihil afficit ambitio, Primum, cum aliquoties mei salutandi causa domum meam venisses, pellexisti me in amorem tui, comitate morum, & lenitate sermonis: deinde, quod iam non tibi modo, verum & alijs petentibus negauerā, atque excluderam, ut ego te domo reciperem, eloquentiaeque studijs erudirē, multis precibus vsus peruicisti. Nec mihi tamen, quod tibi, meorū sermonū cupiditate flagranti, meamque domesticam consuetudinem petenti, satisfecerim, adhuc uexit in mētem pacnitere: quin, quo plus ad nostrum cōiētum accedit tēporis, eo maiorem e tuis moribus, tuisq; studijs haurio suauitatē: non enim tam hoc in te laudo quod certe in adolescente summa laude dignum est, quod a studio doctriinae nō te suis illecebris voluptas, nō commodum, ne ipsa quidem valetudinis ratio deducit; quam illud & admiror, & praedicare satis pro dignitate non possum, quod in tuis cogitationibus haec tibi prima est, & antiquissima, ut Deū Optimum Maximum, a quo uno, quae vere bona sunt, emanant omnia, humanis rebus, quae fluxae nimis, infirmaeque sunt, longe omnibus anteponas. Perge adolescēs optime in hoc praeclaro diuinoque sensu: haec est omnium rerū vna nobilissima, vna, mihi crede, quae omnium Philosophorum scientias, vna, quae omnium Regum opes facile vincat.

vincat. quare tu quidem oblecta te, quod facis, eloquē-  
 tiae studio: in qua, quo modo principia se dant, futurū  
 auguror, ut breui superiorem neminem aliquādo ne pa-  
 rē quidem habeas. sed illud stet in primis, neq. r̄mquā  
 excidat, omniū virtutum pietatem in Deum esse fun-  
 damentum. ac vide, quot inde tibi bona fluant. Primū,  
 tuae salutis cōsulueris egregie. animi salutē appello,  
 non corporis. decet enim nos aeternam potius illam vi-  
 tam, omni felicitate circumfluentem, quā hanc, quae  
 temporum spatijs definitur, miserijs numquam vacan-  
 tem, cogitare. deinde, patrem tuum, qui, ut audio de-  
 vultis, atque etiā de te ipso, humanam prudentiam  
 praediuinare religione nihil esse putat, incredibili volu-  
 ptate laetitiaque perfundes. cui quantum debeas, non  
 ex eo solum intellige, quod pater est; sed quod is pater,  
 qui te filium vult esse inter tuos ciues omni re florentē,  
 atque honoratum; qui te consilijs a puero sapiētissimis  
 erudit; qui te suo exemplo, suis optimis institutis, ac  
 factis ad laudem quotidie vocat. Tali patri, tam pro-  
 bo, tam tui amanti, tam libenter suas omnes curas in  
 te consumenti, curare debes, ut id, quod reliquum est  
 vitae, per te sit iucundissimum. quod ita consequeris, si  
 statueris, quibus artibus ideo nunc operam das, ut ali-  
 quando ceteris hominibus elegantia sermonis, & scien-  
 tia rerum antecellas, earum artium infirmā esse glo-  
 riā, nisi perpetuo erga summam Deum amore studio-  
 que fulciatur. mihi quidē, cui tu carissimus esse aut vis  
 aut certe ita uideris velle, ut mihi persuadeas, magis  
 vlla re placere non poteris, quā si te in eo, quod institui-  
 sti, vitae innocenter & cū virtute degendae studio con-  
 stan-

stantem, tuiq. simulimum uidero. Et, ut iam nunc intelligas, quos in animis hominū amoris igniculos uera uirtus accendat; scis quintum abhinc mensem mihi tecum nihil fuisse, te mihi numquam visum, ignotam mihi tuam faciem obscurum nomen. nunc, apud me quoloco sis intelligere te puto. paucissimis diebus ex conuictu consuetudo, ex consuetudine amor, ex amore familiaritas exorta. itaque tecum & saepissime sum, quod sub iisdem tectis necesse est, & admodū iucunde, quod ea, quae in tuis moribus elucet, probitate cōsequeris. Et quoniam is ego sum, qui, quo me uoluntas ducat a ratione profecta, eo libenter sequar; gessi morem animo meo, tacite hortanti, ut hanc meam ad te amandū propensionem non modo tibi, sed, quatenus quidē per me liceat, reliquis etiam hominibus illustri aliquo officio ac munere declararem. cumq. tulisset casus, ut hoc tempore Ciceronis epistolae familiares, eae, quas tu iā legendo & peruolutando triuisti, denuo typis, ut nunc loquimur, essent imprimendae; per opportuna ad id, quod uolebā, uisa res est, nā, hunc librum si cū tui nominis inscriptione publicarem, putauim me facere. quiddā, quod utrique nostrū aeque conueniret: tibi, quia ex his primū Ciceronis ad epistolis ad Latinae orationis elegātiā informamur, ex his primus eloquentiae quasi succus, qui qualis initio fuerit, permagni interest, ebibitur: mihi, quia, cum hic liber omnīū scire uersetur inter manus circumferet, id quod ego cupio, tuū nomen, & meū de te iudicium, meamq. spem quam plurimis ostendet. quorum alterū est eiusmodi, ut ego tibi nunc ex acqualibus tuis neminem in ullo genere laudis anteponam: altera,

tera, cum aetate processeris, ea mihi ad te pollicetur, quae si euenerit, (omnium autē rerum euentus in Deo positus est) vir eris inter viros maximus, habēt a te familia tua memoriā nominis sempiternam, patria verō exemplum in ciuitatē virtutis excolendae praeclarissimum. Venetys, M D LIV. mense Maio.

AD. CAROLVM. PISAVRIVM

LEONARDI. FILIVM

IN. EPISTOLAS CICERONIS

AD. ATTICVM.

PENEFICIORVM, Carole Pisauri, non eadem omnium est ratio. multi, quid detur, spectare solent. sua quidque magnitudine metiuntur, nihil attendunt praeterea: ego potius, quibus de causis, & a quo homine detur, animaduerto; ac, si quid in aliquem, aut in me ipsum collatum est gratiae, tanti soleo aestimare, quanti videtur is, qui contulit, aestimandus. hinc fit, ut quae a patre tuo, viro sapientissimo, & cum aliis laudibus ornato, tum vero omnium, quos ego in uita nouerim, humanissimo, quae ita a patruo, qui nuper magno bonorū omnium maerore mortuus est, Ioanne Maria, Paphi Episcopo, excellenti non minus doctrina, quā bonitate, praedito, diuersis tēporibus in me profecta sunt officia, ea quamquam summa non fuerit, (neque enim tulit occasioneque rationes meae postularunt) pro sumis tamē acceperim, & earū rerum loco duxerim, quas, q̄ possident,

dent, beati existimantur. fons enim ille, vnde manarunt, amor fuit, & cum amore iudicium, quod uterque de me habuit: quod equidem, si potero, tuebor officijs: studio certe, omniq. prorsus cura, atque industria bonū virum meritorumq. memorē praestabo. quod si liceret ingenium cum uoluntate coniungere; ut alterum alteri responderet, & cupiditati vires aequarentur illustrare beneficia uestra; ac fortasse efficerem, ut gratia mihi a vobis aliqua deberetur, gratiam persoluenti. verū, ut, hoc quidē ab infirmitate mea sperari minime posse, nō solum intelligo, verum etiam ingenue cōfiteor: sic illud facile polliceor, vereq. affirmo, si quid aut iam est in me facultatis, aut erit aliquando, iis, in quibus assidue versor, studijs partum, & vigilijs, velle me id in omni mea vita, quantumcumque erit, seruire totū vestrae laudi, tuae praesertim; quae cum a meis praeceptis, & consilijs originem duxerit, exornabo eam, tamquam opus meū, quibus potero artibus, qua licebit industria; florentemque pulcherrimis virtutibus. alumnum disciplinae meae cum inspiciam, gratulabor utrique nostrū pariter, fructumque amoris & studij heteris in te mei ex tua gloria vberimum capiam. Ac tu quidem, mi Carole, cum tibi nasci contigerit ex ea familia, in qua semper uerus honor, & splendor virtutis enituit, nihil debes humile cogitare, nihil angustū, nihil obscurum aut inane, excelsa petat animus tuus, ampla, illustria, plena dignitatis, & gloriae. quo te semper a tua prima pueritia mea vox incitauit; quo pater tuus, cuius ad te cogitationes curaeque referuntur omnes, assidue cohortatur, quo denique te. hocant maiorum tuorum

exempla; quorum nomina nulla dies estinguet, nulla  
 obscurabit obliuio. non enim, si praesliteris ea, quae a  
 te expectantur, quae maxima sunt, nouum in tua fami-  
 liam decus inferes: antiqua renouabis, praeclaramque  
 consuetudinem retinebis in tua domo laudis expectandae,  
 exercendarumque artium optimarum: quibus instructos,  
 utiles fuisse patriae ciues, sibi & familiae gloriosos, de  
 tua gente multos, si annales euolueris, inuenies. Verum,  
 quando te sacris addixisti, & illud vitae genus com-  
 plexus es, quod est totum in laudabili ratione, totum  
 in praeclaris cogitationibus & factis constitutum; non  
 te libera voluntas, ut alios, ad honestum rectumque  
 ducit; sed, quo te primum die ad religionem contuli-  
 sti, eodem die legem ipse tibi imposuisti perpetuae con-  
 tinentiae; exclusisti rerum inanum cupiditatem; uel-  
 le ad solidam laudem omnia referre uelle summi Dei  
 gloriam in omnia uita; id est tuam salutem, spectare  
 professus es. Quare non tibi monitores, quorum te mo-  
 ueat oratio, expectandi: ipse te excita, ipse acue &  
 impelle. multae sunt propositae adolescentibus uiae, falla-  
 ces, obliquae, insidiosae, oculis incundae, specie quadam  
 obiecta voluptatis: in quibus errare quotidie vides &  
 labi, ducem sequentes libidinem, non rationem, de  
 tuis aequalibus quamplurimos. tu uirtutis ingredi-  
 re, simplicem, rectam, apertam, principio fortasse diffi-  
 cilem, atque asperam, exitu certe salutarem, & glo-  
 riosam, hanc, inquam, uiam, signatam, & impressam  
 vestigijs proborum sanctorumque virorum, si uis ipse  
 tibi carus esse; si uis ipse tibi recte consulere, unam in-  
 gredere: aut, si ingressus iam es, curre per eam celeri



gradu ad ea, quae te manent, praemia immortalitatis. Hacc ego, pro meo in te amore singulari, uetereque erga parentem tuum studio, scriptis tecum ago, quae sermonib. & libentius agerem, & saepius, si liceret. sed, quando te Patanij tua studia, a quibus abducinon debes me Venetijs mearū rerū ratio, & ualeitudinis detinet infirmitas: proficiscetur ad te mea uox, his cōsignata litteris: quae tecū erit perpetuo, ubicumq. fueris, te prosequetur, quocūq. iueris. nec uero dubitavi, quin ea tibi paullo gratior esset futura, coniuncta cū Ciceronis uoce, idest cū ijs epistolis, in quibus cum Attico familiari suo, non minus grauitate, & sapienter, quam eleganter, & splendide loquitur. fructum, ut spero, capies ex utraque non uulgarem. ego enim, ut uelis optima, te hortor; Cicero uolentem adiuuat; ornat enim eloquentia, consilijs instruit sapientissimis. nam disputat saepe in his epistolarum libris, sermone per quam eleganti, de statu reip. de uitijs Principum, unde fluunt exitia ciuitatum, de uicissitudinae fortunae. qui tibi erit, accurate legenti, sapientiae fons uberrimus. A me uero munusculum hoc habebis, meae in te uoluntatis & studij argumentum. exiguum, inquires. fateor: sed uelim spectes animum, non rem: quam tamen ne ipsam quidē debes contemnere; siquidem eiusmodi est, ut tuas, tuorumq. laudes, a me non expressas, sed tamquam tenui penicillo designatas, simul cum beniuolentia mea cunctis gentibus patefaciat.

Venetijs. MDLIX.

AD. BENEDICTVM. ACCOLTVM  
 RAVENNAE. CARDINALEM  
 IN. ORATIONVM. CICERONIS  
 PARTEM. PRIMAM

BIBLIOTECA NAZIONALE  
 ROMA  
 VITTORIO. EMANUELE

*MAXIME* esset optandum, Accolte clarissime, ut, quae olim a doctissimis uiris magno labore, magnisque vigilijs sūt elucubrata, ea nostrā ad aetate peruenire omnia potuissent, artium plurimarum sciētia, quarum adiumento ad vitam recte inslituendam indigemus, non desideraretur. verum ita casu nescio quo accidit, ut ex ijs scriptis, quae veteres illi, homines sapientissimi, reliquerunt, non solum multa prorsus interierint, sed etiam, quae in hanc diem seruata sunt, ita deprauata, ita mutila legantur, ut saepissime uix, aut ne uix quidem intelligi possint. hoc incommodū pater olim meus magna ex parte sustulit. cuius industria multos excitauit, ut, eandem rem aggressi, iacentem litterarū laudē pro suis quisque uiribus subleuaret. quod si alij fecerunt, tantum aemulatione gloriae permoti: certe, cur ego id faciam, hoc plus habeo caussae, quod, cū pater studiosis id, quod in hoc genere promiserat, morte praeventus praestare non potuerit, hoc me nomine ita appellant, quasi ad filios soleat non paternae solū rei, sed uoluntatis ēt hēreditas peruenire. haec me, ut debet, opinio multum mouet, sed auctoritas tua plurimū, quam ego tanti soleo facere, ut, quamcumque tu probas rationem, ea demum & utilis mihi, & honesta videatur esse. tu igitur cum ad hoc posteritatis adiuuan-

de studium nos & uehementer, & saepe sis cohortatus; effecisti, ut in eam rem tãto alacrius incumbamus quanto pluris apud me tua, quam reliquorum omnium consilia sunt. quod si labore, studio, diligentia proficisci in hoc genere quiddam potest, ut certe potest: magnopere spero fore, ut neque te officij tui in me admonedo, neque liberalitatis in adiuuando peniteat. cuius rei quasi specimen erit hæc prima Ciceronis orationum pars, quam, ex ueterum exemplarium collatione diligenter emendatam, in manus hominum sub tuo nomine emitimus. nam, cum usu, & consuetudine ita comparatum sit, ut, quibus rebus Principes uiri delectentur, in ijs rebus multi suum studium probare uelint; ex quo fit, ut ab alijs canes, ab alijs equos, aut aues nobiles dono dari videamus; commode me facturum existimaui, si quid ego eius generis ad te mitterem, quod omnibus te præferre voluptatibus intellexissem. soles enim quotidie fere a grauissimarum artiũ tractatione, in hæc studia, quæ sibi ab humanitate nomen adsciuerunt, quasi in hortum amœnissimum, diuertere: ubi te modo oratorum & poetarum flores, modo dulcium amicorum colloquia mirifice delectat: ut, præter id temporis, quod valetudini dare soles, quod sane pusillum est, hora nulla sit, quam non in literis, & cum virtute traducas. quam tue uitæ rationem qui ignorant, mirantur scilicet, unde illa tibi in aduersis rebus fortitudo tanta, unde animi robur illud inuicti, quod ne illa quidem ipsa, quæ in rebus humanis fortuna dominatur, ullo pacto poterit infringere; cõtra cuius vim duplici te præsidio munieris, artiũ maximarum cognitione, et mētis opti-

mae conscientia. haec est aliarum uirtutum, quae in te sunt multae, quasi Princeps, & Regina quaedam, ut in alijs neminem tibi antepone, in hac ne cōferre qui dē possim. Nam de prudētia, de pietate, de iustitia, ne uidear assentari, nihil dicam: ne de liberalitate quidē, quae tamen ita nota est, ut non, qui eam laudet, assentator, sed, qui non laudet, maleuolus existimetur. cum enim haec dandi beneficij ratione eiusmodi sit, ut nulla certior ad laudem, nulla item magis lubrica uideatur uia; propterea quod in beneficijs collocandis plerique fortunam hominum spectare solent, ut eandē gratiam, aut etiam cum senore recipiant: non est, quod in hoc te labi quisquam arbitretur; cum & rarissime contingat, cuiusquam opera ut egere uidearis. & tu tamē quam plurimis, ob eximiam naturae tuae liberalitatē atque amplitudinem, benigne facere & soleas, & possis, & cum de omnibus ad bene merendum natura es maxime propensus: tum uero ipsa tentatio atque doctrima ita conformauit, ut ad eos honestandos, qui se ijs artibus, in quibus ipse excellis, deditere, tuū soleas studiū libentissime conferre, quae quidē humanitas & beneficētia tua non sane uideo qui possit in ullo maior esse, quā uirum tuendo fuit. quae est enim a te res, quae ad meum commodū attineret, praetermissa? quis diligentius est adhortatus, ut hāc restituendae antiquitatis laudē, qua pater meus olim excelluit, paene afflictā excitare? quis eā ipsam ad rem perficiendā plura contulit? cum ēt magnis Principibus, tui simillimis, ita me cōmendaris, ut, iudiciū tui testimonio permoti, nō minimis ad se praemiū <sup>uocāt</sup> euocāt. Quae cū recordor,

et si me ipsum probe noui, tamen interdum mihi assen-  
tor, & mihi aliquid videor esse, quod a te sim ornatus.  
haec me inanis ambitio ita delectat, ut illum dolorem,  
quem ex difficultate capio remunerandi, si non tollat,  
minuat quidem certe: quamquam tu is es, qui te satis  
superque remuneratum existimas, si modo id, quod de-  
disti, ab eo, qui accepit, intelligis memoria teneri; quo  
in officio praestando, noli credere quemquam esse, qui  
me vincat. & huius quidem rei confido fore, ut aliquā-  
do eiusmodi a me signa dentur, quae nullum cuiquam  
de mea in te voluntate dubitandi locum relinquant:  
nunc earum rerum, quas ipsi quidē hoc tempore possu-  
mus, maxima, primum, ut dixi, Ciceronis orationum vo-  
lumen in tuo nomine apparebit: omnino neque amplitu-  
dine tua, neque ijs officiis, quae in me contulisti, digna  
res uidetur: sed, ut spero, muneris nostri tenuitatem hu-  
manitatis tuae magnitudo subleuabit.

A D . G V L I E L M V M . B E L L A I V M

L A N G E V M

A P V D . S V B A L P I N A S . G E N T E S . P R O R E G E M

I N . O R A T I O N V M : C I C E R O N I S

P A R T E M . S E C V N D A M

4

M A G N I refert, Bellai ornatissime, quo quidque  
tempore agatur; & ad omnes res non paruum ha-  
bere mamentum solet occasio quaedam, & commo-  
ditas, qua uti dicuntur ii, qui nihil, nisi loco, facere  
consue-

consueuerunt. nam, quemadmodum pictorum tabulae  
certo loco positae delectant; eadem quae minus bono lumi-  
ne constitutae non item eorum, qui spectant, oculos te-  
nere solent: sic actiones nostrae, mirum est, quantum oppor-  
tunitate commendantur: ut interdum plus in tempore  
quam in ipsa re, positum esse videatur: quod ego cum  
semper iudicassem, tamen non sum veritus, quin tibi in  
ijs rebus vel maxime occupato, quas Rex Christianis-  
simus, & post hominum memoriae maximus, tuae fi-  
dei diligentiaque mandauit, hoc ipsum, quod nunc a me  
profisciscitur, officium futurum esset vel iucundissimum.  
nam, etsi magna tibi est grauissimorum negotiorum im-  
posita moles; quam tu summa tua cum laude, & om-  
nium paene gentium admiratione sustines: tamen in ip-  
sa illa occupatione ita te litterarum tractatio delectat,  
ut & legas cum voluptate, quae alij scripta relique-  
runt, & scribas ipse, quae a posteris cum admiratione per-  
petuo legentur. ex quo illud consequeris, ut non modo  
Regis voluntati seruias, quod est summa laude dignum;  
sed etiam posteritati consulas, quo laudabilius esse ni-  
hil potest: itaque tantum abest, ut a maioribus tuis, om-  
ni decore affluetibus, ad te ornandum quidquam haurias,  
ut etiam in te sit, quod ad illos redundet. nam, si tibi aliud  
de petenda sit laus; unde plura suppetant ornamenta,  
quam a fratribus tuis, maximeque ab eo, qui a Paulo  
III. ita est in Cardinalium Collegium cooptatus, ut ei  
summus Pontifex amplissimam dignitatem non quasi  
optata concessisse, sed quasi debita persoluisse videatur?  
cui quidem viro cum ad summam gloriam nihil desit;  
cumque item tibi eae res abunde adsint, quibus homi-



nes hominibus antecellere uidentur: tamē sit uestra bo-  
 nitate, & sapientia, ut uicissim & tu in illius dignita-  
 te, atque amplitudine, & ille in ingenio, atque uirtute  
 conquiescat tua: uterque uero magna apud Regē pru-  
 dentissimum, & summo iudicio praeditum auctorita-  
 te, magno eslis apud omnes nomine, & gloria: nam tu  
 quidem, quis est tam longinquus, cui nouissimus illi sis  
 non ex praesenti corporis forma, (quamquam multas  
 provincias Regis legatus obuiisti) sed ex imagine inge-  
 nij tui; quam uerissimis eloquentiae coloribus expres-  
 sam in tuis scriptis licet intueri. in hac cum & natu-  
 rae tuae bonitas, & uirtutis eximia praestantia cer-  
 natur: sequitur, ut, ex ea qui te norunt, iudē ament. quo-  
 rum ego in numero cum ita essem, ut nemini concede-  
 rem: tamen non est credibile, quantum ad illam ipsam  
 animi erga te mei uoluntatem addiderit Gulielmi Pel-  
 licerij, oratoris in hac urbe Regij, hominis praeclatis-  
 simi, praedicatio, cuius multi, & egregij de tua laude  
 sermones me iam antea commotum impulerunt, ut ex  
 orationibus Ciceronis, cuius tu libros e manibus dimit-  
 tere non soles, alteram partem cum tui nominis inscri-  
 ptione diuulgarem. qua in parte ab erroribus, & me-  
 dis uindicanda quantum operae, studijque posuerim  
 mihi ipse sum testis: quantum autem profecerim, &  
 tu, & alij iudicabunt. tibi quidem, si consequar, ut no-  
 stra diligentia probetur, sane meos labores non exiguo  
 compensatos esse fructu existimabo.

AD . ALEXANDRVM . CAESARINVM  
CARDINALEM

## IN . ORATIONVM . CICERONIS

## PARTEM TERTIAM 6

BENE mereri de litteris, etiam si utilitas praeterea consequatur nulla, tamen praeclarum in primis, atque egregium esse semper duxi: quamquam, utilitatem spectare si uolumus, ea demum summa est, quae ex hoc genere percipitur. fructus enim in posteritatis memoria, & praedicatione positus est, quē nemo umquā sapiens non praestantissimū iudicauit. sed haec bene merēdi ratio duplex uidetur esse. nā & qui aliquid ipsi scripserunt, & qui alios uel cohortatione, uel praemio, ut scriberēt, impulerunt, litteris opem tulisse existimātur. quāe duae res eiusmodi sunt, ut, qui alterutra commode faciat, ei scilicet a studiosis omnibus gratiae sint agenda; qui utramque, ne haberi quidē satis possint. Atque hanc laudem, ne apud ueteres quidem saepe accidit, ut unus cōsequeretur: propterea quod, qui ea uirtute, atque fortuna fuerunt, ut & ingenio posteris prodesse possent; & opibus, ut idē facerent, multos adducere, alterū facile fecerunt, ut eos, qui doctrina, & eloquentia ualerent, ad inuanda litterarum studia excitarent; alterum facere, ut ipsi monumentum aliquod industriae suae relinquerent, propter rerum gerendarum curam non ita potuerunt. quod itē nostris temporibus usu uidemus euenire. nam neque multi sunt, qui praestare utrumque possint; & qui possunt,

*is fere, cum velint, non conceditur. cuius generis exemplum, ne id, quod adest, aliunde quaeramus; concede quaeso, Caesarine praestantissime, ut a te sciam: & sine me hoc impetrare a modestia tua, ut ea, quae sentio, de te dicam. certe enim, qui maiorem aut iuris civilis, aut sacrarum litterarum cognitionem sit consecutus, neminem esse constat. neque tamen haec studia, quae humaniora appellantur, quae nos adhuc secuti sumus, contempsisti, in quibus etiam diligenter versatus es, ut illa superiora, quae quibusdam ipsa per se nimis horrida videntur, eloquentiae pigmentis, cum velles, atque etiam quantum velles, illustrare posses. est igitur in te ipso, unde posteritas adiuvetur. nec, ut arbitror, voluntas deest: sed otium eripiunt maximarum rerum occupationes. nam, quia tua virtus non humili, neque obscuro loco latet: sed quasi in specula quadam excelsa, atque illustri posita est, unde opem ostentare bonis omnibus videtur; ideo homines accurrunt ad te, vel ut consilium, vel etiam ut auxilium petant. itaque negotiis a litterarum tractatione distractus, ex duabus rationibus, quibus initio bonas artes adiuvari posse dixi, alteram inuitus omittis, cum ipse nihil scribas: alteram studiose amplecteris, cum is, quos industria vides excellere, nulla re desis. quãobrem Hieronymus Ferrarius, qui se iam pridem tibi addixit, homo & ingenij, & iudicij laude praestantissimus, cum alia, quae a te habet, praedicare solitus est, tum illud vel maxime, quod, domi tuae vivens, te permittente, atque adeo libente, totum diem in litteris ponit, & otio fruitur tanto, quantum diserta in regio-*

regione vix esset. cuius ex ingenio qui fructus percipiuntur, qui certe maximi sunt, si sane tuae liberalitati referuntur accepti. a te habemus, quae Ferrarius in veterum scriptis vel correctione restituit, vel explanatione illustrat. a te emendationes in Philippicas Ciceronis orationes, quas ille plurimas, atque optimas ad me misit, quae iam iamque edentur, a te inquam omnes sunt. itaque etiam eas ipsas orationes, ut a Ferrario, id est a te, restitutas, & quae praeterea in hoc tertio volumine continentur, in quibus ipsi, quae male affecta erant, multa sanamus, tibi inscriptas, atque dictatas emittimus; ut, quod beneficium habemus maximum, eius beneficii auctorem agnoscamus, & huic libro summum ornamentum, Caesarini nomen, apponatur. quare etiam id, quod iam pridem optavi, fortasse consequar, ut, quam praeclare ego de te sentiam, cum intelligas, tu me eum existimes, quo in amicitiam, vel potius in clientelam tuam accepto, non pessime sensisse videaris.

---

AD. IOANNEM. MONLUCIVM  
CRISTIANISSIMI. REGIS  
CONSILIARIUM.

EIVSDEMQUE. APVD. VENETAM. REMP.  
ORA. IN. CICERONIS. ORATORIOS. LIB. 6

QVOD te non fugit, Monluci sapientissime,  
praestare omnes ceteris hominibus, sed alius alia re  
ult

ult. non enim uniusmodi sunt nostrae uoluntates: sed, quoniam ex animo, qui uarie afficitur, tamquam ex typo affinguntur ipsae quoque uariae sint, & multiformes, necesse est, ergo non eadem omnibus prima sunt. Quoniam uero ex iis, quae appetuntur, necesse est, aliquid excellat, ut de multis optabilibus unum optabile maxime sit: quid sit, id, quod ego, ceteris praestare, putem, si de me quaeratur; dicam, id, quod qui assequuntur, eorum in potestate sensus omnium animique sunt: id autem sine dubio. Eloquentia est: quae tantum possidet dignitatis, ut infra uel eorum fortunae, quorum imperium provinciae nutumque sequuntur, me quidem iudice, constituantur: cum ita accidat, ut ab hac quamcumque in partem uolentes ducamur, illis inuiti saepe pareamus. Sed, quoniam, quo lato posita laus est, eum locum maximis difficultatibus Natura circumsepsit, ut perueniendi facultatem paucissimis relinqueret; non est, quare nobis in mentem ueniat mirari, cur neque diuturna neque in multis perfecta fuerit species eloquentiae. illud uideo, cum in hanc cogitationem mentis acie intendi, bene dicendi gloriam duabus rebus ali maxime, otio, & libertate. itaque in urbe Roma, quae bonorum oratorum quasi secunda genitrix partus edidit uberrimos, neque ante secundum Punicum bellum, neque post Caesaris dominationem magnopere fuit, quod in hoc genere probares. Hannibale uicto, hostis Italiae terribilis nemo fuit. tum in urbe securitas tum summa tranquillitas orta: tum seditiosorum hominum ingenia popularibus concionibus acuit

ambitio. conciones, inquam, eloquentiam pepererunt: nisi quid me fallit ratiocinantem: ratiocinor autem sic, & per hos quasi gradus interrogationis adscendo. Eloquentiæ quod summum fuit propositum præmium? consulatus: qui summus honor fuit. consulatum quis mandavit? populus. populum quis tenuit? concionator optimus. ergo a concionibus exstitit orator. idemque sublatis concionibus, nullus fuit. cum enim civilibus armis oppressa Resp. iaceret; vetus consuetudo periisset; a populo, cuius potestas uniuersi translata ad unum esset, non iam magistratus, non præfecturæ peterentur: eloquentiæ, quæ populi gratiam honorum spe quæsierat, inanis omnis & superuacaneæ fuit exercitatio. sic oratoria facultas, summorum hominum studijs, exercitationibusque culta, cum a duobus Gracchis ad C. Cæsaris ætatem, hoc est per annos centum fere ita uigisset, ut nihil umquam fuerit illustrius; non effugit rerum humanarum commune fatum: quas ubi ad summum siue industria, siue natura perduxit, retro fere præcipiti lapsu reuoluuntur. Imperatores deinde multum Romanam exceperunt: quorum ætatibus uestigium ueteris eloquentiæ nullum agnosceres. quid post? multo minus. nam, imperij sede in Græciam translata, crebræ uastationes Italiæ consecutæ: cum influentes barbararum nationum copias reprimeret nemo. tum non eloquentia modo, sed ipsa pene litterarum memoria funditus deleta, nec suus est bonis disciplinis honor, nisi multis post sæculis, restitutus. patrum denique, aut auorum nostrarum memoria, cum exte-



ros mores Italici caeli temperies aliquando ad huma-  
 nitatem deduxisset, paullulum oculos litterae sustule-  
 runt. doctrina primum, serius enituit eloquentia:  
 nec mirum: doctrinam enim sine eloquentia lau-  
 damus; eloquentem sine doctrina recte intelligens ne-  
 mo duxit. nunc in oratorum nomine, quod eximium  
 semper fiat, nihilo minor, atque haud scio an etiam  
 maior, quam priscis illis temporibus, dignitas, &  
 amplitudo est, mittuntur a Regibus ad Reges, aut ad  
 liberas ciuitates, qui non de Stillicidijs agant, non de  
 iure fundi. quarum rerum controuersias qui perite, &  
 copiose disceptarunt, scimus olim habitos esse eloquen-  
 tes: sed ea tractent, quae prudenter disputata, otium  
 gentibus constituere, dignitatem imperij conseruare,  
 terminos proferre possunt. hoc qui praestat, eum ego vete-  
 ribus oratoribus non comparo solum, sed etiam ante-  
 pono. illi causas agebant primam apud iudices sor-  
 te ductos, deinde apud eos iudices, quib. de aliena re,  
 non de sua iudicantibus persuadere orator siue hoc, si-  
 ue illud haud magno negotio posset. nunc agitur in consi-  
 lio lectissimorum uirorum: agitur ijs de rebus, unde  
 ad eos ipsos, qui iudicant, maximum potest siue emo-  
 lumentum, siue damnum redundare; cum & de pu-  
 blica re iudicent, & in publica, extra quam nihil est,  
 priuata cuiusque contineatur. his probare quae uelis,  
 eo maioris ingenij uidetur esse, quo difficilius ab artifi-  
 cio capitur prudentia. itaque, cum hoc multi uoluerint,  
 magnum decus atque ornamentum est eorum, quibus  
 contigit, ut possent; qui, sane pauci sunt: maximum ue-  
 ro, si cui tantum aut natura dedit, aut exercitatio do-  
 stri-

*Etrinae, ut inter hos ipsi eminerent, qualem si quis te  
 iudicet, Monluci clarissime, hunc ego recte iudicare  
 mihi persuadeam. nam, si consideremus, primum a quo  
 missus orator sis, deinde ad quos, tum quibus de rebus  
 missus: ita reperiemus, missum ab eo Rege, qui omnes  
 Reges sapientia uicerit, quoniam quidem omnium unus,  
 quid contra Fortunam virtus posset, maxime decla-  
 rauit: ad eam Rem publicam, quae nisi sapientissimorum  
 ciuium copia floreret, semperque florisset, profecto ne-  
 que tanta nunc esset, cum olim minima fuerit; neque  
 tam diu staret, cum ceterae Respublicae suorum ciuium teme-  
 ritate conciderint: ijs autem de rebus esse missum, qua-  
 rum quae magnitudo sit, ex eorum, ad quos pertinent,  
 opibus apparet; quae tantae sunt, ut paucorum impe-  
 rij distributus terrarum orbis teneatur. Et, cum haec  
 legatio tibi per honorifica fuit; tum illud ad tui no-  
 minis celebritatem longe maximum accessit; quod  
 cum a Principe Turcarum Solymano pacem defessa bel-  
 lis Europa peroptaret, eaque sine Christianissimi Regis  
 intercessionem desperaretur; unus electus, qui tantum mu-  
 neris obires, acceptis à Rege mandatis, aestate media,  
 summis caloribus in Graeciam nauigasti. pacem ut  
 componeres, optabatur: composuisti: hieme summa,  
 difficillimis itineribus, per dispositos equos in Galliam  
 recurristi. Exceptus alia cura, cum de sedandis inter Re-  
 gem tuum, Regemque Britannum magni momenti con-  
 trouersis ageretur, praefuisti. te consulente, agente, ul-  
 tro citroque cursante, abiectis armis pax inter eos firmis-  
 simo foedere constituta. Habes hoc omnino, Monluci,  
 non dico a Fortuna, quam si asus, et temeritas regit, sed*

a te ipso, qui ad consilium & rationem omnia refers, ut in tuis actionibus felix usquequaque sis. nimirum Sors, quam in rebus humanis dominari quidam sunt opinati, non omninum est aequae communis; sed ipsa sibi virtus propriam fortunam architectatur. non eras, quia non est errare sapientis; & quia sapienter agis, omnia procedunt. bonus etiam orator es, quia bonus uir: ingenium enim probitas commendat; nec minus mouet is, qui dicit, quam ea, quae dicuntur. Quod nisi Latinum sermonem in Italia peregrinitas immutasset: nae tu nobis longo interuallo & Crassos, & Antonios retulisses. sed quoniam ea lingua utimur, quam multis coeuntibus linguis generatam corrupta consuetudo peperit: ueteribus Romanis oratione dissimilis, ingenio simillimus, non tu quidem loqueris ut illi, sed ut illi tamē & sapis, & persuades. Quare non fuit ab re, cum ego eos libros, in quibus perfecti formam oratoris a Cicero-  
ne videmus expressam, mendis antea deformatos, nunc mea correctione expolitos emitterem; non fuit inquam ab re, tuo nomini dicatos emittere; ut, quae de perfecto oratore traduntur, ea perfecti item oratoris titulo cohonestarentur. hoc cum ita existimassem, quia uidebatur esse aptissimū, feci, & feci eo libentius, quod cum tu mihi & multa iam summae humanitatis officia tribuisses, et is esses, qui tribuere etiam maiora posses; ego, nisi aliquid, praesertim ubi daretur occasio, retribucrem, uerebar, ne, ex duobus maxime insignibus uitij, alterutrius infamiam non effugerem, ut vel ea viderer, quae a te accepissem, minus meminisse, quod a consuetudine naturaq. mea alienissimum est, vel ea,  
quae

qua sperari possent negligere: quod quia superbi esset,  
abest non modo a fortuna mea, sed etiam a uoluntate  
plurimum.

Venetijs. M. D. XLVI.

AD BENEDICTVM . RHAMBERTVM

IN CICERONIS . LIBROS

DE OFFICIIS

NON ignoras, Benedicte Rhamberte, sensum esse  
quandam in hominibus similitudinem, quae cum in  
consuetudine cognita est, efficitur, ut, inter quos id ac-  
cidit amor exoritur: ab hoc quasi fonte multorum  
amicitiae manant: multos etiam beneficium cum  
obligasset: cumque id, quod acceperant, memoria con-  
seruatum grato animo redderēt, idque uterque fieri ob  
ingenij bonitatem, & uoluntatis erga se propensio-  
nem existimarēt, statim est illam opinionem beneuo-  
lentia consecuta: itaque duae causae sunt, quomobrem  
homines amant inter se: sed haec posterior, quae a re-  
bus externis originem ducit, cum illa superiore, quae  
a natura proficiscitur, nullo pacto uidetur esse compa-  
randa: illa enim primum habet eam suauitatem, qua,  
ut opinor, & certe, nulla maior est, cum eos, quibus  
utimur, & iisdem rebus, quibus nos, & aeque at-  
que nos affici sentimus: deinde, etiam qui in dando &  
accipiendo beneficio fructus est, eo non eget: nam, si  
haec actio bene merendi interdum est, & esse potest  
in ijs, qui uoluntate non admodum coniuncti sunt,

quanto felicius existeret apud eos, quorum animi ita consentiunt, ut, quasi natura hortante, easdem res appetere, ab iisdē fugere uideantur? at uero, qui officiorū commoditatibus adducti in amicitiam conierunt: etiā si alter alterum initio summe diligit: tamen, si quando accidet, id quod accidere saepe solet, ut ea, qua diligere coeperunt, causa tollatur: certe eorum animi pedetentim in amore languescent. quo in genere animaduertis, Rhāberte, quam multi quotidie labantur, de quibus, facile est intelligere quid sentias, cum ab eorum instituto tua ratio tam uebementer adhorreat. probe enim te, quae nostra debeat esse in iungendis amicitijs cautio, quae in iisdē colendis religio, quod itē in omni uita praestandum officium sit, horum librorum, quos nunc tibi inscriptos ad te mittimus, lectio erudiuit. sensi in me ipso; quem, ab opibus non magnopere firmum, aut ne firmū quidem, tamen octauum abhinc annum tanto studio es complexus, quantum, qui ab omni paratissimus sit, remunerando compensare uix possit. cumque rerū mearum status, ut sunt humana, interdum mutaretur; memoria teneo, te, numquam immutatum, eandem semper cum mihi, tum fratribus meis uoluntatem, ac beneuolentiam praestitisse, cum uero maior aliquanto inter nos consuetudo esse coepisset: quod quidem est factum, postea quam te in nostram uicinitatem contulisti: facile sentio, ad meam uitam recte conformandam quanto mihi observatio tuorum morum fuerit adiumentum: colloctiones uero de litteris nostrae quid non dicā delectationis, sed utilitatis habuerunt? equidem, si liceret totos dies uellem tecum ponere. quarum

enim

enim ego rerum cognitione delector, earum in omni genere quae tui sit iudicij subtilitas, intelligo. sed hanc Latinae scribendi rationem, in qua multi nunc uolunt excellere, paucissimi possunt, eam uero sictenes, ut tuis scriptis mihi quidem purius nihil esse uideatur, quod eo mirandum est magis, quia tu non, ut alij, diuturno, atque assiduo librorum usu, sed temporum studio subsecutorum; hoc ut posses, consecutus es. nam, ut omit- tam, quod tibi, cuius fidei atque prudentiae Veneti Senatus arcana creduntur, otium non saepe contingit: ecqui dies est, quo non ex amicis tuis aut consilio tibi aliquis, aut opera, aut etiam re sit adiutuandus? qua in consuetudine retinenda nimium diligens esse dum uis, accidit saepe, ut tuum potius ipse commodum, quam officij colendi facultatem praetermittas. quo ego me potius facere sum arbitratus, si haec opuscula, in quibus maxime de officio praecepta traduntur, ad te, quem cognoui esse omnium officiosissimum, mitterem. genus hoc, Rhamberte, quoddam est, quo ego eos, qui de me bene meriti sunt, remunerari soleo. perpende rem, nulla uidebitur, animum respice, gratissimum dices.



AD . DIEGV . HVRTADV .  
DE . MENDOZA

CAROLI . CAESARIS . A . CONSILIO  
EIVSDEMQUE . APVD . VENETAM . REMP . ORAT .  
IN . PHILOSOPHIAE . CICERONIS

PARTEM . PRIMAM

*SUPERIORIBVS* diebus, cum domum tuam ve-  
nisssem, ut *Benedictum Accoltum*, qui apud te diuer-  
sabatur, honoris causa uissem, quem ego hominem;  
non tam quia *Cardinalis* est, quam quia *Cardinalatu*  
dignissimus, uehementer obseruo: casu accidit, cū ego  
adesssem, ut inter uos sermo oriretur ijs de rebus, quae,  
ab antiquis ignoratae, nostra patrumque memoria nō so-  
lum inuentae sunt, sed ad summam etiā elegantia per-  
politae: cuius generis cum *Accoltus* ita multa comme-  
morasset, ut mihi quidem, credo item alijs, qui aderant,  
facile probaret, uetrum solertiae nostrorum hominū  
industriam antecellere: suggesti sibi tu, ne de philosophia  
quidem, in qua tantopere antiquitatem admiraremur,  
tibi uideri esse dubitandum, quin ea posset etiam nunc  
expoliri, atque ornari; si modo, quam quisque linguā a  
parentibus, atque a nutricibus traditam cum lacte si-  
mul hausisset, in ea uellet scribere; nūc usu euenire, ut,  
externo sermone addiscēdo, totam aetate cōsumamus:  
quod si nos a pueritia disciplinarū cognitioni totos de-  
deremus; non esse desperandum, quin & *Platones*, &  
*Aristote-*

Aristoteles aliquando possent exsistere: non uero & caelum hoc, unde spiritum decimus. idem est, quod olim fuit, & hominum ingenia non eadem esse possunt. praua consuetudo naturam peruertit. quae, tamquam ager, si colitur, fructus edit uberrimos; si negligitur, exarescit annos triginta. ponimus in uerbis percipiendis: quantum spatij restat, ut res ipsas consideremus? licet ad antiquitatem animi referre; num aut Graeci illi philosophi, quorum nomen celeberrimum est, ea, quae ab Aegyptijs acceperant, Aegyptio potius, quam patrio sermone scripta reliquerunt; aut nostri aliena lingua, non domestica, sunt. uel cum ea, quae uel de Graecis sumptuerant, uel ipsi pepererant, in usum posteritatis explicarent? constat, a pud omnes gentes, qui suas cogitationes litteris mandare voluerunt, eos fere ijs esse uerbis usos, quorum significationem matris in gremio cognouissent. quod item nostra aetate si fieret, facile contingeret, quod tu opinaris. Hinc adeo clarissime, ut in philosophia veterum inuentis non nihil, uel etiam non parum addi posset: neque enim eos, qui fuerunt, usque eo cogitatione, ingenioque processisse existimandum est; ut ijs, qui futuri sunt, quod praeterea cognoscerent, nihil reliquerint. multa latent adhuc, reclusa, atque abdita in immensitate naturae: quae eliciat, & euocabit in lucem, si quis inuestigandis rationibus, & perscrutandis rerum causis, ab ineunte aetate suum studium dederit. quod ab ijs fieri commode non potest, uel potius nullo modo potest, quibus non ea lingua, in qua alii educati sunt, sed ea, qua veteres utebantur, scribere consilium est. quorum tu si probares institutum, quoties-

quisque tecum esset in eo laudis genere cōferendus: tenes enim perfecte Latinam linguam, tenes Graecam, Arabicam, alias praeterea. scribis tamē, ut in patria tua loquuntur. in quo video quid spectes. quod pater tuus egit, ut optime de Hispania mereretur: id tu alia quadam ratione consequi uis. ille enim, cum annum ageret uix dum quintum & decimum, qua aetate milites in exercitu pauci solent esse, omnium approbatione, qui exercitus regeret, electus, Baeticae Regē, bis acie fusum, regno exsuit, & quaecumque in eius ditione fuerant, Catholici Regis Imperio potestatique sublecit. Aliam tu ornandae, atque amplificandae patriae tuae rationem iniuisti. profers enim, quantū in te est, Hispanicae linguae terminos; &, ut ea non solum uerbis, & nominibus, sed etiam rebus, & scientijs per te locupletata ab exteris nationibus appetatur, ingenio doctrinaque consequeris. quod nescio an omnibus patris tui victorijs, atque triumphis sit anteponendum. nam, etsi, populos bellos superare & imperium augere, praeclarum est: tamen mihi cum animo meo consideranti, multo melior videtur esse condicio litterarum, quam regnorum: haec enim in unius hominis fortuna posita sunt, & unius saepe culpa exstinguuntur; illae uiuunt, & vigent quoddiē magis, neque ulla temporis circumscriptione terminantur. itaq. magni & excellentes viri, qui bellicae laudis gloria florere, cum earum rerum, quas gessissent, memoriam non satis fore diuturnam sperarent, nisi ab hominibus ingenio praeditis celebrarentur; eos, qui id praestare possent, non uulgaribus praemijs affectos, in  
honore

honore summo, atque etiam in amore semper habuerunt. Quo mihi illorum laus videtur esse illustrior, qui & res praeclaras manugere, & quae gesserint, litteris custodire ipsi possunt. quo in numero fuit soror illa tua praestantissima femina: cuius militaria facinora cum audimus, cuius eam nostrae aetatis viro animi magnitudine comparamus; cum autem ea, quae scripsit, legimus uel antiquis scriptoribus ingenij praestantia simillimam iudicamus. Huiusmodi cum in tua familia mulieres existant, de viris quae sunt speranda? quamquam fratres omnes tui, tuque in primis, ea, quae sperabatur, iam praestitisti. itaque Carolus Imperator vestra potissimum virtute, vestraque fide nititur. nam fratrem tuum, Marchionem de Mondesar, qui ceteros aetate anteit, cum alijs in rebus, tum in victoria Tunetana, equitibus levis armaturae & classi maxime praepositum, magno suis rebus sensit esse adiumento: alterum autem, Episcopatu Iacensi ornatum, summe propter eruditionem, & prudentiam diligit; tertium Indicis provincijs Proregem: quartum Hispanicis tririmis praefecit: te primum sibi voluit esse in consilio: deinde, cum difficultate quandam temporum paene fatalem impendere, & ea, quae cogitabat, sine summa prudentia non esse tractanda intelligeret, unum e maximis numero delegit, qui apud Venetam Rempublicam id munus orator sustineres. quo quidem in munere clarior in dies significatio tuae virtutis elucet. nam ad usum rerum, quo vales plurimum, addis doctrinae cognitionem: quam a libris petitam, grauiore in causa consilium capere si vis, explicas, ut proposito praeter-

ritatium veritas exitus cautior praesentium sit delibera-  
tio. quod quoniam maxime praestant historia, & phi-  
losophia: tu quidem vehementer utriusque studio tene-  
ris, sed nescio quo pacto magis te philosophia delectat;  
credo, quod pluris apud te est, ex-cogitare quae nemo vi-  
derit, quā imitari quae alij fecerint: quo in genere cum  
omnino nullius ope uidearis indigere, quippe qui ita  
abundus ingenio, ut, quocumque te applicueris, excelen-  
las: tamen uide, quid egerim: iniui rationē, ut iuuare  
te possem: nam hos Ciceronis de philosophia libros cum  
ueteris exemplaribus contuli, & emendatos ad te mi-  
si: ut tibi, si quando eos in manus sumeres, quasi faci-  
lius & expeditior legendi cursus esset. saepe enim ex te  
audiuī, cum dīceres, antiquorum in scriptis ita multa  
esse corrupta, ut in eorum, qui legerent, animos permi-  
sisset falsa tam ueris influerent: cui malo si quis mēdere-  
tur, eam te existimare a studiosis omnibus, sed a te ipso  
certā maximam esse gratiam initiale: quae me uox nō  
collocatū est, sed in pulis, ut id faterem, quod fecisse  
me uides: nec sibi ita tamen potest, ut mēd te studio, & di-  
ligentia nihil iuuerim; & ea, quae ego nunc in his libris  
rescripta, in ratione amittō, iam prius ipse habeo  
dumtaxat domi inue nata, & a te ipso quaesita: sed ego  
ita sum ratiocinatus: cum itaq; philosophis didiceris, nū  
in reges, & principes, qui singulam iuuandi fa-  
cultatem habuerint, sed in tēniores etiam liberalitatis  
nōmen posse cadere, quod benemereri, etiam si non pos-  
sunt, tamen occupant, & praeclarum existiment, ea-  
dem ratione fore, ut, quod ego te iuuare uoluerim, pro  
eo id accipias quasi maxime iuuerim.

indigere,

+ 15

A D.

AD. MARGILLVM. CERVINVM  
 SANCTAE. CRVCIS. CARDINALEM  
 IN. PHILOSOPHIAE. CICERONIS  
 PARTEM. ALTERAM 9

EST genus hominum, qui ita sentiunt: philosophari, aut totum nihil esse, aut non eorum esse, qui rerum agendarum in studio versantur; quorum in altero mihi videntur; cum homines sint, bestiarum consuetudinem imitari; quae tantum ea, quae pedibus teruntur; quaeque adsunt, intuentur, nihil altum suspiciunt, nihil longinquum cogitant: in altero res a natura copulatas velle seiungere. nam, qui ab actione rerum philosophiam excludit, is, quantum in se ipso est, corporis & animi societatem dirimit; cum & corpus regimine animi, & animus ministerio corporis indigeat. Sed proferunt multos; quibus ignoratio philosophiae non obstitit, quo minus ea, quae volebant, rectissime perficerent. quasi vero sit eadem rerum omnium natura, & quod uni aliqua in causa contigerit, id cuilibet omnibus in causis posse contingere credibile sit. naufragium facit natationis ignarus; arripuit tabulam, & amplexu tenens, ad litus incolumis a fluctibus appellitur: num ideo natandi peritiam negemus esse utile; quod, sine ea qui fuit, e periculo tempestatis euaserit? incidat aliquis in febrem: non curatur, & conualescit: tollemus igitur medicinam, quoniam sunt, qui sine  
 eius



eius ope sanentur? nihil minus; nisi si ea, quae in casu  
 fita sunt, anteponimus ijs, quae ratio gubernat. quod  
 idem de philosophia dicendum est. nam, ut illud demus,  
 sine ea multos esse laudem consecutos: non & hoc da-  
 bimus, fore, ut sine eadem consequi omnes possint. non  
 eiusdem semper generis agenda sunt res. est, ubi pru-  
 dentia uel mediocris abunde satisfaciat; est item, ubi  
 mentis altior contemplatio requiratur. hoc extremum  
 qui poterit, sequitur ut & illud primum: sed, qui il-  
 lud primum, non & hoc extremum. quod cum ita sit:  
 utrum praestet habere, facilis est diiudicatio. in optio-  
 ne enim, & eligendi potestate, nemo fere est, quin to-  
 tum partibus censeat esse praefendum: propterea  
 quod non totum in partibus, sed partes includuntur  
 in toto. Ergo, cum perspicuum hoc sit, accidere &  
 posse, & solere, ut philosophiae cognitio & utilitatem  
 afferat, ignoratio detrimentum: dubium non est, quin  
 ea videatur esse cum rerum actione coniungenda. Sed  
 iidem coniungi posse negant: quo argumento? aiunt  
 eas dissimili in genere versari, alteram in otio, alte-  
 ram in negotijs: itaque se non videre, qui possit in  
 utraque vnus excellere. Hic ego, Cervine praestantis-  
 sime, meam ueniam non excutiam, ut ea, quae  
 legerim, aut audiuerim, reminiscar. non est consilium,  
 quae ad illos redarguendos faciant, veterum e scri-  
 ptis eruere. uolo, ut exemplo tuo refellantur. Romae  
 uixi, & vixisti multos iam annos. numquam omni-  
 no tua virtus tam illustri loco latuit: sed postea quam  
 te Paullus I I I. incredibili Pontifex non modo sapie-  
 tia, sed bonitate etiam ornatus, in altiore digni-  
 tatis

tatis gradu collocatum, suorum omnium consiliorum  
 & participem, & adiutorem esse uoluit; tum vero cla-  
 rissime sese ostendit lumen animi, ingenijque tui; ut  
 nullus esset honor tantus, qui, in te collatus, non uideretur  
 ei, qui contulisset, magnam esse iudicij laudem  
 allaturus. itaque paullo post Cardinalis factus es, &  
 factus tanto bonorum applausu, tantaque laetitia,  
 quantam in animis hominum recte sentiētium summa  
 dignitas uirtuti tributa potuit excitare. quo toto tem-  
 pore valde tu quidem fuisti, atque es etiam nūc distri-  
 ctus à negotijs, maximeq. ab ijs, quae & ad sedandas  
 Christianorum Principum discordias, & ad restituē-  
 dam Religioni dignitatem pertinent, sed te tamē a phi-  
 losophiae studio nulla res umquam potuit diuellere. sic  
 & animo, & corpori suis utrique muneribus apte di-  
 stributis, quōtidie fere modo a cognitione ad res agen-  
 dās, modo a rebus agēdis ad cognitionē traductus teq.  
 ipse in hoc quasi circulo identidem reuoluens, effecisti  
 quod ab ijs, de quibus initio dixi, fieri posse negatur, ut  
 & in tractandis negotijs, & in considerandis rerum  
 humanarum diuinarumq. causis occupatus, dispari in  
 studio, pari tamen cum laude uerferis. ex quo intelligi-  
 tur, ab ijs, qui rerum actioni se dedunt, & percipi phi-  
 losophiam, & tractari posse: debere autem ostendi-  
 mus: est igitur eorum, qui aliter existimant, senten-  
 tia omnis explodenda. Nos quidem, & nostra sponte  
 commoti, & tuo exemplo impulsī, quōtidie magis phi-  
 losophiam admirantes, in eius cognitione cupimus ac-  
 quiescere, ad eamque, magnis defatigati laboribus, &  
 molestijs, tamquam ad incudissimum diuersorium pro-  
 pera.

peramus. quo si peruenero, uel potius cum peruenero:  
 (cur enim meam ipse cupiditatem omnibus optimis  
 non prosequar?) tum ego quidem multo, quam nunc, fa-  
 cilis tua in me merita uel tuebor, uel etiam illustra-  
 bo. interea non sumus otiosi: utinam potius aliquanta  
 minus occupati. prouinciam cepimus duram, atque dis-  
 ficilem, veterum scriptorum libros emendare. dum uo-  
 lumus, omnino in hoc onere sustinendo ualde sudamus:  
 sed animus, tuarum cohortationum memoria confirmatus,  
 manet in officio, manebitque, dum id, quod institui-  
 mus, absoluat. nunc edimus Ciceronis libros de philo-  
 sophia, saepe multis a mendis, potissimum ex antiqua  
 Bernardini Maffei, qui te maxime obseruat, inuenis  
 eloquentissimi, libro vindicatos. qui cum ita digesti es-  
 sent, ut in duas partes tributi legerentur: cumque ego  
 ex iis partibus eam maxime uellem tibi inscriptam  
 emitte, quae tuae personae dignitati que aptissima  
 videretur: feci, ut eam diligerem: in qua de natura  
 deorum eleganter & acute disputatur: ut, quoniam  
 valde tibi pro tua ueteri erga me uoluntate, proque  
 summis officiis deberi fructus industriae meae uiden-  
 tur: si dum ad maturitatem peruenirent, his te inter-  
 rim quasi floribus oblectares.

AD . RAINVTIVM . FARNESIVM  
CARDINALEM

IN . SVOS . COMMENTARIOS  
CICERONIS . EPISTOLARVM

AD . ATTICVM

IO

BENE audire, qui est recte factorum fructus, omnes fere volumus, amplissime ac praestantissime Rainuti; ipsum quidē recte facere, unde illud quasi ex fonte deducitur, paucorū hominū semper fuit, est enim tū perfectae naturae, tū doctrinae singularis, ut tamen natura sine doctrina facile possit ad laudē peruenire: doctrina sine natura laudabilis numquam, turpis etiā saepe sit. itaque uel in agris inculto homines ingenio uirtutē tamē coluere; doctrinis autē eruditi uiri, q̄ ad bene agendum esse instrumenta debuerant, ijs ad perniciē suarū ciuitatū sunt abusi. quid de Pisistrato Graecae historiae loquuntur? quid nostrae de Caesare? doctū utrumque & eloquentē fuisse, ijs tamē utrumq. sensibus, ut, exempla maiorum, & legum sanctissima iura cōtemnētes, libertatē suis ciuibus eripere praectorum duxerint. ergo prima laus bonitatis est: quae nihil nisi seipsam spectat, ipsa sibi finis est: altera doctrinae, quae nisi ad bonitatē referatur, laudabilis nō est, ideoque, ut laudetur, finē sequitur se ipsa praestantiorē; quod si quis est, qui alterum cū altero coniunxerit; ut & bonus sit, & idem doctrinis institutus: neque rectū ideo solum cupiat, quia sit ipse ad rectū natura propensus, sed quia, quod rectum non est, id esse turpissimum

simum intelligat: hic est, quem in uita humana diuina bona consecutum putemus. praeclara res, sed exēplo minus nota: id autem, ut ego opinor, ob eam causam, quod unusquisque in vitam Principis, tamquam in speculum intuens, ad illius similitudinem se ipse fingit, & format. ideoq. uiri sapientes alterutrum recte cupiuerūt ut aut reges philosopharentur, aut regnarent philosophantes: utrum esset, futurum ut ex uirtute pendere-  
mus. Quod si fuit ullum tempus, cum homines rationes, & cogitationes omnes suas in philosophia constituerent: tum profecto coepit esse, cum auus tuus ad Christianae Reipublicae, nimirum magno periculo fluctuantis, gubernacula Dei iussu accersitus, sedit in sede Pontificia Pontifex dignissimus, ea praeditus non solum auctoritate, sed etiam sapientia, ut hic nos in tantis tempestatibus seruare solus a naufragio possit. cumq. laudandus est maxime, quod optime ipse sentit, optimis semper in studiis, consilijsq. defixus: tum, quod optimos uiros adsciuit sibi & consiliarios, & suae uoluntatis ad ministros. in quo ego tantum soleo ponere; ut, si mihi ad alterutrum eligendum optio detur, non bonū Principē malim cum bonis ministris, quā bonum cum sui dissimilibus. sed bene, quod habemus utrumque; & Pontificem, qualem res poscebat, & Collegium tali Pontifice dignissimum. itaque nunc emergit uirtus: honestū reuocatur: deserta per multos annos litterae patronos habent, diuque, ut auguror, habebunt. tu Rainuti, fraterq. tuus duo clarissima Italiae lumina, uterq. Cardinalis et Cardinalis uterque optimus praeclara consuetudine tenebitis ab auro tradita. certe enim nō ideo te Pa-

tauij per tot annos summi doctores erudierunt, ut ea,  
 quae tantis uigilijs quaerebas, consecutus negligeres.  
 amabis eadem, & fouebis: tuumq. erit proprium stu-  
 dium non solum colendae uirtutis, sed etiam ornadae.  
 refer animum ad eos, qui, multis ante seculis exstincti,  
 tamen in laude uiuunt: omnes reperiēs, his gradibus ad-  
 scendentes, ad immortalitatem peruenisse. quorū tu  
 quia facta imitaris, non dubito, quin eorum semper flo-  
 rentibus nominibus ita tuum nomen inseras, ut num-  
 quam exarescat. Materiem habes ad gloriam, Anco-  
 nitānam prouinciā: quam nunc ita regis adolescens,  
 ut ea praestes, quae saepe dēderamus in senibus. quae  
 quamquā ad eos solum, quibus cum potestate praees,  
 pertinere uideantur: tamen illa tuae ditionis terminis  
 non continentur. scis consuetudinē famae. illa nos per  
 ora hominum sublimes uelit: benefacta simul, & ma-  
 lefacta aeq. circumfert: sed benefacta laudibus exci-  
 piuntur, malefacta conuicijs excluduntur. Itaque noli  
 putare te Picentibus solis esse continentē, esse iustum,  
 esse beneficium. Picētes haec uident, longinqui audiūt,  
 & praedicant. te aiunt esse, ad quē aditus omnibus pa-  
 teat, cui sit iustitiae, sup̄ pietatis antiquissima cura; cuius  
 & potestas timeatur, cū omnia possis; & bonitas dili-  
 gatur, cum idem non plus licere tibi uelis, quam quan-  
 tum leges praescribant. male adolescentis laudibus exi-  
 mie, imitator aui, maiorumq. tuorum: recte cogitasti,  
 In imperio laudē non esse, nisi cum is, qui imperat, im-  
 perio dignus est. qđ quia tibi siue a natura, siue a disci-  
 plina, siue, ut ego arbitror, ab utraq. simul contigit: qđ  
 ad naturā attinet, referimus ad Deū; de disciplina, te.



ipsum & laudamus, qui ad haec praeclara inuigilaueris et amamus, quia sunt amabiles uirtute praediti. me quidem & multis abhinc annis, cū Romae te uidisſe, atque allocutus eſſem, in tui obſeruantiam uoluntas inclinauit, iam tum de tua indole exſpectantem ea, quae conſecuta ſunt; et poſtea Patauij, cū in ſtudijs optimarum artium totus eſſes, iudicium impulit. haec tua Picentina legatio quaſi operis perpolitio fuit: in qua theſauros philoſophiae, multorum amorum ſtudio congeſtos, explicas, & cum provincia cōmunicas: itaque, cum ego multo ante, quam iſtam tibi adminiſtrationē ſummus Pontifex demandaſſet, eos cōmentarios, quibus epiſtolas ad Atticū illuſtrare ſum conatus, in tuo nomine emittere ſtauiſſem; poſtea ſimul cum tuis laudibus creuit uoluntas mea. Eos igitur nūc emitto, ſerius omnino, quam nonnulli exſpectauerant; ſed meam tarditatem opus ipſum excuſat. epiſtolas ad Atticum interpretanti properandū non fuit. alijs in rebus poſſum eſſe quantumuis ſtrenuus: in hac qui poſſunt eſſe nō tardus? primum multa difficilia, deinde non iſdē cauſſis omnia ſed alia propter breuitatē, alia ppter hitorias, alia propter mores. Huc adde, quod mihi quibuſdam in locis non ſatis fuit explicare ea, quae aperta nō erant; ſed tentauimus etiam paullo floridius poſſem, quā noſtri grāmatici ſolent. Neque tamen ſum neſcius, fore multos, qui me in his cōmentarij ut hebetem, quia non nulla minus acute uiderim, uel fortaſſe etiā ut caecum, quia prorsus nō uiderim, reprehendāt. qui ſi mihi cur id faciant, cauſſas aſſerant probabiles; non cōmitā, ut ydem me etiā ut pertinacem poſſint reprehendere. amo  
enim

*enim veritatem, neque eam in me ipso magis, quam in alio: itaque cōplectar, sicubi eam uidero. Tibi uero, clarissime Rainuti, quod in has Ciceronis epistolas laboris impendi, maxime ob eam causam cupio probari, ut, si qui uere iudicare propter insitiā non possunt, aut propter maleuolentiā nolunt, eos a consilio detrahendi tua deterreat auctoritas. Venerijs. MDXLIIX.*

---

AD . ALFONSVM . CARAFAM  
ANTONII . MARCHIONIS

MONTISBELLI , F.

IN . SVOS . COMMENTARIOS  
CICERONIS . EPISTOLARVM

AD . Q . FRATREM.

II

*SI suo quaeque res merito penderetur, Alfonse Carafa; hominum esset in uirtute uigilantium praeclara condicio; contraque, quos auersa a ratione uoluntas ad malas artes, & flagitiosa consilia traducit, cū ijs pessime semper ageretur; eorumque docti exemplo, sapientius deinde alij non modo suis, uerum etiam publicis rationibus consulerent. itidem enim, ut e corruptis seminibus vitiosae fruges, sic a malis exemplis improba studia, a laudabilibus optima nascuntur. uerum hoc totum secus est. quippe non modo ad reprehendendum, qui reprehendi iure possunt, procliuiiores, quam ad laudandum, quae laude digna sunt, omnes ferre sumus, nec satis aequa lance turpe & honestū exa-*

minamus; quae debemus pariter, alterum odisse, alterum diligere: sed etiam saepe facimus, ut eas res, easque actiones, quarum causas ignoramus, quaeque recte ne an secus fiant, diiudicare non possumus, accusemus tamen, accerrimaque vituperatione, quae interdum offerrilaudibus oporteret, ea deprimamus. Ac, ne me putes, Alfonso clarissime, huius initiū sermonis temere detulisse, ego nunc, si nescis meam, meam dico? immo vero communem utriusque nostrum causam ago. aut enim uterque agimus egregie, aut uterque similiter peccamus. Audis ne tu voces in Latinae linguae nomen irrumpentes, hominum obtrectatum, qui rei pulcherrimae scientiam reprehendant; qui nos derideant, ludosque faciant, atque etiam, si diis placeat, odio dignos existiment, quod operae tantum ac temporis in hoc tam nobili studio collocemus? tu fortasse non audis, totus in litteras abditus, multorum a consuetudine seiunctus: aut, si audis, negligis, opinor, magnis non tam fortunae, in qua tamen ipsa multum inest, quam rerum omnium laudabilium praesidijs ad omnia munitus. me uero, humilis hominem loci, haec una tibi Romani sermonis cupiditate parem, ceteris rebus omnibus inferiorem, ista sane, quae feriunt aures meas, uehementer commouent: non quod ea, quibus utuntur, argumenta firma sint; quae ostendam esse inania; sed quod, ut eam, quisque virginem, cuius amore flagret, intactam ab iniuria, puram ab omni labe velit, sic ego, quasi lutosi maculis adpersam, ac foedatam eloquentiam, quam semper dilexerim, cum adspicio, sensibus intimis afficior, sic, ut ferre non possim. Obijciunt illud primum; quatenus aliquid

cogno-

Cognosci possit, eatenus in eo laborandum: Latinā lin-  
 guam obsoleuisse iam, & extinctam paene totam esse:  
 quam enim hodie nationē, ut omnes animo perlustren-  
 tur, Latina loqui? quod vero ex ea supersit in libris,  
 minimum id esse, tamquam aliquod inane simulacrū  
 corporis ex animis: quo circa neque sciri perfecte, cum  
 exiguum partem libri contineant, neque pronuciari  
 decenter, cum sermonis vsus euauerit, a nobis posse.  
 Secundo loco statuunt: ut absolute percipi, quod negāt,  
 Latina lingua possit; mirari se tamen etiā, cur indu-  
 striā in ea perdiscenda tam diuturnam ponamus: uitiū  
 quidem id fieri uoluntatis, & iudicij: dignitatem in re  
 tantam nō esse, ut haerere per tot annos in hoc studio  
 debeamus. Concludunt postremo: ut de perfecta co-  
 gnitione, de dignitate, ac praestantia concedatur; ta-  
 men esse, cum, ea pulsa, successerit alia, minime ne-  
 cessariā. Haec isti: quae specie aliquid videntur; ego,  
 re nihil esse, si quando me praesente disputantur, osten-  
 do. Conuenit inter nos, esse aliquid in omnibus faculta-  
 tibus, atque artibus extremū: quo nostra studia cū per-  
 uenerint, quiescendum. sed hoc extremū quibus termi-  
 nis metimur, rei ne natura, an vulgi opinione? si opinio-  
 ne vulgi: licet prope modum otiose viuere: mediocria,  
 quae putantur excellere, quaeramus: id satis est, illa  
 summa, ubi summū decus habitat, quae vulgus igno-  
 rat, omittamus. sin extremū illud esse uolumus, quo p-  
 uentum cum est, progredi longius nō licet: moderata stu-  
 dia non dātur. perfectā enim scientiae laudem adipi-  
 sci, maximi operis est; itaque hoc extremum, quod, opi-  
 nor, Natura nouit una, sapiens nemo unquam se pu-

tauit esse consecutum. exstant, litterarum clarissimis  
testata monumentis, exempla summorū philosophorū;  
qui cum aetatem in abditarum rerum perscrutanda  
notitia contriuisent, multa que partiū legendo, partim  
cogitando praeclara & eximia reperissent, latere ta-  
men adhuc, magnis inuolutam difficultatibus, verita-  
tē, & aliquid sibi atque adeo multum esse quaerendū  
existimabant. Eadem nunc, aut certe similis admodū  
nostra ratio est. Quaerimus id, quod in Latina lingua  
perfectū putamus. non assequemur: esto; veruntamen,  
quo, plus, ut asequamur, contenderimus, eo scilicet pro-  
ptius, si quid studio proficitur, accedemus. At laboris,  
& industriae terminus tamen statuendus aliquis est.  
Concedo: sed hoc quidem si diligenter attendatur, ni-  
hil aliud est, quā perfectum ipsum definire. hoc enim ad  
unum nostrī labores intenduntur, hoc unum nostra, spe-  
ctat industria. perfectum autē ipsum ego mihi ab ho-  
minibus imperitis certe definiri nolo. definiant ij, qui-  
bus utor magistris, Cicero, Caesar, Terentius, Plautus,  
quorum ex libris, quae Latinae linguae sit elegantia,  
quae ubertas, quae vis, facile possum intelligere, quae  
si, non dico quanta sunt, (immensa enim esse uideo)  
sed si ea mihi magna ex parte comparassem, modum  
fortasse facerem studio meo: sed, ut inter hos, qui nunc  
homines viuunt, aliquid esse uideamur, nihil tamen, si  
uere de nobis ipsis iudicare uolumus, prae illis, quo-  
rum exstant satis multa scripta diuinitus, nihil, inquā,  
plane sumus. Quare, quod ad scribendum attinet, ha-  
beamus abunde quod imitemur. De pronūciatione uero  
minimum laboro. quid enim? an putamus in ijs ipsis,

qui

qui tum Romae viuebant, eandem pronunciandi rationem fuisse? non fuit. consuebant in urbem, ille tibi spe summorum magistratuum, quod habuit illis temporibus praemium eloquentia, oratores ex vniuersa Italia causas agebant Romani homines pariter & peregrini, sono vocis dissimiles, pronuntiatione diuersi: sua tamen quisque, pro eo, quantum quisque valebat, ingenio laudem ferebat. si Curibus educatus, aut Arpini, oratorem in foro audires; Sabinum statim, aut Arpinatem agnosceres. neque tamen a forense opera, & a iudicijs propterea quisquam est exclusus, quia minus Romanae, hoc est quia minus apte, minus ne decenter, pronuntiaret. Nunc ipsum, in hac, qua Itali omnes utimur, lingua est ne omnium in disiunctis & longinquis urbibus simillima pronuntiatione? mehercule ne in iisdem quidem. Venetijs enim (domestico utar exemplo) aliter in urbe media, aliter in extrema loquuntur. qua propter nimis iniusto privilegio damnabitur Latina lingua, si, quod in ceteris linguis usu videmus euenire, ut non modo diuersis, verum etiam iisdem & temporibus, & locis non similiter omnes pronuntient, id ei praecipuum apponatur: cuius etiam magnis ac praestantibus meritis aliquid largiri, tum humanitatis, tum aequitatis esset. Secundum erat de dignitate, in quo, non tam equidem quid ipse respondeat, quam quid istos in hanc mentem impulerit, quaero. Ita ne? dignitatem Latinae litterae non habent? humiles, & obscurae sunt litterae illae, quae populi Romani nomen extollunt, atque illustrent? quae summorum Imperatorum fortiter & praecclare gesta per omnes gentes cum laude disseminant?



quae maiores opes, quam ulla unquam lingua maiora suorum meritorum praemia in orbis terrarum domina civitate sunt adeptae? Sed ineptus sum, si me patrona Latinae linguae profitear: quae tantum possidet eloquentiae, ut ipsa suam causam si agat, facile se ab adversariorum calumniis vindicare possit. Nunc quod istud postremo loco argumentum, quasi postrema in acie subsidium firmissimum, collocant, videamus in eo quantum roboris ac nervorum sit. plus enim est fortasse, quam ut contemnere minus certe, quam ut pertimescere debeamus. Nusquam, inquit, viget usus Latini sermonis: aliter nunc omnes loquimur. id verum est. si quid igitur in Latinam linguam studij confertur, opera non bene ponitur. hoc falsum. duplex autem est, qua utor, ratio probandi. Primum illud suscipio, ac defendo: non, quaecumque necessaria non sint, propterea spernenda esse omnia, atque explodenda; deinde, si spectetur utilitas ita Latinam utilem esse linguam, ut etiam necessaria videatur. Quae sunt, quae vere, & proprie necessaria dicimus? nimirum ea, quibus carere nullo modo possumus. huiusmodi sunt primum elementa, deinde, quibus famem, frigoraque arcemus, victus, uestimenta, aedes, aut ea, quibus haec parantur? praeterea, in publicis rebus leges, & magistratus, in privatis severitas, & vigilantia. ex hoc numero Latinam certe non esse linguam, facile concedo. neque enim is ego sum, qui libenter cum veritate pugnem. Sed praeter haec, quibus hominum vita sustinetur, ac regitur, quam multa sunt, minime necessaria, quae tamen habemus in deliciis, quae amamus, quae etiam honore prosequimur? gemmas, &

vasa pretiose caelata, columnas marmoreas, laqueata tecta, sericas vestes, textiles picturas, artum in vocibus, & fidibus, odores in unguentis, condimenta in cibis, haec certe, atque huius generis sexcēta, non ut necessitati pareret, sed ut sensibus satisfaceret, inuenit industria. quae quin habeant iucunditatis, & ornamenti plurimū, nemo negat. quod si, quae sensus iuuant, & laboriose quaesita sunt, & retinentur accurate: quāto nobis ea, quae animū oblectant, potiora debēt esse? passitur animus magnitudine rerū; quid Liviū sublimius historia, quae populi R. bellicā virtutē commemorat? grauitate sententiarum; quis Cicerone prudētius, quis eruditius disputat? elegantia verborum, & copia: quis eodē ornatiō, quis vberior? varietate scriptorū: quod genus Romanae litterae desiderāt? poetas habēt egregios, historicos, oratores, philosophos etiam excellenti doctrina claros. quae si vera sunt: (sint, nec ne, res ipsa declarat: ambigere non licet) & si voluptatē studiosis Latina lingua parit incredibilē; possum istis tribuere, quod uolunt; necessariam vulgo non esse; dum ipsi cōtra, quod ratio postulat, atque exigit, hoc mihi tribuāt amandam esse uahementer, atque expetendam. Sed haec ad eam, qua legendo fruimur, voluptatem pars attinet: nunc, quod eram alterum pollicitus, de utilitate videamus. Omnes linguae aliarum admisione linguarum, si moderata sit, augentur; si nimia, corrumpuntur, atque intereunt. quod enim recipitur, id esse debet eiusmodi, ut recipientis naturam sua vi, suaque magnitudine non exsuperet. itaque sermo hic noster Italicus, multas Callici sermonis, multas Hispanici,

quasdam aliarum nationum habet partes. causam si  
 quaerimus: non alia, quam earum gentium interuen-  
 tus, & consuetudo, fuit. quod si Gallorum, aut Hispa-  
 norum immensa multitudo, (exempli causa dictum d  
 me sit: omne quidem inane esse volo) sed si earum nationum  
 maior aliqua vis in Italiam irruerit, ac permanserit:  
 maior simul inducetur Gallici, aut Hispanici sermonis  
 usus; & fortasse aduentitium illud usque eo valebit,  
 ut hoc domesticum vincat, suisque sedibus expellat.  
 quod olim Romanae linguae contigit: quam, multarum  
 aetatum spatio, multis maximarum rerum adiumentis au-  
 ctam, atque confirmatam, diuersis tamen populis Ita-  
 liam occupantibus, diuersarum linguarum impetus op-  
 pressit. Cum igitur lingua lingua amplifcet; nostraq.  
 haec Italica, non multis abhinc saeculis orta, nec ad-  
 modum liberaliter praeniorum nutrimetis educata,  
 non ita dum adoleuerit, ut suis contenta viribus esse  
 possit: statuo sic, atque concludo: accessionem ei fieri ma-  
 iorem non posse, quam si cum Latina coniungatur: non  
 modo, quia nulla plenior, aut ornatior: verum etiam,  
 quia nulla similior: ex quo sequitur, ut ad coeundam  
 cum ea societatem nulla commodior. Est igitur littera-  
 rum Romanarum cum per se laudabilis admodum, &  
 incunda tractatio, tum vero, si quidem hunc ipsum, quo  
 nunc utimur, auctum exornatumque sermonem cupimus,  
 magnopere necessaria. Atque haec tu quoque uides,  
 Alphonse ingeniosissime, tuumque iudicium cum mea sen-  
 tentia coniungis. itaque cum à prima pueritia ad elo-  
 quetiae Romanae cupiditatem incubere coepisses; postea  
 te non ambibo, quae saepe praeclargi acta fundamenta  
 virtutis

virtutis euerit, non commodum, nō illa bonis artibus  
 inimica voluptas ab hoc studio deduxit. ac ne nūc quī-  
 dem languēs, cum tamen omnia uideas ardere bello,  
 armorūq. strepitu aures tuas quotidie personēt. quin;  
 dum patruī tui, Carolus Cardinalis, & Ioannes Pal-  
 liani Dux, vterque ob virtutē immortalitate dignissi-  
 mus, maximeque pater tuus, Antonius Marchio Mō-  
 tisbelli, natus ad omnem gloriā, omnique princeps lau-  
 de cumulatus, urbem Romam, & lura Pontificia tū-  
 tur, partesq. in bello quisque suas consilio, vigilantia,  
 fortitudine ita explent, vt antiquam maiorum suorū  
 consuetudinē referant; ipse te interea contines in tuis  
 perennibus studijs; animumque tum alijs magno Prin-  
 cipe dignis virtutibus, tum vero maxime excolis elo-  
 quētia, doctorem in ea, ducemq. nactus, diuino quodā  
 munere, virum excellentem, Ioannem Paullum Fla-  
 uium, qui te nouo quodam, planeq. admirabili genere  
 disciplinae, abductum à vulgi erroribus, per directam  
 semitam ad eximiū illud veteris Romanae linguae de-  
 cus facile ducit, quo vel cum summis laboribus ac vi-  
 giljs adspirare pauci, aut fortasse etiam nemo potest.  
 quamquam me nōnumquam, de statu Latinae linguae  
 cogitantem, miseratio quaedam acerbō cum dolore tā-  
 git quod ita futurū animo cernā, vt haec, per tot iam  
 saecula, a tot ingenijs, tā diligenter culta, Latine scri-  
 bendi ratio, quae parentē nostrā Italiam nobilitauit,  
 quae tot in nos merita contulit, aetate demū nostrā, nī  
 si remediū aliquod diuinitus exstiterit, suam honesta-  
 tem omnem, neglecta prorsus in perpetuum amittat.  
 quod si rebus inclinatis, iamiamque cadentibus opē  
 ferre

ferre quisquam potest: vnus est Paullus IV. Pōtifex, omnium optimus, idemque diuina potius, quam humana, sapientia praeditus. vnus, inquam, aut nemo vnquam, & Latinam linguam, & laudabilia quaeq. studia veterem in dignitatem vindicabit. qui cum frater fuerit aui tui; cumque illum vna virtus ad eum gradū extulerit, vnde humana omnia despicit, supra casus omnes, supra fortunā ipsam collocatus; hunc te decet imitari, huius vitā, perpetuo sanctissime traductā, huius omnia facta, consilia, instituta tibi ante oculos ponere. vides pietatem erga Deū, & in auctoritate Pōtificia, id est in ipsa religione tuenda firmitudinem animi, atque constantiam. vides multiplicē rerum humanarum diuinarumque scientiam; trium vero linguarū, Hebraicae, Graecae, Latinae cognitionem paene singularem. eloquentia vero prorsus eum excellere omnes fatētur: qui quidem ita quacumque de re nō modo copiose, verum etiam eleganter, ac diserte loquatur ex tempore, vt ei non arte quaesita, sed a natura donata videatur eloquentia. hunc igitur sequere, & in illius vestigio pedē statuere. ipse enim Deum secutus est; cū eā felicitatē, quam pleriq. mortales ignorant, animo cogitaret. quē tu quoq. sinē spectas, vt audio: & ob eā causam futurum homines augurātur, vt eius dignitatis, q̄ summæ proxima est, insignia breui omnino cōsequaris. quod cum euenerit; laetabor primū tua, deinde cōmunium studiorū caussa. qui enim tuos impetus ad laudem nunc videmus, tuosque plane sensus intelligimus; an, vbi ad istam voluntatem auctoritas, atque opes accefferint, fore dubitemus, vt a te ipso dissentias? Præ-

stabis

Stabis Alphonse tu quidem alia praeclara, te ipso scilicet digna, tuaque familia, in qua florere vides heroes per multos, gloria circumfluentes, virtutis in studio defixos, maxime vero gratiam referes optime de te meritis Latinae linguae, eamque, paulatim Italia cedentem, & ad transalpinas nationes, magno nostro dedecore, migrantem, in suam sedem, domiciliumque reuocabis. Cuius gloriae causa, si monendus es, monitorem ad te; si rogandus, supplicem volui mittere commentarium hunc meum in epistolas ad M. Brutum, & ad Q. Fratrem; qui cum tibi studia commendat eloquentiae, in quibus ego per tot annos, utinam cum aliqua laude, magno certe cum labore versor, commendat simul, paullo tamen verecundius, se ipsum, & uigilias meas: quarum fructus mihi erit uberrimus tum beneuolentia, tum iudicium tuum. Quaesivi omnino, idque mihi primum fuit, posteritatis utilitatem, quod est proprium familiae nostrae: sed in te ipsum simul, cum huic operam commentario dare, spectavi. tu si probas ea, quae literis mandamus; si faves industriae, optimeque te esse animatum erga mea studia significas; ego me, quae summa sunt, omnia consecutum putabo.



AD. ANTONIVM. AELIVM,  
POLAE. EPISCOPVM  
IN. ORATIONIS. CICERONIS.  
PRO. P. SEXTIO  
COMMENTARIVM 12

*CV*M alia multa, quae vigeant olim, rerum laudandarum studia perisse, atq. extincta prorsus esse, dolendum est, Aeli, vir optime ac doctissime; tū hāc, in qua sitam omnes vel maximam utilitatem intelligūt interpretandirationem amisimus; ut ex eorum, quib. nostra patrumq. memoria suā hoc in genere industriā locare studiū fuit, magno ac infinito prope numero, nō tamen ita multos, qui tolerabiles videātur; qui vero excellāt. quam paucissimos, aut fortasse neminem liceat inuenire. atque, huius quidem incommodi culpa unde manauerit, exponam. Primum illud in controuersiam non cadit; quo quidque praestantius eo laboriosus, ac difficilius esse, alioqui nihil iam excelleret. quod. n. consequerentur multi, in eo; dignitas non esset, & ex copia vilitas existeret. est igitur in magnis rebus item magna, quae nos ab earum quasi possessione arcet, constituta difficultas. haec porro simplex non est, sed in duo genera diuiditur. quaedam enim, sicuti existimantur, ita difficilia sunt; quaedam, cum non existimentur, tamen sunt. ubi difficultas & est, & apparet; inde multitudo voluntatem & studium libenter abducit. rem quidem ipsam, quanti est, opinione aestimamus, & vehementer expetimus: magnis vero laboribus,

ribus, & uigilijs ut ematur, nō facile quisquam a se ipso, impetrat. amat enim hominis natura moderatam quietē eaq. alitur, & crescit; nimias contentiones, quibus, frangitur, ac minuitur, recusat. ubi uero facile speciem aliquid ostenditur, difficultas inclusa latet; cuiusmodi non esse pauca, inanis multorū docuit experientia: eo frequentes, bona spe inuitati, accurrunt; facileq. ad eas res aggrediuntur, in quibus uel mediocrem operam si ponant, futurum, ut ex animi sententia succedat, arbitrantur. quos deinde, graui temeritatis infamia, refellit euentus. huius generis haec est, de qua orationem instituiamus, ratio interpretandi. quis enim est, qui se non existimet Linium posse, Sallustium, Virgilium, ipsum mehercule Ciceronem ita commode explicare, ut desiderari ab eruditis, beneque intelligentibus uiris nihil queat? atque hi, cum in C. Marij, aut in L. Sullae nomen inciderint; si Marij, aut Sullae vitam, a Plutarcho sumptam, in sua scripta totam transtulerint; tum se suas praeclare partes absoluisse existimant, cū interim, in quo doctrinae, quae paullo si occultior, appareant notae, in quo ingenij lumen eluceat, in quo prudentiae vis, aut iudicij signa cernantur, nihil afferunt. exire uidemus quotidie, a postremi ordinis hominibus factos, speciosis magnaue pollicentibus, titulis insignes, minimi pretij commentarios: quos nō modo qui scribunt, falsa de se ipsis opinione decepti, uerū etiā qui typis impressos edunt, ijs, qui hoc de genere iudicare possunt, inconsultis, quodam modo deformant praeclara studia litterarum, et de posteritate ipsa pessime merentur. sed cetera, quae ferenda non sunt, feramus

feramus tamen, ac dissimulemus, sane multa. cōmentarios vero illos, qui passim leguntur, in Ciceronis orationes, (quem librum? Latinorum omnium facile Principem) grauem, inquam, illam immensi volumini, molem quis est qui ferre vllō modo possit? loca sunt in Ciceronis orationibus male mendis affecta quā plurima: sanari nullum videas. sunt ob antiquitatis obscuram notitiam difficilia: quis est, de tot interpretum numero, qui lumen explanationis illustret? denique cōmunia tantum, quaeque omnibus paene patent, ea sumunt ad explicandum: ex abditis, quo sine labore et ingenio accessus nō est, doctrinae fontibus nihil hauriūt. contraque multa corrumpunt magis, dū emendare conantur, multa explanando peruertunt, & pulcherri-  
 mas saepe sententias turpissimis inscientiae maculis inquinant. Quae me ita cōmouit indignitas, ita q. meū animum, ut uere dicam, miseratio quaedā affecit quasi ob illatam viro optimo, egregieque de litteris merito, Ciceroni, qui Romanae terminos eloquentiae longissime protulit, ignominiam, ut statuerim, si cum uita uoletudo, & cum valetudine otium suppetat, triennium, aut qd̄ omnino res exiget spatij, in hoc omniū pulcherrimo libro interpretando, studiosorū gratia, consumere: non quod ego is sim, qui mihi tantum arrogem, ut alijs detractam scientiae laudē ad me trāsferam: abest hoc a consuetudine mea, abest a natura plurimum: sed neque rursus is sum, qui, cum ceteros probe nouerim, ipse me prorsus ignorem, & qui, cum alios accussem propterea quia non praestant ea, quae ab eorū studio postulantur, ego me, si quid praestare posse mihi uideor, uelim

lim contemnere . non ita laudem fugio , et si nec nimis  
 appeto . alterum stultitiae cuiusdam sapientiae , alterum  
 insanae ambitionis esse vitium semper duxi : neque ve-  
 ro , si quid mihi elegantioribus in litteris assumpsero ,  
 longe admodum ab ijs finibus , quos modestiae ratio prae-  
 scribit , discedere mihi uidebor . scis tu , Aeli , pro no-  
 stra vetere amicitia , & familiaritate , per quot annos ,  
 quibus laboribus haec , quae ab humanitate nostrae ac-  
 ceperunt , studia coluerim . sciebat optime omnium ,  
 & mihi , cum uiueret , hoc nomine tribuebat plurimum ,  
 Bernardinus Maffeus Cardinalis , meus ille , in omni  
 mihi uita deplendus Maffeus , Urbis deliciae , lepor ,  
 humanitas , exemplum antiqui officij , flos omnium  
 uirtutum . is amabat haec studia mirifice , aeque qui-  
 bus poterat rebus ( poterat autem plurimis ) tuebatur ,  
 & fouebat . bene autem de hac , quaecunque in no-  
 bis est , uel potius quantulumcunque est , Latinae oratio-  
 nis facultate existimabat ; meque quotidie , quantum  
 possem , ut Latine scriberem , urgebat . & scribebat ip-  
 se , ut scis , luculenter , & egregie . probabat omnino  
 meum consilium , & efferebat , maxime , de commen-  
 tarijs in Ciceronis orationes : sed exerceri malebat  
 prius industriam meam in Antiquitatibus Romanis , ipso  
 potissimum auctore institutis . interim , ut quasi ex unius  
 partis forma de toto liceret aedificio coniungere , unam ali-  
 quam , quae speciem ingenij mei praeberet , orationem  
 subsequiuis horis ut exponendam susciperem , hortatus  
 est . ego sumpsi pro Sextio ; nec multis post eum sermo-  
 nem mensibus hunc , qui nunc in tuo nomine , Anto-  
 ni Aeli , apparebit , commentarium absolui . & , quod  
 ille

ille fruiueret, fecissem, ut hoc ei, quidquid est, muneris, deferrem, studio meo commotus, illius uirtute impulsus: idem nunc, iisdem adductis causis, tecum facio libentissime. nam cum amicitia inter nos est, quanta inter duos, quorum & uoluntates, & iudicia consentiant, esse potest maxima: tum habes uirtutem, non eam, quae petitur a libris, quae uno scientiae nomine definitur, sed eam, quae oritur ex animi praestantia, & multas in se laudes continet, studium in suscipiendis Ecclesiae causa laboribus, constantiam in perferendis humanitatem in excipiendis hominibus, benignitatem in subleuandis; comitatem in consuetudine familiarium, grauitatem in congressu & sermone clarorum tuique similiarum uirorum: denique uoluntatis propensionem ad optima quaeque singulari. itaque te summus ille artium honestarum patronus decus Italiae, Alexander Farnesius Cardinalis in oculis fert, tibi arcana communicat, tuis in consilijs, si quid deliberandum est, multum, si quid perficiendum, in uigilantia plurimum ponit, tu, quo apud illum Maffeus olim loco fuit, eodem ipse nunc es, rectissimamque laudandarum actionum uiam, obseruatis Maffei uestigijs, ingressus, pergis eo fauentibus hominibus, approbante Deo, ubi debitum ijs, qui bene ac laudabiliter vixerint, praemium, summa dignitas persoluitur. Mouit etiam me uehementer illa ratio: quod erat inter uos coniunctio animorum artissima conueniebant sensus, congruebat uoluntas: praeterea simplices animi, & puri, nulla simulationis arte obducti, nulla inuidiae, aut maleuolentiae labe suffusi. Quare, quoniam illa Maffei suauitas, illud ingenium, illa uirtus erepta morte, nunc

miū iniquo fato, nobis est, (tamen si memoriā illius uiri neque mors, neque omnino dies vlla umquā eripiet) & quando, quae illius erant partes in ornandis liberalibus disciplinis, eae translatae ad te uidentur, praeclarique muneris quasi uicarius relictus es; ego quoque, qđ in illum studiū, quod habui uoluntatis, ac beneuolētiaē, (id erat tantū, ut accedere nihil posset) totum illud in te unum, illi quam simillimum, cōtuli: et qui te antea, multis erga me meritis, multis ingenij tui suauitatibus adductus, uicē dilexiffem, tamē id, quod in amore summum uidebatur, auctum, cum hoc accessit, etiam atq. etiam, plenissimeq. cumulatū intelligo. Tibi igitur offero, fructū ingenij mei, in orationem pro Sextio commentarium, operis uniuersi, quod maiores a me uigilias postulat, imaginem: quod ipsum, Maffeo proffissum, idem tibi, qui eius in locum successisti, iam nunc animo dicamus. uerū hoc serius fortasse praestabitur. de re enim, quod ad me attinet, constitutum est, & ut uides, aggressus iam sum; de tempore, is, a quo nostrorum cōsiliorum pendent euentus, rerum omnium moderator uiderit Deus. Habeo nunc in manib. Antiquitates. eas nisi pertexuero, nihil instituire in animo est. pertexere autem ut possim, duo sunt optanda, uoletudo, & otium, quod utrumque, assiduus annorum superiorum studijs infirmatus, & rei familiaris cura impeditus, nunc quidē magna ex parte desidero. accipe interim hoc, quod adest argumentum obseruantiae in te meae, & illud, quod aliquando, ut speramus, futurum est suo tempore expecta.

x promissum.



AD . IOANNEM . MORVILLERIVM

REGIS . GALLORVM

APVD . VENETAM . REMP. ORAT.

IN . IV . DEMOSTENIS . PHILIPICAS

LATINITATE . DONATAS

13

*QVAM* difficili in loco uersetur eorum industria ,  
 qui de Graeco uertunt, neque tu, ut arbitror, ignoras ,  
 Ioannes Moruilleri, uir clarissima, cui uel exercitatio  
 litterarum, uel ipsa natura, uel potius utraque simul  
 hoc dedit, ut in iudicando excelleres ; & ego experientia  
 ita sensi, ut, qui alijs antea in hoc genere peccanti-  
 bus acerbior fuisset, ac durior, idem postea retenta-  
 ta, eo libentius ignouerim ; quo magis eandem ipse  
 culpam extimescerem . Occurrunt ijs, qui de Graecis  
 Latina faciunt, duo inter se maxime contraria vitia:  
 quorum utrumque cum euitandum aequè sit, ita pe-  
 riculosa tamen cautio est, ut fere, declinare ab altero  
 dum uis, in alterum incurras . nam & qui in eo labo-  
 rant, ut Graeca uerba totidem paene Latinis red-  
 dant, quod fideles interpretes haberi uolunt, inepte  
 faciunt, atque in illa ipsa nimis attenuata diligētia gra-  
 uiter peccant, quoniam quidem res ipsa primum fit ob-  
 scurior; quod cum interpretis officio pugnat; deinde  
 Latinae orationis dignitate cultuq. destituta sordescit:  
 & qui horum in uerbis referendis religionē improbant  
 pnti-

putidamq. appellant, libertatē ipsi quandam, & licentia magis amant: his plerumque contingit, ut, dum ad ornamenta toto animo intendunt, ab ipsa sententia longius aberrant. summum artificium summamque possidet prudentiā, si quis: inter has difficultates constitutus, quasi medius inter duas Syrtes ita navigat, ut naufragium non faciat. quod aetate nostra cum ex transalpinis hominibus multi, ex nostris etiam non pauci tentauerint: tamen, cum omnes excussi, vix vnum aut alterum ex uniuersa multitudine reperio, qui perfecti munus interpretis expleuerit. Atque ego uidebam fore, ut in illam ipsam peccantium interpretum turbam conijcerer: & communem esse causam confiteor: sed mea tamen hoc probabilior est, quod alij se ad id, quod in hoc genere perfectum est peruenisse sunt arbitrati; ego, quam a perfecto longe distem, ipsemet intelligo: ut mihi saltē incorrupta fuerit idaea, alijs non solū perficiendi ratio defuerit, uerum etiam iudicandi. sed, quia fieri potest, ut, quemadmodum alij falluntur in eo, quia sua scripta nimis indulgenter probant; ego contra fortasse fallar in eo, quia mea seuerē nimis in probē: expecto, quid tu sentias, Moruilleri sapientissime: ut, siue inter me & alios interpretes aliquid interesse duxeris; siue me quoque in eodem, quod aiunt, haerere luto iudicaueris; ego, quidquid statueris, ad tuam sententiam meum de me ipso iudicium in utramque partem accommodem. Equidem probari a te, atque etiā laudari mea scripta uelim: &, qui minime sol eo esse ambitiosus, tamen igniculis quibusdā cupiditatis incendor, ut meum nomen in ore tuo uersetur. non enim

a quouis homine laudari, optabile est; turpe etiam, a quibusdam, me quidem non tam ipsa laus, quam laudantis auctoritas afficit. quare, cum tu is sis, de quo duo Reges, at quales Reges? omnium, qui in Gallia regnauerint, maximi, pater, & filius, optime senserit; quorum alter legationem tibi ad Venetam Remp. detulit, alter eundem honorem postea confirmavit; cumque in ipsa legatione publicam personam omni re, loco, tempore ita sustineas, ac tuearis, ut summam in te gratitatem omnes laudent, nec tamen humanitatem quisquam desideret; magni refert ad ingenij mei commendationem, quid tu, uir primarius, & omni laude circumfluens, de hac me tenui uigilia sentias. potest oscuram per se lucubrationem, tuum testimonium illustrare. quod ego si assequar, ad illa praestantiora, quae maiorum uigilarum sunt, quae scis a me iam esse instituta, fiam alacrior, quae ipsa posterum cum legent, (non enim dicam, si legent; quia, quod summe cupio, summe etiam sperare iucundum est) de tua, non una, aut altera virtute, sed sapientia, quae omnes uirtutes continet, me narrante cognoscent: & cum cognouerint, ipsi quoque praedicabunt.

Venetijs, M D L I.

## AD. HIPPOLYTVM. ESTENSEM

## C A R D I N A L E M

## IN. LIBRVM

## DE. ROMANIS. LEGIBVS 14

OMNES artes, atque omnes res, HIPPOLYTE Princeps, & Cardinalis, modo augeri, modo minui, nec easdem perpetuo esse, satis inter omnes constat. patet hoc quidem oculis primum, deinde etiam mentibus. oculis notamus euēta; mente, cur quidque eueniat, quoque referenda sit cuiusque rei mutatio, intelligimus. itaque lapides, & metalla, quae omnium durissima sunt, quavis hominum frangere vix potest, haec tamen conficit, & consumit vetustas. quidquid enim ex partibus aliquando coit, & concretū est: id easdē in partes aliquando dilabatur, ac dissipetur, necesse est. habet hoc materia illa unde res omnes constant, vt formae mutationē quaerat: idque, quod sequitur, assecuta, migrat in alias naturas, quasi, quod appetit, eo numquam esse cōtenta videatur. neque vero haec naturales tantū ad res cōdicio pertinet, sed inuenta quoque hominū, operaque attingit, mores, cōsuetudines, loquendi ratio, quam linguam vocamus, leges ipsae, quas ne quid vnumquam ex hominū memoria deleat, in aes incidimus, omnia demum, quae ab arte naturam imitante fluxerunt, quotidie mutantur, ac tolluntur, non modo ab exter-

nis causis, contra uoluntatem nostram, uerum etiam a nobis ipsis, quia tempus ita postulet. sed artes liberales, optimaq; studia, quae nusquam magis, quam in Italia, honor aluerat, atque auxerat, aetas nulla magis afflixit, quam cum Romani Imperatores, Imperij sede in Thraciam translata, Italiam barbaris nationibus diripiendam, ac deuastandum reliquerunt. quod nisi superioribus annis Principes, ac Pontifices aliquot, maxime uero Leonis X. egregia, propeque diuina liberalitas, huic malo subuenisset: quem Laurentij Medices, patris sui, clarissimi uiri, exemplum commotum, etiam verae laudis cupiditas impulit, ut iacentes ingenuas artes, magnis propositis praemijs excitaret: barbara, credo, quod ad litteras attinet, magna ex parte nunc esset Italia: dignitas omnis philosophiae, splendor omnis obsoleuisset eloquentiae. sed neque ille, huius praeclari operis summam potuit absolvere, ereptus morte, disciplinis liberalibus nimis immatura: & interitum illius tempora sunt eiusmodi consecuta, ut, quae paullulum iam luxerant honestarum scientiarum studia, ea perpetuis multorum annorum tenebris quasi nox quaedam obscurauerit prorsus, atque exstinxerit. fatalis enim bellorum tempestas non exercitationē modo litterarum sustulit, uerum etiam, quae sunt in excolenda uirtute positae laudes, eas labefecit omnes, atque peruertit. ac nunc quoque, cum pacis aliqua spes, longo sane intervallo, affulsisset, misera rursus eodem malo tentatur Italia, ueteresque calamitates aduersus bonis artibus nescio quis Genius inuehit. Nunc te Hippolyte Cardinalis, cui

sum.

summam iuuandi generis humani voluntatem Deus tribuit, eximiam ad laudem vocat occasio. suscipe desertum paene ab omnibus litterarum patrociniū: collige tu, quae alij dissepant, omnium laudandarū doctrinarū studia, & restitue nobis illa, quae vel hominū improbitas, vel, ut alio culpa deriuetur, fortunae uis eripuit. haec est actio digna Cardinali, & digna Principe; Hippolyto uero & Cardinali, & Principe dignissima. Vidimus tuam praeteritam uitam. ab ea nihil humile, nihil obscurum, nihil uulgare, ampla omnia, praeclara, inuissitati exempli, noui generis exspectantur. quae tu, ne a te ipso dissentias, nunc quidem magna ex parte praestabis, atque adeo iam praestas, bonis uiris, & eruditis beneficentia subleuandis. quorū ex ingenijs non dubito quin quotidie aliquid exfloreſcere tuo beneficio uideas. quod quia praeclarū est, exemplū alij sequentur. scribe omnes, quod quisque poterit, ille tibi gloria, & commodorum spē cōpūsi. nam, ut coniecturā de me ipso faciā; quem esse nihil in litteris fateor, sed, ut aliquid tamen essem. laboraui; ego olim (decennium, opinor, abiit, eoque amplius) auctoribus duobus eximijs uiris, Petro Bembo Cardinali, & Bernardino Maffeo, qui postea dignitatem eandem magnis in Ecclesiam Christi meritis est consecutus, dederam me ad res Romanas, illas ueteres, obseruandas, & ex omnibus antiquorū monumentis omni studio colligēdas: ut, cum illam Remp. qua nulla fuit, nec erit umquam illustrior, uniuersam animo, ac scientia comprehendissem, Latinis eam litteris explicarem, egregiumq. bene, ac laudabiliter. institutae ciuitatis



exemplū meis, quatenus quidē ipse possem, scriptis ex-  
 pressum, posteris relinquerem. Res erat praeclara; me-  
 que delectabat vehementer, & afficiebat ipsa tracta-  
 tio. itaque meam omnem industriam, omnem curam;  
 omnes denique in hoc studio cogitationes fixerā, ac lo-  
 taram. sed accidit iniquo meo fato, ut horum. vtrum-  
 que, Bembum primō iam senem, cuius in beneuolentia  
 ornamenti mihi erat plurimū, deinde Maffeam, non  
 aetate minus, quam virtute, florentem, in quo mei spes  
 otij sita omnis erat, a quo pendebam totus, importuna  
 morte ereptum, amiserim. destitutus eo praesidio, quo  
 meae fortunae nitebantur vno, fractus animo, ac de-  
 bilitatus, institutum Antiquitatū Romanarum opus  
 omiseram, & ad alia me conuerterā. postea vero quā  
 honorificā in primis conditione delata, magno sum a-  
 te tuo beneficio in tuorū familiarium ordinem inuita-  
 tūs; quod ego summae felicitatis loco dixi; erectus mē-  
 te, atque animo rursus, quod abiecerā, suscepi, omnisque  
 tantum, quantum priuatis opibus perferri uix; aut  
 vix quidem potest, te vno fretus egregie sustineo. Et,  
 ut ex parte totum iudicare posses, de decem, quos exor-  
 sus sum, libris hunc de legibus potissimum, quem ad te  
 mitterē, delegi: non quod ita postulare ordo: (sex-  
 tum enim in Antiquitatum volumine locum obtinet)  
 sed, quod, cū omnium librorum materies non modo  
 coacta iam in vnum a me esset vniuersa, verum etiā  
 satis diligēter in partes distributa; casu accidit, ut hic  
 minus, quam ceteri, rudis, minus esset impolitus. prae-  
 terea feci libenter, tuis actionibus admonitus. leges  
 enim hic liber complectitur. proprio leges nihil aliud,

quam

quam rationem, nihil praeter ordinem, docent. ratio autem, & ordo, si usquam, in tuis meribus elucet. quippe nihil agis non moderatum, nihil non aequabile, nihil, quod non cum ea, quam sustines, persona, idest cū religione vere Christiana, ac Sedis Apostolicae dignitate consentiat. quare cum omnia mea tua sunt; quandoquidem ego me tibi; quidquid sum, & quantus quantus esse possim, totum addixi: tum vero hic de legibus Romanis liber uere tibi debetur, tibi que est la me iure optimo scriptus. quo in libro bene positam a nobis operā si duxeris, de ceteris quin idem sentias, haud eadem verebor. pergo enim studio pari, voluntate etiam; ut mihi uideor, ac riore: unum modo exoptandum est, ut, quando nos ab hoc studio nulla utilitas, nulla voluptas, ne ualitudinis quidem satis iuuet illae ratio potest auellere, nostris laboribus tua beneuolentia quasi propitium numen adsit, sic enim fiet, ne qua prorsus in difficultate, ne quo unquam in scopulo nostra haereat industria: & in eum quo spectat animus, portum, secundo cursu, tuae benignitatis aura prosequente; facile peruehemur. Venetijs, M D LVII.

## IN . EDITIONE

KALENDARIÏ . ROMANI

15

FACTVM est a me sane libenter, ut, cum edendi essent Romani Fasti, e lapidibus Capitolinis descripti, adungerem ad eos Kalendarium, ex quo ratio dierum, pro ea, quae Romae olim fuit, consuetudine, tota patet,  
ad iungere

patet. atque in hanc me voluntatem, vel cupiditatem  
 potius primū ea, quam & mea spē, & patris exem-  
 plo semper spectavi, publica litterarū utilitas, deinde  
 etiā Caroli Sigonij, viri optimi, & ab omni prorsus in-  
 qui animi labe puri, singularis doctrina deduxit. puta-  
 ui enim id, quod res est, futurū, vt ad Kalendariū ex  
 Fastorū societate cōmēdationis tantū accederet, quā-  
 tum ad ipsos Fastos e Sigonij studio, ingenioque esse ad-  
 iunctum, qui diligenter additamenta ipsius, & in ea cō-  
 mentariū, qui propediem edetur, plenissimum legerit,  
 facile cognoscet. non enim illa supplemēta, quae in la-  
 pidibus illis, vnde fastos habemus, desiderātur, ex Li-  
 uio, aut Dionysio, aut ex duobus tribus, ve praeterea li-  
 bris, quos etiam leuiter eruditi homines in manibus ha-  
 bent, colligūtur. non est id, vt rudes antiquitatis homi-  
 nes existimāt, iocularē quiddā, opera haec quidē esset,  
 non industria. & operae quis laudē tribuit, cum in tem-  
 pore damtaxat posita sit? industria vero non ab inge-  
 nio, non ab intentione quadā mentis abest: itaque iure  
 laudatur. quod si satis esset historiā semel aut iterū le-  
 gende percurrere, nemo esset, cui Romanarū rerum no-  
 titiā assiduo biennij triennij, ve studio cōprehendere uni-  
 uersam non liceret: in qua tamen ego iam per decen-  
 nium desudo: & quo diligentius ea ipsa, quae legi sae-  
 pissime, cogitatione retractō, eo certius, quantū in hoc  
 genere sit difficultatis, intelligo. itaque opto, vt, quae  
 alij collegerunt, omnes edant statim, & mihi hanc lau-  
 dē praecipere conentur. video enim fuisse nōnullos, qui,  
 meis scriptis ad huius scientiae studiū aliquot abhinc  
 annis excitati, & indicibus eorum librorum, de quibus  
 edendis

edendis cogitare me, iā diu polliceor, animaduersis, quasi quodam lumine ad ineundam studiorum uiam prolato, ambitione praecipites, dum anteire nobis uolunt, in maximos, maximeq. pudendos errores inciderunt. quorum alios alii peritiores, nulla facta mora, alios fortasse nos, nō illos quidem nominatim, significatione tamē satis aperta, ne omnino debita laude fraudetur, aliquādo refellemus. Redeo ad Sigonium. Ille uero, cum, inspectis antiquis libris, lapidibus, nūmis, nomina magistratum vetustate uel amissa prorsus inuenit, uel mutila perfecit; cum fastorum partem; alienum in locum trāslatam, in suam sedem retulit; cum censuras, cum triumphos addidit, & trunco quasi corpori sua mēbra restituit: nihil potuit difficilius, nihil, in quo maiore a bonis bonarumque litterarum studiosis hominibus inire gratiā posset: hoc enim libro, hoc, inquā, quē nos edimus, (nam inchoata quis perfectis anteponat?) qui res Romanas curant, horis fere singulis utantur necesse est. itaque, eum qui litteris a me poscebant superioribus mensib. amici homines aliquot ex Hispania, plures ex Gallia, & Germania, hoc adscribeant omnes. Cum Caroli Sigonij supplementis. quorum a me uoluntati satisfactū esse, uehementer gaudeo, eoq. magis, quod adiunxi, quod fortasse non expectant, non poscebant certe, Kalēdarium Romanum, utile illud quidem dierū causa, quorum in eo genera distinguuntur, sed utilius ob id aliquanto, quod ad comitia, iudicia senatum, Romana deniq. omnia, qui coniectura, ingenioq. ualebunt, multā inde scientiam deriuabunt.

\* adscribebant

AD.

## AD. HIERONYMVM. FALETVM

HERCVLIS. FERRARIENSIVM. PRIN.

APVD. VENETAM. REMP. ORATOREM

IN. IPSIVS. POEMATA

16

*MAGNA* laus est eorum Hieronymi Faleti, qui non ad vulgarem humilemque artem, sed ad nobilem aliquam liberalemque doctrinam sua studia contulerunt: maxima vero, si quis eam philosophiae partem, quae Poesis appellatur, ita est complexus, itaque haeret in ea cognoscenda, ut auelli nulla prorsus ratione possit. itaque veteres illos, quibus optimi ac summi Dei vocem audire, eiusque sermone frui saepe licuit, homines sapientissimos, atque sanctissimos, poeticae facultatis admodum studiosos fuisse constat, suasque cogitationes non eo, quo quilibet vteretur, sermone, sed versibus exponere voluisse. quorum exstant nonnulla. sane praeclara: quae cum legimus, afficimur, & quasi diuina quadam vi abrepti, extollimur haud paullo altius, quam qui rerum humanarum in studio versantur. Habet igitur ars poetica dignitatem, quandoquidem in ea latent arcana philosophiae, quae profanis oculis non patent: ea rudes animos excolit: ea nos ab rerum humilium studio deducit: ad egregios mores, ad veram religionem, ad excellentem magnarum rerum cupitatem vocat. Habet eadem suauitatem: quia  
voci-

vocibus apte constructa oratio miram infundit auri-  
 bus animisque iucunditatem . Et, ut uno uerbo com-  
 prehendam, poesis numerus est: numerus porro nihil  
 aliud, quam ordo: ordinis autem principium a Deo flu-  
 xit . diuini sunt igitur homines poetae, nec ullo non bo-  
 norum genere decorandi . poetas autem definitio, non  
 quicumque uersus faciunt; qui molesta & odiosa gar-  
 rultate saepe nobis obstrepunt; sed eos, quorum in ui-  
 ta non minus, quam in scriptis, elucet ordo; a quibus  
 colitur humanitas, & beneficentia non modo lauda-  
 tur, uerum etiam pro facultatibus exercetur . haec  
 enim sunt sacra illa mysteria, quae poesis fabularum  
 specie ita uelat, ut ea tamen naturae excellentium, hoc  
 est bonorum uirorum, mentes intelligant . quae uero  
 bis uirtutibus aduersantur uitia, haec sunt illa mon-  
 stra, inimica naturae, quae poeticis figmentis osten-  
 duntur, sus Erymanthius, lea Nemeaeus, hydra Ler-  
 nae, gigantes, & harpiae, quaeque alia traduntur,  
 perdendis hominibus, aut frugibus nata . Neque ue-  
 ro tu, Falete doctissime, tantam animi praestantiam  
 possideres; non esses tam ad omnem uirtutem, ad om-  
 nem laudem propensus; non tam in moribus elegans,  
 in consuetudine comis, atque etiam pro tuarum copia-  
 rum ratione beneficus, ac liberalis, nisi magistrum  
 ab ineunte aetate habuisses poeticam artem; quae te  
 suis praeceptis erudit, atque informauit; nihil ut a-  
 geres, quod ab honesto dissideret: nihil ut in omni ui-  
 ta, praeter decus, & antiqua maiorum tuorum, ho-  
 minum clarissimorum, instituta, cogitares . cuius tan-  
 ti beneficii non est apud immemorem gratia collocata .

babes

= ab honesto dissideret .



habes enim poesim in delicijs, eam amas, eam ornas.  
 cumq. Herculis, Ferrariensium Principis post homi-  
 num memoriam maximi, personam suslineas; idq. tan-  
 to splendore, ac tanta, quanta nemo umquam antea,  
 dignitate; summis tamen magnarum rerum occupatio-  
 nibus districtus, scribis saepe versus Calliope dictante,  
 & a gravissimis curis tamquam in amoenissimos Mu-  
 sarum hortos animi causq. diuertis. Superioribus qui-  
 dem diebus, cum egregium illum Athenagorae, vete-  
 ris philosophi, librum, de altera hominum uita Graece  
 scriptum Italicum in sermonē conuertisses; atque ego  
 te, quod uiatores, difficili confecto itinere, consueue-  
 runt, aliquot dierum quietem uelle capere existima-  
 rem: inueni te poema tuum de bello Sicambrico, non-  
 nullis abhinc annis compositum, ita tractantem accu-  
 rate, ut adderes non pauca, quaedam detraheres, mul-  
 ta corrigeres. quae cum legerem, admiratus elegantia  
 verborum, splendoremque sententiarum hortatus sum  
 ut ederes, & eo magis, quod reliqua tua poemata,  
 non modo iam typis impressa, verum etiam scripta,  
 per manus, perq. ora doctorum virorū eximia tua cū  
 laude volitarent: qua in re non modo meo, verum  
 etiam studiosorum omnium nomine gratias tibi habeo,  
 habeoque, dum uiuam, immortales: quod meis horta-  
 tibus, ac precibus tribuisti tantum, ut te mihi totum  
 remitteres, tuorumque poematum ius omne tuum, om-  
 nemque plane potestatem ad me liberalissime trans-  
 ferres. quod cum impetrassem, exceptus sum illico ea  
 cura, Principi ne alicui uiro, quod fere solet, an ami-  
 co homini, ac familiari, an uero tibi ipsi potius inge-  
 nij

*nij tui fetus essent dicandi. tibi quidem tua deberi uidebantur: sed ab huiusmodi consilio tua mihi multis in rebus perspecta modestia deterrebat. rursus, cum intellexerem, omnes fere libros, qui typis diuulgantur, uel ijs dicari solere, quorum auctoritas, aut quorum opes utilitatem aliquando aliquam ei, qui mitteret, parere posset, uel ijs, quos pro magnis eorum beneficijs aliquo munere remunerari aequum esset; uel ijs denique, cum quibus minime vulgaris intercederet amicitia; haec, Falete humanissime, cum omnia concurrerent, uictus sum, tuaque ad te ipsum scripta mittere constitui. nam, etsi Princeps tu quidem fortuna non es, summis tamen Principibus tua te uirtus ita commendauit, earumque reddidit, ut eorum opibus aequae, ac tuis, eos, quos diligis, beare possis. sed omitto reliquos. Hercules uero, Ferrariensium Princeps, immortalitate dignissimus, cui te totum uni addixisti, cuius esse uis quidquid in omni uita praestare potes, is quo te numero habeat, facile declarauit, cum post multas legationes; ad Sarmatarum Regem, ad Imperatorem, ad Pontificem, Oratoris apud Venetam Remp. munus honorificentissimum tibi commisit. qua propter, quod ad hanc partem attinet, parui refert, utrum Principis nomine liber aliquis inscribatur, an uero eius, cuius apud Principes auctoritas ea sit, ut prodesse quibus uelit non mediocriter possit. De tuis autem erga me officijs quid agam pluribus? quae cum & multa sint, & maxima; tum uero illud excellit, quod in hac mea satis diuturna oculorum ualitudine venire domum meam quam saepissimae, animumque meum tristibus*

curis affectum, tuo adspectu, ac sermone recreare solitus es. Amicitia uero si spectanda fuit; neminem tibi debui anteferre. coniunxit enim nos non casus, ut multos, non uulgare aliquod studium, non ambitio, non utilitas, sed ipsa, quae omnes res nobilitate uincit, virtus, & artium liberalium societas; quarum uterque nostrū incredibili studio tenetur; Mitto igitur ad te, quando ita ratio postulat, tua poemata, non ut tibi, de me optime merito, quasi gratiam referā de tuo; sed, ut habeat a me nostra aetas, atque adeo posteritas ipsa, primum, testimoniū beneuolentiae, atque obseruantiae in te meae, deinde beneficium, quod, tua scripta cum leget fatebitur esse maximum. Interea peto a te, ut in illo maiorum uigiliarum opere de Fisco, cui nondum extremam manum imposuisti, exorari te sinas, id est, ut absoluas, atque perpolias. magnum enim inde fructum capient omnes iuriconsulti: cum te difficiles admodum reconditae materiae nodos ingenio soluentem, & quae-  
stiones illas implicatas atque inuolutas explicantem, exquisitoque quodam ordine tractantem intuebuntur. Neque uero tua mihi est occupatio minus nota; cū & negotia tractes Principis eximij: & ob tuam uirtutē nobiles uiri non modo quotidie, uerum omnibus paene horis officij, honorisque causa ad te adeant: rursus eū te esse noui, qui, quod tibi occupationes eripiunt, id ingenij praestantia consequaris. consule igitur gloriae tuae: consule studiosis omnibus antiquarū nouarumque legum: effice, ut, quantum in poetica facultate, quantum eloquentia polles, tantū in iure ciuili, maximeque in ea parte, quae obscuritatis habet plurimū,  
ualere

malere te tua scripta significant. Meam uero hanc, quā  
 profecto in hac epistola uides elucere uoluntatē, animi-  
 que singularem ad te amandum propensionē, amplecte-  
 re; atque ita statue, si tu mihi, quod, ut uideo, praeclare  
 facis, in amore respondebis, par amicorum neque no-  
 stra, neque ueterum memoria coniunctius nūm fuisse.  
 idque quanti a me fiat; dabo operam, quantum in me  
 erit, quotidie certius ut intelligas.

---

AD . ISABELLAM . VILLAMARINAM

SALERNITANI . PRINCIPIS . CONIVGEM

IN . SCIPIONIS . CAPICII

P O E M A T A .

17

Ex omnibus rebus cum nihil sit litteris doctrinaque  
 praestātius sequitur, ut litterato Principe laudabilius  
 nihil esse uideatur. nō enim, si quis humili fortuna scien-  
 tijs animum excoſuerit, quamuis omnium uirtutū in-  
 telligentia sit ornatus, ae q. tamē eas uirtutes exercere  
 poterit, ut summo loco natus, omnium est scire, non om-  
 nium tamen agere. non cadit in quemuis administratio  
 iustitiae, non liberalitatis. esse oportet, quibus imperes,  
 ut iustitiā colere possis: esse, quod des, ut liberalitatem.  
 Et, quoniā ad haec primū a natura formamur, & fin-  
 gimur, ut, quae, laudabilia sunt, nostra spē diligamus,  
 deinde praeceptis instituimur, ut uoluntatem ratio cō-  
 firmet, utrumque si quis habet, uerissimis laudibus or-  
 natur, eo magis si is est, cui tertium etiā illud cōtigerit  
 ut fortunae commodis abundet. nam, qui uirtutem

non ut primum bonum, sed ut alterius boni causam  
 quaerit, ut diuitiarum, ut bonorum: ei uirtus, quae per-  
 fecta non est, quia quaeritur ad aliud, perfectam laudem  
 afferre non potest. perfecta uero uirtus est, quae se ipsa  
 contenta nihil appetit, quod extra sit. hanc si quis est  
 qui sequatur, qui unā diligat, qui ipsam propter ipsam,  
 non propter aliud expetendam ducat; hic est, quē Dū  
 praeter ceteros diligere putantur, cui quidem eā men-  
 tē dederint, ut praeter ceteros saperet. Tua haec est,  
 Isabella praestantissima, tua inquam haec maxime  
 laus est. cum enim tibi aut ad opes, aut ad dignitatem  
 nihil fere posset accedere, quarum rerum cupiditate ad-  
 ducti, magnarum artium in studijs plerique vigilarunt;  
 ipsa nihil huiusmodi spectans, uirtutis amore capta,  
 cuius pulchritudinē animo cerneres, effecisti, studio tu  
 quidem, sed ingenio magis, ut, cū esses omnium nobilif-  
 sima, omniumque pulcherrima, quorum alterum maio-  
 rum tuorum, maximeque uiri tui, Principis omni lau-  
 de cumulati, magnis rebus testata uirtus, alterum beni-  
 gnissima tibi Natura dedit, eadem & sis, & habea-  
 ris omnium doctissima. hinc illa ad te colendam singu-  
 laris omniū propensio: hinc multorum poetarum, qui-  
 bus grauiissima Regum bella magni operis argumentū  
 suppeditare poterant, ad te cauendam traducta ingen-  
 ta: hinc Capicius ille tuus, tuarum laudum laudatissi-  
 mus praeco qui te admiratur unam, qui obseruat: qui  
 cū de te multa, & uera praedicauit, ita concludit, unā  
 habere, quae optabilia sint, omnia. itaque me quidē eo-  
 dem studio inflāmauit, nihil umquā ut ardentius opta-  
 rim, quam ex tuis vnus esse. quod quo facilius impe-  
 trarem,

trarem, feci ipso permittente, atque etiam libente Capicio, ut eius libros, de Principijs rerum duos, de Vate maximo tres, meae in te summae observantiae testes emitterem. diuinum carmen est, multis luminibus ingenij, multa arte distinctū. equidē nihil legi in hoc genere perfectius: ut ne Lucretius quidē pluris apud me sit: quo cū antea propter sermonis elegantia delectarer, uterq; multū, coepit mihi iam minus esse familiaris, postea quam Capiciū legi. Hoc opus, & quia scriptū est a tui studiosissimo, & quia versibus te dignis id est luculentissimis, nō dubito, quin a me missū auide accipias, sic inquā, ut de isto me munere ames plurimū.

## AD. TORQVATVM. BEMBV M

P E T R I . F I L I V M

IN. VIRGILIVM. 18

QVOD ego de poetica facultate sentio, idem tibi, Torquate Bembe, qui res praeclaras ingenio studioque consecutus es, bene iam esse cognitum ac persuasum facile puto, non esse eam inter ea, quae minimi ducuntur, non vulgarem, non leuem, summum esse quiddam, ac plane diuinum, quique suas ad eam cogitationes conferant, etiam, si quod uolunt, non assequantur, probandos tamen esse, quia scilicet ad maxima contendant, qui uero in ea ita versentur, ut excellāt, colendos nobis esse vehementer, omnique omnium laudum genere cohonestandos. Ac miror equidem,

29 2 fuisse,



fuisse, hodieque esse nonnullos, qui rē hanc pulcherrimā, ac deorum nobis munere concessā, parvipendant atque etiam, si dijs placet, in sermonibus uituperent. Quid inquit, est poetica? fabulas continet: fabulis autē quid inanius? Ridicule: qui ex ipsorum ingenijs ceterorū ingenia metiantur; quaeque ipsis obscura sunt, ea reliquos uidere non putent. Ego contra ita soleo disputare; utinā, Torquate, te praesente, ac tui similib. nihil enim tam optandū, quam habere iudicē in controuersijs, qui causam, qua de agitur, quaeque propter aliquā difficultatē in dubiū uocatur, optime calleat. sed ego contra, cū in hos incidi, ita soleo disputare. Est ne aliquid hominū generi utilius, aut omnino philosophia praestantius? negare coguntur. si negent, eos ratio refellet: & ueritas ipsa, quae cū pugnat, facile uincit. una enim est philosophia, quae uitia nostris ex animis euellat; una, quae inferat uirtutes: humana omnia, multis obstruēta facultatibus, aperit; diuina, non illa quidē prorsus, sed magna tamen ex parte patefacit. atque hanc, quae tantas praestat, siue artē, siue scientiā, ne communis esset omnibus, uulgi que tractatione, impurisque mentibus contaminata sordesceret, obscuris fabularū inuolucris, quasi aliquid sacrosanctum, uelauit, & custodiuit antiquitas. fabulas porro ipsas non eo, quo vulgus utebatur, communi, & soluto, sed exquisito, & numeris adstricto orationis genere prisci illi, summa homines sapientia praediti, prodiderunt. placet hoc illis, primum ut rei dignitatem, si posset, quatenus posset, verborum augeret, elegantia: lectis enim admodumque puris uocib. efficitur

citur versus: nihil hauritur de faece: deinde, quia, cum  
 philosophiam tractare, maiore nescio qua suauitatem  
 ex illo concentu, quem numerosa vocum in versibus cō-  
 positio gignit, aures animoque perfundi pulchrum pu-  
 tabant. quae cum ita sint: neque fabulas, quae philoso-  
 phiam continent, neque uersus, quibus facile ipsae cō-  
 tinentur, iure quisquam reprehenderit. His ego coar-  
 guendam istorum inscitiam, aliisque praeterea utor ar-  
 gumentis. addo exempla, eaque Italorum, & eorū ho-  
 minum, qui nostra, patrumque memoria floruerunt. Pō-  
 tanos, Sannazarios, Fracastorios (omitto alios: sunt n.  
 multi) non ne musarum in primis consuetudo delecta-  
 uit? proprius accedo. pater tuus, Torquate, Petrus Bē-  
 bus, quem orbis terrarum cantat: nec iniuria: vixit,  
 enim, quantus ei vitae cursus fuit, in virtute totus: is  
 cum alias coluit philosophiae partes, tum uero poeti-  
 cā artem amauit amore quodam ardentissimo; eiusq.  
 studiū a prima pueritia complexus, numquam, ne in ex-  
 trema quidem senectute dimisit. scripsit autem uersus  
 in omni aetate multos, & scripsit omnium elegantissime,  
 sic, ut ei Apollo dictasse uideatur. itaque recte fecit,  
 optimoque sane cōsilio pater meus, qui Latinorum poe-  
 tarum principē Virgilium eius nomini, quem optimū  
 poetam nouerat, inscriptum emisit. recte item ego,  
 qui, patris mei exemplum secutus, tibi, & tanti viri  
 filio, multis virtutibus ornato, & facultatis poeticæ  
 studiosissimo, ac peritissimo, eundem poetam, qua-  
 siminus Bembo familiare debitum, dicauerim. nam,  
 quemadmodum parentes nostri alter alterum tum  
 sermonibus, tum scriptis ornabat; ut, quantum

inter se amarēt, aequi, & iniqui cognoscerent: itē ego cupio, & conabor, quantum in me erit, (an praestaret possim, nescio; sed conabor certe) vt ex meis scriptis nostram amicitiam, meamque in te summā obseruantiam etiam ipsa posteritas intelligat. nō enim, Cū hāc meā multis abhinc annis ad te amandū & colendū voluntatem contulit, id solū spectāui, vt quasi haereditatem adirem amicitiae paternae: tam etsi hoc ipsum quoque me mouit, sicuti mouere debuit, sane plurimū: sed tua quaedā propria secutus sum: tuos, inquam, mores, tua studia, tuas virtutes vidi primum: deinde ex iudicio fluxit amor; & quō mea sponte propendebā, ratio impulit. noui te adolescentē, noui iuuenē & Patavij, & Venetijs, sanctissime viuentem, & praecellera illa cum doctissimis viris philosophiae studia tractantē in quibus cum iā, tuo quidem aliquid, aliorum autē iudicio multum profecisses; Romam te, in eam urbē, contulisti, quam pater tuus theatrum per annos multos habuit suarum virtutum celeberrimum. ibi nunc tu quoque spectaris, & probaris: ibi plausum fers a bene intelligentibus, beneq. sentiētibus viris: ibi denique vera illa Petri Bēbi cernitur, & agnoscitur in te filio non minus animi, quā corporis, effigies: & ut principia se dant, futurū omnes exstimaunt, vt summū tibi in Ecclesia Petri honores, ac praefecturae deferatur: deberi quidē iā, nemo est, qui non intelligat. Quare laetor equidē, ac fruor iā nunc, pro meo erga te studio, quasi praesentibus honoribus tuis; & praecipio gaudē, quanta potest animus meus capere maxima, tuae futurae dignitatis, perge modo, ut coepisti,

in tuis perennibus studijs, & animum tuum pulcherrimis, teq. dignis cogitationibus exercere. vides eā viā, qua pater tuus iuit. exstant vestigia. istac euntibus re-  
 ctissimus est ad gloriam cursus, offensionulla, nullus error. quod fecisti, laudamus: sunt enim magni, vereq. laudandi processus in virtute tui. quod reliquū est: quia te summum illud ad decus, quod excellentibus ingenijs, propositum est, tamquam ad metam peruenire cupimus; & quod cupimus, id in te ipso positū videmus; fauemus animis, prosequimur studijs, vocibus cohortamur. Atque ego quidē huiusce animi mei nō obscurū, vt opinor, argumentum, hunc librum, qui me tacente apud omnes gentes loquetur, tibi inscriptū ad te mitto. volo aeternū exstare monumentū, vnde homines, quid de te senserim, quid iudicauerim, intelligant. Volo, habeas ipse munus a me, vnde, quid tua caussa velim, coniicias; & maiora, cū ornādi tui maior aliqua facultas exsistet, officia, studiaq. expectes. Vene. M D LV.

## AD. PAVLLVM. RHAMNVSIVM

IOANNIS. BAPTISTAE. FILIVM

IN. CAESARIS. COMMENTARIOS 19

QVI magistrā vitae dixit esse Historiam; nae ille, Paulle Rhamnusi, & dixisse vere, & praeclare sensisse mihi videri solet. facile enim vnus homo, quid multis hominibus euencrit, cum intelligit, eruditur, atque ipse sibi normam componit actionum suarum,

¶ vitaeq.

vitaeque totius inter omnes errores, omniaque pericula ad veritatē, ac salutē dirigēdae. nec aliud est nostra prudentia, quam euentorū observatio, rerumque praesentium, ac futurarū ex praeteritis, tāquam ex fonte, sciētia derivata. quod ex vniuerso litterarū genere, vel sola, vel certe maxime praestat historia; praesertim si quis eam ita tractet, vt, euenta dum notat, animū referat ad causas, in easq. attente inspiciat, & rationē quaerat, cur hoc factum, illud omissum, cur ex illo calamitates, ex hoc optata contigerint. Atque hoc primū est de historiae fructu, sequitur dignitas. Res gestae narrantur inter summos Reges, potentissimas ciuitates, bellicosissimas nationes. causae porro bellorū quae sunt humanarū rerū maximae, Imperiā, salus, gloria: quae ponuntur in armis omnia, & a consilio ducum, a virtute militū, ab ipsa fortuna pendent. Neque vero dignitatem quidem habet, ac fructū, voluptatē autem historia desiderat. nam, si voluptas est, quā magnarum variarumque rerum adspectus animis nostris infundit: nulla pulchrior species, nulla gratior, nulla prorsus historia incundior. vides, vtm tabula picta, aduersa ducum excellentium stratagemata, artes, insidiās; spem potiundi, metum amittendi: caesos exercitus, urbes captas, imperia delata: age, fortuna commutata, cadere insultantem, victum exsurgere; eodem paene momento laetitiam pelli, maerore succedente, maeroremq. laetitia. haec dum legimus, haurit animus voluptatem incredibilem; aliturq. pabulo suauissimo, nec satiatur, donec ad exitum peruenerit. Cyrus ille, Persarum Rex, qui orientem subegit,

Pyr-

Pyrrhus Epirota, castrametandi laude praeter ceteros insignis, & duo illi, barbarorum omnium clarissimi, Alexander Macedo, & Hannibal, praeterea de Graecis Themistocles, Agesilaus, Epaminondas, quo modo, cum eorum facta commemorantur, animos nostros afficiunt? expectatione suspēdunt, pascūt gaudio, metu macerant. uerum haec maxime Romana patient in historia: quae uel diuturnitate, ac magnitudine bellorum, uel varietate fortunae vberriamā exemplorum in omni genere copiam suppeditat. Romana porro viri praestantes multi cū litterarū monumentis traderint; quorum ingeniis, quae cuiq. merces gloriae pro cuiusque facultate debebatur, ea posteritatis iudicio persoluta; eminet inter omnes, mea sententia, (nec uero secus antiquitas sensit) primūq. sibi dignitatis gradum C. Caesaris iure uindicat. nam & uixit qua plurimū aetate Romae floruit eloquētia: & coluit ipse eloquentiam praeter ceteros: rebus uero gerendis non interfuit modo, uerum etiam praesuit: quo factum, ut usum quoque, qui ualet in scribenda historia multū, cum doctrina coniunxerit, exstant, bono quodā litterarū fato, praeclari illius de bellis, ipso Duce gestis, commentariū, qui se non solum omnibus omnium historijs aequare, uerū, ut omnes fatentur, anteferre etiam uidetur. Breuitatem scis in oratione magnam esse laudem, cum eo tamen, si uitetur obscuritas. facile enim dum, illam sequimur, in hāc incidimus, quod in Thucydide uitiū Cicero notauit, cū esset alioqui scriptor egregius. At uero C. Caesar, cum breuitatē maxime omnium admauerit, ita tñ praecessus est, ut eodē nihil fieri possit il-



lustius. proprie loquitur, & significatur ornamentorum tantum habet, quantum in exponenda re decet. nam elaboratam studiosius orationem, nimiaq. exultantia elegantia prudentiam aures non modo in commentarijs, verum in historia quoque respuunt. Hic tibi est, Rhamnus si optime, mihiq. multis nominibus carissime, in manibus habendus, tractandus assidue, abseruandus, ediscendus; ut eum penitus, si fieri potest, aut certe quantum potest, imitatione exprimas. nam, cum tibi Veneta Respublica bellum illud memorabile, omniumq. difficillimum, quod Henrico Dandulo Duce aduersus Byzantios gestum est Latina oratione tradiderit explicandum; magnisq. etiam tuam industriam praemijs honestandam decreto publico, censuerit; debes eniti vehementer, ac omnes ingenij tui nervos contendere, ne quis te tanto impari oneri fuisse umquam putet. Atque ego quidem, qui te fero in oculis, qui tuae gloriae fauco, cum in ipsam rem intueor, grauem sane, admodumque difficilem, paululum commoueor: rursus, cum ad ingenium tuum, ad industriam, ad illos animi tui praeclaros ad laudem impetus mentem & cogitationem refero, facile confirmor, & huiusce tibi commissi muneris eum, quem cupio id est plane gloriosum exitum exspecto. Verum, ne sint in te ipso quae sunt; & sit haec, quae tibi inuenda via est, quantumuis lubrica, incerta, impedita: an tu potes labi, potes errare, potes usquam offendere, ducem securus patrem tuum, Ioanem Baptistam Ramnesium, spectatae sapientiae virum, consiliorum omnium summi Xuirum Collegij participem; cuius elucet in vrbe nostra virtutes eximia, nomen autem aeternis consignatum

\* significat, tum ornamentorum atque

atque impressum ingenij monumentis, per orbem terrarum fama dissipauit: is te sua doctrina instruet, consilio monebit, prudentia reget. at quo studio? quo scilicet pater filium, & quo talis pater talē filium debet. nec sane video, quē deceret magis, aut in quē haec aptius, quā in te, provincia conueniret. nā, cum eas res, quae tibi sunt Latinis litteris tractandae, magna ex parte liber, vt audio, contineat Gallica scriptus vetere lingua, tū ipsa perobscura, tū multis praeterea diuersarū linguarū vocabulis permixta, atque confusa; cū porro librū pater tuus & vnicū habeat, & vnus ipse (de nostris quidē hominibus) optime omnium intelligat: sapientissime, vt in omni re semper, ita proximis mensibus decretum a Xuiris est, ut haec tibi potissimū Venetae pars historiae mandaretur, cuius haurire scientiā non aliunde, quā ex tuis aedibus, licebat. Ego quidē, etsi intelligo, qui sis, quā te delectet uerus honor, quā tuā sponte incumbas ad decuss; tamen hortor te, sensus huc omnes tuos, cogitationesq. conuertas; excites ipse te; consideres etiā atque etiā quid susceperis, a quibus commissum, qua tua aetate, qua omnium expectatione. Venetam scribis historiā, nec huiusmodi, sed quod in ea maxima putatur excellere: scribis Principū Reip. decreto: scribis adolescēs: qua aetate magnas res aggressos uel insignis admodū manet gloria, vel temeritatis nota sempiternae. Quibus ex rebus, & quod ante studiorum tuorum praestantes fructus edidisti; & quod patris tui virtus putatur, nec tibi sunt petenda extrinsecus quae domi tuae nascuntur; orta est inter homines

opi-

opinio, historiam te nobis daturū egregiam; in qua Venetae urbis ita narres praeclara facinora, ut aliena cum laude tui nominis immortalitatē coniungas, quod ita futurum, mihi persuasum est, si te ad legendos assidue Caesaris commentarios contuleris, eorumque ad imitationem, & quasi imaginē totum effinxeris. hoc enim in genere nihil habent perfectius Latinae litterae: & eos, quo tibi essent, tui iuris quodā modo facti, cariores aliquanto, cum hoc tempore nostris ex aedibus haud paullo, quam antea, emendatiores exirent, volui in tuo nomine apparere, multis in hanc mentem caussis, iisque minime vulgaribus adductus. nam, ut omittam, quod historiā scribenti nihil aptius nihil omnino his commentarijs utilius quisquam dixerit: valde me commovit multorum annorum, ac paene saeculorum in fovendis optimarum artium studijs praeclara tuae gentis consuetudo. ac volo mihi, quod attinet ad illa vetustiora, silentiū imponere: nemo ad ea, quae proprius ad aetate nostram accedunt. Auo tuo, cuius tu nomen, & unicum nomine virtutē refers, quis in omni vita virtutem amavit ardentius? qui cum in litteris usquequaque excelluerit, tum vero iuris civilis cognitionē egregios consecutus est: eiusque rei testes habuit amplissimas Veneti Imperij civitates, in quibus tum civilium, tum capitalium quaestionum iudicijs, magna pariter & integritatis, & doctrinae laude, praefuit. Mitto Hieronymum, patrum, medicinae, ac philosophiae studijs praestantem; qui cum in Syriam eo consilio esset profectus, ut Arabicis litteris imbueretur; paucis annis tantum proficit, ut plerosque Avicennae libros in Latinam linguam

linguam egregie conuerterit. Alios quoque possum de  
 tuis maioribus, ac laude praestantes, minime paucos  
 inuenire, sed parente tuo contentus uno esse possum,  
 quo semper in hac ciuitate non solū amico, uerū et pa-  
 trono eruditi homines vsi sunt; neque sibi ornamenti,  
 aut praesidiū plus in eius amicitia, atque auctoritate,  
 quam commodi repositum in benignitate senserunt.  
 Accedit illud, quod idem pater tuus cum in Gallia,  
 Reip. causa, diu vixerit, eamq. prouinciā, Rege Ludo-  
 uico XII. vniuersam fere peragrauerit: magnam eo-  
 rum locorum partem, de quib. mentionem in his comē-  
 tarijs fieri uides, praesens ipse nouit, eaq. tibi in sermo-  
 ne, nou secus ac in tabula picta, diligenter, uerissimeq.  
 ostendere solitus est: itaq. cum hunc librum ad te statui  
 mittere, illud intellexi, magistrum te habere excellen-  
 tem in hoc rerum ac locorum Galliae prouinciae stu-  
 dio, parentē tuum; quo sum aliquanto magis in susce-  
 pto consilio confirmatus. Tibi uero displicere meum  
 erga te officium non existimo. mihi quidem ipsi ob eā  
 causam gratisimum fuit, ut ex tenui munere bene-  
 uolentiam in te meam perspiceres: quae cum a paren-  
 tum nostrorum coniunctione, qua nulla maior esse po-  
 tuit, originem duxerit, quotidie tamen augetur studijs  
 erga me tuis, maxime uero causis ijs, unde facile mā-  
 nat amor, uirtute, ac probitate; quarum altera tuis in  
 scriptis, altera in moribus elucet.

## A D . A N T O N I V M . T R I V L T I V M

C A R D I N A L E M

I N . H I S T O R I A M . S A L L Y S T I I

20

*CUM* omnes me litterae, omnisq; libero homine digna cognitio vehementer delectat, *Antonij Triulti*, Cardinalis amplissime: vero pascor incredibili voluptate, & afficior maiore quendā in modum sensib. intimis, dum historiam tracto. quid. n. potest esse iucundius? Rerum interitus obliuio est. at eae reuiuiscunt historia, cum in nostram memoriā reuocantur, quaeq; multorū annorū spatio, multis ab hinc saeculis gesta sunt, ea nos, exiguo volumine cōprehensa, & tāquā in conspectu nostro posita, cognoscimus. Si sermonib. delectamur: resonat in scriptis hominum vox eloquentissimorū, nihil tēmere, nihil in compositae narrantiū, omnia grauitate, suo quidq; ordine, & loco si consuetudine clarorum virorum; versamur, veteres legentes, cū Regibus, cū Principibus uiris, magnis in bello ducibus, sapientissimis rerūp. rectoribus; ora ipsa mehercule, lineamenta, & formam nō tam corporis, quā animi, eorum, quos numquam vidimus, videmur tamen quasi praesentes intueri. Quod si rectae instituendae uitae rationē ac doctrinam sequimur: vsu maxime rerum quaeritur prudentia. usus est, vel cum experimur ipsi, vel cum experientibus alijs, quid euenerit, obseruamus. nobis ipsis, experiri multa si velimus, facile non licet. labore opus est, ac tempore, & fortuna tenenda;

tanda; nec tentatur interdum sine periculo, commodius ergo, ac tutius, euentis aliorum examinandis, prudentia comparatur. id autem, profecto uides, Antoni doctissime, ac sapientissimè, proprium esse historiae bonum, in qua patent fortunae uicissitudines, regnorum mutationes, hominum sine uitia, sine uirtutes, ex quibus quae uitanda nobis sint, quae expetenda, nullo nostro periculo, nullo labore, sedentes in otio docemur. Atque hoc in genere Polybius inter Graecos; de nostris maxime is, cuius nunc libros tibi inscriptos emitto, Sallustius excellit, euenta enim ita narrat, ut causas simul aperiat. ex quo oritur illa omnium pulcherrima scientia, ut malorum, & calamitatum origine perspecta, nihil agamus, nisi quod ratio praescribit: omniaque nostra consilia, omnes actiones ueterum exemplorum regulamur. Quae cum sit omnium, qui annales antiquorum euolunt, communis utilitas: alia quaedam tua condicio est. habes enim historiam in familia tua: neque tibi, si quid inuenire uis egregium, & imitatione dignum, confugere ad libros necesse est, neque longius euagari, & quasi peregrinari animo, ac mente, more multorum. domo petas, licet, omnium uirtutum exempla. persequere maiores tuos cogitando quae fuerit eorum in pace iustitia, in bello uirtus, in omni fortuna moderatio, si attendes, nihil ad gloriam domesticam requires. iustus Aristides, prudens Themistocles, fortis Epaminondas: de Romanis multi, multis eximijsque uirtutibus insignes. horum alij facta dum legunt, bonas artes ex eorum uita discunt, & ad easdem res, eademque studia laudis cupiditate rapiuntur. at tu refer

animum



animum ad tuos maiores . eminere uidebis , instructū  
 egregijs artibus , Ioannem illum Iacobum Triultium ,  
 magni animi , summi consilij virum , scientia rei milita-  
 ris aetate sua facile principem ; praeterea , iustum , libe-  
 ralem , abstinentem , plane , praeter decus , & gloriā , ni-  
 hil in uita cogitantem . Nam de laudibus Hieronymi ,  
 parentis tui , quia tecum quasi loquor , ne seruire tuis  
 auribus uidear , nolo multus esse : tantum dicam ; quā-  
 diu uixerit , Gallicam rem in bello floruisse : postea quā ,  
 hostiū multitudine oppressus , fortiter pugnans in acie  
 perierit , concidisse . tantum in uno uiro momēti fuit , ac  
 roboris . Age , sint haec , ut ita dicam , in campestri  
 quadam luce posita : quid ? in urbe Roma , idēst in om-  
 nium gentium celeberrimo theatro , non spectata , pro-  
 bataque uehementer est triumphus tuae gentis Cardinaliū  
 doctrina , religio , sapientia ? ut , Triultiorum nomine mul-  
 torum uocibus in multas partes dissipato , non ipsa tan-  
 tum Roma , sed omnis plane Italia , omnis , ubi colitur  
 humanitas , Europa personaret . Omitto alios : sunt enim  
 multi ; nec tu quemquā ignoras . non enim sunt ex ima-  
 ginibus , aut ex illa colorum inani specie maiores tui co-  
 gnoscendi . quāerenda tibi facies tuorum non est . clari  
 sunt ex recte factis : uirtute distinguuntur ; cū alius in  
 alia , in omnibus simul omnes enituerint . Quae tu quo-  
 niam a primis annis ad hanc aetatem non modo cogita-  
 sti , uerum etiam uita , ac moribus expressisti , propterea  
 te , Episcopatu Tolonensi iam antea insignitum , lega-  
 tionibus honestatum , primum Perusina , & Auenio-  
 nensi , in quibus miram iustitiae laudem tulisti , deinde  
 ad Regem Galliae , & ad Venetam Remp. ubi pru-  
 dentiam ,

dentiam, ubi gravitatem incredibilem praestitisti, proximis dieb. Cardinalē creavit Paulus IV. Pontifex omnium optimus, omniumq. maximus, iudicio praeditus acerrimo in aestimandis hominum ingenijs, ac moribus, itaque statutus, ut, quae cuiusq. meritis praemia debentur, ea libentissime, ac liberalissime persolvat, in quo nemo est, qui tuā animi singularē aequitatē, ac moderationē vehementer non admiretur ac laudet, qui summae ~~Multae~~ dignitatis, cum est ad te multis praesentibus allatus, ita acceperis, ut nemo, te commotū, nemo, ne leviter quidē affectum, ex vultu, aut oratione aut ullo corporis gestu, potuerit intelligere. ita patuit, quod ab insipientibus ambigi, ac disputari quandoq. solet, a bonis uiris virtutē magis ipsam diligere, quā virtutis insignia; honorem esse praemii recte agendi, finē non esse, magnos illos, ac praestantes homines, qui laudabiliter ita uiuant, quasi laudē percipiant, ita laudē aut dignitatē excipiant, quasi nihil minus antea cogitauerint, quod in te & animaduersum est maxime, et observatur quotidie magis. colere. n. te quidē studiosius, quā antea, oēs videntur: ipse aut, qui antea fueras, idē omnib. es, nemo excluditur sermone tuo, nemo cōgressu. tui omnibus copiā facis: eandem omnibus humanitatem ostendis. Sequitur insolentia fortunā: comes est rerū secundarū arrogantia: tu mansuetudinē amas: tu in continentia, tu benignitatem perpetuo retines. iure ergo hoc etiā nomine Cardinalis es. iure habes hāc, quod tui te p Petri Ecclesia suscepti labores extulerūt, maximi sacerdotij dignitatē. et nūc tu quidē comitatu stipulatus honestissimo familiarij tuorū, multo tamē i-

Rr gnior

= fortasse melius legentur. animatus

gnior, atque ornatior cohorte tuarū uirtutum, quae tibi comites ubiq. sunt, Romā redibis expectatus, expectatusq. columnen futurus Christianae Reip. Splendor sacri Collegij, ornamentū familiae tuae. I, decus Italiae, amor, ac deliciae honorum omnium, dijs bene iuuantibus ad eā vrhē, quae sola peregrinam uirtutē excipit, sola ornat honoribus, sola dominam facit rerum omnium humanarum. nos autem, quib. tuam iustitiam, tuā benignitatem ostenderis laeti tua dignitate, maesti discessu, te prosequimur abeuntē optimis ominib. fauimus animis, praecamur linguis, uota prorsus eadem, quae pro parentib. ac liberis nostris, pro tua salute suscipimus. Atque ego, in hac omnium eximia laetitia pariter & molestia, praecipuo quodam dolore diuellor: qui fato nescio quo meo contigerit, ut, quā diu Venetys fuisti, ego semper afflictus importuno morbo iacuerim: quo ēt nunc langueo: & ad morbū accedit aegritudo: quoniam quidem, alijs ad te aduentibus, deque ista dignitate gratulātib. ipse excludor vnus, nec possum meae summae erga te obseruantiae praesenti officio satisfacere. hac tamē spe sustētor, quod humanitas ac sapientia tua facile fortunā a crimine seiūget. Si consilio aliquid peccatur: accuses: iure feceris. culpam autem in ijs reb. quae non a voluntate nostra pendent sapiēs nemo umquā dixit esse. quare nec tu mihi, quia non ualeo, uitio dandum putabis: & hoc ipsum, quia, me non ualere, nō tā corporis, quā officij causa doleo, laudi etiā fortasse tribues. equidem habeo non voluntatis modo testem, uerū etiam studiij ac beneuolentiae auctorem in te meae, hominem honoratum, & cum  
 omni

omni virtute excellentem, tū vero omnium, quos ego  
 in vita uiderim, humanissimum, qui te amat egregie, fa-  
 cit q. plurimi, tuasq. laudes vtraq. manu ad astra sae-  
 pe tollit. uerum ego non id solum spectro mea, ut uni tibi  
 pateat obseruantia. illustrabo meam, si potero meis ali-  
 quando scriptis, & patefaciam omnibus gentib. inte-  
 rim, ut haec tibi nostra ex aliquo signo voluntas illuce-  
 scat, praeclaram edo tuo cū nomine Sallustij historiā  
 cui tu si locum dabis inter eos libros, qui ab oculis tuis  
 abesse non solent; vigebit apud te nostri memoria; quo-  
 ties eā uidebis, toties aīo tibi occurrā: adero tibi saepe  
 absens; tacitus saepe tecū loquar; meq. esse de tuis fa-  
 miliarib; vnum de ijs maxime, qui operā tibi assiduā  
 praebent, qui tuo potissimum honori seruiunt, existima-  
 bis; quod ut ita sit, vehementer opto: & si assequor, fe-  
 rā in caelum istam humanitatem, colam animo, tue-  
 bor officijs, & imitabor, quantum potero studio certe,  
 si minus re licebit, tibi ut satisfaciam, elaborabo.  
 Venetijs, M D LVII,

## AD. ALOYSIVM. GARZONIVM

IN. LIBROS. XXIII

DE. LINGVA. LATINA

QVI. CALEPINI. NOMINE

CIRCUMFERVNTVR.

21

CONSTARE tibi puto, Aloysi Garzoni, cum ad  
 res praeclaras natus homo sit, quippe qui solus ex

omnib. animantibus munere rationis, ac mentis excellat, nullam tamen artem eodem tempore & inuentā simul esse, & ob solutā. omnes humili tenuiq. ab initio profectae, paullatim quasi per gradus ascendentes ad id, quod summū videtur esse, peruenerūt. hoc & in literis accidit, maxime q. quibusdam in libris, qui eiusmodi sunt, vt semel atque iterum aucti, locupletari tamē, atque ornari deinde possint. quo ex genere bonū factum Calepinus sortitus est, cui quotidie fere omnes homines de suo largiantur. certe enim illius Dictionariū, quod nunc emitimus, non tam ipsius industria, quam aliorū labore studioq. in tantam altitudinē excreuit. vnum tamen desidero, quod ij, quibus illud propositū fuit, vt in hunc librum quam plurima congererēt, id ipsum, quod fecerunt, vt adderent, facere consideratius diligentiusque potuerunt. quorsum enim in herbarum montiūq. nominibus colligendis diligentes sumus, verba autē Latina linguae illustria maxime, ac significantia, quae nescire nemo vult, in augendo Calepino negligimus? ergo ipsi hoc potissimum spectauimus: &, opinor tantū praestitimus, quantū qui, hoc dictionario cū alijs dictionarijs conferendo, cognoscet, nō dubito quin de hac opera nobis & faueat, & bene praecetur. non enim libet hic commemorare, quae quib. in uerbis sint a nobis addita: nā sexcenta sunt, neq; sumpta ex apertis aliorum librorum indicibus, sed ex ijs Latinae linguae fontib. ad quos peruenire cuius non licet. vtrum autem ipsi perueniremus, res ipsa indicet. In eo etiam ab aliorum instituto discrepauimus, quod alij tantum, vt addant, quae vtilia putant, elaborant; nos etiam,

quae

quae non *utilia sunt* & *discendi cupidis contraria*, quae scilicet *Calepinus ipse non recte percepit*, haec, in qua dedimus operā, ut de libro, tam quā de tritico lolium, eximeremus. addidimus, mutauimus, sustulimus, prout res postulauit. *diſtiones certe Graecas, ex multiplici leſione deprauatas, ut eſt ſere, niſi diligenter caueas, corruptrix librorum Typographia; tam uultas correximur, ut, quod fabuloſum eſt, nos dicere iſ opus poſſimus, Augēae ſtabulum a nobis eſſe repurgatum. Noſtrum etiam in hoc opere proprium illud putamus, quod, cum alij in addendo ſupra modū curioſi fuerint, ut liber excreſceret; nos contra, ne quid praeter rem adderemus, ſuperſtitioſi fuimus, nec minus in exſecando diligentes, ut in diſtionibus Graecis, Latinarum ordini inſertis, vel potius inſiſis, multas, quaſi de alieno loco, migrare cogimus. exempli gratia inter Latinas diſtiones quem locum habere potuit, Catabathyſus, aut Hodedocus, aut Pſeudonymus, & huiuſmodi, quae Latinis ſcriptoribus Latine pro exemplo adducta minime reperiās: quae propemodum innumerabilia ſuſtulimus, eodē iure quo Latina vocabula de Graeco diſtionario tolleremus. Et, quoniam hoc volumen, ob variā infinitamq. doctrinā, multorum manus circumfertur: facile futurū putauī, ut, ſi tibi a me inſcriptum exiret, ſignificationē multis daret amoris erga te mei. nam, ut omittā merita in me tua, quae nulla umquam delebit obliſio, tui me ſuanitates ingenij, tua incredibilis humanitas, ſingularis probitas, eximia ad colendam virtutem animi propenſio ad amandum alliciunt. non enim idco mihi carueſ, quia*



*sis Venetae Reip. omnium amplissima, a secretis, aut quia nunc una cum viro clarissimo omnibusq. virtutibus ornatisimo, Michaele Suriano Legato, particeps & minister consiliorum omnium ad Philippum, Hispaniae Regem, sis profectus: sed: quia tale te praestas, ut & haec tibi, admodum ampla, atque honorifica, munera iure deferatur, & egregius animi tui bonis maiora quoq. debeatur. Sit igitur hic liber & tibi, & reliquis argumentum benevolentiae meae, testimonium iudicii, grati vero animi non omnino quale velim, sed quale possum hoc tempore, monumentum. tu autem istam praeclaram in nos voluntatem conserva; &, quo instituisti cursu, per directam, maximeque expeditam, ac certam literarum viam ad gloriam contende. quod ego quidem, qui tuos sensus, tuos ad laudem impetus optime teneo, ita opto, ut spero, ut futurum mihi persuadeam. idq. etiam reliquis praedicare non desino. Venetijs, M D LIX.*

---

A D. MICHAELEM. CHISLERIVM  
 C A R D I N A L E M  
 IN. LIBRVM. DE. LOCVTIONE. DEI  
 ACADEMIE. VENETAE. NOMINE 22

*RERVM humanarum exitus, quam varia sint hominum consilia, declarant. quod si quis bene cogitat: sequatur, ut idem laudabiliter agat. recte autem agentem nihil umquam frustrabitur, nihil fallat. Decet igitur nos  
 optima*

optima spe niti, admodūq. firma, quibus, in condenda, atq. instituēda Academia nostra, nihil, pter Dei gloriā, & communem hominum vtilitatem, propositum fuit. Neq. vero actiones nostrae, vt speramus, eiusmodi erunt, vt hāc ad optimas res animorū nostrorū incredibilem propensionem ambigue aliquis interpreta- ri, aut in dubiū reuocare possit. apparantur quotidie summa cura, & edētur a nobis diuina doctrina refer- ti, qui pietatē, ac religionē complectuntur, illustres li- bri. & interim, quasi specimen quoddā, aut pignus no- strae voluntatis, egregia quaedā de locutione Dei, ab excellenti viro conscripta, pijs mentibus, ac sacrarū litterarū, idest verae gloriae, studiosis cōmunicāda cen- suimus. quae duabus maxime de causis, praestantissi- me vir, tuo nomine decuit esse inscripta: primū, quod, suscepto Academiae nostrae patrocinio, nihil praeter- mittis, quod ad eā ornandā, augendamq. pertineat; & nos, quae a te officia p̄ficiscūtur, quibus animis, quā li- bentibus, quā gratis excipiamus, aliquo itē officio tum ipst̄ tibi, tū ceteris omnibus indicatū, maximeq. perspi- cuum esse cupimus: deinde, quae de Deo loquuntur, ad quē potius mitti aequū fuit, quam ad eū, qui diuina stu- dia in omni suae vitae cursu, cunctis & opibus, & ho- noribus anteposuit? qui cum vniuersam de Deo, diu- nisque rebus doctrinam accuratissime quaesiuit, tum vero cū ipsa doctrina vitae rationē coniunxit, & vt omnes rectā, salutaremque viam tenerent, aut, qui diuerterant, in eam reuocarentur, studio, consilio, mo- nitis, auctoritate contēdit. nihil obscure fama loquitur de tuis virtutibus. nihil de te aut exigū, aut dubium

affertur. patent multis, ac certissimis argumentis eximia tua in Christi Ecclesiam merita: solunt te omnes ob doctrinam: imitantur multi ab integritate: amant ob humanitatem, maximeque ob rectam, ac simplicem naturam, ab omni furore, omniq. fastu longissime remotam. praecone vero tuarum laudum omnibus horis audimus eum qui summa ipse laude dignus est, Federicum Badianum, auctorem & conditorem, Deo duce, Academiae nostrae: cui quidem viro tum vitae probitas, tum ex assiduo studio doctrina, & ex diuturno rerum usu prudentia fidem, atque auctoritatem in omni sermone conciliat: ipso igitur non modo approbante, verum etiam hortante, praeclarum de Deo libellum, gravem sententiam, illustrem verbis, ad te mittit, tuoque dicatum nomini cum omnibus gentibus Academia nostra communicat. quae cum se tibi suo primum iudicio commota, tuis deinde meritis impulsas, penitus addixerit, eandem observantiam in omni vita praestabit, & ut eam futurae quoque gentes intelligant, ipso, ad quem omnia referimus, summo Deo opem ferente, aliquo merito consequemur. Tu interim, quando iam hoc tribuisti humanitati tuae, ut nos susciperes, tribue idem constantiae, ut susceptos tuearis, ac foveas: ita tamen, si nos, tuo praesidio, ac studio dignosides, nostra ingenia in optimis artibus exercentes, nostrasque voluntates ad unam virtutem dirigentes, & audies & re ipsa cognosces.

Veneris. M. D. LIX.

A D . ANTONIVM . CARLONEM  
 ALLI F A R V M . P R I N C I P E M  
 I N . S A N N A Z A R I I . P O E M A T A 23

VT est praeclarum, ornatissime Princeps, in arte poetica excellere: sic ea cognoscere, quibus ad illā laudem perueniatur, maximum quiddam, ac difficillimum est. fallitur enim, si quis absoluti poetae partes in eo positas arbitratur, vt, cū metiendi carminis rationē optime perceperit, cum elegantissimarum vocum suppellectilē quasi quandā sibi compararit, addo etiā cū materiam animo comprehensam ordine quodam atq. artificio distinxerit, hisce rebus tamquam egregie munitus ad scribendū se conferat. grauiora sunt, quae requiruntur, & ex abditis plurimarū artium ac doctrinarū fontibus haurienda. nam, cum eius consilium, qui hoc in genere elaborat, vel in primis id spectare debeat, vt, voluptati versus, vtilitate sententiarum admiscenda; nihilominus lectorē moneat, quam oblectet; monita vero illa plerumque necessaria sint, vt in vitijs summam turpitudinē inesse, in virtutibus summam gloriā, ostēdatur: quomodo hoc sine philosophiae cognitione prudenter ac perite poterit efficere? Iā, si res exigat, vt aut de caeli stellarumq. ratione, aut de regionū terrestrium ac maritimarū sita dicendū sit: certe hos locos non potuerit, nisi qui Astrologiam & Geographiam attigerit, commode tractare: itaque, si quis huius facultatis studium eo complexus animo est, vt aliquando, quae litteris mandare studuerit, ea se speret, veluti pictorem

Etorem egregium, omnibus artis coloribus illustraturū, is omnium fere disciplinarū scientiam, quae ad bene beateq. viuendū pertinent, ne prorsus ignoret, necesse est. Quod si ad assequendum poetae nomen vbertatē illam ingenij a naturam datam satis esse putat; atque hac una instructus facile audet canoros illos quidē, rerum tamen inanes versus uel domi pangere, uel in triuijs ad populi aures effundere; statim ab intelligentibus explodetur, neque solum imprudēs aut parum uerecundus. sed etiam plane stultus, ac temerarius habetur. Quo minus est mirandum, si, ut hac arte praestarent, quam paucissimis contigit: cum in omni praeterea liberalium doctrinarū genere plurimi semper flourerint. Sed egregiorum poetarum multo etiam maiorem hac nostra tempestate, quam priscis temporibus, paenuriam esse constat: siue, quod saeculi felicitas illa fuit: siue, quod equidem magis existimo, quia non iisdem, quibus olim, praemijs ad virtutem nunc homines excitantur. Eorum autem, quos in hoc genere praestantes cognouimus, sine cōtrouersia primū locum obtinuit vir eximius, & omni lande cumulatus, Iacobus Sanazararius: cuius ingenij monumenta non vetustas, non obliuio delebit vlla: ut ex tot Regum triumphis haud paullo clarior, quam ex vnius hominis doctrina, atque ingenio, Parthenope sit futura. Hoc autem, Princeps egregie, tui muneris fere totum est: qui, cum ad summā generis nobilitatē etiam optimarū disciplinarum scientiam adiunxeris: tamen haec per se, nisi accederet studium de posteris bene merendi, quasi minima iudicans, quaecumque a doctis viris madata litteris, digna, quae  
inter

inter manus versentur, existimas, in apertum ut referatur, maximopere cōtendis. Quo nomine ipsi profecto Sannazarij manes tibi nō uulgares gratias habēt, cū eos libros, quos ille moriēs tuae fidei commendaret, per-  
vulgandos diligentissime curas. Qui vero ingenuarum artium studijs dediti sint, ij se tibi tantū debere profitentur, quantum persolui nullo modo possit. itaq. a me qui eodē in aere sum, petere videntur, vniuersorū causam ut suscipiam, tibi que, propter hoc officium, quid omnes de te & sentiant, & loquantur, aliqua ratione significē. Ego, licet ipsa te recte factorū cōscientia cōtēntum esse, nihil praeterea requirere, exploratum habēā; tamen, ut eorum honestissimo desiderio ne desim, do me libenter in eam partem, in quam etiam mea spōte propendebam; & ad ostendēdum non eorum modo animum, sed ēt obseruantia & pietatem in te meam, haec ipsa Sannazarij poemata, quae nostris typis edēda curasti, nomini tuo dicata ad te mitto. Leges hic omnia quaecumque ab eo Latine scripta nunc exsūt. primum autē erit diuinum illud, quod ipse de partu Virgini inscripsit opusculum: deinde Christi lamentatio: mox eclogae quinque: quas tamen decem scripserat; sed, e Gallia reuersus, has tantum, quas emisimus, & fragmentum illud, quod post Salices collocauimus, inuenit, reliquis aut furto surreptis, aut per incuriā suorum quibus eas discendens crediderat, amissis. sequuntur elegiarum libri tres, epigramatum totidē. quae omnia tuo inscripta nomini apparebūt; ut eius beneuolētiaē, quā Sannazario & uiuo, & mortuo praestitisti, hunc saltem fructum percipias. Venetijs. M D XXXV.



# AD. PIVM .IV. MEDICEM

PONT. MAX.

IN. LIB. REGINALDI. POLI. CARD.

DE. CONCILIO

24



**P**TIME consuluit Ecclesiae suae Deus, atque humanogeneri vniuerso, cum in tanta rerum omnium perturbatione, & extremam periculi metu, Vicarium te suum, Pie IV. inter homines constituit; vt omnibus malis prudentia tua mederetur, nosq. a summis difficultatibus, vel impendenti potius exitio ereptos ad summam tranquillitatem, & optatam antea magis, quam speratam felicitatem traduceret. itaque nunc, tuis adducti praestantissimis & consilijs, & factis, maxime vero tua freti iustitia, quae tibi prima, & antiquissima virtus est, fuitq. in omni vita, boni viri ex omnibus Italiae partibus, atque etiam ex transalpinis gentibus multi, ad Urbem confluunt: & quia tuas omnes curas eo spectare vident, non vt angustis paucorum annorum terminis tuae fructus beneficentiae definiatur, sed ut ad posteros quoque perueniat; hic sibi certam omnium rerum, ac fortunarum suarum sedem domiciliumque constituunt. me quidem Venetijs, domestico patris mei restituendae antiquitatis instituto, & honeste satis, & commode uiuentem, nihilque minus, quam de migratione, cogitantem, quippe cum ab egregijs saepe ciuitatibus atque adeo a superioribus Pontificibus semel & iterum

rum optima inuitatus condicione, nihil tamen umquā noui consilij cepissem; tui Pontificatus fama Romā facile perduxit. nam, cū ab summo uiro, Hieronymo Seripando, cui tua sapientia, debitū iam pridē eius integritati, atq. doctrinae, in Cardinalium Collegio locum tribuit, litteras accepissem, in qb. erat scriptum, cupere te, sacros omnes libros uel hominum incuria, uel improbitate corruptos, quam emēdatissimos peruiulgari; uelleq. in eo opera uti, & industria mea; spatij ad deliberandum nihil sumpsi; statim rescripsi, cum tua uoluntas maximae legis uim pro summa tua non mō potestate uerum etiā sapientia obtinere a pud omnes debeat ita me animatum, ita paratum esse, tibi ut in omnib. reb. libenter obsequerer, susci perem, quaecumque velles agerem, & praestarem, quidquid possem. Quo quidem tempore non mihi aut ulla nouorum cōmodorum, quibus tamen ducuntur multi, est iniecta cupiditas, aut honorum splendor mentis oculos praestinxit: quāquā haec ipsa cumulate & expectari a tua liberalitate posse, & omnib. praeclare agētib. deferri a te solere intelligebā; sed, cum audirem, eas artes, quarum fructus immortalitas est, longo intervallo te Pontifice coli coeptas esse, suā religioni, ac uere pietati dignitatem restituti, cedere uirtutib. uitia; rationi amentiam, libidinem pudori, uim aequitati, haec ego sum secutus, haec omnibus & cōmodis, & honoribus anteposui. Erat praeterea mihi non modo laudabile, et honestum sed illustre etiam, & gloriosum, rocarī a Pio IV. Pontifice ad eam curam, ut sanctissimorum uirorum scriptis, quibus humano generi salutaris doctrina con-

tinetur emendandis, edendisq. praeesset. quo in munere si mihi, non dico magnos labores excipere, (quis n. bono viro labor est pro tuenda Ecclesiae dignitate, id est pro communi salute, recusandus?) sed si vitam ipsam profundere opus esset, egregie mecum actum putarem. Atq. ego illam sane incredibilem capio voluptatem, quod, cum praeclarum esse nihil constet, quin, idem operosum, & perdifficile sit, hac tamen in re, omnium pulcherrima, ac praestantissima; plane omnes difficultates tua cum excellens liberalitas, tum singularis sapientia sustulit. quis enim umquam tam libenter pecunias collegit, quam tu libenter effundis, ut exeant optimi libri, alij nondum editi, quorum notitia rectissimam ad fontem veritatis viam ostendit; alij sic emendati, ne qua supersit labe, quae imperitorum animos, obiecta falsae doctrinae speciei, possit inficere? quo quidem antea malo nimium graviter laboravimus; utinam ijs remedijs, quae parantur, omnino liceat conualescere. quod ita facile consequemur, si modo is, qui optimarum, & maximarum auctor, perfectiorque rerum est affuerit Deus. nam nos quidem, ut opibus valeamus, ut acumine mentis excellamus, quam tamen infirmi sumus ad omnia, nisi praepotentis Dei ope fulciamur, quam plane ceteri, nisi eiusdem luce regamur, multorum turpissimus & miserrimus exitus ostendit. quis porro affuturum esse Deum dubitet, si sanctissimum illius doctrinam, quam praeceptis, declaratam plurimis, suodemum ipse sanguine, suaq. mortis exemplo comprobavit, non verbo tantum profitebimur, sed vita etiam, & moribus exprimemus? Hoc tu scilicet, Pie Pontifex,

*tifex, illo primum uidiſti die, quo te in excelsa iſta Se-  
 de fauente, & approbante diuino Spiritu, omniũ Car-  
 dinaliũ ſentẽtia collocauit: neq. uero uidiſti ſolũ, quod  
 tibi fortasſe cum multis commune eſſe potuit, ſed ẽt,  
 in quo propria tibi debetur laus, accuratae praeſtiti-  
 ſti. tu enim ipſe tua temperantia, iuſtitia, grauitate,  
 conſtantia, quales eſſe alios oporteret, exẽplũ dediſti.  
 inde manauit ſtatim ad propinquos, et affines tuos be-  
 ne uiuendi diſciplina: quorũ omnium incredibilis abſti-  
 nentia, humanitas, pudor ciuitatem breui correxit, et  
 confirmauit uniuerſam. Nunc in illam curam totus in-  
 cumbis, ut reliquae partes Eccleſiae, diſcordia laborã-  
 tes, omni a te ratione ſanentur. ſerpit enim quotidie lō-  
 gius trãſalpinum illud malum, a quibuſdã primo igno-  
 ratum, ab alijs poſtea neglectum, poſtremo a nonnullis  
 etiam uehementer auẽtũ. ſed, vt hoc placuit Deo, quo  
 uolente, aut ſaltem permittente, geruntur ea, quae cur  
 ita fiant, cauſſas indagare noſtrũ non eſt: ſic eidẽ pla-  
 cebit, vt immutatum Chriſtianae Reipũ. dignitatẽ tua  
 uirtus, & ſapientia in ueterem integritatem, ſplendo-  
 remq. reſtituat. Inſtat a te indiẽtum, & inſtitutũ iam  
 generale Concilium: cuius ea ratio, ea uis, & conſuetu-  
 do ſemper fuit, vt, ſanctiſſimi Spiritus interuentu, diſ-  
 ſidentes animos non concordia ſolum, & pate, uerũ  
 etiam beneuolentia, ſtudioque coniungeret. Hoc tu  
 nos, Pie IV. remedio ſeruabis; errantemque gregem,  
 diſiectum uaria culpa, tamquam Paſtor optimus,  
 ad, obpeditentiã reuocabis, continebisq. in officio, & ob-  
 ſeruantia erga diuinas leges tum perpetua ſanctitate  
 tua, unde hauriunt omnes exempla omnium uirtu-  
 tum*

tum, tum vero ijs etiam edendis in hac urbe libris, quorum lectio malas & exitiosas euellit ex animis hominū opiniones, inserit eas, quae si coluntur pietate, et beneficentia, uberrimos, & praestantissimos, & plane salutes fructus ferunt. Atque huius quidē tanti, ac tam praeclari muneris initiū vnde sumi aptius potuit quam ab eo libro cuius argumentum & cum ratione temporum, & cum tuis consilijs ac studijs optime congruit? quid enim tempora, quid status Ecclesiae poscit, quid tu optas, curas ue magis, quam Conciliū, quod vnicū, & certissimū in tam graui discrimine, tam propinqua communi peste superesse remediū uidetur? at in hoc libro, quem tu iussu primum emitimus, proxima ostenditur ad salutē uia, spes omnis in confessione culpae, in uitae ac morum emendatione, in summa demum Pontificis auctoritate collocatur. Quae cum per se maxima sunt, & curandis Christianae Reip. uulnerib. utilissima; tum vero ponderis accedit plurimum ab eximia scriptoris innocentia, doctrina, dignitate. quis enim, quibus animi bonis, quibus industriae, ingenijque ornamentis abundauerit, qui denique uir, quantusque fuerit Reginaldus Polus, aut ignorat, aut, si quam modo tantarum laudum partem habet cognitā, non earum memoria, & desiderio vehementer commouetur? potest ne quisque tam inops a iudicio, tam uersus ab humanitate, tā plane ferasse, ac ferreus, qui non intimis eum sensibus dilexerit, cuius non modo in studijs, in moribus, in sermonibus, sed in ipso plane adspectu omnis probitas, omnis luceret humanitas? De religione uero deq. Christiani hominis officio

ficio quid senserit, & iudicarit, non aut in uno altero-ue libro ita ostendit, ut in alijs umquā dissenferit: aut ita scripsit, ut aliter uiueret: aut ita uixit, ut interdū sibi non constaret: sed omnia, litteris ab illo prodita, sine ulla exceptione semper laudarunt, hodieq. laudant boni, & sapientes uiri: quorum directa ad ueritatē ipsam .i. ad unā Dei gloriam sententia nec obtreſtandi studio, aut inuidia flectitur, nec maleuolentiā, aut ambitione mutatur. Vitae uero totius instituta, & excellentem in omni aſtione, omniq. fortuna pietatem, utinam, quam facile nouerunt, tam libenter imitarentur multi: O pes, honores, clientelas, Regum maximorum gratiam, & beneuolentiam qui aſſequentur, proxime ad felicitatē putātur accedere. at illac haec oīa apud Henricum, Britanniae Regem, & iure propinquitatis, & multo etiam magis sua uirtute cū poſideret, ultro contēpsit, ne turpisſimas Regis aſtiones, & aduerſantem Chriſti Vicario ſententiam probare, aut etiā adiuuare cogeretur. Patauiidū uixit, quamquam erat habitu naturae prope diuino, liberalibus tamē diſciplinis uehementer deditus: &, cum eloquentiae, atque philoſophiae pari ſtudio flagrauerit, in utra tamē magis enituerit, non facile eſt exiſtimare. illud certe conſtat, qui uel meliora, uel ornatoria ſcriberet, hac hominum memoria extitiſſe neminem. quamquā id ei propositum fuit, eo direxit cogitationes omnes, atque curas, ut philoſophiae ſcientiam non tam ſcriptis, quā ſuita oſtenderet, itaque maior, atque excelsior Patauij in tenui, & humili fortuna fuit, quam cum in Regno omnibus copijs, & ipſius maxime Regis gratia



floreret. Hic, hic nimirum verus est, ac praestantissimus optimorum studiorum fructus, si quis a seipso pedeat si temporum vicissitudines non extimescat, si aduersus hominum iniquitates, fortunaeque iniurias ratione, & virtute pugnet. quam in Polo constantiam, & sapientiam fuisse, quis ignorat? metuendae erant a Rege potentissimo insidiae, metuenda vis; propterea quod, suscepta Ecclesiae causa luculento illo de Pontificis auctoritate libro, susceptum simul a se grauissimum eius odium intelligebat. deserebatur et quotidie magis a re domestica; fortunis exclusus amplissimis. nemo tamen eum deiecto, aut demisso sensit esse animo, nemo vidit umquam tristiore vultu. in sermone, in consuetudine, in conuictu, in tota denique vitae ratione tranquillitatem mentis, quam habebat antea, perpetuo retinuit. Nec defuere, quae nunquam sperauerat, ac ne cogitauerat quidem, tantis debita virtutibus praemia, nam, cum ita viveret, ut in imo Deo omnia poneret, caetera, quae mortales admirantur, infirma, caduca, inania duceret; cumque in illa Patauini gymnasij celebritate, domesticis otij suis finibus contentus, paucorum admodum consuetudine uteretur: breui tamen, ut sibi uiam facile uirtus aperit, ita manauit fama de admirabili eius prudentia temperantia, doctrina, ut ad aures Pauli III. Pont. Max. peruenerit. qui cum esset ea mente Praeditus, ut nemo umquam magis de ornanda egregijs Cardinalibus Ecclesia cogitauerit, eo iudicio, ut nemo in delectu errauerit minus; commotus multorum uon dubio sermone, Reginaldum Polum, disciplinae Christianae reuouandae causa, cum praestantibus aliquot uiris ad Urbem

*Urbem acciuit; eumque paullo post non petentē, non  
 optatē prope etiam recusantem, Cardinalem creauit.  
 In hac dignitate, cum alios antea, se ipsum vicit omni  
 genere laudis. Omitto singularem illam, cui par oratio  
 reperiri nulla potest, in caede matris acerbissima for-  
 titudinē, atq. constantiam. unicum illi contra omnes in-  
 iurias, omnesque calamitates conscientia praesidium  
 fuit: & in aduersis rebus iā antea didicerat esse fortis.  
 grauitatem eximiam, pari comitate conditam, māsue-  
 tudinem, prudētiam, benignitatem in sublaquāda mise-  
 rorum inopia non attingo. communia sint, haec in qui-  
 bus tamen praecipua quadā laude Polus excelluit. ue-  
 nio ad id, quod a Cardinalis persona proprie postula-  
 tur. Nam ubi primum sacerdotis est ornatus amplissi-  
 mo, non ille mentem, ut multi, cum fortuna mutauit;  
 non sericam vestem, non argenteam supellectilem, non  
 denique illustrem aliquā, aut opimam provinciae prae-  
 fecturam appetiuit; sed, contempta prorsus rerum hu-  
 manarum specie, diuina studia, quae antea non leuiter  
 attigerat, toto pectore complexus, de tuenda Pontifi-  
 cū iuris maiestate, de augenda inter homines Dei glo-  
 ria, de illustranda ueritate dies noctesque cogitare coe-  
 pit. quantum enim in ea philosophia, quae a sensib. du-  
 citur, erroris insit, atque obscuritatis, cum antea non  
 ignorasset, tum uero, totus ad eam philosophiā tradu-  
 ctus, quae caelestium bonorum cognitionem parit,  
 clarissime perspexit. iam, illam, quae colligitur ex rhe-  
 torum praeceptis, eloquentiam, in qua praeter ceteros  
 antea floruerat, neglexit penitus, inanemque duxit,  
 cum sacrorum librorum uoces, non aurium uoluptati*

seruiētes, sed ad intimas animorum partes incredibili quadā suauitate penetrātes exaudiuit attentius. Nec uero quidquam habuit antiquius, quam ut a sanctissimis Ecclesiae legib. discedentes, quoquo mō ad sanitatē redirent; cum ipse multos cohortatione sua, cōsilio, doctrina, nōnullos etiam lenitate quadam ad meliora consilia conuerteret. Incidit tempus, cum de sufficiēdo post obitum Pauli I I I. Pontificē habenda Cardinalib. deliberatio esset. affuit Polus ita sedato aīo, ita cupiditatis, et ambitionis expers, ut, maiore Collegij parte Pontificatum ad eum deferente, non statim assēserit, diffcrendamque rem tantam in posterum diem censuerit: fore enim, si probaret Deus, eundem post aliquot horas Cardinalium consensum: sin minus, omnino sibi, quod Deo displiceret, placere nihil posse. Scripsit etiam in eo Conclauī praeclara quaedam de officio Pontificis: quae cum alijs eius libris, quos Ioannes Moronus, Cardinalis ob summa erga Sedem Apostolicam merita, perpetuamque uitae innocentiam clarissimus, accurate seruauit, propediem in lucē proferetur. quibus in libris cum spirare adhuc mens illa diuini hominis, et uigere uideatur; afficimur non tam praeceptis, atque doctrina, quam recordatione tantarum uirtutum, quas in illo uidimus. Vitae clausula fuit, in qua ostendit lumen animi, ingenij q. sui, Britānica Legatio. nā, cum in illa insula per annos multos, duorum Regum imperio, Henrici primū deinde Odoardi, eius filij, legitimus Dei cultus intermisissis optimis ritibus obsoleuisset; cumque, interitus Odoardi, succedente eius sorore Maria, spem aliquam reuocandae pie-

tatis, & religionis attulisset; visa est vnus maxime Poli sapientia rectā errantibus uiam monstrare posse, ad iuncta praesertim auctoritate tanta, quantā nec sine virtute dignitas vlla pareret, nec sine dignitate virtus. in ea legatione optimos Reginae sensus cōfirmavit; principibus viris, & multitudini, persuasit, vt nouam haeresim, Henrici nefaria libidine inductam, abijcerēt veterem sacrorū disciplinā, rationēque susciperēt; cum Ecclesia, si salui esse vellēt, in gratiā redirēt; vniū esse Romae, potestate summa, Christi Vicarium, in quo creando commotae Spiritu sancto Cardinalium mentes, ex vetere multorum saeculorum instituto tradita per manus consuetudine, consentirent: quaecumq. ille sanciret in terris, ea firma & rata in caelo esse: cetera communi saluti vehemēter aduersari, hominū seditio-  
 sorū, vel Satanae potius ipsius inuenta q. ut genus humanum, sit possit, uniuersum perdat, suaq. socios habeat plurimos infelicitatis & culpae. Mansit in officio, & fide, quam diu Polus, & Regina uixerunt, Britannica natio; utriusque innocentia, & sanctitate, alterius etiam sermonibus, praeceptisq. cōmota. Postea cum utrumque Deus, cuius abdita consilia non assequitur humana mēs, ad caelestis uitae praemia uocasset, lapsa est iterum, & concidit illa gens, destituta consilijs, quibus antea nitebatur. iamq. ad finitimas nationes peruasit haec pestis, & dira cōtagio, nec uideretur posse consistere, nisi tua Pie IV. Pont. Max. sapientia singularis occurreret, Tridenti in dicto Concilio, Romae omnibus rebus ad rationem, aequitatemque reuocatis. Quod uero etiam eorum scripta, quos in bea-

torum numerum iure olim Ecclesia retulit, integra, deletis omnibus maculis, peruulgari iubes: quod excellēte nobis Reginaldi Poli, amissa eius voce, doctrinā restituis: mirū est, quem vehementer adiuues communē causam, quātum se tibi pro ista mente, istaq. cura omnes homines debere fateantur, quantā ab ipso Deo, qui tibi nostram salutem cōmisit, gratiam, & beneuolētiā ineas. Haec sunt illa merita, quibus hominū vitā, breuissimis circumscripta finibus, ad infinitā memoriam propagatur: haec illa, numquā satis laudata, veterum Pontificum instituta, quibus hanc nobis Ecclesiā tam praeclare fundatam, exstructamq. reliquerunt. quae utinā, sicuti propria tuā sunt, ita perpetua esse possēt. nemo enim dubitat, quin, optare tibi perpetuā vitam, idē sit optare nobis perpetuā felicitatem. nec vero cuiquā bono viro tanti est huiusce lucis vsura, quin de sua detractū aliquid vita libenter, si possit, in tuā cōferat. sed quoniam hac lege huc omnes ingredimur, ut aliquādo discedamus; nec licet nobis in te vno singularē conditionē pro tua singulari beneficentia postulare: saltē, ut quam diutissime te praesente perfruemur, & petimus a Deo supplices, & futurū pro summa eius erga nos clementia confidimus. magna enim sunt, quae iam inchoasti: maiora tamē, quae mēte designas. nihil vulgare cogitas, nihil humile, nihil angustū: metiris omnia tua dignitate potius, quā communibus exemplis. praeclare. non enim Pontificiae laudes in mediocritate versantur: nec decet, qui potestate, & honore cūctis hominibus antecellat, eū ab vllō homine recte agendi cupiditate, studioque superari. In te igitur, Pontifex Max.

primum

primum tuendae, atque amplificandae religionis, deinde eius otij conservandi, cuius auctor, & custos antea fuisti, sita spes omnis est. a te honesta studia, a te liberales disciplinae, a te ipsa virtus ornamenta sua repetit. tu, quod facis, & fecisti egregie, perpetuo facies, ut omnes gentes diuturna pace, iustitia, pietate foueas; urbem Romam operibus magnificentissimis, & cum ipsa antiquitate comparandis, exornes; civitatem, tui studio, sissimam, superiorum temporum calamitatibus afflictam, perpetua benignitate recrees; denique tollas aliquando ex imperitorum animis dubitationem illam, quae laudabilia multorum studia remoratur, utrum res maximas fortuna possit sine virtute perficere, an virtus, quo contendat, sine fortuna peruenire. de quo quid sentiret ipse, ostendit iam pridem tuae vitae ratio; nunc, ut omnes idem sentiant, facile vnus praestare potes, restituta iis artibus dignitate, quae te talem, tantumque fecerunt, ut, quales ipsae, quantaque essent, ope tua, studioque omnes mortales intelligerent.

## I N . L I B R V M

FRANCISCI. VARGAS

DE. IVRISDICTIONE. EPISCOPORVM

ET

SYM MI. PONTIFICIS

AUCTORITATE

25.

IN Tridentino Concilio, singulari, atque divina  
Pii Quarti Pont. Max. sapientia constituto, cum



aliae res, uel antea parum exploratae, uel astutis hominum consilijs immutatae, atq. corruptae, in cōsultationem cōtrouersiaq. uenerunt, tum uero grauis illa, & perdifficilis de iurisdictione Episcoporum, & summi Pontificis auctoritate exorta quaestio est. qua in deliberatione cum ita Patres illi, uitae innocentia, doctrinaque insignes disiderent, uix ut aliquando res conuenire posse uideretur: Pastor optimus, ut est animo semper ac mente in grege seruādo, tuendaq. communi salute defixus, incubuit in eam curā, ut, adhibitis in consilium lectissimis Cardinalibus, hunc nodum expediret. & quoniam Francisci Vargas, Catholici Regis Oratoris, in maximis rebus antea saepe spectata uirtus erat: expedire in primis Reip. uisum est, talem uirum, cū tanta res ageretur, interesse. Qui cum esset accersitus a Pontifice, rogatusq. ut ea diceret, quae ad Apostolicae Sedis dignitatem, idest ad Christi gloriam, & salutem animorum nostrorum pertinere uehementer duce-  
ret sententiā dixit grauisimis ornatisq. uerbis, ea doctrina refertam, ut nihil aut e sacris litteris, aut ex antiquarū legum, Canonū ue fontibus deriuari possit, quod ille non & memoria, scientiaque comprehendisse, & summarum rerum, in quibus aetatem fere totam contriuit, experientia comprobasse uideretur. excepta est perattentis animis eius oratio; magna q. est omnium Cardinalium, praecipue uero ipsius Pontificis, cuius ut potestas, ita iudicium, sapientiaq. eminent, assensio consecuta. Et, quoniam, quae tum quisq. sensit, eadem ut mandata litteris ad Tridentinos Patres mitterentur, Pontifex adiunādae cupidus publicae causae  
iam

iam decreuerat: de Francisco Vargas hoc amplius placuit, ut eius Responsum (sic enim inscriptum est) impressum ederetur. Est hoc quoque PII Quarti diuinæ liberalitatis, ac beneficentiae, ut, unde aliquid ad commune commodum emanare possit, id non latere in tenebris, aut paucissimis impertiri, quod angusti, ieiunij. nimium animi est, sed peruulgari ad omnium gentium utilitatem uehementer curet. porro, si nihil est religione utilius, quae beatam, aeternamque uitam una largitur: quantam illis debemus gratiam, qui suam industriam eo totam conferunt, ut, nouis quorundam opinionibus, quas inscitia dicam, an improbitas peperit? confutatis, ueritatem ipsam suae doctrinae lumine ita patefaciant, atque illustrent, ut a nemine iam, nisi plane impio, uocari in controuersiam possit? quod in hac maximi ponderis quaestione, quae per aliquot menses plurimorum hominum ingenia, mentesque torfit, Francisci Vargas praestanti beneficio consecuti sumus. uir enim egregius laboranti publicae causae multis nominibus opem tulit, doctrina primum, tot annorum studio collecta, deinde prudentia, quam a natura acceptam diuturnus rerum maximarum usus uehementer auxit: tum integritate uitae, sine qua inanis prudentia, perniciofa etiam doctrina omnis est, postremo auctoritate tanta, quantam capere uidetur ea persona posse, quae pro summo omnium, quos meminimus, aut legimus, Imperatore Carolo Quinto, eiusque dignissimo filio Philippo, Catholico Rege, grauisimis in muneribus, ac legationibus primarijs, temporibus difficillimis, diutissime tractata sit. haec igitur ubi coniunguntur omnia, quae

112 P R A E F A T I O  
quae per se singula in paucis excellere vidimus; prae-  
clarū quiddā, atque excellere fieri necesse est. nec nos  
veremur, cū haec simul vniuersa tali viro tribuimus,  
ne nos aliquando res ipsa redarguat, eiusq. scripta, cū  
legentur, ita expectationi non respondeant, vt in falsā  
affinxisse laudē vel gratiae causā, vel iudiciū errore  
videamur. perfecta virtus laudē quasi fructū nō quae-  
rit; cognita, testimonio non indiget. id ipsum, lector opti-  
me tum ex hoc Responso, quod nunc, a multis iā expe-  
titū, exit; tum ex reliquis eiusdē libris, qui propediem,  
vt spero, consequentur facile iudicabis. id modo vnum  
exopta, ne propensam ad bene merendū voluntatē ca-  
sus aliquis impediat, aut valetudinis moretur infirmi-  
tis. Romae. M D L X I I I. Kal. O Z.

AD. CAROLVM. BORROMAEIVM

C A R D I N A L E M

IN. D. CAECILII. CYPRIANI. OPERA 26

MAGNA in molestia verſor, Carole Borromae-  
ie, praestantissime Cardinalis, quod aunculo tuo Pio  
IV. Pontifice, cuius & benignitas. & sapientia, rete-  
rem dignitatē restituere bonis artibus. facile poterat,  
vētēri saepe cogor, ne publica incommoda, & aduersi  
communium temporum casus, cursum optimae volun-  
tatis impediānt. maximique inter homines operis, at-  
que pulcherrimi pfectionē desideremus. nec vero, vbi  
resideat tanti mali culpa, reperire difficillimū est. opti-  
mis rebus difficultatē afferrūt vitia nostra, ita Deo per-  
mitten-

mittente, vt aliquando refipifcimus. nam, fi homines  
intelligerent, quod tu optime intelligis, Berremaeie  
prudentiffime, quanti fit, ac femper fuerit, ab vno Deo  
exfpectare omnia, inania ducere, quae a noſtris cōſilijs  
proficiſcuntur: primum illud conſequerentur, vt iucū  
de viuerent. ſoluti moleſtiſſimis curis, quibus in cōmū  
rerum affluentia ne magni quidē Principes vacānt;  
deinde, quae metuere ſolemus aduerſa, ea vel nulla  
vnuquam acciderent, vel nullo ſtatim negotio depelle-  
rentur. nunc aliter euenit. dum enim a noſtris ingenijs,  
opibusque ſecundis res petimus; dum & magnificas  
aedes, & ingentem agri modum, & auri, argenti que  
vim, quae ne bona quidem ſunt, ſola eſſe bona credi-  
mus: eaque conſecuti, quaſi nobis dati ſint obſides per-  
petuae felicitatis, ita nihil timemus incommodi; de ſti-  
tuti ſaepe diuino praefidio, iure plectimur, & maxima  
laetitia in maximos luctus, miſeriasque cōieci. vterer  
priuatis exemplis, niſi publica nimium etiā multa ſup-  
peterent. Vidimus graui Chriſtianae Reip. damno, ar-  
dentem diu civili bello Germaniam; cum exitioſa di-  
ſcordiarum ſemina, mentibus iniecta multitudinis im-  
peritae, Principē ſignari quid exſiſtere malorū poſſet,  
auctoritate, opibus, armis denique fouiſſint. inde ſibi  
plebs infima, vt eſt cupida ſemper nouarum rerum li-  
centiam arbitrato ſuo viuendi ſimulatione ac ſpecie  
religionis, arripuit. ex eo nequitia primum, & inceſus,  
deinde vis, rapinae, caedes, quaeque propoſita im-  
punitate naſcuntur mala, paſſim conſecuta ſunt. pen-  
dent enim a diuinis humana iura. illa ſi cōtēramus,  
haec non facile tuebimur: illa ſi labefactentur, haec  
ſta-

statim corruent. sublato igitur, qui per tot saecula vi-  
 gnerat, summi Dei cultu, perturbata sacrorum rituum  
 vetere disciplina, locum suum retinere diutius nec hone-  
 stas, nec pietas potuit: perijt fides, & omnis inopiae  
 subleuandae consuetudo: illa vero, minimi pendentis hu-  
 mana omnia, vni Deo seruientis animi demissio, qua  
 nulla magis hominem Christianum virtus decet, quae,  
 tamquam hesperus, aut lucifer inter sidera, sic ipsa in-  
 ter virtutes reliquas praecipue fulget, exstincta peni-  
 tus est. tum & domestica bella, populis uarie dissiden-  
 tibus, exorta; & externis hostibus, Christiano semper  
 nomini crudeliter infestis, ad vniuersorum perniciem pa-  
 tefactus aditus est: quosque antea tot ciuitatum, ac prin-  
 cipum, integrae vires, atque coniunctae facile sustinere  
 irruentes, ac repellere potuissent, nunc ut eorum impe-  
 tum imminuatur, atque distractae, ferre possint, speran-  
 dum rix est. Quid reliquae provinciae? satis ne valet,  
 & alieno malo doctae sibi cauent? immo, quasi sit in  
 dolore voluptas, in exitio salus, ita se libenter in ean-  
 dem flammam pleraeque coniiciunt. vincere iam coe-  
 pit humanam medicinam morbus: proxima quaeque  
 corrumpuntur: nec iam ullae possunt aut artes homi-  
 num, aut vires tantam pestem a finibus auertere. Gal-  
 lia quidem, opibus antea florentissima, semper ho-  
 stium religionis expultrix, semper inuadentibus Ec-  
 clesiam monstris inimica, nunc, alienatis multorum ani-  
 mis, deformata domesticis cladibus, ad speciem misera-  
 bili, paene procliuis ad perniciem labitur. nec peri-  
 culo vacant finitimae gentes: quae si forte, quod auer-  
 tat diuina clementia, insanire coeperint; verendum  
 est,

est, ne malū erumpat, quod ferri non possit. nec uero nos, nisi praesidio nitamur, innocentiae, quo uno seruari possumus, & uincere, uel excelsa asperrimarū alpī iuga, uel amnes rapidi, aut munitae arces, laetaeue militū copiae defendent. communibus remedijs cōmunes depelluntur morbi: nunc, in extremum adductā discrimen salute publica, exquisitam quandā, & plane singularem curationem rei magnitudo postulat. corrupta iam pridē uitae ratio Deum offendit; eadem placabit emendata. huc igitur studia conferenda; huc intēdendae sunt curae. quod quāquam ad omnes pertinet, cū in communi periculo commune officium requiratur: praecipuae tamen eorū partes uidentur esse, qui, summo in gradu dignitatis, atq. honoris tāquā in specula, constituti, oculis patent oīum mortalium, ut nullum prorsus eorum neque dictum, neque factum obscurū esse possit. Quaeramus, quarum rerum amore flagrauerint, aut quibus artibus aditum sibi in caelū aperuerint primi illi nostrae religionis antistites, quos ecclesijs moderandis praefecerat Deus: reperiemus eos, tamquam in hac uita peregrinarentur, ita semper, obuia quaeque contemnentes, ad caelestem patriam, optimique parentis Dei, qui nos ad se uocare numquā desinit, adspēctum, amplexumque properasse: quam multos e sacrarum litterarum monumentis, & ex memoria uetustatis licet eruere, quorum omnes uitae partes ea, quae nos in malis ponenda censemus, paupertas, exsiliū carcer, mors denique illustrauerit; cum saepe in maximis incommodis atque, adeo inter exquisitis siua tormenta, corporis dolorem ani-



mi laetitia superante, quam hoc suauē est, dicerent, & immortali Deo pro tā insigni munere gratias agerēt. Non longe abeamus, est ne quisquam, aut esse potest, beato Cecilio Cypriano, cuius nunc emēdatissima scripta emitimus, aut uitae sanctitate, aut mortis constātia maior, & clarior? quam ille se gesit in omni uita abstinenter, & pie? in Episcopi autē officio, ac munere quam non attigit, immo quam non absoluit magno dignā praeside virtutem? exstāt de eo prodita litteris aeternaeq. cōsignata memoriae praeclara sanctorum hominum testimonia: sed in re nota, atq. ante oculos posita, testibus non egemus. uitae illius prope animatā imaginem in libris, quos reliquit, verissimis expressā lineamentis intuemur. quantus est in tuēda Ecclesiae Catholicae dignitate? quam seuerus in retinenda veterē disciplina? quam acer in condemnādis nouarum opinionum auctoribus, in contumacia insectanda, libidine comprimenda? quae sententiarum grauitas, verborum uis, doctrinae praestantia? nemo ita languet, aut ita friget in cupiditate summi boni, qui non excitetur, & quasi facibus admotis incendatur, cum eius epistolas legit. Iam reliqua eius doctrina quos fructūs affert, quam uberes, quam salutare? docemur exoriri calamitates omisso ueri Dei cultu; haereses gigni Pontificis auctoritate contēpta; qui uirginitatem, & pudicitiam colat, ei proposita esse maxima in caelo praemia; qui Ecclesiae praesit, aperto animo ac simplici esse oportere, prudentia tamen ita tectum, ut insidijs minime pateat communis inimici, plane omnes ueterum philosophorum libri, praeceptis

ptis referti cōparandae uirtutis, si cū Cypriani sermo-  
nibus conferantur, inanes, & pæne pueriles uidebun-  
tur. Sumantur in manus, quae de electosyna, ac be-  
nignitate litteris mandauit: statim omnes, si quae resi-  
dent in mentibus nostris, auaritiae sordes exhauriri, et  
infundi eximium erga pauperes amorē sentiemus. Gra-  
uis est, & late patet inuidiae morb. at hic rōnib. egre<sup>rationib.</sup>  
gie curatur, ex intima Theologia de promptis. Vexa-  
mur calamitatibus, & aerumnis, quibus proposita  
est hominum vita: praeclaram audiamus Cypriani uo-  
cem ad patientiam cohortantis, exemplo multorū al-  
lato, qui nihil acerbum, aut malum praeter culpam,  
vmquā duxerunt, & cum illo immenso sempiternae  
vitae lucro libēter omnes huius exiguae uitae fructus  
commutauerunt. Exstat etiam ad Martyres, primum,  
ut cum dolore pugnēt, acerbissimisque cruciatib. forti  
animo resistent, prudens, & pia cohortatio; deinde, qđ<sup>quod</sup>  
morte uitam quaesierint, & ex hostibus Dei victoriā  
reportauerint, amoris & gaudiū plena gratulatio. Ne  
que uero aliter sensit, aut sui dissimilem se praebuit in  
extremo vitae die: sed, cū ita semper uixisset, ut ob-  
scure, inglorieq. decedere nō posset, ita decessit, ut hoc  
vno uel obscurissimam uitam illustrare posset. Multa  
praetereo; nec sane persequi conor omnia; ne suscepis-  
se hoc uidear, ut Cyprianū debitis ornē laudibus: quod  
ut ego sentio, vel p̄ eius dignitate nemo, vel solus ipse<sup>pro</sup>  
praeſtare posset. Verum haec me commemoratio cū  
ipsa per se delectauit, tum quod in ea beneficij tui ma-  
gnitudinem, & praestantem ad bene merendum natu-  
rae propensionem agnoscebam; qui totus in eam cu-  
ram

ram incubueris, ut omnia Cypriani scripta, mēdis an-  
 tea deformata nunc in ueterem illam integritatē, ac  
 speciem, acersito etiam Verona mirae uetustatis exē-  
 plari, accurata doctōrum virorum industria restitue-  
 rentur. quo sane nomine, incredibile dictu est, quātū se  
 tibi oēs boni debere fateantur. quamquam neq. nunc  
 primum, neque hoc uno tuos ad laudē impetus argu-  
 mento cognoscimus. Omitto illa superiora, qualeu te  
 praestiteris in patria, qualē in Ticinensi gymnasio,  
 cum nihil praeter uerum decus, ueramq. gloriā cogi-  
 tans, Francisco Alciato, singularis doctrinae uiro, iu-  
 ris prudentiā publice profitenti, operā dares. sint haec  
 in tuis laudib. minima: non quia, si spectentur sola, ma-  
 xima uideri non debeāt: sed minora maiorib. obscurā  
 sur: & angustior ille fuit priuatae uitae campus, quā  
 ut in eo tua uirtus commode posset excurrere. itaq. Ro-  
 mā traductus ad publica negotia, parē facultati ma-  
 teriam nactus, dum te fingis quotidie ad exemplū sa-  
 pientissimi Pontificis, anunculi tui, quotidie te ipsum  
 uincis bene agendo adiuuāte naturā imitatione, quē ad-  
 modum sine praestanti natura parū proficeret imita-  
 tio. ab hac disciplina fluxerūt illa, quae quam paucis  
 contingant omnia, ignorat nemo; in consilio grauitas,  
 in laboribus patientia, nihil in potestate insolens, nihil  
 in opum abundantia dissolutum, seuerisimis omnia  
 continentiae legibus adstricta; ut ab eius personae,  
 quam sustines, dignitate numquam oculos deflectere,  
 sed illud perfectum, absolutumque decorum, cuius &  
 studium, & splendor magna ex parte iam obsoleuit,  
 assidue spectare uidearis. Iure igitur quotidie tibi sum-  
 mac

maeres a summo Pontifice committuntur: iure se in  
 tuam clientelam, quasi portum quendam in tantis ho-  
 rum temporum tempestatibus tutissimum, ac saluta-  
 rem sperantes, conferunt omnes boni. cum est, agentem  
 patrocinio communem causam suscipere; & opinari,  
 quod auunculus tuus, immortalitate dignus, iam pri-  
 de sibi persuasit, egregieq. praestitit, duas maxime res  
 a principe viro postulari, vnam, ne quid reprehensione  
 dignum committat; in quo tu excellis omnium consen-  
 su; alteram, ne quid laude dignum praetermittat; quod  
 aliquanto est optabilius, atque praestantius. nam, vacare  
 culpa, est illud quidem, his praesertim moribus, egregium;  
 eiusmodi tamen, ut in privati hominis condicione subsi-  
 stat, ad principis ornamenta non perueniat. vera virtus  
 actione gaudet; vim suam longe lateq. diffundi, & pro-  
 pagari suo bono cupit; eoq. ipso alitur, & augetur. cete-  
 rae enim res, cum communicantur, minuiuntur: ex vir-  
 tute quantum ad alios, manat, tantumde ad ipsam acce-  
 dit. Quae tibi profecto saepe in mentem uenerunt; ne-  
 que haec melius cuiusquam oratio, quam tu vitae expri-  
 mis. me tamen cum incredibilis quaedam erga te obser-  
 uantia, ut Cypriani libros tibi inscriptos emitterem, ad-  
 duxisset, eadem impulit obseruantia, et perpetuus in ip-  
 sam uirtutem amor, ut haec scriberem. tibi enim, quam  
 quam neque cohortationi tua bonitas, neque admoni-  
 tioni prudentia locum relinquit, ueruntamen, ut studio  
 meo satisfacerem, liberales disciplinas commendare  
 cupiebam: reliquis autem, qui haec legent, quid ab ex-  
 cellentibus animi tui bonis sperari posset, significandum  
 arbitrabar.

Minuuntur.

# IN . E D I T I O N E CONCILII . TRIDENTINI 27

Q V I de Catholica fide recte sentiunt, fatentur omnes utilissimū fuisse humano generi, atque adeo salutare Concilium Tridentinum, quod eximia summi Dei erga nos clemētia, Pij IV. Pont. Max. sapiētia singulari, mirifica Legatorum Cardinalium, qui praesfuere, vigilantia, maximo etiam Imperatoris, Regum, Rerumpublicarum, Principum, & Patrum, qui interfuere, consensu, ita confectum absolutumque vëdemus, ut exitiosam illam animorum pestem, quae quotidie serpebat latius, nunc quidē aliqua iam ex parte compressam esse, breuī, autem, ope diuina, cunctis populis & nationibus ad communem salutem consentientibus, prorsus tolli posse omnes confidant. quo merito gratiae sunt habendae, primum immortalī Deo maximae, vnde bona manant omnia, deinde Pio 1 v. qui hoc spectauit vnum, & in hoc potissimum ab illo primum die, quo summam inter omnes homines potestatem, delatam diuinitus, accepit, fixit curas, & cogitationes omnes, ut communibus malis generali Concilio mederetur; quo saepe remedio Christiana Resp. erumpentibus vitijs occurrit, et impendentes ex dissensione, atq. discordia calamitates euitauit. Hoc beneficium disseminari quamprimum, ac distribui per orbem terrarum, ad propagandā veritatē, & diuulgandum Ecclesiae Catholicae sententiā, necesse est. itaque nunc eduntur puri Canones, et ipsa Decreta, cum appendice nulla; tantū ut ea cognoscantur, quae  
primum

primum Sacrosancta Synodus, in Spiritu sancto legiti-  
me congregata, deinde Pontifex ipse confirmando seru-  
ari pariter ab omnibus in perpetuum iussit. nam reliqua  
Concilij acta, diligentissime per scribas publicos in ipso  
Concilio excepta, & litteris mandata, mox ita emitten-  
tur, ut, quaecumq. res in cōtrouersiam uenerit, quaecun-  
que vel sententia dicta, vel oratio habita sit, omnia deni-  
que agitata, quaesita, deliberata, suo quidque loco distin-  
cte, & abundanter ab eo exponatur. Interim accipe sū-  
mam rei, lector optime, quae ad salutem vehementer p-  
tinet: vniuersam vero Tridentini Concilij, triū Pontifi-  
cum distinctam temporibus, historiam, eodem, cuius ad  
gloriam haec omnia diriguntur, iuuante Deo, propediē  
expecta. nullam enim tanti negotij partē ignorare, non  
modo iucundum est, verum ad multa etiam utile, & ac-  
commodatum: quod aliorū Cōciliorum lectio declarat.

Romae, M D L X I V.

## CLEMENTI MONILIANO CARDINALI.

CUM tibi, Clemens, Moniliane, Cardinalis am-  
plissime, multis nominibus debeam, nullum tamen ha-  
beo tuae benignitatis argumentum illustrius, quam  
quod ingenij, doctrinaeq. tuae thesauros, cum quibus  
nihil comparo, saepe mecum vel scriptis, uel sermo-  
ne communicas. quis enim est ita deditus rerum huma-  
narum studiis, itaq. falsae voluptatis delentus il-  
lecebris, quem tua vox ad caelestium bonorum con-  
templationem, admirationemq. non facile conuertat?



quem tua pietas, non adumbrata leuiter, sed expressa moribus, dictis, scriptisq. tuis, ad uerae uirtutis amorē non traducas. Quae cum ipse mecum cogito, quo nihil ad meam utilitatem facio libentius; ita mihi gratulor, ut ad multos, atque etiam, si fieri possit, ad omnes eundem fructum cupiam peruenire. caput enim illud religionis nostrae primū est, prodesse quam plurimis. ad hanc nos uoluntatem, & consuetudinem informauit, hac nos erudit disciplina magister omnium sapientissimus, aeternae salutis auctor & largitor, Christus. itaque, cum uolumen illud tuum Theologicarum Disputationum saluberrimis, sanctissimisq. refertum documentis, anno superiore multis efflagitantibus impressum, tuaq. mox industria ita locupletatum, ut aliud prope uideri posset, accurate legissem; admiratus rerum praestantiam, copiam, varietatem, ordinem; praesertim uero duos illos, nuper additos tractatus admodum egregios, unum de Caelibatu, alterum de peccatis, quibus ne optare quidem melius quidquam licet; contendere a te coepi, ut eundem librum iterum ederes, & Catholicorum pias mentes aleres cibo iucundissimo; pestiferis autem haereticorum opinionibus, latius quotidie serpentibus, pro ea facultate, quam tibi Deus optimus maximam tribuit, obsisteres. In quam sententiam cum tu iam antea tua sponte propenderes; (nihil enim tibi uel est, uel fuit unquam Sedis Apostolicae dignitate carius, nihil animarum communi salute antiquius; eo spectant studia tua; eo dirigis omnes curas;) factum est, non tam meis, quā coniunctis multorum precibus, ut exirent denuo lucubrationes tuae; & frueretur non modo aetas nostra, sed etiam

etiam posteritas ipsa, minimo suo labore, maximis laboribus tuis. Cum enim tibi propositum fuerit, ea, quae ad vitam pie sancteque traducendam Christiano homini necessaria plane sunt, quae innumerabilibus prope libris dispersa, nec interdum satis dilucide traduntur, in unum ita colligere, ut confusis ordinem, obscuris lumē, dubijs certā notitiā redderes; id ita cōsecutus es, ut hoc tuo libro quod ad res attinet, nihil vberius, quod ad verba nihil breuius difficillimū est, nihil planius, apertius, communius esse possit. Quo quidem nomine et tibi, et Christiane Reip. vniuersae tantum gratulor, quantum res ipsa postulat: postulat autem, quantum cogitatione vix quisquam comprehendere, verbis quidem assequi nemo potest. Romae, M D L X V. mense Sept.



## AD. ILLVS. ATQVE. EXCELL.

IACOBVM. BONCOMPAGNV

IN. ORATIONIS. CICERONIS

PRO. ARCHIA. POETA

COMMENTARIVM.

CVM mihi tuae primum virtutis, ac dignitatis, deinde eius, qua me es complexus, benevolentiae in mentem venit: (venit autem saepissime) tibi quidem animo ac mente pro meo erga te singulari studio vehementer gratulor: ego autem, ut eius felicitatis, quae in hominem cadere possit, haud minimam partem affectus, laetitia fruor tanta, quantam animus meus capere maximam potest. rursus cum recordor, omnibus ad te quotidie honoris causa confluentibus, quorum ego in te colendo atque observando nemini concedo, me unum tribus fere mensibus ad te non venisse: quamquam intermissi causas officij, ut opinor, habeo satis iustas, vel calores perpetuos, quibus maiores non meminimus, ut aetatem, imbecillitatemq. meam; quarum altera quietem postulat; altera non modo postulat, verum etiam flagitat; peccasse tamen mihi videor; & quasi excusationem accusatio vincat, ita sensibus angor intimis, & in gravissimo dolore versor. Atq. haec quidem aliquanto etiam acerbior cogitatio esset, nisi perspecta mihi & cognita naturae tuae facilitas, & singularis humanitas certam plane spem afferret, nihil mihi obesse apud te, nihil detrachere prorsus aut de amore

de amore tuo, aut de iudicio absentiam meam. quod quidam abs te, artium optimarum a pueritia studiosissimo, eo facilius debeo impetrare, quia non ego, ut alii, feriatus aestu maximo sum, non me languori, non inertiae, aut de fidiae tradidi, nec rursus quibusdam voluptatibus, quae cum ab aetate mea, tum etiam a uoluntate abhorrent, operam dedi, sed ad explanandas Ciceronis orationes ex instituto meo totus incubui. quid autem his tribus mensibus, quibus vacationem sibi quandam a negotiis plerique sumunt, ego in hoc negotij genere, omnium, ut arbitror, nobilissimo, praestiterim, cum cuperem te intelligere, ut quasi rationem otij mei redderem, feci ut ad te mitterem non quas a quo die ad te ueni orationes explicauim; ne molesta fortasse tamen magnis occupationibus, aut parum iucunda tibi copia esset; (decem enim illae omnino sunt) sed unam tantum, eamque satis breuem, pro Archia poeta, sane luculentam, & ornatam: in qua studia illa, quae ab humanitate nomen acceperunt, quibus uterque nostrum mirifice delectatur, in caelum laudibus extolluntur. Equidem spero fore, ut, quemadmodum ego, cum interpretabar, uoluptate me perfundi maxima sentiebam, sic tu, cum & ipsam orationem, & meam simul interpretationem leges, (simul enim utramque mitto) non minorem animo uoluptatem captas. quod si ita erit, uberrimum tulisse me fructum industriae meae putabo: et quod operis superest, ad id eo fiam alacrior, quo tibi magis, multas uirtutes cum litterarum gloria coniungenti, quam ceteris haec studia colentibus, placere & probari mea scripta uelim. Opto ut ualeas, meque ut facis, perpetuo diligas. Ex aedibus, prid. Kal. Oct. M D L X X I I.

AD. EVNDEM. ILL. ATQ. EXC.  
IACOBVM BONCOMPAGNVN  
IN. HYPPOLITI. CAPILVPI

V E R B A

*S*AEPE mihi, clarissime, ac prestantissime IACOBE, venit in mentem gratulari, quod Romae sim: non quod urbis ornamenta, & illa, quibus multorum oculi pascuntur, antiquitatis miranda uestigia me capiant, quae tamen nunquam contempsisti: sed quod in ea ciuitate uitam agere, quae otio, libertate, copia rerum omnium, omni denique virtute, virtutumq. principe iustitia floreat, & in hac ipsa uel eadem perpetuo, vel etiam praestantiora, GREGORIO XIIII. Pont. Max. fore videantur, ita incundum est, ut ad summam felicitatē prope nihil deesse videatur. Haec ego mecum saepe libenter cogito, multo etiam libentius, cum illud addo, frui me beneuolentia tua esse, in clientela tam illustri praestantis ingenio, honore, auctoritate iuuenis, ea nobilitate ornati, quae uera demum nobilitas est, cum ab una virtute, summisq. erga remp. studiis, ac meritis originem ducat. Nec vero, quae meae sunt partes, ne me tanto bono prorsus indignum praebeam, eas ut quisquam iure desideret, committo. quamquam enim, dispari fortuna, paria esse officia non possunt; gratiae tamen referendae facultate multae sunt. quarum illa fortasse non postrema: equidem ea vehementer delector;

tueri memoria beneficium; commemorare, ubi locus  
 est: cui debemus, eius causa velle omnia, praestare, quae  
 possumus: denique non amore, non studio, non obseruan-  
 tia deesse. Quid illud? non ad officium pertinet; atque  
 adeo insigne quoddam officij genus est, eo de homine, a  
 quo beneficium accepimus, quid alij sentiant, aut lo-  
 quatur, in primis animaduertere, et eos, qui a certo sen-  
 su, veroque indicant, benevolentia complecti; qui obtre-  
 ctant, & quibus recte iudicandi facultate adimit inui-  
 dia, ab ijs animum abducere, refellere falsa, vera prae-  
 dicare. Sed haec opinionum & voluntatum dissimilitu-  
 do, quam pauci effugiunt, in tuo statu ne accadat om-  
 nium florentissimo, tu quidem cum alijs virtutibus, tum  
 vero probitate, modestia, lenitate consequeris. vna om-  
 nium vox, vnus de tua laude sensus est. quo tamen  
 quisque sapientior, aut eruditior, eo te magis & diligit,  
 & laudat, qui cum sint multi, ex eo tamen numero  
 vidi in primis excellere magna sapientia, summa re-  
 ligione; moribus integerrimis Episcopum, poetica ve-  
 ro laude antiquis illis uatibus quam simillimum, Hip-  
 polytum Capilupum: cuius ego consuetudine, doctissi-  
 misq. sermonibus, si mihi, quantum per eius humanita-  
 tem licet, tantum per mea studia liceret, fruerer horis  
 omnibus incredibili voluptate. interdum tamen vna  
 sumus: & quia certamus amore erga te; ideo fit, ut  
 eo magis inter nos amemus. atque ille, totus ad tuam  
 amplitudinem, & gloriam incumbens, assidua tuo-  
 rum studiorum, tuarumq. laudum praedicatione non  
 contentus, cum tuae vitae rationem luculentis quo-  
 uersibus explicasset, eosq. mihi ostendisset; in quo hu-  
 manitatem



manitatem, ac beniuolentiam eius agnosco; iudicium, quo praestat, fortasse possum requirere: admiratur doctrinae varietatem, singularis sermonis elegantia coniuncta, artemque miram cum praestanti natura ita contententem, ut neutra alteram vineat, utraque pariter excellat; putavi me commode facturum, si dum animi causa propinqua loca ita peruagaris, ut a tuo comitatu Musas, elegantioresque litteras non disiungas, eos ipsos versus, nondum editos, & adhuc quasi parentis in sinu commorantes, euolare ad te sinerem, mittente me. postulat enim hoc anni tempus, ut ocium iucunda aliqua re fallatur. quod si ad iucunditatem fructus additur: quid magis expetendum? at in hoc ostufulo utrumque cognoscas, optimeque perspicias: meum autem hoc officium, ut spero, vehementer probabis. Ego interim commentarios meos in Ciceronis Orationes, biennio ante inchoatos, hieme proxima superiore ad exitum adductos perpolire conor, & ita corrigere, ut addam multa, nonnulla detrahā, pauca quaedam mutem. res est magni sane laboris, mihi praesertim, numquam intermissa tot mensium opera iam defatigato, ac paene confecto: sed addit vires Maximi Pontificis egregia benignitas, meque etiam in praeclaro munere pergentem antiquitatis illustrandae, & eam, quam suscepi, Spartam pro viribus ornantem, posteritatis temporis haud exigua spe sustentat. Vale.

F I N I S.

Manu mea expuncti falsa

vera superduxi, castig. IN-

Kal. Jun. 1856. R. eod.

y. n. Com. ed. in a. Sub. P. 115

# INDEX. EORVM

AD. QVOS. MISSAE. SVNT

EPISTOLAE.

**A** Lexader Crisp. 304  
 Alfonso Carafae ,  
 Cardinali creato . 3  
 Aloyfio Estensi, Cardina-  
 li creato. 296  
 Andreae Antonio. 470  
 Andreae Gostinio . 338  
 Andrea Patricio . 198.  
 200. 264.  
 Andreae Siluio . 316  
 Andreę Zebridouio, Epif-  
 copo Cracouiensi. 175  
 Antonio Augustino . 71.  
 72. 73. 74. 77  
 Antonio Furnario . 352.  
 353. 354. 377. 389. 415.  
 459. 460. 461. 514. 523.  
 524. 525.  
 Antonio Merlo . 235  
 Antonio Merulae . 378.  
 413  
 Antonio Possuino . 43  
 Antonio Rolado. 284. 489  
 Antonio Verantio, Epif-  
 copo Agriensi 173  
 Augustino Angelello. 422.  
 441. 442. bis. 534

**B** Artholomaeo Ric-  
 cio . 69  
 Benedicto Accolto Cardi-

nali . 227. 229. 230  
 Benedicto Rhamberto. 77  
 Bernardino Mafacio, Epi-  
 scopo. creato. 27  
 Botuito Nericio. 440  
 Brancondio Ophidano .  
 535

**C** Aesari Ferrantio. 104  
 Caesari Orlando. 531  
 Camillo Caetano. 509  
 Camillo Palacotto. 257.  
 359. 361. 389. 472. 475.  
 477. 494. 496. 498. 500.  
 502. 516. 517. 518. 519.  
 520. 522.

Carolo Borromaeio, Car-  
 dinali 398  
 Carolo Sigonio 288  
 Christophoro, Baroni Lob-  
 couicio. 417  
 Christophoro Madrutio,  
 Cardinali . 39  
 Christophoro Rufo . 365  
 Christophoro Saxo. 331  
 Claudio Strambouio. 408  
 455

Colae Antonio Caraccio-  
 lo, Marchioni Vici. 323  
 Pro collegio Canonicoru  
 D. Petri, Sereniss. Regi-  
 nis Austriis. 451

Decio

D

**D** Ecio Bracaleoni. 350  
351  
Dionysio Lambino. 203.  
266

F

**F** Abio Stellae. 80. 81  
Federico Gallo. 278  
Federico Viualdo. 419  
Ferdinando Gatulae. 375  
Francisco Cicerio. 478  
Francisco Gonzagae. 42  
Francisco Lusino. 31  
Francisco Mancino. 382  
Francisco Molino. 118  
Francisco Morando. 209  
340. 471

Francisco Plantedio. 411  
447

Francisco Richardoto, Epi-  
scopo Atrebaten. 309

Francisco Robertellio. 302

Francisco Vargae, Caroli  
V. Imp. oratori. 53

**G** Abrieli Catiano. 29

Gaspari Cotareno,  
Cardinali. 226

Gulielmo Paccio. 246

Gulielmo Sirletto, Cardi-  
nali. 466. 467

H

**H** Annibali Caro. 107.  
109. 110. 111

Hannibali Crucio. 234.  
504

Henrico, & Camillo Cae-  
tanis, fratribus. 484. 508

Herculi Ciofano. 444. bis.

Hieronymo Caprae. 503

Hieronymo Faletto, Her-  
culis, Ferrariensium Du-  
cis, oratori. 56

Hieronymo Furnario. 94

Hieronymo Lippomano.  
45. 49. 50

Hieronymo Rubeo. 452

Hieronymo Scripando,  
Cardinali creato. 295

Hippolyto Capilupio, Epi-  
scopo Fanensi. 291

Hippolyto Estensi, Cardi-  
nali. 116

Horatio Cardaneto. 329.  
372. 488. 510.

Horario Morono. 512

Horatio Ursino. 271  
I.

**I** Acobo Boncompagno.  
491

Iacobo Falconio. 414. 324

Iacobo Gorscio. 448

Iacobo Grifolo. 232

Io. Antonio Seroni. 324

Io. Antonio Turoneo. 275

Io. Antonio Vulpino. 425

Io. Baptistae Arcucio. 415

Io. Baptistae Iuuatio. 457

Io. Baptistae Oliuo. 450:

Io. Baptistae Pastorio. 85

Io. Baptistae Pignae. 238

Io. Baptistae Rasario. 282

Io. Baptistae Rhamnuso,

X uirum Consilii a secre-

titis. 149

Io. Baptistae Saracio. 298

Io.

Io. Baptistae titio. 319. 367 161. bis. 162. bis. 163. 164  
 Ioanni Caselio. 374. 383. 166. 167. 168. 169. 355. 7  
 392. 446. 486. mario corrado. 78. 220. 344  
 Io. Cratoni a Crafftheim. 345. 368. 370. 380. 409.  
 434. 436. 437. 506. 526. mario Nizolio. 65. 335  
 Io. Frâcisco Commêduno, martino Berzeuicaco. 515  
 Cardinali creato. 364 matthaeo Senaregae. 468  
 Io. Frâcisco cremonae. 407 maximo Zabrerac. 532  
 Ioanni Genuae. 367 michaeli Sophiano. 236  
 Io. Morono, Cardinali. 463 michaeli Turriano, Cene-  
 Io. Sambuco. 222. 224. 240. tensi Episcopo 170  
 Io. Sario Zamotcio. 312. mucio Calino, Episcopo In-  
 316. 527 teramnac. 387

Io. Turritiano. 317. 121  
 Io. Vincentio Pinello. 180  
 Iulio Bellogrado. 294  
 Iulio Iusto. 341  
 Iulio Pogiano. 268

## L

**L** Aeuino Torrentio. 95  
 210. 260

Laurétio Gâbarac. 212. 244  
 Lazaro Bonamico. 245

## M

**M** Arcello Ceruino,  
 Cardinali. 24

Marco Antonio Ciofano.  
 445. 511. 534

Marco Antonio Lombardino. 99

Marco Antonio Mureto.  
 119. bis. 121. 122. 124. 125

127. bis. 129. 130. 131. 132  
 133. 135. 136. bis. 137. 129

140. 141. 142. bis. 143. 145  
 147. 189.

Marco Antonio Nattae. 151  
 154 155. 156. 157. 158. 160

**N** Icasio casletano. 293  
 327. 416

Nicolao Caetano, Cardinali. 432

Nicolao Gotio. 311  
 Nicolao Nathanaelo. 213

## O

**O** ctaviano Ferrario:  
 259. 273. 274. 281.

481  
 Octaviano magio. 113

Octavio Sammarco. 381.

## P

**P** aullo Contareno. 34  
 Paullo Lupo. 428

Paullo magnulo. 247. 248.  
 240

Paullo Sacrato. 300. 357  
 Paullo Stêponio. 404. 435

Paullo Tachono. 450  
 Petro Celso. 221

Petro mafacio. 356  
 Petro misconio. Sarmataru

Regi cõfiliario. 276. 262.

314. 418.	Vincentio Giliano. 207
Petro Perpiniano. 371.	Vincentio Macario. 406
392.	Vincentio Riccio a Spec-
Pio IV. Pontifici creato. 253.	426. 427. 428. bis. 429. 430.
Pio IV. Pontifici Max. 395	Vincentio Stellae. 85. 87
R	Z
Ainutio Farnesio, Car-	Z
dinali creato. 1	Erbino Ritio. 374. 87.
Romulo Ceruino. 41. 205	* 88. 89. 91. 93. 185.
S	188. 189. bis. 190. 191.
Sebastiano Leoni. 96.	bis. 192. 193. 195. 196.
250.	197. 201. 204. 215. 216.
Siluestro Aldobrandino. 251.	217. 242. 332.
Silvio Antoniano. 67	* Episcopo creato. 347
Stanislao Fogeluetrio. 265	Scriptit hanc, rogatus a no-
Stephano Saulio. 5. 10.	bilissimo viro. 305
15.	Scriptit hanc, a Principe
V	rogatus. 399
Berto Folietae. 528	Ex libro de quattuor Re-
Vibo Fabro. 21	buspub. 57
Vido Gualterio. 386	Proemium libri de Magi-
Vido Lolgio. 106	straribus Romanis. 100
Vido Pancirolo. 184	Ioannes Crato Paulo Ma-
	nutio. 433

# INDEX . E O R V M

## AD. QVOS. MISSAE. SVNT

### PRAEFATIONES

<b>A</b> D Alexandrum Cae-	Ad Hieronymum Faletū
farinum, Card. 15	Herculis, Ferrariensium
Ad Alphonsum Carafam,	Principis, oratorem. 66
Antonii, Marchionis Mō	Ad Hippolytum Estēsem,
tis belli F. 39	Card. 59
Ad Aloysiū Garsoniū. 90	Ad Illust. atq. Excell. Iaco-
Ad Antoniū Aelium, Po-	bū Boncōpagnū. 124. 128
lae Episcopum. 50	Ad Ioannem Monlucium,
Ad Antonium Carlonem,	Regis Gallorum orato-
Allifarum Principem 95	rem. 17
Ad Antonium Triultium,	Ad Ioan. Moruilleriū, Re-
Card. 84	gis Gallorum orat. 56
Ad Benedictum Accoltū,	Ad Isabellam Villamari-
Card. 9	nam Salernitani Princi-
Ad Benedictum Rhamber	pis coniugem. 71
rum. 23	Kalendarii Romani prae-
Ad Carolum Borromae-	fatio. 63
ium Card. 112	Ad Marcellum Ceruinum
Ad Carolum Pisaurum. 5	Card. 31
Ad Clementem. Monilia-	Ad Matthacum Senarc-
num, Card. 121	gam, 1
Conciliū Tridentini prae-	Ad Michaelem Ghisleri-
fatio. 120	um, Card. 92
Ad Diegum Hurtadum de	Ad Paulum Rhamnusium.
Mendoza, Caroli V. Imp.	77
orat. 26	Ad Pium 1v. Medicem
In librum Francisci Var-	Pon. Max. 98
gas. 109	Ad Rainutiū Farnesium,
ad Gulielmum Bellaiū Lan	Card. 35
geum, apud Subalpinas	Ad Torquatum Bembum,
gentes Proregem. 12	Petri. F. 74







che

2

7



